



GASPERIS SCIOPPII GRAMMATICA PHILOSOPHICA

Non modò Tironibus linguæ latinæ ad artem illam unò trimestri perfectè addiscendam, sed & Latinè doctissimis ad reddendam eorum rationem, quæ legunt aut scribunt, in primis utilis, vel necessaria:


*Accessit Prefatio de Veteris ac Novæ Grammaticæ
Latinæ origine, dignitate & usu.*

Editio nova beneficiâ V.A. PETRI SCAVENII
plurimis in locis nunc demum insigniter aucta
è schedis ipsius auctoris, à quo omnia,
paulò ante mortem, accuratius
recognita & emendata.



AMSTELÆDAMI,

Apud JUDOCUM PLUYMER Bibliopolam,
M.DC.LXIV.



Clarissimo, Doctissimoque

V I R O


D. THEOPHILO HOGERSIO,

Juris Consulto & Humaniorum Litera-
rum Daventriæ Professori

Dignissimo

P. S. D.

7 O D O C V S . P L V Y M E R .

C I O P P I A N A M Gramma-
ticam, tantò Desideriò olim
in hoc & Vicinis gentibus ex-
petitam, tantòque studiò,
quum ante non multos annos à me ede-
retur, exceptam, exemplarium penu-
rià & desiderantium Votis admonitus
denudè prælis subjiciendam statui. Com-
modum verò accidit, ut, dum Novæ
huic editioni manus admoveo, copia
mihi quasi divinitus fieret exempli, quod
doctus Danus ad Scioppianum *αὐτίκα*
multis modis auxerat, & emendaverat;
ut tali facie nunc prodeat hæc Gram-
matica, quam ipse S C I O P P I U S illi
induerat, quum ultimam manum ei im-
posuisset; sic excultam & mutatam ab




illâ editione priore ad te fero , Vir Do-
ctissime , quia tu unus omnium optimè
de his litteris existimare potes , ad quas
magnâ curâ & magnis processibus in
florentissimô gymnasiô , ac in celeberrimâ
cathedrâ , tam propter tui nominis ,
quam prædecessorum tuorum G R O-
N O V I I & G R Æ V I I decus & fa-
mam , bonæ mentis adolescentes insti-
tuis ; & quia multis nominibus tibi sum
obstrictus. Habe ergo hoc meæ erga
te Observantiæ , & Amoris , signum , &
meis curis , quas bono litterario dedica-
vi , porro fave ; Amstelodami Kal. Au-
gusti , 1684.

IN-

INDEX LIBRORUM
GASPERIS SCIOPPII,

Quos de Latinæ Linguæ, & Lite-
rarum præsertim humaniorum stu-
diô conscripsit.

*Quæ asteriscô * notantur, Amstelodami apud
JUDOCUM PLUYMERUM
Prestant,*

- * I.  *Grammatica Philosophica
pro Lat. Linguæ Magi-
stris & Tironibus; ut sci-
licet Tirones Magistri, Magistri au-
tem Tirones fiant. Mediolani, 1628.
Nova ejus editio, quam hic da-
mus, beneficiô V. Ampl. Petri
Scavenii plurimis in locis insigni-
ter aucta & recognita ex sche-
dis ipsius Auctoris. Amstelod.
1664.*

- * 2. *Mimerva Sanctiana, hoc est,
Francisci Sanctii Brocensis de Lin-
guæ*

guæ Latinæ causis, ipsi etiam Cicero-
ni, Varroni, Quintiliano ignotis, Com-
mentarius: cum observationum Sciop-
pianarum auctariô. Patavii 1663.
& multô correctius Amstelod.
1664.

* 3. *Paradoxa literaria*, in quibus mul-
ta de literis novè contrâ Ciceronis,
Varronis, Quinctiliani, aliorumque
literatorum hominum, tam veterum,
quam recentiorum sententiam dispu-
tantur, sub nomine Psc. Grosippi.
Mediol. & Amstelod. 1659.

* 4. *Auctarium Grammaticæ Philoso-
phicæ*, in quô etiam de Lexicorum
Latinorum virtutibus, ac vitiis, quæ-
que ratio in conficiendô linguæ Lati-
næ thesaurô tenenda sit distinctè dis-
seritur. Mediolani 1629. & Am-
stel. 1659.

5. *Rudimenta Grammaticæ Philoso-
phicæ in usum Tironum*. Ibid. 1629.

6. Mer-

6. *Mercurius bilinguis*, sive nova & compendiosa ratio Latinae, aut Italicae linguae intra vertentem annum perdiscendae, in eorum usum, qui alterutram linguam jam intelligunt. Mediolani.

7. Septem rationes, quae religionem seu scrupulum Episcopis injicere debent, ne veterem Grammaticam diutius in scholis tolerare, sed novam in eas inducere velint.

8. Editiones novae aliquot auctorum, Cornelii Nepotis, Velleii Paterculi, & Dictys Cretensis, cum Indicibus novis ad observandi & excerpendi rationem usui futuris.

* 9. *Priapeia*, sive diversorum Poetarum in Priapum lusus, cum Commentariis Gasperis Scioppii Franci. Francofurti. 1601.

10. *Propædia Rhetoricæ*. Opus novum omnibus, non modò Rhetoricæ, &

*Poëticae Studiosis, sed & auctores quâ
sacros, quâ profanos cum studii sui
pretiô legere cupientibus in primis con-
ducibile. Cujus fragmentum de
Exercitationibus Rhetoricis e-
ditum est Mediolani. 1629.*

*II. Elementa Philosophiæ Stoicæ Mo-
ralis, quæ in Ciceronem, Senecam, Plu-
tarchum, aliosq; veteres Commentariû
locô esse possunt. Moguntiae anno
1606.*

** 12. Consultatio de studiorum ratio-
ne, deque Prudentiæ & Eloquentiæ
parandæ modis: Patavii & Amste-
lod. 1660.*

** 13. De naturâ, & officiô Historiæ,
deque virtutibus & vitiis styli Histo-
rici. Item.*

** 14. Infamia Famiani: sive castiga-
tiones Famiani Stradæ rerum Belgi-
carum Scriptoris, Soræ Danorum.
1658. & Amstelod. 1662.*

15. Mi-

15. *Miscellanea Latini sermonis, in usum eorum, qui interiores literas cognoscendi desiderio tenentur.*
16. *Observationes novæ Latini sermonis ex Plautô, Varrone, Vitruviô, veterum poëtarum fragmentis, Livio, Hyginô, Phadrô, Celsô, Ascôniô, Curtiô, Senecis, Quintilianô declamatore, Justinô, aliisq; auctoribus.*
17. *Observationes juveniles Lat. Lingue pro tironibus ad imitationem Ant. Schori Helmstad. & alibi in Germaniâ.*
- * 18. *Animadversiones in V. Cl. Ger. Io. Vossii librô de Vitius Sermonis. Ravennæ 1647. & Amstel. 1660.*
- * 19. *Verisimilium libri quatuor. Norimbergæ 1595 & Amstel. 1662.*
- * 20. *Ars Critica, sive mendosos Latinorum auctorum locos ex ingenio emendandi ratio. Ibidem 1596. & Amstelod. 1662.*

* 21. *Suspectarum lectionum libri quinque.* Ibidem 1597. & *Amsf.* 1664.

* 22. *Symbola Critica in L. Apuleii Opera.* Ibid. & *Amstelod.* 1664.

23. *Hercules Coprophorus*, in quò virorum doctorum, qui nostrà, aut patrum nostrorum memorià maxime videntur latine scripsisse, plurimæ corruptæ & vitiosæ locutiones notantur & castigantur. Laudat librum illum in *Alexipharmacô* suo & aliquid ejus generis inter reliquias schedarum *Patavii* extat.

24. *Thesaurus Scioppianus*, sive *Romanæ Eloquentiæ Promptuarium.* Auctores quibus in hoc promptuario Sciopp. perpetuò usus est *M. TULLIUS CICERO*, *M. ACCIUS PLAUTUS*, *P. TERENTIUS*. Quibus frequenter usus est *T. LUCRETIVS CARUS*, *CORNELIVS NEPOS*,

POS, TITUS LIVIUS. Quibus rarius usus est. Omnes Philosophi, Medici, Oratores, Jurisconsulti, Historici & Poëtæ Latini: ex his enim nomina, & omnium ferè rerum appellationes excerptæ hìc leguntur. Cujus operis quia summa est omnium literatorum hominum expectatio, ne nimis facili spe ducantur, monere visum est, hæcenus nihil certò promitti posse, sed expectari & quotidianis votis expeti ab humanitate celeberrimi Viri Io. Michaëlis Pieruccii antiquum jus Patavii magnâ cum laude publicè docentis.

25. *Philotheca Scioppiana, sive Gasp. Scioppii Narratio annis distincta de Benefactoribus, amicis & familiaribus suis, quos in omni vitâ habuit. Servatur Patavii inter* *manuscriptos.*

26. Sym-

26. *Symmartyria Scioppiana*, hoc est,
Pontificum, Imperatorum, Regum, Prin-
cipum, & primariorum virorum CON-
TESTATIO De Gasperis Scioppii
ingeniô, studiis, moribus & consiliis. Ac-
cessit Catalogus librorum Scioppii, quos
editioni paratos habet cum professione fi-
dei suæ. Latet eodem locô.

Cætera ejus Theologica, Politica, Satyrica
opuscula parum moramur, & huc non
pertinent, maligna partim, partim
vana: excipimus tamen αλλὰ πικρὰ
quædam, quæ typis aut commisit
ipse, aut parata heredi reliquit: in
quibus facile familiam ducunt Ma-
chiavellica, sive Apologia duplex, qua-
rum priore Rom. Ecclesiæ de Nicol.
Machiavelli libris decreta defendun-
tur: posteriore ejusdem Machiavelli
innocentia propugnatur. Hoc opus
Patavii privatis parietibus custoditur
cum cæteris. Ejusdem Pædia Politica
edita est Romæ & Mediolani 1624.

DE
VETERIS,
AC NOVÆ
GRAMMATICÆ
LATINÆ ORIGINE,

dignitate, & usu.

Etsi nullam ipse in puerili ætate meâ Grammaticam Latinam didici, sed octo jam annos natus, post nominum verborumque declinationes memoriæ mandatas, ex quotidianâ Latinè loquentes audiendi, loquendique consuetudine, sex admodum mensium intervallô unâ cum multis condiscipulis & convictoribus meis tantum profeci, ut quicquid ætatis illius usus posceret, non multô minore negotiô vernaculâ, quam Latinâ linguâ enunciare possem: etsi etiam procedente ætate assiduâ *Ciceronis, Cæsaris, Livii, Plauti, Terentii, Nepotis, Virgilii, Lucretii, Horatii, Catulli, Tibulli, Properti & Ovidii* lectione eam Latini sermonis non quidem facultatem, sed intelligentiam certè consecutus mihi videbar, ut, cur cognoscendis Grammaticorum præceptis quicquam operæ consumerem, ratio nulla esset: postea tamen quam in *Hispaniâ in Francisci Sancti Brocensis*, viri omnium divinarum & humanarum rerum

✱✱

scientiâ

scientia admirandi, *Minervam*, sive *Librum de lingua Latina causis* incidi, in eoque aliquot errorum millia Grammaticis impingi, acriterque exagitari comperi, non ego jam me continere potui, quin per otium subinde Grammaticorum libros evolverem, ut quò jure, *Sanctio* vapulassent, exploratò judicare possem. Sic factum est, ut veteres omnes quotquot ante mille hos annos aliquid in eâ arte literis consignatum reliquerunt (qui quidem duobus voluminibus *Frankfurti* anno M. DC. V. editis continentur) tum recentiorum complures, ut quisque in *Hispaniâ*, *Galliâ*, *Germaniâ* & *Italiâ* præter cæteros in eâ præstitisse visi sunt, cognitos haberem. Inter quos, ut verum fatear, *Emmanueli Alvaro* primas deberi animadverti: nam & ipse longè cultius dicendi genus, quam non dico veterum quisquam (nam illi pessimè omnes Latinè scripserunt) sed quam recentiores plerique in arte tradendâ præstitit, & ea ex optimò quòque veterum auctorum exempla seligere curæ habuit, quibus regulæ artis plurimum stabiliri & sine negotiò à tironibus intelligi possent. Verum enim quoniam ille à veterum Grammaticorum præceptis, omnium præsertim consensu traditis, discedere religioni habuit, effugere non potuit, quin eosdem ferè omnes errores, quos in aliis *Sanctius* agitavit, in ipsius quoque arte inveniamus. Hæc porrò res desiderium mihi iniecit cognoscendi, cum originem tam vitiosæ artis, tum tantarum vi-

rium

rium causam, quantas oportet eas fuisse, quæ mille quingentis annis amplius ipsam artem tueri potuerint. Oportunè autem in manus meas *Suetonii* de illustribus Grammaticis libellus incidit, cujus secundò capite id quod quærebam, satis planè traditum inveni. Sic enim scribit ille :

Primus quantum opinamur studium Grammaticæ in Urbem intulit Crates Mallotes Aristarchi equalis, qui missus ad Senatum ab Attalò rege inter secundum ac tertium bellum Punicum, sub ipsam Ennii mortem, cum in regione Palatii prolapsus in Cloacæ foramen crus fregisset, per omne legationis simul & valetudinis tempus plurimas Acroases (id est, prælectiones) subinde fecit, assiduèque disseruit, ac nostris exemplo fuit ad imitandum.

Hæc ergo ut legi, minimè jam mirandum mihi visum est, tanti flagitii erroribus inquinatam esse veterem Grammaticam, quæ omine tam malò ex Cloacæ foramine unà cum claudò magistrò emerferit. Neque verò admirabile duxi ne illud quidem, *Cloacinam* istam Grammaticam inde ab eò, quò *Romæ* primum exorta est, tempore ad hanc usque diem per ipsos M. DCC. XCVI. annos inconcussam perstitisse, & omnium non tironum modò, sed & ipsorum eloquentiæ Latinæ principum ingenia excarnificare potuisse. Jus quippe gentium violare sibi Romani videbantur, si hanc invecctam à Regiò

Legatô artem parum cômiter habuissent, cum præsertim Regi *Attalo* tantum se devinctos agnoscerent, quippe qui regnum suum testamentô ipsis legasset, aditumque eô pactô ad *Asia* totius imperium mox armis vindicandum patefecisset.

Hôc locô exaudire jam videor, qui mihi dicat: Quæ (malum!) tua ergo est temeritas novam istam *Sanctii* Grammaticam orbi universo obtrudentis? tamquam fieri possit, ut eam locô moveas, quam tantâ cum auctoritate Romæ ortam mille octingentis annis perdurasse tutemet confiteris? Accipe ergo benevole Lector, quæ res spem mihi afferant, fore ut *Cloacina* illa huic *Sanctiana* locum mox cedere necesse habeat. Longè major videlicet hanc, quam illam, commendat auctoritas, cumque primum novæ hujus utilitas fuerit cognita, nemo tam fatuus fore videtur, ut fruges divinô beneficiô inventas aspernatus victitare malit.

Glandibus, & purarursum procumbere lymphæ.
Nam quod ad auctoritatem attinet, tantum abest, ut hæc illi concedere debeat, ut ad hanc illa ne comparanda quidem videatur. Illam scilicet *Attali* quidem Regis legatus, sed idem tamen homo Grammaticus ex cloacâ, in quam prolapsus fuerat, unâ cum fractâ tibiâ extulit. At *Sanctianam* ipse Romam ex *Clarissimâ Europæ* Academiâ, quæ *Salmantica* est, attulisse me gloriôr, nihil prorsus veritus, ne cujus erga Ecclesiam & remp. *Christianam*
merita,

merita, Pontifices, Imperatores, Reges, Principes, & optimus ac doctissimus quisque, privatis publicisque tabulis, tam magnificè prædicant, & quisquam hominem *Grammaticum* ex *Cloacâ*, in quam prolapsus fuerat, cum fractâ tibiâ emersum, vel potius fune subductum, præferendum contendat, nam quod quis eundem *Attali Pergameni* Regis legatione apud *Romanos* functum fuisse dicat, nihilò vincibiliorem eâ re Artis ejus causam fecerit, cum & ipse *Romæ* Principis *Attalô* haud paulò majoris, hodierni scilicet Imperatoris nostri Augustissimi Legationem apud *Paulum V.* obie-
rim, & Catholici fœderis fundamenta jecerim, cui fœderi multorum Regnorum ac Provinciarum salutem, & Catholicæ fidei in universâ pœnè *Europâ* conservationem, omnium intelligentium consensus superioribus annis non dubitanter acceptam referebat, nec minùs hodiè quoque referret, nisi fidelium meorum monitorum contemptum Deus regnorum clade, & provinciarum excidiò, atque urbium & opidorum strage vindicandum censuisset. Quò minus dubito, quin illi saltem, qui tanti quidque pendere solent, quanti ejus auctorem & adstipulatorem faciunt, *Cloacinam* illam Grammaticam illuc tandem, unde emerfit, jubeant
χαλκῆς, ἀφ' ἧς ἐκέρχεται ὁ δαίμων, quod est *Cicerone* interprete, *Efferre latò prosequentes omine.*

Multò tamen magis de cæteris hoc mihi polliceor, qui utriusque veteris & novæ hujus

Grammaticæ commoda , quæ inde peti possunt , inter se contendere voluerint. Veterem enim nec magnopere discentibus prodesse , & non minimum etiam nocere deprehendent. Prioris argumentum est , quod nec ullum discendi compendium , nec (*διήκον*) certitudinem præstet. Si enim in illis , qui artem meliorem , quam cæteri , ordine & elegantiam scripsisse judicantur , numerum inire velint , de solâ *Nominum , Verborum & Participiorum* Syntaxi plus quingentas regulas traditas invenient , quibus ediscendis haud scio an quinquennium solidum satis sit. Sed etiam cum quis eas memoriam mandarit , tamen vel propter earum turbam , vel propter tot exceptiones , quibus potestas earum restringitur , semper hæsitet animique incertus sit , necesse est , cum meritò vereatur , ne aliqua ei sive regula , sive exceptio , sive appendix effluxerit : quo accedit , quod ipsi quoque qui *Ciceronis* æquales , aut suppare fuerunt Grammatici , apertè tulerunt regulas suas plerasque ab optimo quodque linguæ auctore parum observari : id quod ipsis eorum verbis in medium allatis *Paradoxa* nostra *literaria* ostendunt. Hinc porro fieri nequit , quin sibi diffidant , qui regulas easdem didicere , jureque adeo metuant , ne cum maxime ex artibus præscripto fecerunt , bonorum auctorum multum dissimiles inveniantur. Damna porro quæ id genus regulæ discentibus afferunt , jacturâ cum temporis , tum rei familiaris , tum deni-

denique existimationis spectantur. Primum enim non ferè ante quintum vel sextum annum addiscuntur, cum interea sine ullis præceptis vel usu solò (quemadmodum de me meisque condiscipulis retuli) Latinæ linguæ notitia acquiri potuisset, adeoque tempus, quod gravioribus addiscendis impendi poterat, in primæ elementis conteritur: quâ quidem haud scio an major fieri jactura possit. Simul tamen tot annorum impensis res plerorumque familiaris atteritur, ut primæ istæ literulæ majoris etiam contentent, quam vel Philosophiæ vel Theologiæ, aut Jurisprudentiæ studia. Tandem cum quis ætatem in literis omnem exegerit, magnumque nomen, & si forte Principatum multis & egregiis libris editis comparârit, non erit nullò prorsus periculò, cum ei vel scriptorum à se rationem reddendi necessitas, vel judicii de alienis faciendi occasio in hominum doctorum congressu evenerit, ne regulis illis veteris Grammaticæ in errorem inductus aliquid flagitii faciat, ea respondendò, quæ vix quoquam literarum tirone satis digna videantur. Hoc ipsum certe viro sine controversiâ doctissimo & disertissimo usu venit, qui rogatus cur à me, Græcò more *latet me* potius, quam Latinò *latet mihi* scripsisset, se verò Latinè scripsisse *Plinii* auctoritate ab *Alvarò* relatâ contendit. Sed postquam ei reposui, minimè locupletem Latinitatis auctorem esse *Plinium*, neque nos verbis ejus aliter, quam ab

inopiâ uti, quando scilicet Latinas rerum appellationes unde petamus alium habemus neminem; cum *Quintilianus* ætate illâ totum prope modum sermonem in deterius mutatum esse apertè tulerit. Sed rectius eum hõc *Virgilii* exemplò usurum fuisse: *Nec latuere doli fratrem Iunonis & ira.* Etsi non idem aliis, quod in versu poëtis permittitur, ut liberius græcissent: nam *Varonem* aliàs pro consuetudine bene loquentium *latet mihi* dixisse (ut lib. 8. de linguâ latinâ: *Similia non solum à facie dici, sed etiam ab aliquâ conjunctâ vi, quæ & oculis & auribus latere soleat*) aliàs more suò extra *Latium* peregrinantem *latet me*, ut lib. 1. rei rust. cap. 40. *Unum genus seminis, quod latet sensum nostrum: alterum, quod apertum.* Sed nullò genere melius hoc ab eò dictum esse, quam quod ibidem sequitur, *Illud quod apparet ad agricolas*, pro *agricolis apparet*, aut *pater*, aut *apertum est*. Meminisse eum debere, quid in *Brutò Tullius* monuerit, suâ scilicet ætate, linguam latinam corrumpi ab iis cœptam, qui à peregrinis, qui in urbem confluxerant & inquinatè loquebantur, non satis cavissent: adeoque operam iis, qui diligenter loqui velint, dandam esse, ut antiquitatem imitentur, & rationem tanquam obrussam adhibentes à similitudine se Græcæ locutionis abstrahant, & consuetudinem vitiosam & corruptam purâ & incorruptâ consuetudine emendent. Cui *Ciceronis* monito si paruisset, facturum *Varronem* fuisse,

fuisse, ut ipsius *Ciceronis*, *Lucretii* & *Planti* ex-
 emplô loqui mallet. Esse verò hoc *Ciceronis*
 post reditum in Senatu: *Ubi nobis hac auctori-
 tas tam diu tanta latuit.* Et *Catil.* 1. *Nihil mo-
 liris, quod mihi latere valeat.* Hoc autem *Lu-
 cretii* lib. 3. vers. 280. *Sic tibi nominis hac ex-
 pers vis facta minutis corporibus latet.* Hoc de-
 nique *Planti* *Trin.* act. 4. sc. 2. *Quid ergo ille
 mihi latitabat.* Ad has auctoritates & optimæ
 ætatis consuetudinem accedere rationem, quæ
 non magis patiat, ut dicas *latet me*, quam *pa-
 tet me*, cum utrumque eodem modô verbi sub-
 stantivi vim in se contineat, nec aliam, quam
 internam actionem & foras non transeuntem si-
 gnificet. Est enim hoc apertum, illud occul-
 tum esse, ac propterea fieri non potest, ut aliud
 quam internum & (ut *Logicorum* linguâ utar)
 essentialem ac formalem accusativum adsciscat,
 qui *Nomine verbi*, velut *Grammatici* vocant,
 hoc est verbô infinitô nominis vim habente si-
 gnificatur, *latere* puta & *patere*, quasi dictum
 sit: *Hac res latet mihi latere*, id est, *latebram*
 seu *latens abditumve negotium*, & *patet mihi*
patere, id est, *patens*, seu *patulum aut propatu-
 lum negotium*: quô modô in hóc: *Fulminat illa*
oculis & quantum femina sevit, subauditur *se-
 vum*, hoc est, *sevum negotium*, rem *sevam*,
 ut *Horat.* *Fortuna sevô leta negotiô*, id est, *que*
sevitiâ letatur: ex quô discamus licet, in *Dul-
 ce* ridet, *amarum* renidet, *turbidum* latatur,
lucidum fulgent oculi, subaudiri *negotium*, quod

Latinis illud ipsum, quod *res*, Græcis *μεῖνυα*
 aut *ῥῆμα* significat. Sicut ergo *vivere* alium
 accusativum regere nequit, quam cognatum,
 sive apertum, sive tectum, cum interna sit ejus,
 quæ significatur, actio (ut *Vivere vitam. Vi-*
vere bacchanalia, id est, *vitam qua bacchana-*
liorum tempore vivi solet) similiter nec *latere*
 aut *patere*: adeoque illud *latet me*, pariter ra-
 tioni ac meliorum auctorum consuetudini ad-
 versatur. Sed quoniam Græcum *λῆθω, ληθῆναι*,
 unde *lateo* formatum videtur, actionem exter-
 nam significat, non aliter, quam Latina *fu-*
gio & pratero, hinc factum est, ut multi nati-
 væ ac vernaculæ loquendi consuetudinis pa-
 rum observantes, sicut *fugit* aut *praterit me*, si-
 militer & *latet me*, dicere cœperint; quo-
 modo Græci, *ἔμ' οὐ λῆθαι, non me latet*. Hæc
 talia cum ex me vir ille literatissimus audisset,
 ipsius mihi *Ciceronis* auctoritatem impegit,
 cujus oratione pro *Syllâ* perspicuè scriptum aje-
 bat: *Lex dies fuit proposita paucos, ferri cœpta*
numquam, posita est in Senatu, populum Ro-
manum latuit. Sed eâ re turpem antiquita-
 tis ignorantiam prodidit, qui nesciret, nec
Populus Romanus, nec *Res publica* ullô casu
 integrè à veteribus perscribi, sed notari tan-
 tum solitum, ut esset *P. R. & R. P.* id quod
 omnes illi, qui veterum monumentorum usum
 habent, verissimè à me dici fatebuntur. Itaque
 in veteribus *Ciceronis* libris fuit: *P. R. latuit*,
 quod jam vernaculæ & incorruptæ Latinitatis
 periti

periti non accusandi, sed dandi casu legendum esse sciunt.

Paris flagitii est, quod tot disertissimi homines libris editis ab *Austrius*, *Castrius*, & id genus aliis vocandi casum formant in i exeuntem. Sic enim palam faciunt, se quid nomen proprium, quid appellativum seu commune sit, prorsus non intelligere. *Austrius*, *Austria*, *Austrium* nomen possessivum est, ab *Austrô* derivatum, quod nomen ejus provinciæ proprium est, quæ olim *Pannonia* superior, hodie *Austria* vocatur: pro quô alii *Austriacum* dicere malunt exemplò *Homeriaci*, *Iliaci*, *Olympiaci*, *Corinthiaci*, *Hellepontiaci*, *Titaniaci*, ac similitum. *Castrius*, *castria*, *castrinum* nomen est similiter possessivum ab aliô communi nomine *Castrum* derivatum, pro quô alius *Castrensis* dixerit. Jam satis apparere arbitror, si quis *Ioannes Princeps Austrius*, aut *Franciscus comes Castrius* vocetur, valde imperitè appellationes illas pro nominibus propriis haberi, quippe quæ tot aliis rebus sint communes. Sunt enim *Austrii* populi. *Austria* terra. *Austria* oppida, similiterque *Castrii* aut *Castrenses* homines, *Castria* edes, *castria* tecta. Si quis autem hominum tali cognomine designetur, id per *Tropum* fieri nec pueri ignorant, qui est *Synecdoche* totius pro parte, & quidem illa ejus species, quam *Antonomasiam* Rethores vocant: quô pactò & *Apostolus*, pro *Paulô* & *Philosophus*, pro *Aristotele*, & *Poëta*, pro *Virgiliô* dicitur. *Tropus* autem non natu-
ram

ram verbi, sed significationem modò mutat, adeoque nec *Austrius*; nec *Castrius* communia esse desinunt, etsi ad hunc vel illum ab *Anstrô*, aut de *Castro* hominem significandum adhibentur. Certè si quis Romanorum aut *Salamine* expugnatâ, aut *Rhodô* sub ditionem redactâ *Salaminii* aut *Rhodii* cognomine insignitus fuisset, nemo ei bonâ cum *Orbilii* gratiâ, ô *Salaminii*, ô *Rhodi* diceret, sed ô *Salaminie*, ô *Rhodie*, quemadmodum *Iovi Saturni* filio *Saturnie*, *Evandri Pallanti Evandrie*, *Telamonis Ajaci Telamonie* dicendum esse rectè Priscianus monet: quâ de re tam perspicuâ me verbum facere piguisset, nisi maximi nominis viros in eò errasse, quosdam etiam, in quibus est *Hieronymus Alexander*, pertinaciter pro errore tam deformi propugnare animadverterem.

. Non minus turpiter se dedit vir omnium confessione eruditissimus, *Antonius Quarengus* qui versuum, quos scribit, latinitate atque cultu non temere cuiquam Augustæi ævi priores concedat, cum in elegiâ *Virginii Casarini*, herois illustrissimi, verèque literarum Phœnicis, quam de Serenissimi *Bavariæ Ducis* victoriâ, *Bohemicâ* conscripserat, solœcismi insimulavit, quod ibi legebatur.

privata silebo

Damna: queri nobis publica causa vetat.

Sic: licet me facere, & mihi facere. Cicer. 5. Verrin. Hodie Syracusanum in eâ parte habitare non licet. Virgil. non licet me exire servitiô

Sic:

Sic : *Suadet me facere. Lucr. l. 1. Sed tua me virtus tamen, & sperata voluptas Suavis amicitie quemvis perferre laborem Suadet. Terent. Hecyra à 3. sc. 5. Me pietas matris commodum suadet sequi. Sicut Virgil. Inturnam misero, fateor, succurrere fratri Suasi. Horat. Vetuit me tali voce Quirinus. Virg. Is me laudare quæ vellem, calamò permisit agresti.*

Negabat enim Latinè dici, *Vetat mihi queri*, sed *vetat me queri* : in quâ censurâ suâ quantum *Avius à verâ longè ratione feratur*, quivis ephēbus, qui *Sanctianæ* Grammaticæ præcepta teneat, sine negotiō demonstraverit. Dativus videlicet cuicumque orationi adjungi potest, in quâ *acquisitio* vel *ademptio*, *commodum* aut *incommodum*, aut *finis*, quem in Scholis Logici *Finem* cui dicunt, significatur. Omne verò verbum infinitum pro suppositō habet accusativum sive expressum, sive per figuram *Ellipsin* suppressum. Omne denique verbum activum adsciscit accusandi casum sive expressum, sive suppressum, sive infinitō verbō aut aliâ oratione commutatum. Per primam trium istarum regularum, quam *Iubet mihi*, tam *vetat mihi*, rectè dicitur. *Cic. 9. Attic. 15. Dolabella literæ jubent mihi ad pristinas cogitationes reverti* : per secundam verò, *Queri & me queri* : per postremam denique, *Iubet* vel *vetat mihi queri*, ut *querar*, *questum* vel *querelam*. *Plant. Capt. a 1. s. 1. Non licet mihi me loqui ? Per Hellenismum* verò accusativō nominativi vicem posito,

sitô , jubet vel vetat me ut querar : quarum locutionum exempla in *Minervâ Sanctianâ* reddemus : nunc satis erit illud confirmasse , quod insolentius dictum videbitur , *vetat ut querar*. Habet ergo *Tibullum* auctorem lib. 2. eleg. 7. *Illius ut verbis sis mihi dura veto* , quod est , *ut ne sis mihi dura*. Et *Persium* : *Hoc juvat , hic inquit , veto quisquam faxit oletum* , pro , *ut ne faxit*. Et *Plantum* *Pseud. act. 1. sc. 2. Amor amatoribus prohibet , faciant adversum lenones quod volunt*. Et *Mil. act. 4. sc. 8. Cave istuc feceris* , pro , *ut ne faciant , ut ne feceris*. Neque tamen acumen viri tam insignis , quem multiplicis doctrinæ nomine colo & suspicio , hâc in re tam facili & expeditâ delirasse mirandum est , cum ipsis etiam *Ciceroni* , *Varroni* & *Quintiliano* (nam *Agellium* si cum eô comparem , sim injurius) istas veteris Grammaticæ regulas non semel fraudi fuisse videamus , ut quæ rectè , quæ perperam Latinè dicta essent , aut prorsus discernere non possent , aut ita judicarent , ut eos consuetudine potius , quam ullâ ratione aut scientiâ , bene loqui , aut scribere planum fieret : cujus rei quoniam satis multa in *Paradoxis literariis* specimina dedi , nihil me hic longiorem esse attinet.

Jam ex diversô *Sanctiana* Grammatica eam facilitatem habet , quam prodigii similem omnibus videri necesse sit : nec enim quamvis ingenio minus possit , qui ordine à nobis præscripto in discendo procedet , amplius trimestri in

in eâ probè percipiendâ consumet. Jam enim *Mercurii bilinguis* magisteriô Latinam linguam intelliget, & *Nomina* ac *Verba* per *casus*, *numeros*, *tempora* & *personas* inflectere didicerit, ut vix sex de Etymologiâ pagellas memoriæ mandandas habeat. Syntaxis postea pro quingentis amplius veteris Grammaticæ regulis, quibus *Nominum*, *Verborum* & *Participiorum* constructionem dirigi dixi, non nisi xv præscribit, perspicuas illas nulliusque exceptionis patientes: quas qui mediocri sit ingeniô unâ die ludi- bundus edidicerit. Accedit regularum *certitudo*, certa satisque explorata firmitas, cùm ratione, tùm eorum consuetudine nixa, quos aureâ Latini sermonis ætate, quam literatissimè, emendatissimèque loqui ac scribere solitos constat: ut jam minus etiam in auctorum lectione versati omnium, quæ vel legunt, vel ipsi Latinè scribunt, certam rationem intelligant, nec ullum adeant periculum, ne qua regularum artis hujus, ubi semel eas memoriâ comprehenderint, obliviscantur, ex eoque alicubi læsæ Latinitatis ad Grammaticum tribunal rei agantur. Quod quidem quantivis momenti commodum cùm omnibus, tùm vel præcipuè Theologiæ ac Philosophiæ studiosis videri debet. His enim de planô polliceri possum, eos cognitis nostræ artis præceptis unô, ut prædixi, trimestri tantum profecturos, ut etsi parem dictionis puritatem, cultumque non afferant (nam

ea res aut totam hominis ætatem, aut tale saltem
subsidium requirit, quale in *Commentariis lin-
guæ Latine* jam olim præparamus) non minus
tamen Grammaticè præceptisque congruenter
scribere queant, quam illi, qui omne vitæ tem-
pus in Latinorum auctorum lectione scribendi-
que exercitatione consumunt. Hunc quidem
certè artis nostræ fructum huic ætati sententiâ
suâ non dubiè despondebat *Scipio Paschalius
Casalensis Episcopus*, vir Hebraicè & Græcè
non mediocriter, Latinè verò præcipuè doctus
& cum primis *Italiae* luminibus numerandus,
qui quoad vixit, mihi gratiam habere num-
quam destitit, quod operâ meâ se à timore illô
vindicassem, quô prius manum sibi, quoties
scribere Latinè aggressus erat, contremiscere
sensisset. *Rome* autem is, quem dixi, omnis
sapientiæ & eruditionis princeps *Virginus Ca-
sarinus* ^{in uxore} tantô gaudiô efferebatur ex
eâdem arte nostrâ secum communicatâ, ut pro-
pemodum eam vulgari à me nollet, quod se
non aliâ magis re, quam causarum linguæ lati-
næ tot sæculis, vel dicam perpetuò ignorata-
rum scientiâ à literatorum turbâ secerni longè-
que cæteris anteire judicaret, quod Achaten
ejus *Iohannem Ciampolum*, virum cujuscum-
que prædicatione majorem, adhuc satis memi-
nisse libenterque testaturum confidô. In eâdem
urbe, rerum dominâ familiarissimè usus fui
Guilelmô Setoniô, nobili Scotô, Juris divini &
humani, tum philosophiæ & Sacrarum ac pro-
fanâ-

fanarum antiquitatum consultissimô , Græcis-
que ac Latinis literis perpolitô. Is ingentis pre-
tîi thesaurô se à me donatum arbitrabatur, post-
quam ei multis precibus à me contendenti , ut
artis hujus cum maximè nascentis , ac necdum
fatis exactæ copiam describendi facerem, assensi.

• Negabat etiam vereri se , ne quisquam quanto-
cûmque cum ingeniô aut literis tam parum hu-
manus inveniatur , quin mihi maximô se devin-
ctum beneficiô agnoscat pro tam luculentâ fa-
ce, quam omnibus abditissima quæque Latini-
tatis mysteria penitus perspicere aventibus
præluceam. Nec alia *Mantua* est sententia
viri cum genere, tum libris Latinô & Hetruscô
sermone summâ cum doctissimi cujusque gra-
tulatione editis, præterea rerum atque homi-
num usu dômî militiæque partô illustrissimi
Bâlduni de Monte Simoncelli : sicut nec *ajus*,
quem ibidem non minus vitæ innocentia com-
mendat, quam Ecclesiastica dignitas exornat, •
Antonii Salmatiae, summi Theologi, nec eo-
rum, qui Græcarum & Latinarum literarum
laude hodie florent, cuiquam secundi. Jam
Mediolani nota est *Ludovici Septalii*, viri
priscâ cum fide, tum nobilitate præcellentis,
non Medicinæ tantum & Philosophiæ Peripa-
teticæ, in quibus planè regnat, sed & humanio-
rum literarum scientiâ : nec etiam sua *Iosephum*
Paulum Meronum modestia usque eo notitiæ
hominum subducit, quin optimum quëmque
ac doctissimum suæ pietatis, sapientiæ, eloquen-

tia

tizæ & interioris literaturæ conscium, approbato-
rem testemque habeat. Uterque autem iis
præconiis artem hanc nostram diligenter à se
inspectam quotidie prosequitur, tantòque ejus
cognoscendi desiderio omnes inflamat, ut
multos non mediocriter editionis ejus torqueat
expectatio, eisque ego non nisi serò satisfactorius
vidcar. Quid? quod ipsius Pontificis Maximi
URBANI VIII. judicium & optatum arti
nostræ successum, nec dubiam ejus experimen-
tum capturis utilitatem despondet. Is enim cum
adhuc Cardinalis annis superioribus in rus sub-
urbanum rebus prolatis concessisset, inibique
per otium Syntagma meum *de Stili Historici
virtutibus*, diligentissimè translegisset, non mo-
dò causam se nactum censuit, cur sibi & suis de
amicitiâ meâ gratularetur, sed etiam cur ma-
gnum Latinis literis lumen operâ meâ allatum
iri Princeps Græcè ac Latinè minimè indoctus
confideret. Itaque cum *Româ* nuper discessurus,
vale postremum ei dicerem, & de hac arte meâ
percunctanti distinctè rem omnem explicarem,
magnopere se aliis gratulari ostendit, quibus
posthac tantò cum temporis ac laboris compen-
diò literas discere liceret, quas sibi, præsertim-
que Græcas, quibus jam magnò natu dedisset
operam, ingenti studiò ac labore constitisse re-
cordaretur. Et quoniam Ecclesiæ ac Reipub.
Christianæ plurimum in omnem partem inte-
resse judicabat, me *Commentarios de linguâ La-
tinâ* jam olim à me cœptos ad umbilicum addu-
cere,

cere, ne mihi aliena improbitas, injusto quæ-
stui semper inhians, debitum speratumque ex
meis lucubrationibus meis fructum interciperet,
quô me ad operis vasti laboriosique impen-
sas uti est æquius, denunciâtô anathemate fan-
cire ei visum est, ne quis quicquam ex officinâ
meâ profectum, non modò typis, nisi bonâ cum
gratiâ meâ describere, sed nec ab aliô sine veniâ
meâ descriptum vâno exponere animum indu-
cat. Hoc amplius autem, ut in eandem rem Cæ-
saris Augusti, alioresque Regum & Principum
diplomatis mihi caveretur, impendiô an-
nisus est.

Hæc ergo sunt, quorum causâ meritô mihi
futurum pollicear, ut qui ratione utuntur *San-
ctianam* hanc Grammaticam, velut à summô
Philosophô primum inventam, tantô cum vi-
rorum clarissimorum plausu & acclamatione à
me perpolitam, *Cloacina* illi posthabere nolint.
Cæterum, ut quô ea ordine ac modô disci de-
beat nemini possit esse dubium, de Magistri
prius, qui eam præcipere cupiet, tum de Disci-
puli officiô, quæ mea sit sententia, distinctè
libet exponere.

Mediol. Calend. Febr. Anni M. DC. XXVIII.

MAGISTRI OFFICIUM.

I. Ipse omnium primum discet *XII* illas *Maximas*, regulas totius Syntaxis Latinæ fundamentum continentes, una cum earum interpretatione, quam in Annotationibus ad Syntaxin, pag. 138, inveniet.

II. Regulas omnes de *Nominum*, *Verborum* & *Participiorum* Syntaxi cum *Maximis* illis componet, tam *falsas*, quam *veras*, ut causas veritatis & falsitatis singularum probè intelligat.

III. Leget, quæ ad Etymologiam pertinent unà cum Annotationibus.

IV. Consulet *Paradoxa* nostra, ubi de multis accuratius disputatum inveniet. Sed omnia quæ ad rem pertinent, præcipuèque auctorum exempla, *Minerva* nostra repræsentabit.

DISCIPULI OFFICIUM:

I. Discet partem generalem Grammaticæ, tum ea, quæ de *Nomine*, *Verbô*, *Participiô*, *Præpositione* & *Conjunctione* traduntur: quæ cum paucas pagellas impleant, minimè difficulter memoriæ mandabit. Quæ de *Adverbiis* traduntur, satis erit sæpius legisse.

II. Discet versus *Sanctii* de *Genere nominum*, deque *Declinationibus*, ut & probè eos intelligat & memoriâ contineat.

III. Ediscet *XII* illas *Maximas*, quæ Syntaxis fundamentum sunt.

IV. E.

IV. Ediscet omnes regulas de verâ *Concordiâ & Rectiōe Nominum, Verborum & Præpositionum*, quæ omnino sunt quindecim, sic tamen ut pleraque in duodecim illis *Maximis* contineantur. Regulas de falsâ *Rectiōe* aut *Concordiâ*, ut memoriæ mandet, nihil necesse est, modò sæpius eas relegat, causamque falsitatis rectè intelligat. Quot de *Conjunctionum & Adverbiorum Syntaxi* præcepta sunt, non tam Regulæ sunt, quam exemplorum observationes, quas sæpius legisse satis erit.

V. Ediscet *Definitiones Figurarum*, cum unô alterôque exemplô. *Ellipses* tamen genera satis erit si Magistrô diligenter explanante probè intelligat. Si quis tamen ea quoque memoriæ mandare velit, tantô majus operæ fecerit pretium.

VI. Ediscet *Alvari* versus de *Verborum Præteritis & Supinis*.

VII. Ediscet ejusdem versus de *syllabarum quantitate*.

Comparatio *Cloacinae* & *Sanctianae* Grammaticæ.

<i>Cloacina</i> est	{ <i>Turpis</i> , quia mendax, cùm de sexcentis ejus regulis, vix decima pars sit vera.	
	{ <i>Molesta</i> , quia impedita & difficilis, ob tot	{ <i>Regulas</i> , <i>Appendices</i> , <i>Observationes</i> , <i>Exceptiones</i> ,
<i>Sanctiana</i> est	{ <i>Damnosa</i> , quia affert magnam jacturam	
	{ <i>Rei familiaris</i> , <i>Temporis</i> , <i>Exissimationis</i> .	
<i>Sanctiana</i> est	{ <i>Honesta</i> , quia verax, cùm omnes regulas ratione & incorruptâ consuetudine stabilitas habeat.	
	{ <i>Fucunda</i> , cùm sit expedita & perfacilis, ob	{ <i>Regulas paucissimas</i> . <i>Nullas</i> prorsus in Syntaxi <i>exceptiones</i> .
<i>Sanctiana</i> est	{ <i>Utilis</i> , quia habet compendium	{ <i>Sunt uero</i> . <i>Temporis</i> , quippe quæ tribus mensibus disci queat. <i>Exissimationis</i> , quia regulis ejus instructus de Latinitate melius judicare potest, quam qui omnem in literis ætatem exegerit.

Magistri nunc est etiam atque etiam considerare, utra Grammatica discipulis præcipienda, viri boni officium custodire, majoremque Dei & hominum gratiam inire possit.

SYNOPSIS ARTIS GRAMMATICÆ.

TABVLA PRIMA.

Gram- mati- cæ.	Definitio, Finis, Offi- cium,	Dirigere locutionem vel sermonem:					
		Corrigere locutionis vitia		{ Barbarisimum, Solœcismum.			
	Subje- ctum, Partes oratio- nis,	Primæ, ut Li- tera, cujus	Defi- nitio, Divi- sio, in	Voca- lem	{ Simpli- cem Com- positam Simplicem	{ Diphth. Triphth. pag. 1.	
							Conso- nantes
				{ Semivo- calem & Liquidâ, Mutam.			
		Expri- mis or- tæ, ut	Syllaba, cujus	Definitio Divisio in	{ Brevem, Longam, Ancipitem.		
	Vox, cujus		Definitio Accidentia	{ Accentus, Figura, pag. 3 Species.			
	Instru- menta,	Orthoepia, seu regulæ de lite- rarum pro- nunciatione.	Divisio in Numeri	{ Parti- cipem Ex- per- tem	{ Nomen, Verbum, Particip. Præposi- tionem, Adverb. Conjun- ctionem, Interje- ctionem.		
		Prosodia, seu regulæ de Syllabarum quantitate.					
		Etymologia de singula- rum vocum accidenti- bus & partibus			{ Nominis, Tab. II. Verbi, Tab. III. Participii, pag. 9. Præpositionis, pag. 10. Adverbii, pag. 11. Conjunctionis, pag. 17 Interjectionis, pag. 18		
Syntaxis, seu regulæ de vocum debita inter ipsas compositione, Tabul. IV.							

T A B U L A I I.

Etymologia Nominis.

No- mi- nis	Definitio, pag. 4.				
	Acci- den- tia	Commune cum verbō, Numerus.			
		Propria	Casus	{ Masculinum. Fæmininum. Neutrum.	
			Genus		
	Declina- tio				
			Prima, Secunda, Tertia, Quarta, Quinta.		
	Divi- sio ra- tione	Generis in	Substan- tivum	Proprium, Commune. pag. 5.	
			Adjecti- vum	Absolutū, } Generale Relativū, } Recipro- cum.	
		Speciei in	Primitivum	{ Possessivum. Diminutivum. Comparativum. Superlativum. pag. 6. Verbale.	
			Derivativum		

T A

TABULA IV.

Syntax in	{	Genere, est vel	{	Regularis,	{	Concordia,	pag. 27.	
				eaque vel		{	Rectio,	pag. 27.
				Irregularis seu Figura,			Tab. XI.	
	{	{	Specie, est vel	{	Nominis,	Tab. V.		
					Verbi,	Tab. VI.		
Participii,					Tab. VII.			
Præpositionis,					Tab. VIII.			
Adverbii,					Tab. IX.			
				Conjunctionis,	Tab. X.			

TABULA V.

Syntax Nomi- nis, est vel	Concor- dia No- minis	{	Substantivi cum Adjectivò, pag. 28.		
			Relativi generalis cum antecedente.		
			Reciproci cum Antecedente, p. 28.		
			Cujuscumque cum verbò personali. pag. 29.		
		Vera No- minis	{	Substantivi cujuscumque, pag. 30.	
	Substantivi verbalis.				
	Adjectivi ex participiò activò facti, pag. 31.				
		Rectio	{	Adjectivi participio passivo si- milis, pag. 31.	
	Nominativi, pag. 31.				
	Genitivi, pag. 32.				
Dativi,					
Accusativi, pag. 33.					
	Falsa	{	Vocativi,		
Ablativi. pag. 34.					

T A B V L A VI.

Syntaxis Verbi, est vel	Concordia Verbi	Finiti seu personalis, cujus duæ sunt regulæ, pag. 35.
		Infiniti sive Impersonalis, cujus duæ sunt Regulæ, pag. 37.
	Vera in	Genere cujuscumque verbi, sive Finiti, sive Infiniti, pag. 39.
		Specie verbi activi Infiniti, pro nomine substantivò positi, p. 40.
Re- ctio	Finiti, e- jus- que vel	Substantivi, cujus duæ falsæ sunt regulæ, pag. 42.
		Activi, cujus tres falsæ sunt regulæ, pag. 42.
	Falsa Verbi	Passivi, cujus quatuor falsæ sunt regulæ, 43.
		Infiniti, e- jusque vel
		Gerundi, cujus duæ falsæ sunt regulæ, pag. 45.
		Supini, cujus una falsa est regula, pag. 45.

T A B V L A VII.

Syntaxis Par- ticipii, est vel	Concordia, pag. 46.	Vera, pag. 46.
		Falsa, cujus duæ falsæ sunt re- gulæ, pag. 47.
	Re-ctio	

T A.

T A B U L A V I I I .

Syntaxis Præpositionis, est vel	Concordia, pag. 48.	
	Rectio Præpositionis cum	Accusativò,
		Ablativò, pag. 48.
		Utròque, pag. 48.

T A B U L A I X .

Syntaxis Adverbii, est vel	Concordia, cujus novem sunt regulæ, pag. 50.	
	Rectio, sed falsa Adverbiorum cum	Nominativò,
		Genitivò, pag. 52.
		Dativò,
		Accusativò,
		Ablativò, pag. 55.

T A B U L A X .

Syntaxis Conjunctionis, est vel	Concordia, cujus sex sunt regulæ pag. 55.	
	Rectio, cujus una est regula pag. 58.	

T A B U L A X I .

Syntaxis irregularis seu Figurata, est vel	Ver-nacula vel	Simplex	Pleonasmus. Ellipsis. Zeugma. Syllepsis. Hyperbaton.	Cum artis regulæ negliguntur propter orationis	Exsuperantiam, pag. 60. Defectum, Tab. XII. Defectum, Tab. XIII. Discordiam, Tab. XIV. Ordinem turbatum, Tab. XV.
		Composita ut cum Ellipsis conjuncta est cum	Syllepsis	Græcismo.	Generis. p. 49. Numeri.
		Peregrina, id est, Græcismus, Tab. XVI.			

T A .

T A B U L A X I I.

Idem pag. 61.	
Nomen, sive	Aliud, idque vel.
	Cognatum { Nominativus, p. 61. sive sit Accusativus, p. 62.
	Alienum, sive sit
	Solitarium
	Confociatum, p. 78.
	No- men est vel
Infinitum & vel.	Cognatum, pag. 82.
Finitum, pag. 83.	Alienum, pag. 83.
Præpositio, pag. 85.	
Adverbium aut Conjunctio, pag. 91.	

Idem pag. 62.	
Sup- posi- tum	Adjec- tivi sive
	Abfoluti { Apertior quæ ellip- Tector, fis est vel p. 64.
	Relati, pag. 73.
Verbi	Finiti, pag. 73.
	Infiniti, pag. 74.
Præpositionis, pag. 75.	
Nominis	Substantivum, idque vel Adjectivum, pag. 75.
Verbi, pag. 76.	
Conjunctionis, pag. 78.	

T A B U L A X I I I.

Zeugma { Verum,
Falsum, pag. 93.

T A B U L A X I V.

Syllepsis { Absoluta, vel { Generis, pag. 94.
Numeri, pag. 95.
Utriusque, pag. 96.
Relativa, pag. 96.

T A B U L A X V.

Hyperbaton, est vel { Anastrophe, pag. 97.
Tmesis,
Parenthesis,
Synchysis,
Anacoluthon. pag. 98.

T A,

• T A B U L A X V I .

Generum,	{	Masculinum ponitur pro
		Neutrò, pag. 98.
cum	{	Fæmininum ponitur pro
		Neutrò, pag. 99.
	{	Neutrum ponitur pro Masculi-
		no, pag. 99.
Græcif-	{	Nominativus ponitur pro Ac-
		cusativò, pag. 99.
mus, est vel	{	Genitivus po-
		nitur pro { Accusativò,
	{	Ablativò.
Casuum,	{	Dativus ponitur pro Accu-
		sativò.
cum	{	Accusativus
		ponitur pro { Nominativò,
	{	Dativò, p. 100.
		Ablativò.
	{	Ablativus ponitur pro Accusa-
		tivò, pag. 100.

Duodecim Maxima

feu

Regulae fundamentales Syntaxeos Latinae.

- | | | | | | | |
|---|--------------------------------|------------------------------|---|--|---|--|
| Regu-
larum
aliae
pertin-
ent
ad | Oratio-
nem
totam,
ut | { | 1 Omnis affirmatio & negatio Nomine & Verbo constat. | | | |
| | | | 2 Praeter Nomen & Verbum sunt quaedam particulae certis significationibus assignatae, quibus Nomen & Verbum aliaeque minores orationis partes velut nervis colligantur: quae particulae secundum regulas exprimuntur, per figuram supprimuntur. | | | |
| | | Nomen
ejus-
que
vel | { | 3 Adjectivum. Omne nomen Adjectivum habet suum substantivum. | | |
| | | | | 4 Relativum. Omne nomen seu pronomen Relativum habet suum nomen Antecedens quod refert. | | |
| | | | | 5 Comparativum. Omne nomen Comparativum habet suum Positivum cum quo comparatur. | | |
| | | | | 6 Omnis Nominativus est Verbi finiti suppositum, aut ad suppositum pertinens, sive verbum illud sit expressum, sive suppressum. pag. 52. 62. | | |
| | | | | 7 Omnis Genitivus Latinae constructione a nomine substantivo expressio aut suppressio regitur, Graecae vero constructione etiam a praepositione esse expressam vel suppressam. pag. 32. 144. | | |
| | | | | 8 Omnis Accusativus a Verbo activo, aut a Nomine verbali, aut Praepositione regitur. | | |
| | | | | 9 Omnis Ablativus a Praepositione regitur. | | |
| | | | | 10 Omne Verbum accidentale, aut activum est aut passivum, quorum illud semper accusativum expressum aut suppressum regit. | | |
| | | | | Oratio-
nis par-
tes, id
est, vel
ad | { | 11 Omne Verbum finitum habet pro supposito Nominativum expressum aut suppressum. |
| | | | | | | 12 Omne Verbum infinitum habet pro supposito Accusativum expressum aut suppressum Latinae constructione; Graecae vero saepe Nominativum. |

INSTITUTIONES GRAMMATICÆ LATINÆ.

Quid est Grammatica?



St ars rectè loquendi.

*Quis est finis Grammaticæ, cuius
causâ discitur?*

Oratio congruens, id est, cuius nulla
pars sit, quæ præceptis artis non con-
gruat.

Circa quid versatur ars Grammatica?

Circa partes orationis.

Quotuplices seu quot generum sunt partes orationis?

Duplices: Aliæ primæ, ut *Literæ*: aliæ ex pri-
mis ortæ, ut *Syllabæ*, & *Voces* seu *vocabula*, quæ vul-
go malè vocantur *Diſtiones*.

Quid est Litera?

Est individui soni comprehensio.

Quotuplex est Litera?

Duplex: Alia *Vocalis*, alia *Conſona* vel *Conſonans*.

Quid est Vocalis?

Est litera, quæ per se syllabam efficit.

Quot generum sunt Vocales?

Duorum: Aliæ sunt *Simplices*, aliæ *Compositæ*.

Quæ sunt Vocales simplices?

A, e, i, o, u, & Græcæ *y*.

Quot generum sunt Vocales compositæ?

Duorum: Aliæ sunt *Diphthongi*, compositæ ex
duabus simplicibus vocalibus: aliæ *Triphthongi*,
compositæ ex tribus.

Quot sunt Diphthongi?

Viginti duæ. *Æ, æ, æo, æu*: *Ea, ei, eo, eu*: *Ia, je,*
A j,

ji, jo, ju: Oa, oe, oi, ou: Va, ve, vi, vo, vu. Ex his quatuor magis cognitæ sunt, Ae, oe, au, eu.

Quot sunt Triphthongi?

Octo. Vae, vai, vau, vea, vei, vie, voa, & voi.

Quid est Consonans?

Est litera, quæ sine vocali syllabam non efficit.

Quotuplex est consonans?

Duplex. Alia Simplex, alia composita.

Quot sunt consonantes simplices?

Quatuordecim. B, c, d, f, g, h, l, m, n, p, q, r, s, t.

Quot generum sunt consonantes simplices?

Duorum. Aliæ sunt Semivocales eademque Liquidæ, ut L, m, n, r, s: aliæ Mutæ, ut B, c, d, f, g, h, p, q, t.

Quot sunt consonantes compositæ?

Quinque, quarum tres apud Latinos propriam figuram, quâ scribantur, non habent, ut CH, PH, & TH. duæ verò suis characteribus depinguntur, ut X & Z. Sed etiam istis prisci carebant & posteriores carere poterant, cum X, fit CS, vel GS, Z, fit DS.

Quid est Syllaba?

Est integri soni comprehensio, ut Mons, nox, flos.

Quotuplex est Syllaba?

Triplex. Alia Brevis, quæ unum tempus consumit: alia Longa, quæ duo tempora consumit, ac si eadem vocalis bis pronunciaretur, ut in Felix, quod pronunciatur & antiquitus scribebatur Feelix: alia Anceps, cujus pronunciatio indifferenter uno, aut duobus temporibus absolvitur, ut media in Sicerunt, Tenebræ.

Quid est Vocabulum?

Quo unumquodque vocatur. Aliter dicitur Vox.

Quæ sunt quæ voci accidunt?

Accentus, Figura & Species.

Quid est Accentus?

Est modulatio vocis eam in pronunciando vel attollens, vel deprimens.

Quæ

Quæ sunt Regulae Accentus?

- „ Vox ipsa accentum in sese monosyllaba ponit.
- „ Exacuit sedem dissyllabon omne priorem.
- „ Ex tribus extollit primam penultima curta.
- „ Extollit se ipsam quando est penultima longa.

Quid significat Figura?

Sit ne vox simplex, an composita, ut *Iustus*, est vox simplex: *Injustus*, est vox composita ex *in* & *Iustus*.

Quid significat Species?

Sit ne vox prima, an aliunde flexa, five, sit ne primitiva, an derivativa, ut *Pater* est vox primitiva, *paternus* & *patrius*, sunt voces derivativæ. *Sanctus* est vox primitiva, *sanctior*, *sanctissimus*, *sanctitas*, *sanctimonia* & *sanctè*, sunt voces derivativæ.

Quos sunt genera vocum?

Duo. Aliæ enim voces sunt participes numeri, aliæ expertes numeri.

Quid est Numerus?

Est differentia vocis secundum unitatem aut multitudinem.

Quotuplex est Numerus?

Duplex. *Singularis*, qui unum significat, ut *Homo vivit*. *Pluralis*, qui plura significat, ut *Homines vivunt*.

Quos sunt Voces numeri participes?

Tres. *Nomen*, *Verbum*, & *Participium*.

Quos sunt voces numeri expertes?

Quatuor. *Præpositio*, *Adverbium*, *Conjunctio*, & *Interjectio*: quæ quatuor communi nomine vocantur, *Particulæ*.

Quot sunt Instrumenta artis Grammaticæ?

Quatuor. *Orthoepia*, five regulæ de recta literarum pronuntiatione. *Prosodia*, five regulæ de syllabarum quantitate. *Etymologia*, five regulæ de vocum singularum accidentibus & partibus, ut de nominum generibus & declinationibus, de verborum conjugationibus, &c. *Syntaxis*, five regulæ de vocum debita inter ipsas compositione.

ETYMOLOGIA

De Nomine.

Quid est Nomen ?

Est vox particeps numeri casualis cum genere, id est, quæ numerum, casum & genus, aut saltem terminationem generi quadrantem habet.

Quid est Casus ?

Est specialis differentia numeri nominalis.

Quot sunt Casus ?

Sex. *Nominativus, Genitivus, Dativus, Accusativus, Vocativus, & Ablativus.*

Quid est Genus ?

Est differentia nominis secundum sexus notam.

Quot sunt Genera ?

Tria. *Masculinum*, cujus nota est *hic*, ut *Hic dominus*. *Fæmininum*, cujus nota est *hec*, ut *Hæc mensa*. *Neutrum*, cujus nota est *hoc*, ut *Hoc templum*.

Quot sunt Declinationes Nominum ?

Quinque: nam est vel *prima*, cujus genitivus singularis definit in *a*, ut *Mensa, mensæ*: vel *secunda*, cujus genitivus singularis exit in *i*, ut *Dominus, domini*: vel *tertia*, quæ facit genitivum singularem in *is*, ut *Sermo, sermonis*: vel *quarta*, cujus genitivus singularis terminatur in *us*, ut *Sensus, sensûs*: vel *quinta*, cujus genitivus singularis exit in *ei*, ut *Dies, diei*.

Quot modis dividuntur Nomina ?

Duobus: *Ratione generis, & speciei.*

Quotuplex est nomen ratione generis ?

Duplex: *Substantivum & Adjectivum.*

Quid est nomen Substantivum ?

Quod cum uno genere declinatur, ut *Pater, mater.*

Quotu-

Quotuplex est nomen Substantivum?

Duplex : *Proprium*, quod uni soli rei, personæve convenit, ut *Cicero, Roma, Tiberis, Ego, Tu, Sui*. Et *Commune* five *Appellativum*, quod multis convenit, ut *Homo, urbs, flumen*.

Quid est nomen Adjectivum?

Quod nullum genus habet, sed tantum generibus tribus quadrat vel sub uno fine, ut *Felix, par, oriens* : vel sub duobus, ut *fortis & forte* : vel sub tribus, ut *Bonus, bona, bonum*. Italicè & Hispanicè ferè semper significat *cosa*, Gallicè *chose*, Germanicè *ding*.

Quotuplex est nomen Adjectivum?

Duplex : *Absolutum*, quod ad aliud non refertur : & *Relativum*, quod ad antecedens nomen refertur.

Quotuplex est nomen Relativum?

Duplex : Aliud *Generale*, quod ad antecedens sic refertur, ut in se ipsum non reflectatur, ut *Qui, hic, is, ille, ipse, iste, qualis, quantus, quotus*. Aliud *Speciale*, quod *Reciprocum* dicitur, & in se ipsum reflectitur, ut *suus, sua, suum* ; nam *sui & sibi & se* sunt substantiva.

Quotuplex est nomen ratione speciei?

Duplex : *Primitivum*, seu primæ positionis, quod ipsum aliunde non formatur, ut *Beatus*. Et *Derivativum*, quod ab alio nomine habet originem, ut *Beatus, beatulus, beator, beatissimus*.

Quot sunt genera nominum Derivativorum?

Sunt quidem plura, sed hæc quinque præcipua, *Possessiva, Deminuta, Comparata, Superlata, & Verbalia*.

Quid est nomen Possessivum?

Quod idem significat, quod genitivus unde derivatur, ut *Paternus, meus, tuus, suus* : nam *Paternus amor* significat idem quod *Patris amor*.

Quid est nomen Deminutivum seu Deminutivum?

Quod minus significat, quam suum primigenium, cujus semper genus & significationem servat, ut à *fune, fomiculus*; à *rege, regulus*; à *pistrina, pistrilla*.

Quid est nomen Comparatum seu Comparativum?

Quod fit à positivo, id est, nomine adjectivo, addita syllaba *or*, ad primum casum in *i*, ut à *Doctus*, *docti*, *doctior*, & significat idem, quod positivum, addita voce *magis*: nam *Doctior* est *magis doctus*. *Prudentior* est *magis prudens*.

Quid est nomen Superlatum seu Superlativum?

Quod fit à positivo seu nomine adjectivo addita *ssimus* ad primum ejus casum in *i*, ut à *Doctus*, *docti*, *doctissimus*, à *Prudens*, *prudentis*, *prudenti*, *prudentissimus*, & significat idem quod positivum cum *valde*: nam *Doctissimus* significat *valde doctus*. Quædam tamen Superlativa in *lissimus*, *rimus*, *timus*, aliterque exeunt, ut ab *Exterus* fit *extimus* & *extrémus*: à *Superus*, *summus* & *supremus*: à *Posterus*, *postumus*, sive *postumus* & *postremus*.

Hæc tria dant *lissimus*, *similis*, *facilis* & *humilis* & *que*.

Cum rectus fit in *ER*, ternus gradus in *Rimus* exit:

Ut *veter* & *deter*, quæ *matur* jungito *priscum*.

Sex *Timus* accipiunt, *dexter*, *citer* atque *sinister*,

Interus atque *ulter*, *extremus* & *extimus*, *exter*,

Inferus *infimum* habet, *superus* cum *posterus* *Emus*.

Dic alia Comparativa & Superlativa Anomala.

Bonus, *melior*, *optimus*.

Malus, *pejor*, *peffimus*.

Magnus, *major*, *maximus*.

Parvus, *minor*, *minimus*.

Multum, *plus*, *plurimum*.

Maledicus, *maledicentior*, *maledicentissimus*.

Beneficus, *beneficentior*, *beneficentissimus*.

Benevolus, *benevolentior*, *benevolentissimus*.

Pris, *antiquum*, *prior*, *primus*.

Sic *Poster* & *postris*, *priscum*, *posterior*.

Sicut *Sacer* & *facris*.

Senex, *senior*.

Juvenis,

Juvenis, junior.

Propior, proximus.

Pius, piissimus.

Invitus, invitissimus.

Novus, novissimus.

Ocyor, ocyssimus, à Græco *οκυς*, id est, *celer*.

Quid est nomen Verbale?

Quod ab aliquo verbò ducit originem.

Quotuplex est nomen Verbale?

Triplex: Aliud est verbi expers: aliud verbi particeps, quod Participium vulgo dicitur; aliud participiale. *Vid. infra Aucluarium Annotationum.*

DE VERBO.

Quid est Verbum?

Est vox particeps numeri personalis cum tempore, id est, quæ numerum, personam & tempus habet.

Quid est Persona vel, potius Facies?

Est specialis differentia numeri verbalis.

Quotuplex est Persona?

Triplex. Singularis prima, ut *Amo*. Singularis secunda, ut *Amas*. Singularis tertia, ut *Amat*. Pluralis prima, ut *Amamus*. Pluralis secunda, ut *Amatis*. Pluralis tertia, ut *Amant*.

Quid est tempus?

Est differentia verbi secundum præsens, præteritum, & futurum.

Quot sunt Tempora Verbi?

Quinque. *Præsens*, *Præteritum imperfectum*, *Præteritum perfectum*, *Præteritum plusquamperfectum*, & *Futurum*.

Quot sunt verbi conjugationes?

Quatuor: nam est vel *Prima*, cujus secunda persona primi præsentis exit in *as*, ut *Amo*, *amas*: vel *Secunda*, cujus secunda persona primi præsentis exit

in *es*, ut *Doceo*, *doces*: vel *Tertia*, cujus secunda persona primi præsentis exit in *is*, & infinitum in *ere* breve, ut *Lego*, *legis*, *legere*. Vel *Quarta*, cujus secunda persona primi præsentis exit in *is*, & infinitum in *ire* longum, ut *Audio*, *audis*, *audire*.

Quot modis dividuntur verba?

Duobus. Ratione accidentium suorum, & ratione significati.

Quotuplex est verbum ratione accidentium?

Duplex: *Personale*, seu *Finitum*, & *Impersonale*, sive *Infinitum*.

Quid est Verbum Personale seu Finitum?

Quod certâ personâ, tum etiam numero & tempore certò finitur, seu determinatur, ut cujus personæ, numeri & temporis sit, dici possit, ut *Amo*, *legisses*, *curritur*, *pluit*, *ningit*, *lucescit*.

Quid est verbum Impersonale sive Infinitum?

Quod certâ personâ non finitur, sed nec numerum aut tempus certum habet, ut *Amare*, *amavisse*. Plaut. Curc. a. 1. f. 1. Ita conferto tuum amare, pro tuum amorem. Vulgo vocant verbum Infinitivi modi, quod sæpe nominis substantivi vim habet, ut *Virtus est vitium fugere*, pro, *fuga vitii est virtus*. Tempus est *abire*, pro, *abitionis*. Magis paratus *servire*, quam *imperare*, pro, magis paratus *servituti*, quam *imperio*. Non tanti emo *pœnitere*, pro, *pœnitentiam*. Ibo *videre*, pro, *ad videre*, sive *ad visionem*. Dignus *legi*, pro, *lectu* vel *lectione*. Dignus *amari*, pro, *amore*. Tibul. Causa *perire*, pro, *interitus*. Plaut. Aul. a. 2. f. 5. Ne operam perdas *poscere*, i. e. in *poscendò*.

Quotuplex est verbum ratione significati?

Triplex: *Substantivum*, quod substantiam sive subsistentiam significat, ut *Sum*, *fo*, & *priscum suo*. *Activum*, quod actionem significat, ut *Vivo*, *amo*, *curro*, *consolor*, *amplector*: nam ista in Or, deposuerunt passivam significationem, ex eòque *Activa* deponentia dicuntur. *Passivum*, quod passionem significat, ut *Vivitur*, *amatur*, *curritur*. Nul-

Nullumne est verbum Gerundum seu Gerundium?

Nullum: nam *legendi* & *legendô*, quæ vulgo verba *Gerunda* dicuntur, non sunt verba, quoniam nec tempus, nec personam habent, sed sunt participia passiva cum genere, casu & numero. Nam *legendi* est genitivus singularis neutri *legendum*: *legendô* autem est ablativus singularis neutri *legendum*, ac propterea præpositio ei præponi potest hoc modo: *In legendô fies doctus*: ubi subauditur verbum infinitum *legere*, quod nominis vim habet in ablativô, quasi dictum esset: *In legendô lectu*, sive *in legendâ lectione fies doctus*. *Tempus est legendi*, subauditur *legere*, quod vim habet nominis in genitivô, quasi esset: *Tempus est legendi lectus* seu *legendæ lectionis*. Nunc est *legendum*, subauditur *legere*, quod vim habet nominis in nominativô. *Legere* autem valet idem quod *lectio*, nisi quod illud neutrum est, hoc fœmininum. Idem enim sunt, *Legere jucundum est*, & *lectio jucunda est*.

Nullumne est verbum Supinum?

Nullum: nam *lectum* & *lectu*, quæ vulgo Verba supina dicuntur, non sunt verba, quoniam in iis nec persona, nec tempus, nec numerus apparet, sed sunt nomina substantiva quartæ declinationis accusativi & ablativi vel dativi casus, adeoque cum præpositione inveniuntur, ut *Oves cum pastum*, vel *ad pastum*, sive *ad pastionem*. *Redeunt pastu*, vel *è pastu*, sive *à pastione*. *Visu mirabile*, pro *visui*: nam dativus facit *visui* & *visu*. Similiter autem dictum est, ut *Oculis mirabile*. *Acerbus sensu* & *acerbus sensibus*.

DE PARTICIPIO.

Quid est Participium?

Est vox particeps numeri casualis, tempus & constructionem à verbô ducens, sive quod numerum, casum, tempus & verbi constructionem habet,

bet, ut *Amans, amaturus*, omnia tempora significat in activo, sicut *Amatus & amandus* in passivo. Dicimus enim: *Sum amans & amaturus. Sum amatus, vel amandus. Fui amans, amaturus, amatus, amandus. Ero amans, amaturus, amatus, & amandus.* Quare dicitur Participium. *Vid. infra Anctuarium Annotationum.*

DE PRÆPOSITIONE.

Quid est Præpositio?

Est vox expers numeri, quæ casibus præponitur, & in compositione reperitur.

Quotuplex est Præpositio?

Duplex: Alia *Casualis*, quæ casibus natura sua præponitur; alia *Compositiva*, quæ cum aliis vocibus composita, unum vocabulum efficit, siue eæ vocēs sint nomina, siue verba, siue particulæ.

Quotuplex est Casualis Præpositio?

Triplex: Alia accusativo tantum præponitur, alia ablativo, alia promiscuè utrique.

Quæ Præpositiones præponuntur Accusativo?

Ad, apud, ante, adversus vel adversum, cis, citra, circa, circum, contra, erga, extra, intra, infra, juxta, ob, pone, per, propter, post, præter, penes, supra, secundum, trans, ultra.

Quæ Præpositiones præponuntur Ablativo?

A, ab, abs, absque, cum, coram, de, è, ex, foras, pro, præ, palam, sine (ex prisco *se* vel *sed*) tenus.

Quæ Præpositiones utrique casui præponuntur?

Clam, in, sub, subter, super.

Quotuplex est Præpositio Compositiva?

Duplex. Alia extra compositionem habet propriam significationem, alia nisi in compositione nihil significat.

Quæ habent propriam significationem?

Abhinc, admodum, antehac, contra ea, dehinc, dein,

dein, deinde, derepente, defubito, defuper, è loco, extemplo, exante, exadversum, exhinc, examuffim, exin, exinde, extraquam, inante, impræfentiarum, inibi, in loco, inſuper, interea, interim, interibi, interdiu, interdum, poſtea, poſthac, poſthinc, poſtibi, poſtilla, poſtinde, poſtmodo, præterea, præterhac, præterquam, præut, proin, proinde, pronuper, propalam, propemodum, proporrò, propterea, proquam, protenus, prout, ſubinde, ſuperquam.

Hujus generis ſunt omnes Præpoſitiones, quæ cum Nominibus aut Verbis ſunt compoſitæ, ut *Adeſſe, adprobus, avocare, evocare, deducere, inimicus, inducere, obuius, obducere, perducere, præire, ſubire, transire, &c.*

Quæ Præpoſitiones nihil ſignificant extra compoſitionem?

Ambe, vel ambi, am, an, con, di, diſ, re, ſe, ut in *Ambeciſus, ambio, amſanctus, anquiro, concors, diverſus, diſpar, reliquus, ſeparatus*. Et hæ præpoſitiones à priſcis Grammaticis *Loquelares* vocantur, quia extra compoſitionem loquelæ tantum, ſed nullius ſignificationis ſunt.

DE ADVERBIO.

Quid eſt Adverbium?

Eſt vox expers numeri, quæ aliis vocibus tamquam adjectivum adjungitur, ut *Valde bonus, Diſciticito, Bene mane*.

Quotuplex eſt Adverbium?

Multiplex, ratione variarum ſignificationum, ut interrogandi, reſpondendi, affirmandi, negandi, prohibendi, jurandi, quantitatis, qualitatis, ſimilitudinis; comparandi, intendendi, remittendi, hortandi, congregandi, ſeparandi, excludendi, eventus, moris, principii & originis, dubitandi, &c.

Quotul-

Quotuplicia sunt Adverbia interrogandi & respondendi?

Sextuplicia: Quæruni enim & respondent vel de *Factô*, sitne aliquid, nec ne: vel de *Causâ*: vel de *Tempore*: vel de *Locô*: vel promiscuè de *Tempore & Locô*: vel simul de *Tempore & Numerô*.

Quæ Adverbia quæruni de Factô?

An, anne, ne: *enclitica*, num, numnam.

Quæ Adverbia respondent de Factô?

Ira, sic, etiam, quippeni. Responderetur etiam per verba *Licet & Censeo*.

Quæ Adverbia quæruni de Causâ?

Cur, quin, quianam. Quæritur etiam per nomina *Quare*, seu *quâ de re*, & *quam ob rem*.

Quæ adverbia respondent de Causâ?

Quia & quoniam, quod factum est, ex *Quom jam* seu *Cum jam*. Responderetur etiam per Nomina, *Eô quod*, *ideo*, *eâ re*, *hac re*, *propterea quod*.

Quæ adverbia quæruni de Tempore?

Quando, quamdiu & quantisper.

Quæ adverbia respondent ad Quando?

Hodie, heri, cras, pridie, postridie, perendie, nudiustertius, quartus, quintus, decimus, nunc, jam, nuper, tandem, aliquando, olim, pridem, dudum, tum, quum vel cum, interim, statim, protinus, illico, extemplo, actutum, repente. Responderetur etiam per Nomina, *Mane*, *serô*, *temporî*, *serius*, *temporîus*, *ocys*.

Quæ adverbia respondent ad Quamdiu, & Quantisper?

Tantisper, paulisper, aliquantisper, parumper, usque *pro assiduô*, diu, olim, dudum.

Quotuplicia sunt adverbia, quæ quæruni & respondent de Locô?

Quintuplicia. Alia enim significant locum sine motu, alia motum ad locum, alia motum per locum, alia motum ex locô vel à locô, alia motum
versus

versus locum. *Plaut. Merc. a. 5. f. 2.* Quò ego scio, subaudi, locò. Sic, quo, pro, quâ in parte, propè, propius, proximè, quæ sunt adverbia, non præpositiones.

Quæ adverbia quærunt de locò sine motu?

Ubi & ut, pro ubi positum.

Quæ adverbia respondent ad Ubi?

Hic, istic, illic, ibi, ibidem, inibi, intus, foris, utrobique, passim, supernè, infernè, infra, utrimque, undique, undiquaque, usquequaque, intus, subtràs, necubi, ubiubi, alibi, neutrubi, ubivis, uspiam, usquam, nusquam (*pro quò plebs Romana dicebat, nullibi*) altrinsecus, utrinquesecus, extrinsecus, intrinsecus. Respondetur etiam per nomina, ut *Romæ, Toleti, Carthagini, Ægypti, Cypri, Ciliciæ, domi, belli, militia, humi, ruri* vel *rure*.

Quæ Adverbia quærunt de motu ad locum?

Quo. Sed hoc adverbium non est *nativum* adverbium, sed *repertum* sive *usurpatum*: nam ex natura sua seu prima impositione est nomen accusativi pluralis à *quod*. Dicebant enim veteres *quo*, *pro*, *quæ*, & supprimebant præpositionem *ad*. Itaque *quo* valet: *Ad quæ loca* vel *negotia*. *Quo mihi fortunam*, significat, *ad quid mihi fortunam*, sive *cui rei mihi fortunam*? nam *quo* dativus etiam est pro *quod*, abjectò *i*, ut in *Paradigmatum* annotationibus monui.

Quæ Adverbia quærunt de motu versus Locum?

Quorsum, quod formatum est, ex *quoversum*, *pro*, *versum ad quo*, seu *quæ loca*.

Quæ Adverbia respondent ad Quo?

Istuc, huc, eò, illò, intro, utròque, aliò, neutrò, versus, versum, *Liv.* Neutrò inclinatâ spe. Foras, quoquo, peregre, obviam, ultro, citro. Respondetur etiam per accusativos locorum præpositione expressa aut suppressa, ut *Eo Romam, in Romam. Venit Italiam. Ibo rus, domum, in domum, urbem, larem. Nusquam. Plaut. Capt. n. 1. f. 2.* Num quo foras vocatus

vocatus es ad cœnam? R. nusquam. *Horat. 2. sat. 7.*
Si nusquam es fortè vocatus ad cœnam.

Quâ, est *in quâ parte*. Itaque propriè significat quietem seu statum, non motum.

Quæ Adverbia quærent de motu per locum?

Quâ.

Quæ Adverbia respondent ad Quâ?

Hâc, istâc, illâc, quaqua, quacumque, quavis, quaquaversus. Respondetur etiam per Ablativos locorum præpositione suppressâ, ut *Totâ vagatur Italiâ. Vebitur flumine vel per flumen.*

Quæ Adverbia quærent de motu ex locô?

Unde.

Quæ Adverbia respondent ad Unde?

Hinc, istinc, illinc, indè, indidem, eminus, cominus, aliundè, necundè, foris, unde unde, undecumque, utrinque, nusquam. Respondetur etiam per ablativos locorum præpositione expressâ aut suppressâ, ut *Lapsus cœlô, de cœlô. Venit Româ, à Româ, de Româ. Mercator Rhodô, vel de Rhodô. Vinum Chiô, vel de Chiô, Sargus Ægyptô, de Ægyptô, id est, Ægyptius. Sic Joannes ab Austriâ, & de Austriâ, id est, Austrius, quod nequaquam est nomen proprium, sed commune possessivum. Sic Cn. Magius Cremonâ, pro Cremonensis. Sed si ablativus sit personæ, præpositio exprimenda est, ut *Unde emisisti? à mercatore, de mercatore. Unde didicisti? à te, de te, ex te.**

Quæ Adverbia respondent ad Quorsum?

Horsum, istorsum, fursum *vel* susum (priscè *sus*, ut in *sustineo*) deorsum, rursum, (*Rusum & rufusum* dicebant, sublata R litera. Velius Longus.) prorsum, dextrorsum, lævorsum, sinistrorsum, aliorum, retrorsus, introrsus, quoquò versus, vænum, pessum: quæ duo postrema naturâ sunt nomina.

Quæ Adverbia quærent promiscuè tam de Locô, quam de Tempore?

Quousque: etsi hæ naturâ duæ sunt voces, deestque.

que ad loca vel tempora, ut integra oratio sit: Usque ad quo, vel, quæ loca, aut tempora.

Quæ Adverbia respondent ad Quousque?

Hucusque, illucque, eousque, hætenus, et si in istis sunt nomina, pro usque adhuc, id est, hoc temporis vel loci, usque ad illud temporis & loci, usque ad eo, id est, ea tempora vel loca, hæc sine tenus temporis aut loci. Sic Romam usque pro, usque ad Romam. Nusquam de loco: Terent. Heaut. a. 2. sc. 3. Hinc sciri potuit aut nusquam alibi, quò studio vitam te absente exegerit. Cor. Nepos. Miltiad. Auxilium nusquam, nisi a Lacedæmoniis, petiverunt.

Quæ Adverbia querunt de Tempore & Numerò?

Quoties.

Quæ Adverbia respondent ad Quoties?

Sæpe, identidem, plerumque, quotidie, toties, nunquam, unquam, semel, bis, iterum, ter, quater, quinquies, sexies, septies, octies, novies, decies, vicies, tricies, quadragies, quinquagies, sexagies, octogies, nonagies, centies, ducenties, millies. Multoties non dicitur, nec enim usquam apud auctores invenitur, nisi in Livii epitome incerti auctoris, ubi & alia non satis Latina leguntur.

Quæ sunt Adverbia Affirmandi?

Næ, certè, nimirum, nempe, scilicet, videlicet, verè, sanè, profectò.

Quæ sunt Adverbia Negandi & Prohibendi?

Non, ne, neque, nequaquam, haud, haudquaquam, neutiquam, minimè.

Quæ sunt Adverbia Jurandi?

Herculè, Herclè, meherclè, pol, ædepol, æcastor, mediusfidius.

Quæ sunt Adverbia Qualitatis?

Bene, pulchrè, eleganter, longè, latè, audacter, fortiter, celeriter, vicissim, amanter, dolenter, potenter, fraudulenter, arroganter, dissimulanter, obedienter, latenter, largiter, liberaliter.

Quæ

Quæ sunt Adverbia Quantitatis ?

Valde, oppidò, oppidoquam, nimis, satis, impensè, parum, affatim, abundè, perquam.

Quæ sunt Adverbia Comparandi ?

Magis, tam, quam, æquè, secus.

Quæ sunt Adverbia Similitudinis ?

Ut, uti, velut, veluti, sic, sicut, sicuti, ita, item, itidem, quasi, ceu, quomodo.

Quæ sunt Adverbia Intendendi ?

Prorsus, penitus, omnino, apprimè, non modò, nedum, immò, quin.

Quæ sunt Adverbia Remittendi ?

Sensim, paulatim, pedetentim, vix, ægrè, pænè, ferè, fermè.

Quæ sunt Adverbia Hortandi ?

Eia, agè, agite, agedum, ehodum, quin.

Quæ sunt Adverbia Congregandi ?

Simul, unà, pariter, conjunctim, generatim, universim, universaliter.

Quæ sunt Adverbia Separandi ?

Seorsum, seorsus, separatim, privatim, egregiè.

Quæ sunt Adverbia Excludendi ?

Tantuinmodo, solummodo, modò, demum, duntaxat.

Quæ sunt Adverbia Eventûs ?

Forte, fortuitò, temerè.

Quæ sunt Adverbia Moris ?

Meatim, tuatim, suatim, pro meò, tuò, suò more. Prisci canatim, suatim, bouatim dicebant, pro canum, suum, bouum more. Humanitus pro hominum more. Urbanatim, rusticatim, catervatim.

Quæ sunt Adverbia Principii & Originis ?

Radicitus, stirpitus, funditus, divinitus, antiquitus, quasi sit incipiendo à radice, à stirpe, à fundò, à Deò, ab antiquò.

Quæ sunt Adverbia Dubitandi ?

Fortasse, fortassis, fors, forsean, fortassean, forsit, forsitan, forsuat.

DE

DE CONJUNCTIONE.

Quid est Conjunctio?

Est vox expers numeri, quâ orationes conjunguntur, ut *Vir bonus & doctissimus. Homo præstantis ingenii & insigni virtute. Non ruri, sed Romæ vivit.*

Quot modis dividuntur Conjunctiões?

Duobus. Ratione significationis seu potestatis, & ratione collocationis.

Quotuplex est conjunctio ratione significationis?

Multiplex, ut *Copulativa, Disjunctiva, Conditionalis, Adversativa, Concessiva, Illativa, & Causalis.*

Quæ sunt Conjunctiões Copulativæ?

Et, que, ac, atque, quoque, etiam, quum, seu cum, tum.

Quæ sunt Conjunctiões Disjunctivæ?

Aut, vel, ve, sive, seu, an, nec ne, nec, neque.

Quæ sunt Conjunctiões Conditionales?

Si, sin, ni, nisi, modò, dum, dumtaxat, siquidem, hætenus.

Quæ sunt Conjunctiões Concessivæ?

Quidem, equidem, sanè, etsi, quamquam.

Quæ sunt Conjunctiões Adversativæ?

At, ast, sed, atqui, tamen, tamenetsi, tamenetsi, autem, attamen, verò.

Quæ sunt Conjunctiões Illativæ, quæ scilicet ratio præcedit?

Ergo, igitur, itaque, idcirco.

Quæ sunt Conjunctiões Causales, quæ scilicet ratio sequitur?

Nam, namque, enim, enimvero, etenim, quia, quoniam, siquidem, quippe, utpote.

Quotuplex est conjunctio ratione Collocationis?

Triplex. Alia est *Præpositiva*, quæ in orationis principiò ponitur: alia *Postpositiva* seu *Subjectiva*,

B

quæ

quæ uni aut pluribus vocabulis jam positis subjicitur: alia *Media* seu *Communis*, quæ aliàs præponitur; aliàs subjicitur.

Quæ sunt Conjunctiones Præpositive?

Et, ac, atque, nec, si, etsi, quamquam, at, ast, aut, vel, nisi, seu, &c.

Quæ sunt Conjunctiones Postpositive?

Enim, autem, verò, que, quoque, quidem, ne, ve.

Quæ sunt Conjunctiones Medie?

Ergo, igitur, itaque, equidem, quia, quoniam tamen.

DE INTERJECTIONE.

Quid est Interjectio?

Est vox expers numeri, varios animi motus sive affectus exprimens.

Quotuplex est Interjectio?

Duplex: Alia uni tantum affectui præcipue, alia pluribus exprimendis inservit.

Quæ Interjectiones unum præcipue affectum exprimunt?

Evax, eu, io, evohæ, exprimunt gaudium.

Ha, ha, he, exprimit gaudii effectum, qui est Risus.

Euge, eugepæ, exprimit voluptatem gratulantis.

Hui, exprimit voluptatem insultantis, & irridentis.

Papæ, exprimit voluptatem admirantis.

Heu, eheu; ah, exprimunt dolorem.

Hoi, oh, oh, exprimunt seu comitantur fletum, doloris effectum.

Hem, ehem, hâu, exprimunt stomachum sive indignationem.

Utinam, exprimit cupiditatem optantis.

Heus, eho, exprimunt cupiditatem vocantis.

Ejà, exprimit cupiditatem blandientis.

En, ecce, eccum, ellum, exprimunt cupiditatem demonstrantis.

Atat,

Atat, exprimit metum in genere.

St, au, exprimunt metum timentis ne ab alio audiat.

Phy, phuy, apage, exprimunt metum aliquid fastidientis vel averfantis.

Quæ Interjectiones pluribus affectibus serviunt?

O, servit gaudio, dolori, exclamationi & optationi, seu voto.

Hei, servit dolori & minis, seu diris aut imprecationibus.

Vah, servit voluptati admirantis & irridentis, tum dolori indignantis.

Ohe, servit stomacho seu tadio ob dictum aut factum alicujus, & cupiditati ejus, qui ab eo dicto aut facto cessare expetit.

DE GENERE NOMINUM

Regulæ Generales.

De Genere Significationis.

Fæmina masque genus nullò monstrante docebunt.

Propria cuncta virum, fluviorum & nomina montium

Mascula censentur: nullum tamen est genus illis.

Insula, navis, avis, gemma, urbs, arborque, poema

Fæmineis dantur, sed causa significati,

Non variata putes neutra, & pro nomine posita, &

Hippomanes, cacoëthes, nat, gith, spinter & I. U.

Cape, ador & cete, tempe, Soraëte, melosque,

Gausape, eposque, chaos, nil & frit, fasque, nefasque.

De Genere Dubio.

Hic aut hæc sit adeps, calx, cortex, clune, canalis,

Atque dies, snis, forceps, tum grossus & imbrex,

*Linter, margo, & onyx, pulvis, pumexque penusque,
Scrobs, specus, atque filix, stirps trunci, torque
varixque,
Multaque quæ è Græcis Os in Us vertère Latini.*

De Genere Terminationis.

Fæmineum *A* primæ est, veluti *panthera, sagitta, Adria*, sed finis est mas, atque *cometa, planeta*.
Nomen in *A* ternæ neutrum est, ut *stigma, poëma*.
E latiale puta neutrum esse, *cubile, monile*.
Fæmineum est *alot, rhodopeque & cætera Græca*.
I. neutris tribue, *O.* maribus, ceu *pugio, gummi*.
Fæmineis verbale in *IO, cayo, talio. DO. GO*,
Hic ordo, udo, ligo, cudo, burdo, harpago, cardo.
C. T. L. UM, neutrum : *sal, mugil, Solque virile*.
N. mas, *MEN*, neutrum : *gluten simul, unguen & inguen*.
Atque *ON*, non ternæ : *Hæc Sindon, icon, ædon*.
Nomen in *AR* neutrum : sed in *ER* distingue virile :
Hoc iter, hoc tuber, laser, piper atque papaver.
OR, mas. *Hæc arbor. neutrum cor, marmor & aquor*.
UR, neutrale dabis. Mas, *turtur, fursure, vultur*.
AS, dic fæmineum. *Hic elephas, adamasque tiaras*,
Atque *As* cum turba. Neutrum *vas, fasque, nefasque*.
Esto nomen in *ES* muliebre : at mascula Græca,
Et *gurges, poples, verres, parisque, ariesque*.
Limes, pes, fomes, termes, cum palmite trames,
Meridies, cespes, stipes : pluraleque ut *antes*.
Est quoque nomen in *IS* muliebre : *NIS* esto virile,
Et *retis, corbis, fascis quoque piscis & axis*,
Et *collis, vermis, tum callis, follis & ensis*,
Mensis cum vectis, postis, glis, fustis & anguis,

Et

Et *torris*, *caulis*, *lapis*; *unguis*, jungitur *orbis*,
 Et *sanguis*, *cucumis*, junges cum *vomere pollis*.
 OS, mas. Hæc *dos*, *cor*. Neutrum est *os*, *oris* & *offis*.
 US, maribus jungas seu quartæ, five secundæ,
 Hæc *humus*, hæc *alvus*, *vannus*, *domus* & *colus*, *idus*,
Porticus atque *tribus*, cum *figus*, *acusque*, *manusque*.
 Hoc *pelagus*, *pelagum*, *vulgus*, *vulgum*: hoc quo-
 que *virus*.

US, ternæ neutrum. Mas, *mus*, *grus*, *pous*, *lepus* &
sus

Hoc *Æs*. Hæc capiunt variata per *Utis* & *Udis*.
 S. muliebri. Hic *fons*, *dens*, *pons*, *mons*. Græca
 quoque in PS.

X. dato fæmineis, *pax*, *fax*, *fornaxque*, *suppellex*,
Carex, *lex* & *halex*, *nix*, *pix*, *perdixque*, *filixque*,
 Cum *lodice tomix*, *sandix*, *mastix* quoque *ribix*,
 Et *spadix*, *nox*, *vox*, *nux*, *crux*, cum *luce*, *calyxque*,
Calx mas atque *corax*, *dropax*, *storax*, quoque *pollex*,
Index atque *latex*, *ramex*, tum *grexque* *culexque*,
Lynx, *fornix* & *orix*, rarus cum *calice phœnix*.

DE NOMINUM

Declinatione.

Ex Sanctiō.



IN neutris primus, quartus, quintus similes sunt,
 Tres iidem casus plurales *A* retinebunt:
 Est quintus recto similis, S. tollito Græcis:
 Tertius & sextus plurales assimulantur.

Prima Declinatio.

Prima dat *A* nostris, *AS*, *ES*, *E*, Græca dabuntur.
E, dabit *ES* patrio: quarto *EN*, atque *E*, dato
 sexto.

Auras, *aurai* patrio dant sæpe poëtæ.

Secunda Declinatio.

Altera ER, US, UM, virque Saturque EUS ponito Græcis.

Vir, puer excrescunt: velat R, si RUS dedit olim.
US, per E, mutabit quintus: Deus excipe tantum:
Sed proprium per IUS, dabit I. dic mi quoque
fili,

Di que dei, atque deis dis. Hic sed sæpe poëtæ
Orpheos, Androgeo patrio, dantque Orphea quarto.

Tertia Declinatio.

Tertia dat varios fines tamen IS genitivo.

A, præstabit ATIS. Non crescunt nomina per E.
ONIS ab O: caro carnis, nemo, cardo, homo, Apollo.
DO, GO, fæmineum, margo, ordo, turbo dat
INIS.

Unedo fert ONIS: Anio, Nerioque dat ENIS.

Crescit IS, L, N, R, T. lac lactis, caput, itis.

MEN, CEN, pesten, INIS, jungas simul inguen
& unguen.

ON, aliquando ONTIS Græcis: cor nataque
cordis.

E, perdunt imber cum turbâ, acerque, alacerque,
Et celeber. Latium in STER, TER, tollito later.

Robur, ebur, femur atque jecur mittuntur in Oris.

Postulat AS, ATIS, sed ADIS dat Græcus &
ANTIS,

Vas, vadis & vasis, as, assis, mas, maris optat.

ES, dat ITIS, Cererisque, Ceres, ETIS, ariete,
perpes.

Præpes, hebes, paries, teres, indiges, interpretæque,
Inquies & locuples, magnes & cætera Græca.

EDIS, pes, merces, hæres, IDIS, à sedeo ortum.

Non crescit vates, verres, proprium & muliebre;
Sed

Sed *teges* atque *seges*, *abiesque*, *quiesque* dat *ETIS*.
IS, non crescit : *IDIS*, fac Græca, *lapis* quoque
cuspis.

ITIS, dic *Sammis*, *lis*, *Quiris* : *glis* sed in *IRIS*.

Impubis, *cucumis*, *pulvis*, *vomis*, *cinis* *ERIS*.

Pollis, *sanguis* *INIS* : *Simois* *Pyroisque* dat *ENTIS*.

OS, *ORIS*, *ceuflos* : *OTIS*, sed *compos* &
impos,

Et Græca atque *nepos*, *rum dos*, *cos* atque *sacerdos*.

Quædam *OIS*, ut *Mintos*, *custodis*, *bos bovis*, *offis*.

US, dat *ERIS*; sed *ORIS*, *lepus*, atque *decus*, *facinusque*,

Et *nemus*, & *tergus*, *pectus* cum *tempore*, *frigus*,

Hoc *pecus* & *littus*, *corpus*, cum *fanore*, *pignus*.

UDIS, dat *subscus*, *palus*, *incus*, dat *salus* *UTIS*,

Intercus, *virtus*, *servitque* *juvenque* *senectus*.

Grus & *sus* dat *UIS*. *Tellus* *monosyllabaque*
URIS.

POUS deducit *ODIS*, sed in *UNTIS* oppida
quædam.

Æs, *æris*, *præs prædis* habent : *Laus* *fraus* petit
AUDIS.

S, sine vocali (ut *frons*, *lens*, *puls*) vertitur in *TIS*.

Lens, *frons*, *glans*, *nefrens*, *libripens* *DIS* : *aucupis*
auceps.

I. mediat cum *BS*, *PS*, syllaba finit, *hiemsque*.

E, per *I*, mutabunt polysyllaba, *principe*, *celebs*.

X, in *CIS* verte, ut *sax*. *LECTILIS* edo
suppellex.

(*Demptò halex*, *vervex*). *E* per *I*. polysyllaba
vertunt.

In *GIS*, *lex*, *grex*, *rex*, *remex*, *Phryx*, *conjuges*,
mastyx,

Frugis & *impetigis*, *Styx*, *stryx* & pleraque Græca.

CHIS dat *Onyx* : *nox noctis* habet, *nivis* & *senis*
ede.

Fæmineum *IS*, non crescens *EM*, siue *IM*, dato quarto.

IM, *sitis* & *tussis*, *vis*, *buris*, *pelvis* habebunt.

Græca in *IS*, *IM*, siue *IN* mittunt parisyllaba, ut *IRIS*.

Sextus *E* vult semper; sed *E* aut *I*. postulat *imber*, Atque adiectiva, ut *pugil* & *TRIX*: adde *supplex*,

Amne, *ignis*, *postis*, *vectis*, *rus*, *anguis* & *unguis*.

Quartus in *EM*, siue *IM*, sexto *I*, semper dabit aut *E*.

AL, *AR*, *E*, neutrum *I*, dat; sed *E*, *far*, *nectar*, *jubar* hepar.

Plus, *pluri* melius: sic *IM* aut *IN* dantia quarto.

ES, recto & quarto: sed *IA*, cum sextus habet *I*.

Comparativa tamen per *A*, solum, *plusque* *vetusque*.

UM, patrius, sed *apis* dat *IUM*, *imber*, *uter*, *caro*, *linter*.

Quæque in *IA* mittunt rectum, quæis addito *apliustra*.

ES, *IS*, non crescent (*panis*, *juvenis*, *canis*, *UM* dant.)

Sed monosyllaba *IUM*, præter, *dux*, *nux*, *sue*, *grus*, *frux*,

Ren, *fur*, *flos*, *mos*, *Tros*, *grex*, *lex*, *rex*, *vox*, *laus*, *per*, *prex*.

Atque *boum*, *bos*, *bubus*, *bobus* pone dativo.

Tertius est in *IBUS*, sed *ATIS* magè neutra *Pelafga*.

Tres casus Græcos retinent hic sæpe poëtæ,
Si crescat nomen, ceu *Pallados*, *Hectora*, *Troas*.

Quarta Declinatio.

Quarta dat *US*, recto dat & *U* prius invariatum.

Dant *UBUS*, hæc quatuor, *portus*, *tribus*, *arcus* & *artus*.

Quinta

Quinta Declinatio.

ES, olim patrius : sed. & *E, II*, sæpe poëtæ.
*ERUM, EBUS*que caret pluralis : tolle *dies, res*.
 Non Cicero voluit *specierum*, nec *speciebus*.

REGULÆ DE VERBORUM Præteritis & Supinis.

OMnes has Regulas centum & septuaginta versibus hexametris feliciter complexus est Emmanuel Alvarez è Societate Jesu, quos ex ejus Grammaticâ pueros petere, memoriæque mandare suadeo. Etsi enim dubium non habeo, quin ediscendis 1141. sententiis illis in *Mercurio bilingui* positis, verba pleraque omnia inflectere jam didicerint, minimè tamen disconducet, eos regulam certam habere, ad quam timentes memoriæ fidem ac dubitantes respiciant. De *Supinis* supra demonstravi, ea perperam pro verbis haberi, cum vera & germana sint nomina quartæ declinationis, ex participiis passivis in *TUS* formata : nihilominus tanti est, pueros versibus illis ediscendis certo scire, cum quæ singulorum verborum participia sint passiva, tum quæ quartæ declinationis nomina saltem in accusativo & ablativo casu ex participiis illis efficta extent : nam neque omnium verborum *Supina* sunt tradita, neque eorum ferè alii casus, quam in *UM* & *U* exeuntes, sunt inventi. Verbi gratia : *Promptu*, est ablativus è participiò factus, quod præpositio arguit, cum legitur, *In promptu est*. Si quis jam dicatur *Ivisse promptum ex arca pecuniam*, erit accusativus suppressa præpositione *ad*, velut in *Syntaxi* planum fecimus. Sed *homo magnò natu, tantus natu, major natu* legimus, nec tamen *natum*. Simi-

liter nec *Suppetias*, *inficias*, *instar*, *impere*, aliò casu inventa sunt, quæ tamen propterea ex nominum censu nemo exegerit. *Impetibus* tamen crebris dixit Lucretius, & Septimius Serenus *Ad instar*, sicut *ad modum*. Paulus verò Jurisconsultus, *Ire ad inficias*, pro *inficiatum*, quo modò *Ire ad suppetias*, est *ire ad suppetiatum* sive *auxiliatum*. *Suppetiæ* est apud Plautum Amph. a. 5. l. 1. *Non metuo quin mee uxori late suppetiæ sint divinitus*. Sabin. Epist. Demoph. *Non equidem infiteor, multum clamavit uterque*.

PROSODIA.

Regulæ de Syllabarum Quantitate.

OMnem Prosodiæ Latinæ rationem versibus quasi centum sexaginta idem Alvarez ita explicuit, ut nihil præterea desiderandum videatur. Magister meus Sanctius, & alii, qui eadem de re versus contexuere, minus mihi satisfaciunt. Ad Alvari ergo Acroasin adolescentes mitto, nec eos modò, quibus ingenium ad poëticam factum sortito obrigit, sed etiam quos sive inter legendum, sive in cædendo sermones ignoratâ syllabarum quantitate ludibrium aliis debere pudet.

DE SYNTAXI

seu Constructione.

Quid est Syntaxis?

Est debita partium orationis inter se compositio.

Quotum-

Quotuplex est Syntaxis ?

Duplex : Regularis & Irregularis five Figurata.

Quid est Syntaxis Regularis ?

Est compositio inter se partium orationis consentanea regulis artis.

Quotuplex est Syntaxis Regularis ?

Duplex. Concordia & Rectio.

Quid est Concordia ?

Est partium orationis, five ejusdem, five diversi generis inter ipsas convenientia, ut in *Vir bonus*, conveniunt inter se partes ejusdem generis, quia utrumque nomen est. Sed in *Virtus laudatur*, est convenientia partium diversi generis, cum altera nomen sit, altera verbum. Hæc autem Concordia vel propriè, vel impropriè dicitur. Propriè quidem de nominibus, verbis & participiis, quæ aliquid tertium habent, in quo conveniant : Impropriè verò de particulis, cum ex consensu hominum five institutò unà ponuntur, ut *Ne dicas*, *Non dices*, *Ne dic, utinam viveret*.

Quid est Rectio ?

Est certi casus adsciscendi potestas. Ut in *Filius Dei*, nomen substantivum, adsciscit sibi genitivum. In *posuit animam*, verbum activum adsciscit accusativum, *pro peccatoribus*, præpositio adsciscit ablativum.

DE

CONCORDIA NOMINIS.

Quotuplex est Concordia nominis ?

Quadruplex : Alia enim est concordia nominis substantivi cum adjectivò, alia nominis relativi generalis cum nomine antecedente, alia nominis relativi specialis seu reciproci cum nomine antecedente, alia nominis cujuscunque cum verbò personali.

Quæ

*Quæ est regula Concordiæ nominis Substantivi cum
Adjectivò ?*

Nomen substantivum sive expressum, sive suppressum, cum adjectivò consentit numerò & casu, ut *Mali corvi, malum ovum. De meò sumtus facio, pro, meò ere. Delphica laurus, pro, Delphica arbor laurus. Triste lupus stabulis, pro, triste negotium, id est, tristis res lupus est stabulis.*

*Quæ est regula Concordiæ nominis relativi gener-
alis cum nomine antecedente ?*

Nomen relativum generale semper collocatur inter duos casus unius nominis expressos aut suppressos, quorum antecedentem refert in genere & numerò, cum sequente convenit in numerò & casu, ut *Vidi hominem, qui homo sedebat.* Nihil autem refert sive casus sint expressi, sive suppressi ac subintelligendi: nam aliàs supprimitur antecedens casus, ut *Nemini credo, qui divos blanditur pauperi, pro, nemini diviti credo:* aliàs supprimitur sequens casus, ut *Odi sapientem, qui sibi non sapit, pro, qui sapiens:* aliàs uterque casus supprimitur, ut *Sunt quos arma delectant, pro, sunt homines, quos homines arma delectant.*

*Quæ sunt regulæ Concordiæ nominis reciproci cum
nomine antecedente ?*

Prima.

Ambiguitatis evitandæ causâ nomen reciprocum cum primò & præcipuò suppositò convenit, sed ubi nullum ambiguitatis est periculum, indifferenter reciprocum & quodvis aliud relativum cum suppositò consentit, ut *Homines à Deò discedunt propter peccata sua.* Hic reciprocum *sua*, cum primo supposito *homines* relativè convenit. *Cepi passerem in nido suo, vel ejus vel ipsius*, promiscuè dicitur: nam ubi prima est vel secunda persona, ibi non est periculum ambiguitatis, sicut etiam in tertiis personis sæpe

sæpe sermo dubius esse non potest, adeoque non refert reciproco, an quo alio relativo utaris, ut Cicero: *Camillus mihi scripsit te locutum esse cum eò, pro, secum. Ulciscuntur eum mores sui vel ipsius. Plautus. Suam rem sibi salvam sistam, si illo advenerit, pro, sistam ei rem ipsius salvam.*

Secunda.

Nomen reciprocum & alia relativa indifferenter cum præpositione *inter* consentiunt, ut *Contendunt inter se docti. Contentio est doctorum inter se, vel inter ipsos. Plautus, Dicam cognatis, ut bona mea inter eos partiant, pro, inter se.*

Tertia.

Nomen reciprocum cum nomine *quisque* consentit, ut *Iustitia suum cuique tribuit. Quisque suos patimur manes.*

Quæ est regula Concordiæ cujuscunque nominis cum verbò personali?

Nomen cum verbò personali in solò numerò convenit, ut *Probitas laudatur & alget.* In personâ non potest convenire, cum omnia nomina sint tertix personæ, præter *ego*, quod est primæ, & *tu*, quod est secundæ, & relativa pleraque, quæ sunt omnium personarum, ut *Qui sciam, qui scias, qui sciat, uter sumus, uter estis, utri sunt.* Nominativus in oratione affirmante aut negante cum verbò sive expressò, sive suppressò in numerò convenit, ut *Triste lupus stabulis. Dulce bellum inexpertis.*

D E

RECTIONE NOMINIS.

Quotuplex est Rectio Nominis?

Duplex, Vera scilicet & Falsa.

Quotuplex est vera Rectio Nominis?

Quadruplex: Alia enim est Rectio nominis substantivi cujuscumque: alia nominis substantivi verbalis, sive à verbo derivati: alia nominis adjectivi ex participiò activò facti: alia denique adjectivi participio passivo similis.

Quæ est regula Rectionis nominis Substantivi cujuscumque, sive in genere?

Solum nomen substantivum sive expressum, sive suppressum regit, sive adsciscit casum genitivum, sive: Omnis genitivus à nomine substantivo expressio aut suppresso regitur, ut *Lectio librorum Ciceronis. Nummus auri. Accuso te furti*, subaudi, *crimine. Natus Romæ*, subaudi, *in Urbe. Quanti emisisti?* subaudi, *aris pretiò*: nam integra oratio secundum regulas est: *Pro quanti aris pretiò emisisti? Lumborum tenuis mergitur*, subaudi, *sine*, pro, *usque ad finem lumborum.*

Quæ est regula Rectionis nominis Substantivi Verbalis?

Nomen substantivum verbale plerumque genitivum, interdum verbi sui casum regit, ut *Lectio poetarum*, *Classi propinqua domum itio dabitur. Meus è foro domum reditus. Justitia est obtemperatio legibus. Quid tibi me tactio est*, vel *tactus est?* pro, *Quid me tangis?* *Quid tibi ludos spectatio est*, vel *spectatus est*, pro, *Quid spectas ludos?* *Eo spectatum ludos*, pro, *ad spectationem* vel *spectationem ludos seu ludorum*: Nam *spectatum*, non est verbum supinum, sed nomen verbale
quartæ

quartæ declinationis. Plaut. Aul. *Hic eam rem vult mecum adire ad pactionem*, pro, *ejus rei*. Vide Annotationes in Syntaxin nominum.

Quæ est regula Rectionis nominis Adjectivi ex Participiò activò facti?

Nomen adjectivum ex participiò activò factum regit genitivum, ut *Amans uxoris*, *appetens alieni*, *amantior* vel *amantissimus suorum*. Cujus regulæ causa est, quoniam talia adjectiva faciem tantum adjectivi habent, sed vim substantivi. Imò in particip. subauditur substant. ut *homo amans*. Plaut. Pseud. a. 1. s. 3. vers. 88. Poen. a. 3. s. 1. vers. 9. quia in eo latet substant. formale, ut *amans amorem uxoris*, *Appetens appetitum alieni*.

Quæ est regula Rectionis nominis Adjectivi Participio passivo similis?

Nomen adjectivum non nisi terminationem cum participiò passivò communem habens regit casum verbi sui, ut *Populabundus agros*, *Vitabundus castra hostium*.

Quot sunt regulæ falsæ Rectionis nominis?

Sex, nimirum de sex casibus, qui à nominibus regi falso dicuntur.

Quæ est Regula de falsa rectione Nominativi?

Nominativus post verbum finitum, seu personale, à verbi ipsius supposito nomine regitur, ut *Cato scribit invitus*. Sed falsum est nominativum vel à nomine, vel à verbò regi, non enim hic *Rectio* est, sed *Concordia*, quia nominativus prior, qui est verbi suppositum, nempe *Cato*, convenit cum verbo *scribit* in numero: Sed posterior nominativus ad suppositum pertinens, nempe *invitus*, convenit partim cum supposito in numero & casu, partim cum verbò in numero.

Quæ est regula de falsâ Rectione Genitivi ?

Genitivus à variis nominibus adjectivis regitur, ut *Plenus vini, dives agri, peritus juris, conscius facti, ignarus omnium, miser animi, integer vitæ*. Sed falsum est istos genitivos regi ab adjectivis, cum regantur Græco more vel à præpositione suppressa *in* vel *intra* (quæ præpositiones significant Latinis, *De*, *Italis Di*, ut *Plenus vini*, sit *plenus de vinò, pieno di vino*) vel à suppressis nominibus *causâ, ergo*, quasi dictum esset, *Dives agri ergo, peritus juris causâ, miser animi causâ*, pro, *quod attinet ad agrum, jus, animum*. Potest etiam subaudiri nomen substant. cognatum Adjectivi, & formam ejus significans, ut *dives divitiis, peritus peritiâ, miser miseriâ*. De quo videatur Auctar. Rudiment.

Quæ est regula de falsâ Rectione Dativi ?

Dativus à nominibus similitudinem, utilitatem, facultatem, aut contrâ significantibus regitur. Sed revera dativus à nullò nec nomine, nec verbò, nec aliâ quâvis parte orationis regitur, sed aptè cuius orationi jungitur, cum acquisitionem aut ultimum finem, commodum, vel incommodum, objectum vel subjectum significat, ut *Sum dominus his ædibus. Iustitia est obtemperatio legibus. Abalienatio est rei traditio alteri. Dura est servitus homini opulento*, id est, *quæ servitur apud opulentum. Hic fur est mihi*, pro, *à me furatus est. Cupidus vino. Hoc mihi datur vitio*, pro, *hoc mihi additur ad meum vitium. Tibi deserit Hesperus Oetam*, pro, *tuâ causâ. Deus omnibus curat. Metuo tibi. Hoc vobis decet. Hoc mihi latet. Jussit mihi scribere*, id est, *scriptionem. Lucr. 6. Percolatur enim virus, retroque remanet Materies humoris, & ad caput, amnis omnis confluit: ad caput amnium. Ibid. Flammæ tempestas Siculum dominata per agros Finitimis ad se convertit gentibus ora. Liv. 10. Bellum Samnitibus populo jussit. Et 1. 9. Bellum Hernicis jussum erat. Plaut. Bacch. a. 2. 1. 3. Exorta est mihi hæc tela, Cist. a. 4. f. 2.*

f. 2. Exorditur sibi orationem. Salust. Insidiae Consuli non procedunt: quæ structæ erant Consuli. Plaut. Trinum. a. 3. f. 2. Cum mihi cassidem sumsero in caput. Idem Bacch. a. 4. f. 9. Pugnam conserui soni. Propert. l. 2. el. 28. vers. 10. Præ se formosis invidiosa Dea est. Plaut. Aul. a. 3. f. 6. Cui agno exta in sole inspicere etiam vivo licet, pro, cujus exta. Afri. a. 1. f. 1. Neminem metuo mihi. Horat. Parum sepultæ distat inertia celata virtus. Terent. Sapiens stulto quid interest. Cic. Quicquid apud Cæsarem valebo gratia, valebo tibi.

Quæ est regula de falsa Rectione Accusativi?

Accusativus à nominibus dimensionem aut partem aliquam totius significantibus regitur, ut *Vixit annos centum*. Vitruv. *Pila altæ pedibus tribus, latæ quaternis. Latus duas ulnas. Albus dentes*. Revera enim accusativus semper à præpositione expressa aut suppressa regitur, nisi sit vel infiniti verbi suppositum, ut *Volo te scribere*, vel activi verbi appositum, ut *Rogo te*. Cum ergo dicitur: *Vixit annos centum*, subauditur præpositio *per*, quæ accusativum regit. *Latus duas ulnas*, subaudi *ad*. *Omnia Mercurio similis*, subaudi *per* vel *ad*. *Fractus membra. Albus dentes. Cætera latus, sanctus alia*, subaudi *ad*, pro quo barbarè vulgo dicunt *quoad*.

Quæ est regula de falsa Rectione Vocativi?

Vocativus à nominibus *tu* & *vos* regitur, ut *Lectule delictis facite beate meis*. *O dolor atque decus magnanrediture parenti*. *Huc venias hodierno*. Revera enim vocativus à nulla orationis parte regitur, etsi sæpe cum interjectione *O* jungatur: sed tota composita oratio ad vocativum dirigitur, ut *Quid amice premii erit, si hoc fecero*. *Esto tu Cæsar amicus*. *Audi Jupiter, audi tu populus Albanus*. *Dardania stratus dextra miserande jaceres*. *Nate meæ vires, mea magna potentia solus*: ubi subauditur *ens*, pro *tu, qui es meæ vires*. Plaut. Afri. a. 3. f. 3. vers. 101. *O Libane,*

ocellus aureus, donum, decusque amoris, Da meus ocellus, da mea rosa, da mi animè. Propert. l. 4. el. 10. vers. 17. Herculis ite boves nostræ labor ultime clava.

Quæ est regula de falsa Rectione Ablativi?

Ablativus à nominibus adjectivis gradum comparationis, instrumentum, causam, modum aut similem circumstantiam significantibus regitur, ut *Doctior illò. Suò gladiò hunc jugulo.* Revera enim omnis ablativus à solà præpositione expressà aut suppressà regitur, *Indoctor illò*, subaudi præpositionem *præ*, quæ ablativum regit. *Suò gladiò hunc jugulo*, subaudi *cum*. *Dignus laude*, subaudi, *pro*, Horat. *Dignum præstabo me etiam pro laude.* vel subaudi à, *pro*, quod ad laudem attinet: nam *Dignus* est à *δεικνυμι*, id est *monstro*, quasi *δεικτικόν* dicas seu digito monstrabile. Itaque etiam dicitur, *Dignus aliquid*, sive *ad aliquid*, similiter ut *Arte insignis*, *pro*, *ab arte*, ut ait Ovidius. Ter. Andr. a. 5. l. 3. *Dignus es cum tuâ religione odium.* Sic est in Bembi codice, & agnoscit Donatus, quamvis nesciat quâ hoc ratione dictum sit. Plaut. Afin. *Ne id quidem me esse dignum existimat.* Et Capt. a. 5. l. 2. *Non me censes scire, quid dignus sim.* Et Pseud. *Si tibi exoptem quantum dignus.* Et Mil. *Ad tuam formam illa sola digna est.* Similiter *contentus aliquò & aliquid* Plaut. Capt. a. 1. l. 2. *Si pauxillum potes contentus esse.* *Plenus vinò*, subaudi *dè*. *Magnò emere*, subaudi, *pro pretiò*. *Numerò militum impar*, subaudi *aliis*, subaudi *ab*, *pro*, quod ad numerum, ad alia attinet. Horat. *Viduus pharetrâ*, subaudi *A*. Virgil. *Cur ego Ditis opacos Cogor adire lacus viduosque à lumine Phœbi.* *Hortensius fuit multis rebus Cicerone inferior*, *pro*, *fuit à multis rebus præ Cicerone inferior.* *Adolescens bonâ spe, magnò ingeniò, priscâ fide, prosequi odiò, afficere honore, pæ tuâ*, subaudi, *cum*. *Dives nummis*, *Egeo nummis*, subaudi, *à*, *pro*, quod ad nummos attinet. *Sic natione Græcus, genere nobilis, domò Italus*, subaudi *à*. *Pallet metu*, subaudi *à vel*

à vel ex. *Venit, mane, luci, vesperi, tempori*, subaudi cum vel in: nam ista sunt ablativi casus, sicut etiam *Natus Carthagini. Ruri vivit*, subauditur in. *Auctore Aristotele, Nerone Imperatore, Ardente sole*, subaudi sub. *Hoste superato, lectis tuis literis*, subaudi à, quod significat post. *Horâ tertiâ*, subaudi de vel in. *More veteri*, subaudi de vel ex. *Cantando aliquem vincere*, subaudi in. *Glorior opibus*, subaudi de. *Privor potestate*, subaudi à. *Sacrifico vitulâ*, subaudi cum. *Fruor villâ*, pro, fruor fructum ex villâ. *Utor libris*, pro, utor usum, id est, utilitatem capio ex libris. *Potior pecuniâ*, pro, potior potestatem à pecuniâ. *Careo molestiâ*, pro, careo, carere (id est, caritatem, sive ut vulgo dicunt, carentiam) à molestiâ. *Interdico tibi domo meâ*, pro, interdico tibi interdictum à domo meâ, id est, quod ad meam domum attinet. *Indigus omni auxiliô. Lucr. 5. Cæsar. 3. belli civil. Numerô equitum multis partibus erat inferior. Amictus veste*, pro, à veste. *Ovid. 5. Metam. Ille sibi ablatu fulvis amicitur ab alis. Expers malô*, pro, à malô. *Inexpers mali*, subauditur partem.

DE SYNTAXI VERBI.

De Concordiâ Verbi.

Quotuplex est Concordia Verbi?

Duplex: alia est concordia verbi finiti seu personalis, alia verbi infiniti sive impersonalis, quod vulgo infinitivi modi dicitur.

Quæ sunt Regulae de Concordia Verbi Finiti?

Prima.

Omne verbum finitum, seu personale, habet suppositum, seu præcedentem nominativum, sive expressum, sive suppressum, sive infinito verbo aut aliâ oratione commutatum, cumque illô nominati-

vo supposito in numero consentit, ut *Tu doces*, *Nos discimus*. Hic suppositum verbi, seu nominativus præcedens est expressus. *Legit, audimus, ajunt, ferunt, pluit, lucefcit*. In his suppositum verbi, seu nominativus præcedens est suppressus & subaudiendus, nimirum, *Tu, nos, homines, pluvia vel cælum, lux*. Sic in *Miseret, tædet, pudet, piget, pœnitet*, subaudiuntur nominativi, *Misericordia, tædium, pudor, pigritia, pœnitentia*. In *Vivitur, curritur, statur, sedetur, egetur*, subaudis *vivere* seu *vita*, *currere* seu *cursus*, *stare* seu *status*, *sedere* seu *sessio*, *egere* sive *egestas*. Plaut. Stich. a. 5. s. 4. *Haud tuum est te vereri. Quid fit? Ligna cæsum itur*, pro, *Via itur ad cæsum ligna. Libet me epigrammata facere*. Hic oratio hæc, *Me epigrammata facere*, ponitur pro nominativo, quasi esset: *Mea factio aut factura epigrammatum libet*, id est, *jucunda est, Fugere vitium est virtus*. Hic suppositum verbi, *Fuga vitiorum*, commutatum est verbô infinito, *Fugere vitia*. *Deprehendi miserum est*. Hic suppositum verbi, *Deprehensio*, commutatum est verbo infinito, *Deprehendi*. Plaut. Aul. *Certum est Silvano potius credam, quam Fidei*, pro, *Ut credam Silvano, sive credere certum est*. Ubi nominativus *Creditus* vel *creditio* commutatus est hac oratione, *Ut credam*. Sic Capt. *Est miserorum ut malevolentes sint & invideant bonis*, pro, *Malevolentia & invidia est res miserorum*. Sic quæritur, *quis naves primus invenerit?* Hic suppositum verbi seu nominativus præcedens, nempe *Primus inventor navium*, commutatus est hac oratione, *Quis naves primus invenerit?* Sic *Dicitur mulam peperisse*, nominativus præcedens, nempe *Partus mule*, commutatus est hac oratione, *Mulam peperisse*. *Maja peperisse dicitur*. Est Græcismus Nominativi pro Accusativo. Sic *Multos homines quotidie mori dicitur*, pro, *Mors quotidiana multorum dicitur*. In *consilium iri videtur*, subaudi, *Viam*: ubi *Viam* iri habet vim nominativi, quasi esset *Viae itio*, sicut *Viam istam*

istam iri mirum est; cum sit latronibus infesta. Sic, Multos venturos esse creditur, pro, multorum adventus creditur. Liv. 42. 28. Mihi magistratus creare iussum est, pro, Creatio magistratus est negotium mihi iussum.

Secunda.

Verbum finitum seu personale sæpe habet appositum seu sequentem nominativum, ad suppositum verbi pertinentem, sive cum eo in numero consentiat, sive non, ut *Ego didici hoc puer. Ego vocor Marcus. Tu captus es arbiter. Deus est animus. Tu fili esto sobrius. Nos sumus docti. Propert. Nam cui non ego sum fallaci præmia vati. Idem: Una sit & cuius femina multa mala. Sic possum dicere: Quivis concubitus meretrici est nuptiæ. Quadrigæ fuere nota argenti. Nominativus porro appositus censetur etiam oratio nominativi vim habens, quem Scholastici nominativum *Virtuale* dicerent, non *Formale*, ut Plaut. *Ego videor me eam vidisse prius. Ubi hæc oratio, Me vidisse, vim habet nominativi, quasi esset, Ego videor ejus visor: sicut Me vidisse eam mihi dolet, pro, Visus aut conspectus ejus mihi dolet. Ita idem valent, Servus videtur cunctator, & Servus videtur eum cunctari: nam eum cunctari est nominativus, ut eum cunctari apparet vel molestum est.**

Quæ sunt regulæ de Concordia Verbi Infiniti?

Prima.

Omne verbum infinitum, sive impersonale, habet pro supposito Accusativum expressum aut suppressum, ut *Scio te amare vel amari. Cupio scire. Vereor facere. Opto videre diem illum. Malo manere quam abire. In his suppositum sive accusativus præcedens Me supprimitur, cum integra oratio sit, Cupio me scire, &c. Ita Lucretius secundum regulam dixit,*

Multa tibi me fingere possum. & Sallust. *Omnes homines qui se student præstare cæteris animantibus.* Plaut. Epid. *Videor me vidisse eam prius*, pro quò figuratè dici solet: *Videor vidisse eam.* Idem Curcul. *Æsculapius mihi visus est eum ad me non adire*, pro quò *ἰδμεν πικρῶς* dici solet: *Visus est ad me non adire*: Ita si dicam: *Servus videtur cunctari*, subauditur, *eum.* *Arbores videntur cadere*, subauditur, *eas*: ubi *eum cunctari*, valet idem quod nominativus *cunctator*: *eas cadere*, quod nominativus *Caducæ* vel *Cadentes*, sicut ex secundâ regulâ paulò prius apparuit. Sed ple-
risquè tamen figuratè, quam regulariter loqui magis placuit, maximè ubi infinitum substantivi nominis vim habet, ut *Sunt cantare pares*, pro, *à cantare* sive *à cantu*, quod ad *cantum* attinet. *Non mihi sunt vires inimicos pellere*, pro, *expulsioni inimicorum.* *Da mihi bibere*, pro, *potum.* *Disce tacere*, pro, *silentium.* *Eamus videre*, pro, *ad videre* seu *visum.* *Consilium cepit abire*, pro, *abitus.* *Cæptus est*, *desiit*, idem est, quod *cæpit*, *desiit.* Hæc porro Accusativum formalem aut virtualem regunt. *Cæptus est contemni*, vel, *cæpit contemni* valet, *cæpit consentum sui*, *desiit videri*, sive *desiit videri*, pro, *desiit visum* seu *opinionem.* Corn. Nepos Miltiad. *Hostes fore tardiores*, si animadvertent *auderi adversus se tam exiguis copiis dimicare*, pro, *dimicationem auderi se intentari.*

Secunda.

Verbum infinitum sæpe habet nomen appositum cum ejusdem verbi suppositò, id est, cum accusativo præcedente vel expressò, vel suppressò in casu consentiens, ut *Cupio me videri doctum.* Hic *doctum* appositum verbi infiniti *videri*, consentit in casu cum ejusdem verbi suppositò, id est, cum accusativo præcedente expressò, *me.* *Dixit daturum esse.* Hic *daturum* appositum verbi *esse*, consentit in casu cum

cum ejusdem verbi supposito *se*, quod supprimitur. Sic *Licet vobis vos esse beatos*, vel *licet vobis esse beatos*. *Tibi expedit te esse bonum*, vel *tibi expedit esse bonum*. *Nocet mihi esse doctum*, vel *nocet mihi me esse doctum*. Sed Græcorum consuetudine dicitur: *Cupio videri doctus*. *Dixit daturus*. *Licet vobis esse beatis*. *Tibi expedit esse bono*. *Nocet mihi esse docto*.

DE RECTIONE VERBI.

Quotuplex est Rectio Verbi?

Duplex: vera scilicet & Falsa.

Quotuplex est vera Rectio Verbi?

Duplex: Alia enim in genere est Rectio verbi activi cujuscunque sive finiti, sive infiniti: alia in specie est Rectio verbi activi infiniti pro nomine substantivò positi.

Quæ est regula veræ Rectionis verbi activi cujuscunque?

Omne verbum activum tam finitum, quam infinitum semper regit accusativum sive expressum, sive suppressum, sive verbò infinito aut aliâ oratione commutatum, ut *Disco literas*. *Veneror Deum* (nam verbum deponens est activum, quod priscam passivi significationem deposuit) *Vivo*, *dormio*, *gaudeo*, *jocor*, *curro*. In his subaudi accusativos *vitam*, *dormitionem*, *gaudium*, *jocum*, *cursum*. *Terra movit*, *nox cælo præcipitat*, *illa jam lavit*, *nupsit viro*, *emersit ex malis*, *volventibus annis*, *annò vertente*, *res bene vertat*, *res bene habet*. In his omnibus supprimitur accusativus *se*. *Objecit mihi facere lenocinium*, subaudi, *me*: & hæc oratio, *Me facere lenocinium*, vim habet accusativi. *Desidero videre te*, pro, *desidero conspectum tuum*. *Cupio vivere*, pro, *vitam*. *Odi tuum vociferari*, pro, *tuum clamorem*. *Volo facere*, pro, *volo factum*, quod ipsum in usu fuisse constat. In his accusativus com-

mutatus est verbò infinito. Sic volo obsecutum, pro, volo obsequi. Afìn. a. i. s. i. Dicotibi ne facias. Hic verbum actiivum regit accusativum alià oratione commutatum, quomodo & in isto: Hæc res facit me confidere, facit ut confidam, pro, facit me confidentem. Scio filium meum amare scorta, scio ut amet, quam amet, quodd amet vel amat, pro, scio filii amorem scortorum. Cic. Ganymedem raptum, ut Jovi bibere ministraret, pro potum. Sic jussit mihi scribere. jussit mihi ut scriberem, pro, jussit mihi scriptionem. Vetas me queri, vetas mihi queri, vetas mihi ne querar, pro, vetas mihi questum seu querelam. Iter istud à tam multis celebrari miror, pro, Miror multorum celebrationem istius itineris. Cupio me videri doctum. Hic oratio ista, Me videri doctum, posita est pro accusativò, quasi esset: Cupio opinionem doctrinæ. Terent. Adel. Quod te purges, hujus non faciam: Ubi Donatus, Figuratè, quod te purges, id est, purgationem tuam. Non necesse habeo me moneri. Hic me moneri positum est pro accusativò, quasi sit: Non habeo monitum mei necesse, sicut, Non habeo auditores attentos: nam necesse & necessum sunt adjectiva, quæ cum substantivò monitum vel moneri numero & casu conveniunt. Vide Annotat. ad Syntaxin, ibique regulam secundam de Verbò.

Quæ est regula veræ Rectionis verbi actiivi infiniti pro nomine substantivo positi?

Verbum actiivum infinitum nominis locò positum, cumque participiò in numero & casu consentiens, sive exprimatur, sive subaudiatur, aliàs genitivum regit, ut nomen, aliàs accusativum, ut verbum.

Da exempla Genitivi, qui a verbò infinito regitur.

Cum dicimus, Tempus est legendi, subauditur legere, quod vim habet substantivi nominis in genitivo casu, quasi esset lectus, id est, lectioni, & hoc verbum infinitum suppressum cum participiò convenit in numero & casu. Jam cum dicimus, Tempus

pus est legendi epistola, genitivus *epistola*, regitur non à participiò *legendi*, sed à suppresso verbo infinito *legere*, quod nominis vim habet: nam *Legere bonum est*, idem significat ac *lectio bona est*. Similiter Latine dicitur, *Tempus est legendi poetarum*, quia genitivus *poetarum*, regitur à suppresso verbo infinito *legere*, quasi dictum foret: *Tempus est legendi lectus poetarum*, id est, *legendæ lectionis poetarum*.

Da exempla Accusativi, qui à Verbo Infinito, pro nomine posito, regitur.

Cum dicimus, *Nunc est bibendum*, subauditur *bibere*, quod vim habet substantivi nominis in nominativo casu & cum participiò convenit in numero & casu. Jam cum dicimus, *Nunc est bibendum aquam*, accusativus *aquam* non regitur à participio *bibendum*, sed à supposito verbo *bibere*, quod nominis vim habet. Sic prisci dicebant, *pugnatum est pugnam*, subauditò verbo infinito *pugnare*, quod regit accusativum *pugnam*. Sic *ardeo desiderio discendi literas*, suppressum est verbum infinitum *discere*, quod accusativum *literas* regit. *Tempus est legendi*, subauditur *legere*, quod vim habet nominis in genitivo casu. Ergo cum dicitur, *Tempus est legendi poetus*, accusativus *poetus* non regitur à participio *legendi*, sed à verbo infinito suppresso *legere*. *Legendò fies doctus*, pro *in legendò legere*, id est, *in legendò lectu*, sive *in legendâ lectione fies doctus*. Cum ergo dicitur, *Legendò libros fies doctus*: accusativus *libros* à suppressio verbo *legere* regitur. *Eo spectare ludos*, pro *ad spectare*, sive *ad spectatum* vel *spectationem*. Hic accusativus *ludos*, regitur à verbo infinito, quod nominis vim habet, cum ei præpositio addi possit, sicut Lucretius: *Ad sedare sitim fluvii fontesque vocabant*.

Quotuplex est falsa Relatio Verbi?

Duplex: Alia est verbi finiti: ejusque vel substantivi, vel activi, vel passivi: alia verbi infiniti: ejusque vel gerundi, vel supini.

Prima.

Verbum substantivum significans idem, quod *perlinere*, genitivum regit, ut: *Quod medicorum est, promittunt medici.* Sed falsum est hunc genitivum regi à verbò *est*, cum regatur à nomine substantivò suppressò, quod est *negotium*. Sic *Judicis est verum sequi*, subaudi, *officium*. *Vincere hostes laboris est.* Hoc *facere moris est*, subaudi *res*. Est autem apud Latinos & Græcos *res laboris*, idem quod *labor*, *res moris*, idem quod *mor*.

Secunda.

Verbum substantivum formam aut qualitatem alicui inesse significans, genitivum vel ablativum regit, ut: *Abrotanum est jucundi odoris.* *Homo est antiqua virtute.* Sed falsum est istos casus à verbo substantivò regi, cum genitivus semper à nomine substantivò, ablativus semper à præpositione regatur. Ergo *Abrotanum est jucundi odoris*, subaudi, *herba*, à quo genitivus regitur. *Est majoris animi quam consilii*, subaudi, *homo*. *Est honesta facie, antiqua virtute*, subaudi, *cum*. *Vitium est triste habitu*, pro, *ab habitu*, id est, *quod ad habitum attinet*.

Quæ sunt regulæ de falsâ Rectione Verbi Activi?

Prima.

Verbum activum regit duos accusativos, alterum personæ, alterum rei, ut: *Poscimus te pacem*, *doceo te artes*, *hoc te moneo*, *rogo*, *interrogo*, *condono te hoc argentum*, *sine te hoc exorem*. In his omnibus falsum est accusativum rei à verbo activo regi, cum regatur à præpositione Græca *κατά*, id est, *ad*, *circa*, *juxta* vel

vel *secundum*, quæ tamen Græcorum imitatione supprimitur. Regit quidem sæpe verbum activum duos accusativos, sed ita, ut unius accusativi vim habeant cum verbò esse, quod subauditur. Tota oratio, *Te esse virum*, ponitur pro Accusativò, ut *Præsta te virum, Deum vocamus patrem, Cepimus te arbitrum. Dedit agium dotem.*

Secunda.

Verbum activum significans motum ad locum, nomina urbium, domus & ruris in accusativò regit, ut: *Scripti Romam, ibo Neapolim, rus se abdidit, domum tendo.* In his falsum est accusativum à verbò regi, cum regatur à suppressâ præpositione *ad* vel *in*.

Tertia.

Verbum activum regit accusativum nominum, quæ spatium loci aut temporis significant, ut: *Abeſt iter unius diei. Cælum patet tres ulnas. Ne transversum quidem unguem ab officio discedere. Triennium hinc abest. Fuimus unà duas horas.* In his falsum est accusativum à verbò regi, cum regatur ab aliquâ præpositionum suppressâ, ut *ad, ante, circa, per.*

Quæ sunt Regule de falsâ Rectione Verbi Passivi?

Prima.

Verbum passivum regit accusativum rei ex duobus illis accusativis, qui ab activò reguntur, ut: *Doceris artes, moneris utilia; poscor pecuniam.* In his falsum est accusativum à verbò regi, cum à præpositione Græcorum more suppressâ regatur, ut in regulâ primâ de Rectione activi dictum est.

Secun-

Secunda.

Verbum passivum regit ablativum cum præpositione à vel *ab*, rem agentem significante, ut: *amor à te*, pro, *tu amas me*. Sed falsum est ablativum à verbō regi, cum regatur à præpositione suā: falsum quoque est, præpositione rem agentem significari, cum à vel *ab*, nihil hic aliud significet, quam *Ex parte, hinc, istinc, ilinc*. *Amaris à me*, id est, *ex parte meā amaris*, hinc amorem habes, *amaris quod ad me attinet*.

Tertia.

Verbum passivum regit dativum, qui rem agentem significet, ut: *Non cernitur ulli, visus est mihi*. Sed falsum est, dativum ab ullo verbo aut nomine, aut particulā regi, etsi cuivis orationi adjungi potest ad significandam acquisitionem, commodum aut incommodum. Itaque similiter per activum verbum dicemus. *Nullus eum sibi cernit*, id est, *nulli conspicuus est*. *Video illum mihi*. *Audivimus nobis sermonem illius*. *Hoc nobis non probas*. *Dixi te mihi*. *Non omnibus dormio*.

Quarta.

Verbum passivum regit accusativum cum præpositione *per* rem agentem significante, ut: *Res agitur per illum*, pro, *ille rem agit*. Sed falsum est accusativum regi à verbō, cum regatur à præpositione: falsum etiam est præpositione significari rem agentem. Similiter enim in activō dici potest, *Ego per te rem agam*. Ubi *per* significat instrumentum, alibi significat idem quod Græce *ὑπὸ*, ut *Per me quidem sint ista vera*, pro, *quod ad me attinet*. Proditio

diti per Domitium, pro, à Domitiò, à parte Domitii, quod ad Domitium attinet. Per hanc cœnam tibi incœnato esse licet, id est, quod ad hanc cœnam attinet.

Quæ sunt regulæ de falsa rectiõne Gerundi?

Prima.

Verba gerunda in *di* vel in *do* exeuntia regunt accusativum expressum vel suppressum, ut: *Ardeo desiderio discendi literas. Defessus sum legendò libros. Teneor cupiditate vivendi, subaudi, vitam.* Sed hæc rectio falsa est, partim quia nulla sunt verba gerunda, cum nec tempus, nec personam habeant; partim quia isti accusativi reguntur à suppressò verbò infinitò, nominis vim habente, quasi dictum foret: *Ardeo desiderio discendi discere literas. Defessus sum in legendò legere libros. Teneor cupiditate vivendi vivere.* Sicut in *Discitur*, subauditur, *discere*, in *Legitur*, *legere*, in *Vivitur*, *vivere*.

Secunda.

Verba gerunda in *dum* exeuntia regunt accusativum, ut: *Petendum est pacem. Bibendum est aquam. Legendum est poëtas.* Sed hæc rectio falsa est, cum ista in *dum* non sint verba, sed participia, cum quibus verbum infinitum suppressum, nominis vim habens, in casu & numero concordat, quasi dictum foret: *Petere pacem petendum est. Bibere aquam bibendum est. Legere poëtas legendum est.*

Quæ est regula de falsa Rectiõne Verbi Supini?

Verbum supinum cum verbis motum ad locum significantibus accusativum expressum aut suppressum regit, ut: *Eo visum ludos. Gratias actum nos Senatus misit. Dedit filiam nuptum, subaudi, se, ut se nubat, sive caput velet viro suo.* Sed falsum est ista esse verba, cum sint nomina quartæ declinationis accusativi

fativi casus, & regantur à præpositione *ad* suppressâ. Regunt autem nomina verbalia accusativum, velut verbi sui casum, ut supra de *Nominis Rectione* demonstratum est.

D E

SYNTAXI PARTICIPII.

Quæ est Regula de Concordiâ Participii?

Omne participium cum substantivò nomine expressiò, aut suppressiò, aut verbò infinitò vel aliâ oratione commutatò, in generis terminatione numero & casu concordat, ut: *Hic homo vigilans somniat: Venturò Cesare Roma trepidat. Pausanias à suis mori coactus est. Legendò Virgiliò fies poëta. Credendum est Ciceronem fuisse virum optimum.* Hic nomen substantivum commutatum est hac oratione. *Ciceronem fuisse virum optimum. Nunc est bibendum, subaudi, verbum infinitum bibere, quod substantivi vim habet in nominativò. Pugnatum est, subaudi, pugnare, quod est locò substantivi. Catoni fuit moriendum, subaudi, mori. Tempus est legendi, subaudi, legere, sic libertas loquendi, subaudi loqui. Propert. Sit modo libertas quæ jubet ista loqui. Ita consilium cæpit abeundi, subaudi, abire. Quod pro genitivò substantivi nominis ponitur: Charta inutilis scribendo, subaudi, scribere, quod est locò nominis in dativò, quasi esset: Inutilis scribendæ scripturæ. Locus amplissimus ad agendum, subaudi, agere, id est, ad actionem. Legendò fies doctus, subaudi, legere, quod vim habet nominis in ablativò.*

Quotuplex est Rectio Participii?

Duplex; Vera scilicet & Falsa.

Quæ est regula vera Rectionis Participii?

Omne participium regit casum verbi, à quò derivatur, sive expressum, sive suppressum, sive verbò infi-

infinito aut aliâ oratione commutatum, ut: *Homerus sceptrâ poetarum potitus*: nam *Potior hanc rem veteres dicebant. Dona daturus regi occurrit. Adulantem omnibus, & adulantem omnes videmus.* Dicimus enim *Adulor tibi, subaudi, adulari, vel adulationem.*

Quæ sunt regulæ falsæ Rectiōis Participii?

Prima.

Participia in *Dus* desinentia genitivum singularem & pluralem regunt loco accusativi, quamvis ipsa sint singularis numeri, ut: *Quæ fuit causa collocandi fiderum. Non est nunc tempus videndi lunæ.* Hos genitivos falsum est regi à participiō, cum regantur à suppressō verbō infinito nominis vim habente, quasi dictum foret: *Causa collocandi collocare fiderum, sive collocandi collocamenti, vel collocandæ collocationis fiderum. Non est tempus videndi videre lunæ, sive videndi visus lunæ. Jesuitas tenet libido speculandi natium puerilium, cadendi puerorum.*

Secunda.

Participia quædam vel nullum casum, vel à verbi casu differentem regunt, ut: *Laureatus, Tunicaus, Ocreatus. Populabundus agros. Vitabundus hostes. Amans uxoris. Alieni appetens.* Sed falsum est ista esse participia, cum sint nomina participalia, quorum alia terminationem tantum cum participiis communem habent, alia ex participiis facta, sunt nomina aliud significantia, quod quidem fit aut *Constructione*, ut *Appetens alieni*: aut *Comparisonem*, ut *Doctior, amantior, comitator*: aut *Compositionem*, ut *Indoctrus, indiligens.*

DE SYNTAXI PRÆPOSITIONIS.

Quæ est regula Concordiæ Præpositionis?

Præpositiones compositivæ cum aliis præpositionibus, item cum adverbis, conjunctionibus, verbis & nominibus ita conveniunt, ut in unam cum illis vocem coalescant. Et harum quidem octo sunt *Loquellares*, quæ extra compositionem loquellæ tantum, sed nullius significationis sunt. *Significativæ* verò quinquaginta quatuor, quæ extra compositionem habent propriam significationem, de quarum usu Annotationes videantur.

Quotuplex est Rectio Præpositionis?

Triples: Alia scilicet earum præpositionum, quæ præponuntur accusativo, alia earum quæ ablativo, alia dubiarum, id est earum, quæ utrique.

Quæ est regula Rectiōis Præpositionum cum Accusativo?

Præpositiones sequentes viginti sex adsciscunt accusativum. *Ad*, *apud*, *ante*, *adversus* vel *adversum*, *cis*, *citra*, *circa*, *circum*, *contra*, *erga*, *extra*, *inter*, *in*, *infra*, *juxta*, *ob*, *pone*, *penes*, *per*, *post*, *propter*, *præter*, *supra*, *secundum*, *trans*, *ultra*. *Supra* cum Ablat. *Lucret. 6. Multaque humi cum inhumata jacerent corpora supra Corporibus.*

Quæ est regula Rectiōis Præpositionis cum Ablativo?

Præpositiones quindecim sequentes adsciscunt sibi ablativum. *A*, *ab*, *abs*, *absque*, *coram*, *cum*, *de*, *e*, *ex*, *foras*, *præ*, *pro*, *palam*, *sine*, *tenus*.

Quæ est regula Rectiōis Præpositionum dubiarum?

Præpositiones quinque. *In*, *sub*, *super*, *subter* & *clam*, alias accusativum, alias ablativum sibi adsciscunt.

Quando

Quando In regit Accusativum?

Primo, cum significat motum seu transitum, ut : *Via ducit in urbem. Hanc mihi dat in manum.* Deinde cum actio differtur, ut : *In diem est, quod minaris. Præsens in tempus rem hanc omite. Precor ut in hunc & plures annos vivas.* Postremo cum accipitur pro erga vel contra, ut : *Pius in patrem, Ingratus in præceptorem.*

Quando In regit Ablativum?

Cum significat aliquid in locò fieri, ut : *In portu navigo.*

Quando Sub regit Accusativum?

Cum significat motum, vel idem quod *post* aut *circa*, ut : *Sub terras ibit imago. Sub galli canum. Sub eas literas recitatae sunt tue.*

Quando Sub regit Ablativum?

Cum quietem significat, ut : *Sub pedibus, sub arbore, sub iudice.*

Quando Super regit Accusativum?

Cum significat motum, ut : *Columnam super tumulum statui voluit.* Virgilius tamen in quiete significanda utitur. *Fama super æthera notus.* Et Propert. *Et gravis ipse super libera colla sedet.*

Quando Super regit Ablativum?

Cum significat quietem, vel idem quod *de*, ut : *Fronde super viridi. Hac super re ad eum scribam.*

Quando Subter regit Accusativum?

Cum sive motum, sive quietem significat, ut : *Plato iram in pectore, cupiditatem subter præcordia locavit, pro, sub præcordiis; infra præcordia. Subter pineta Galea, pro, sub pinetis. Et subter captos arma sedere duces. Lucr. 6. de arboribus. Si quis eas subter jacuit, prostratus in herbas.*

Quando Subter regit Ablativum?

In oratione poetica tantum, ut : *Subter densa restudine.*

Quando Clam regit Accusativum & Ablativum?

Apud priscos magis accusativum regebat, ut

D

Clam

Clam uxorem : apud recentiores ablativum, ut : *Clam patre*. Plautus eò ut adverbio utitur, eique dativum jungit. Milit. *Meretricem moneri quam magni reserat, mihi clam est, pro, mihi occultum est.*

D E SYNTAXI ADVERBII.

Quæ sint Regulae de Concordiâ Adverbii?

Prima.

Adverbia interrogandi interrogativè posita primis verbi temporibus (quæ vulgo *Indicativi* modi dicuntur) magis consentiunt, indefinitè verò posita, magis secundis, sive subjunctivi modi temporibus, ut : *Ubi est? Dic ubi sit. Unde venis, quo pergis, qua ibis, cur taces? Unde venias cedo, quo pergas nescio, qua iturus sis scire cupio, cur taceas intelligo.*

Secunda.

Antequam & Priusquam indifferenter primis & secundis temporibus consentiunt, ut : *Antequam pro illò dicere instituo, pro me pauca dicam. Bibe priusquam abis, vel abear. Antequam moreretur, vel moriebatur, deliravit.*

Tertia.

Ut, tempus significans, pro *postquam*, primis temporibus consentit, ut : *Is ut me salutavit, statim profectus est.* Verum *Ut*, non minus hic, quam semper aliàs, similitudinem significare rectius dixeris. Itaque ei respondet *sic*, vel *ita*. Lucrer. 3. *Tu quidem*

dem ut es leiō sopitus, sic eris ævi. Quod superest, cunctis privatu doloribus ægris. Livius 21. Saguntini ut à præliis quietem habuerant per aliquot dies, ita non nocte, non die umquam cessaverant ab opere.

Quarta.

Ut, similitudinis pro quomodo, primis & secundis temporibus consentit, ubi tamen accedit causæ significatio, tantum secundis, ut: *Has ambas, ut dixi, ita oportet esse liberar.* Ille ut erat lenā amictus, ita venit in concionem. Ei te commendavi, ut gravissimè potui. Hera rogat, ut ad se venias, id est, ita te rogat, ut venias, & propter hanc causam te rogat, ut venias. Vereor ut placari possit, id est, quomodo possit. Ut illum Dii perdant, subaudi, ita precor. Hoc negotium, ut ego absim, confici potest, pro, esto ita, fac ita, da vel pone ita, ut ego absim. Antiqui tamen etiam ubi causā significabatur, Ut promiscuè primis & secundis temporibus adjungebant, ut: *Itam saxo hic erit, & saxo hic sit.* Ego saxo scies, pro, ita saxo, ut scies. Et faxe scias. Faciam cavebunt, qui audierint, pro, ut caveant, id est, ita faciam quomodo cavebunt.

Quinta.

Ne, cum Ut sive expressō, sive suppressō, secundis temporibus semper consentit, idemque quod non significat, ut: *Opera datur, ut judicia ne fiant.* Quid facias, prius cogita, ne mox facti te pœniteat, pro, ut ne, id est, ut non pœniteat. Vereor ne pater hoc resciscat, pro, ut ne. Timeo ne non impetrem, pro, timeo ut ne repulsam feram. Vereor ne me nolit dimittere, pro, ut non velit me dimittere, sive, ut ne velit me retinere.

Sexta.

Ne, vetantis vel dissuadentis, semper consentit

tit secundis & tertiis, siue subiectivi & imperativi temporibus, ut: *Ne nega. Tu ne cede malis. Istuc ne dixeris.* Nam solæcismus est, *Non dixeris.*

Septima.

Non, vetantis vel dissuadentis, tantum primo futuro consentit, ut: *Non negabis. Non dices.* Nam Solæcismus est, *Non nega. Non dic.*

Octava.

Quin, jubentis vel hortantis, primis & tertiis temporibus consentit, secundis numquam, nisi pro immo ponatur, ut: *Quid stas, quin accipis? Quin tu hoc audi.* Solæcismus erit, si hortaturus dicat: *Quin tu me audias. Quin accipias.*

Nona.

Utinam & *Si*, optantis semper secundis temporibus consentit. ut: *O si essem tecum. Utinam ita sit. Utinam viveret.*

Qualis est Rectio Adverbii?

Vera adverbii rectio nulla est, cum ab adverbio nullus casus regatur: Falsa tamen rectio est quintuplex secundum quinque casus, qui ab adverbio regi falso putantur.

Da exempla Adverbiorum, quæ falso putantur regere Nominativum.

En Priamus. En quatuor aia, Ecce homo, Ecce nova turba. In his falsum est nominativum regi ab adverbio, cum pertineat ad verbum aliquod suppressum, verbi gratia, *Sum, es, adest, venit, exoritur.*

Da exempla Adverbiorum, quæ falso putantur regere Genitivum.

Satis eloquentiae. Sapientiae parum. Terrorum & fraudis

dis abundè est. Auxiliorum affatim erat. Varro. l. c. 4. Volucres minus habent terreni, minus humoris, caloris temperate, & aeris multum. In his genitivus non regitur ab adverbio, sed à suppressò nomine substantivo, quod est *res vel negotium*. Latine enim dicitur, *Res auxiliorum*, pro, *auxilia*, *Res fraudis*, pro, *fraus*, *Res cibi*, pro, *cibus*.

Unus Plato est instar omnium. Hic verum est genitivum regi ab *instar*, sed falsum est *instar* esse adverbium, cum sit nomen substantivum, significetque similitudinem, imaginem.

Virtutis ergo aliquem donare. Illius ergo huc venit. Hic ergo est nomen substantivum ablativi casus à Græcò *ἐργον*, quod significat opus, vel id, *cujus vi aliquid factum est*. Ita *Virtutis ergo donatus*, significat *virtutis hoc opus esse, virtutis opere*, seu propter virtutem factum esse ut donaretur. *Illius ergo veni*, id est, *illius opere factum est*, sive, *ille fecit*, aut *causa fuit*, ut *venirem*, propter illum veni.

Ille omnium oratorum elegantissime loquitur. Hic genitivus non ab adverbio, sed à nomine suppressò regitur, subauditur enim *Ex numero*.

Partim eorum in pompâ, partim in acie illustres esse voluerunt. Hic *partim* non est adverbium, sed nomen accusativi casus, pro *partem*, & subauditur præpositio Græca *ἐκ*, id est, *ad vel secundum*, quod barbarè dicitur *quoad*. Sic *Oratio nostra magnam partim*, seu *partem ex jambis constat*, pro, *ad magnam partem*, à magnâ parte, quod ad magnam partem attinet. *Versus partim jambis, partim trochæis constans*, pro, *ad unam partem ex jambis, ad alteram partem ex trochæis*. Subaudiri quoque potest *in*, ut *Plaut. Asin. Age in nunc in partem hinc delude*, pro, *partim*, quod ad tuam partem attinet: nam ego meam partem jam satis eum delusi.

Eo consuetudinis adducta res erat. Hic eo non est adverbium, sed accusativus pluralis antiquus pro ea, sicut *duo, ambo, & subauditur negotia*. Est autem

Negotia consuetudinis, idem quod consuetudo. Ita *Huc malorum ventum est*, pro ad hoc (prisce *huc*) *negotium malorum ventum est*. Val. Max. 8. c. 2. 11. 6. *Huc necessitatis deductus*. *Res mali vel Negotium mali*, idem est quod *malum*.

Pridie ludorum. Postridie ejus dici. In his latent nomina, quia pris antiquis, significabat præcedens. Unde prior & primus, poster vel posterus (unde posterior & postremus seu postumus aut postumus, sicut extremus & extumus, vel extimus) idem valet, quod successor: Ergo *Pridie ludorum*, est in die præcessore ludorum. *Postridie ejus diei*, valet in die successore ejus diei. Prisci dicebant, *Poster & Postris*, sicut *Sacer & sacris*.

Fratrem nusquam invenio gentium. Abest longè gentium. Ubi terrarum es. Tunc temporis. In his genitivi non reguntur ab adverbio, quia ad orationem non pertinent, sed ad legitimam constructionem superant sive abundant. Est ergo hæc Syntaxis Irregularis seu Figurata, diciturque Pleonasmus aut Patercon, de quo infra.

Da exempla Adverbiorum, quæ falso putantur regere Dativum.

Naturæ convenienter vivere. Sed hic dativus a nullo regitur, tantum jungitur cum verbo, ut sit *Vivere naturæ*, sicut *Vivere sibi & amicis*. Plaut. Pæn. *Patrem & matrem vellem viverent tibi*. Adverbium postea modum verbi significat, quomodo scilicet naturæ vivat, nempe convenienter.

Da exempla Adverbiorum, quæ falso putantur regere Accusativum.

Propius urbem castra movit. Liv. 2. *Hoc propius* idem est. & 1. 4. *Hoc propius vero est. Proxime Italiam.* Sed hi accusativi reguntur à suppressâ præpositione ad. Sic *Cum Brundisium versus ires, Aretium versus castra movit*: subaudi ad. *Pridie Nonas*, subaudi, ante. *Sicut pridie constitutum diem.* Justin. 1. 2. *Postridie ludos*: subaudi, post. *Circiter meridiem, Tharsum usque profectus*, subaudi, ad.

Da

Da exempla Adverbiorum, quæ falsò putantur regere Ablativum.

Procul mari, procul patriâ, procul dubiò. Sed hi ablativi reguntur à suppressa præpositione à. Quanto doctior, tantò melior. Hic subauditur à negotiò: nam eò, quò, tantò, quantò, multò, paulò, sunt nomina sexti casus. Sicut Multis rebus te melior, significat à multis rebus, quod ad multas res attinet, similiter à multò negotiò, vel multò negotiò, & per duplicem Ellipsin multò melior rectè dicitur: quò ipsò sensu dici potest, Multum melior, pro, in multum negotium, sicut Plinius: Columbarum volatus in multum velocior, pro, à multò, vel multò velocior. Et Livius: Forma viri aliquantum amplior humanâ, pro, in aliquantum, ab aliquantò, aliquantò. Dictys 2. de bellò Trojanò: Nostros multorum dierum navigatione in aliquantum exhaustos. Versus naturâ participium est, usurpatione Adverbium. Curtius extremò l. 7. Duo oppida ad meridiem versa quatuor spectantia orientem. Cæsar. 7. bell. Gall. Castra movet in Arvernò versus. Liv. 2. In lapide ad meridiem versus consedit.

DE SYNTAXI CONJUNCTIONIS.

Quæ sunt Regulæ de Concordiâ Conjunctionis?

Prima.

Et si, etiam si, quamquam, ni, nisi, si & siquidem, promiscuè cum primis & secundis verbi temporibus consentiunt, id est, cum Indicativò, Optativò, & Subjunctivò, ut Et si vereor. Quamquam conspectus vester mihi est jucundissimus. Tametsi vicisse debeo, tamen de jure meò decedam. Præposteros habes tabellarios, etsi me quidem non offendunt, sed tamen, &c. Quamquam

D 4

apertè

aperit Volcatio assentirentur. Quare velim, etsi (ut spero) te hæc legente aliquantulum viæ processero, tamen obvias mihi literas mittas. Etiam si quod scribas, non habebis, scribito tamen. Omnia breviter tolerabilia esse debent, etiam si maxima sine. Nisi restituisent statuas, vehementer his minatur. Ortum amicitie videtis, nisi quid adhuc forte vultis. Ni sequitur, pugnosingere. Palam beatus, ni unum desit. Si illum relinquo, ejus vitæ timeo. Tu si hic sis, aliter sentias. Herus si redierit, molendum in pistrinò. Qui istuc scis, nisi periculum feceris. Siquidem atrocius est patrie parentem, quam suum occidere. Siquidem mihi regnum detur, numquam id potius persequar. Plaut. Poen. a. 1. f. 2. Siquidem ante mentitus sit, nunc autem debinc erit tibi verax.

Secunda.

Quom aut quum aut cum, tempus aut causam significans, primis & secundis temporibus convenit, ut Cum lego, cum legam: cum legebam, cum legerem: cum legi, cum legerim: cum legeram, cum legissem: cum legam, cum legero. Multa tibi dii dent bona, cum me salvum esse vis. Laudo te, cum id das operam, ut doctus evadas. Gratulor tibi, cum tantum vales apud Principem. Cum animum ejus à me alienum sentiam, cur ad eum accedam. Anni plures sunt, cum hoc accidit. Sciendum tamen quom natura sua esse nomen accusativi casus à quis, velut in Annotationibus in Paradigmata monui.

Tertia.

Quod, si vè causam reddat, si vè cum reliqua oratione accusativi vim habeat, promiscuè primis & secundis temporibus convenit. Causam reddit in istis: Idcirco turpis hæc culpa est, quod duas sanctissimas res violat, id est, quoniam violat. Mihi quod defendissem
ejus

ejus inimicum, leniter succensuit. Accusativi verò cum reliqua oratione vim habet hoc modò. Plaut. Scio quòd filius meus amet, pro, scio filium meum amare, scio amorem filii mei. Idem: Scio quòd dictura es hanc esse pauperem, pro, scio te dicturam esse. Cicero: Cum scripsisset quòd me cuperet ad se venire, pro, scripsisset se cupere me venire. Livius. Non ignoratis, quòd duo fulmina domum meam perculerint. Fuscus Arellius apud Senecam, Probabo, quòd non sit pudica, pro, non esse pudicam: quod loquendi genus velut lectius & elegantius veteres magis probarunt. Sciendum tamen est quod ex natura sua semper nomen relativum esse, sicut & quom seu cum, in iisque præpositionem subaudi, cum usu fiunt particulæ, quasi sit, Ad vel ob id nomen seu negotium quod: Ab eo vel ex eo nomine, seu negotio quod.

Quarta.

Quia primis & secundis temporibus convenit, ut: Eo ferox es, quia imperium habes in belluas. Illum nunc amo, quia non adest. Nemo est, qui dolorem ipsum, quia dolor sit, amet.

Quinta.

Quoniam, primis & secundis temporibus convenit, ut: Quoniam quæ nos scribimus, te delectant. Quoniam id quod vis fieri non potest, velis id, quod possit. Quoniam ipse venire non posset, fratrem misit, pro, quoniam non poterat. Est autem Quoniam, usu factum unum vocabulum, cum prius essent duo: Quom jam, sive, Cum jam.

Sexta.

Quin, pro ut non, semper secundis temporibus convenit, ut: Dies nullus est quin domum meam veniat.

Facere non possum, quin ad te mittam. Numquid causæ est, quin te in pistrinum condam. Factum est autem quin ex qui ne, pro, qui non, seu quo non, quò modò non, cur non.

Quæ est regula Rectiõis Conjunctionum?

Conjunctiones copulantes & disjungentes, item *an, nisi, quam*, ad eandem vocem relatæ, vi vocis illius adsciscunt sibi casum præcedenti expresso aut suppresso similem.

Da exempla Casus expressi.

Mittam vel Antium vel Circæos. Hic conjunctio disjungens relata ad vocem *ad*, vi illius vocis regit accusativum: nam integra oratio est: *Vel ad Antium, vel ad Circæos. Parum confidis aut liberalitati meæ; aut amicitie nostræ.* Hic conjunctio regit dativum vi verbi *confidis*, cui dativus jungitur, quasi esset: *aut confidis amicitie.* Et decretis & responsis Cæsaris interfuimus. Hic conjunctio copulans regit casum vi verbi *Interfuimus*, quasi esset: *Interfuimus decretis & interfuimus responsis. Homo antiquâ virtute & fide, pro, cum virtute & fide. Anullò probari malo, quàm à te, pro, quam probari à te. Quem Senatus, nisi me, nationibus commendavit? Resert qui audiant, Senatus, an populus, an iudices.*

Da exempla casus suppressi.

Malo Panormi, quàm Syracusis esse, pro, in urbe Panormi, quàm in Syracusis. Emi drachmâ & pluris, pro, emi pro drachmâ & pro pluris æris pretiò. Domi quàm rure esse malo, pro, malo esse in ædibus domi, quàm in rure.

DE SYNTAXI INTERJECTIONIS.

Qualis est Syntaxis Interjectionis?

Interjectionis nulla est Syntaxis, id est, nec concordia ulla, nec rectio, quoniam cum cæterâ oratio-

oratione non coheret, sed tantum ad significandum quemdam animi motum interponitur, qui motus facit, ut sæpe verba ad orationis integritatem necessaria supprimantur, ut *O vir fortis*, pro, *O quam es vir fortis*? *O me miserum*, pro, *O quam miserum me sentio*. *Væ tibi*, subaudi *fit*. *Væ te*, subaudi, *maneat*: nisi tamen *te* pro *tibi*, sicut *me* pro *mibi* positum arbitramur, quod veteres consuevisse Feltus & Donatus testantur. *Hei*, vel *Heu mihi*! subaudi, *est*. *Proh dolor*, id est, *proh quantus mihi ex eo dolor est*! *Proh Sancte Iupiter*! id est, *proh fidem tuam implo ro Iupiter*!

D E

SYNTAXI IRREGULARI

Seu Figurata.

Quid est Syntaxis Irregularis seu Figurata?

Est compositio inter se partium orationis consentanea consuetudini beneloquentium, etsi à regulis Syntaxe alienior.

Quotuplex est Syntaxis figurata?

Duplex: *Vernacula* scilicet seu *Domestica*, & *Peregrina*, seu *Transmarina*, aut *Græcanica*, quæ *Hellenismus*, vel *Græcismus* dicitur.

Quid est Syntaxis Figurata Vernacula?

Consentanea nativæ Romanorum consuetudini, quam penes arbitrium est, & jus, & norma loquendi. Itaque qui sequitur regulas neglectâ consuetudine, loquetur Grammaticè, sed non Latinè: qui verò sequitur consuetudinem neglectis licet regulis, loquetur Latinè.

Quotuplex est Syntaxis Figurata Vernacula?

Quadruplex: nam artis regulæ negliguntur vel per *Exsuperantiam*, cum aliquid in oratione superat vel superfluit, diciturque *Pleonasmus* aut *Pareclon*: vel

vel per *Defectum*, cum aliquid in oratione deest, diciturque partim *Ellipsis*, partim *Zeugma*: vel per *Discordiam*, cum in oratione dissensus est, diciturque *Syllepsis*: vel per *Ordinem* inversum seu turbatum, diciturque *Hyperbaton*.

DE PLEONASMO.

Quid est Pleonasmus vel Parelcon?

Est figura Latinæ consuetudinis, per quam aliquid ad legitimam constructionem additur, sive superest, vel abundat, ut: *Agedum, agesis, dictum, diosis, itera dum*, pro, *Age, dic, itera*. *Commigravit huc viciniæ. Proximè viciniæ habitat*. In his abundat vox *viciniæ*. Ita supervacui & otiosi sunt genitivi in istis: *Interea loci, ubi locorum, longè gentium, nusquam gentium, minimè gentium, ubique terrarum, tunc temporis*. *Ejus*, abundat in hoc, *Quoad ejus fieri potest*. *Magis, parelcon* & otiosum est in istis: *Magis beator, magis major*. Et potius cum *malle*. *Cic. Casum potius, quam te laudari mavis*. *Tandem*, supervacuum est in istis: *Nimis iracundè hercle tandem, heus tibi dico tu. Itane tandem uxorem duxit Antipho?* *Pleonasmus* etiam est cum simul in eadem periodo ponuntur, *Sicut. sic: sicut, ita: similiter, itidem, ut: prius, antequam: postquam, post. præterquam, præterea. tamenetsi, seu tamenetsi, tamen. si, quando. ubi, quando. ergo, igitur. itaque, ergo. en, ecce. post, deinde. extemplo, simul. saltem, modò. quia, enim. quippe, quia. quidem, ceritè. olim, quondam. totus, perpetuus. universi, omnes. ambo, duo. quod in idiotismo Italico hæsit. Plaut. Amph. act. 3. sc. 3. *¶* *Am hi ambo servus & herus frustra sunt duo*. Etiam *is* abundat in hoc *Pæn. act. 5. sc. 2. Pater tuus is erat frater patruelis meus*, pro quo aliter recte dicas: *Pater tuus idem erat frater meus. Sin minus est Pleonasmus, nam Minus est non, & Sin est**

Si non. Ideo per Pleonasmum dicitur, cum eo per Ellipsin dicatur, pro eò nomine. Pleonasmus est *Atque ut in comparatione parium.* Plaut. Milit. *Simile somnium somniavit, atque ut tu suspicatus es.*

DE ELLIPSI.

Quid est Ellipsis?

Est figura Latinæ consuetudinis, per quam ad legitimam constructionem deest vocabulum unum aut plura.

Quotuplex est Ellipsis?

Quadruplex: Alia scilicet est *Nominis*, alia *Verbi*, alia *Præpositionis*, alia *Adverbii & Conjunctionis*.

ELLIPSIS NOMINIS.

Quotuplex est Ellipsis Nominis?

Duplex: nam vel *Idem* nomen deest, vel *Aliud*.

Qualis est Ellipsis cum deest Idem nomen?

Idem nomen deest, si post verbum substantivum (*Sum, es, est*) sequatur adjectivum aut genitivus, ut: *Hoc est pecus regium vel regis.* Deest idem nomen *pecus*, quod prius erat positum: integra enim oratio secundum regulas est, *Hoc pecus est pecus regis vel regium.*

Quotuplex est Ellipsis cum deest aliud Nomen?

Duplex: nam deest vel *Cognatum* nomen, vel *Alienum*.

Quotuplex est Ellipsis Nominis Cognati?

Duplex: nam deest vel *Nominativus cognatus*, vel *Accusativus cognatus*.

Ubi deest Nominativus Cognatus?

In verbis illis, quæ ineptè vulgo *Impersonalia* vocantur, ut: *Curritur, sedetur, statur, vivitur, evenit:*
nam

nam deest ac subauditur, *cursus*, *sessio*, *status*, *vita*, *eventus*. Sic *Pluit*, *pluvia*: *Ningu nix*: *lucescit lux*: *Miseret miseratio*: *tadet tedium*: *pudet pudor*: *piget pigritia*: *pœnitet pœna*.

Ubi deest Accusativus Cognatus?

In verbis activis, quæ imperitè vulgo *Neutra* aut *Absoluta* dicuntur, ut: *Vivo*, deest *vitam*: *curro*, *cursum*: *sedeo*, *sessionem*: *ambulo*, *ambulationem*: *servio*, *servitutem*: *certo*, *certamen*. Eo iter sive itum.

Quotuplex est Ellipsis nominis Alieni?

Duplex: *Solitarii* scilicet & *Consociati*: nam vel unum solum nomen deest, vel cum nomine aliæ simul voces.

Quotuplex est Ellipsis nominis Solitarii?

Duplex: *Suppositi* scilicet & *appositi*, sive *precedentis* & *consequentis*.

Quotuplex est Ellipsis nominis Suppositi?

Triplex: *Nominis* scilicet, *Verbi* & *Præpositionis*: nam nomen quod deest, vel nomini, vel verbo supponitur, vel præpositioni.

Quotuplex est Ellipsis in quâ deest suppositum Nominis?

Duplex: nam vel *nominis regentis suppositum* deest, hoc est, *Substantivi*, vel *nominis concordantis*, hoc est, *Adjectivi*.

Qualis est Ellipsis in quâ deest Suppositum Substantivi?

Ædes, deest cum dicimus *domi*: nam hic genitivus *domi*, supponit nomen substantivum *ædes*, à quò regitur. Plautus *Casin. Insecratur omnes per ædes domi*. Nempe *domus* totum est, *ædes* verò, pars *domi*, seu *domus* ædificata & conclavibus distincta. Igitur *est domi*, significat, *est in ædibus domi*, sicut *jacet humi*, pro, *in terrâ humi*.

Causâ, vel *gratiâ*, vel *ergo*, deest in hoc Sallustii: *Exercitum opprimendæ libertatis habet*. Ovid. *Successorumque Minervæ indoluit*. Liv. *Pestilentia aliarum rerum*

rerum otium præbuit, id est, quod ad alias res attinet.
Cicer. Sanè ceterarum rerum paterfamilias attentus.
Sic Miser animi, integer vitæ, cupidus vini, peritus juris, subaudi causâ. Est autem *Animi causâ*, idem ac, quod ad animum attinet.

Copiâ, deest in his: *Eges Medici. Abundas pecuniarum.*
Virgil. Non est te fallere cuiquam, subaudi, copia, à quo nomine regitur *fallere*, quod pro nomine genitivi casus ponitur.

Crimine vel *actione* deest in verbis accusandi, damnandi aut absolvendi, ut: *Furti damnatus. Repetundarum postulatus. Cædis absolutus.*

Memoria vel *recordatio* vel *meminisse*, deest in his: *Memini illius rei. Venit mihi in mentem illius rei. Oblitus meorum, ubi subaudi, oblivione.*

Negotium, vel *res*, deest in hoc: *Dedit mihi mille nummum. Unò mille nummum lucratus est decem millia, pro, unò negotiò mille nummorum*: nam *Mille* semper est adjectivum pluralis numeri, sicut *decem* & *centum*. *Non est mihi operæ, subaudi, res, pro, non est mihi opera, quam tibi dem, sum occupatus. Laboris est hoc præstare, subaudi res. Satis eloquentiæ, sapientiæ parum. Quid rei, pro, quid negotium rei. Compendi facere, lucri facere, subaudi, rem.*

Officium, deest in istis: *Pauperis est numerare pecus. Adolescentis est majores natu revereri.*

Opus, deest in his: *Hoc non solum laboris, verum etiam ingenii fuit.*

Solum, deest in istis: *Terræ desigitur arbor. Procubuit terræ. Arbore humi arenosò genitæ, pro, in solò humi arenosò.*

Tempore, deest in *Domi, bellicque*, nam hic *domi* significat *pacis* & *otii*.

Terra, deest in hoc: *Facet humi, pro, in terrâ humi*: nam *terra* in *aquam* & *humum* dividitur à *Varone*. *Ægypti occisus est, subaudi, in terrâ.*

Urbs, deest in hoc: *Natus Romæ, pro, in urbe Romæ,*

Romæ, vel etiam in loco *Romæ*. Virgil. *Hic locus urbis erit*, pro, *hic urbs erit*.

Uxor, deest in his : *Terentia Ciceronis*, *Catonis Martia*.

Quotuplex est Ellipsis, in quâ deest Suppositum Adjectivi?

Duplex : nam deest suppositum adjectivi vel *Absoluti*, vel *Relati*.

Quotuplex est Ellipsis, in quâ deest Suppositum Adjectivi Absoluti?

Duplex : *Apertior* scilicet & *Tectior*. *Apertior* est, in quâ adjectivum nullum omnino substantivum expressum habet. *Tectior*, in quâ adjectivo suppositum quidem est nomen substantivum; sed tale, cujus generi terminatio adjectivi minimè congruat.

Ellipsis apertior, in quâ Adjectivum nullum omnino Substantivum expressum habet.

Æs deest in istis : *Parvi facio*. *De meô* : nam integra oratio est : *Parvi æris facio*. *De meô ære*. Sic *Ratio accepti & expensi*, subaudi, *æris*.

Amnis, vel *aqua* deest in *confluens*, *torrens*, *fluvius* & *fluvia*, quæ sunt adjectiva, sicut & in *pluvia* deest *aqua*.

Anguis, vel *bestia*, deest in *serpens*, quod est adjectivum.

Animi deest in *hôm* : *Rogo te ut boni consulas*, hoc est, ut *judices & statuas rem hanc esse boni animi*, vel *ab animô bonô proficisci*. *Æqui bonique facio*, hoc est, *facio hoc esse hominis, sive animi æqui & boni*.

Aqua, deest in *piscina*, quod est adjectivum, & in *pluvia*.

Ars, vel *scientia* deest in *Medicina*, *Musica*, *Dialectica*, *Rhetorica*, *Fabrica*, &c. quæ sunt adjectiva.

Avis, deest in *ales*, *præpes*, *volucris*, quæ sunt adjectiva.

Bestia, deest in *serpens*, *animans*, *quadrupes*, *fera*.

Bos deest in *juvencus*.

Canis,

Canis, deest in *moloſſus*, *Lacon*, *Melitaus*.

Carcer, priſcè neutrum, deest in *Tullianum* & *Piſtrinum*.

Caro, deest in *bubula*, *agnina*, *ſerina*, *caprina*, *ovilla*, *ſuilla*.

Caſtra, deest in *ſtativa*, *hiberna*.

Cervus, deest in *ſerus*. *Virg.*

Cibus, deest in *diurnus*, *diarius*, *demenſus*.

Cælum, deest in *ſerenum* & *purum*.

Corona, deest in *laurea*, *civica*, *muralis*, *obſidionalis*. In *ſertas*, *ſubaudi coronas*, in *ſerta*, *coronamenta*.

Conſilium, deest in *propoſitum*, *arcanum*, *ſecretum*.

Culmen deest in *tectum*, cum pro domo ponitur.

Culpa deest in *noxia*, quæ eſt adjectivum. *Noxa*, ſubſtantivum, pro nocumẽto ſeu damno.

Dii, deest in *Superi*, *Inferi*, *Manes*: nam *Manes* lingua Sacrorum dictum eſt, pro *Mani*, id eſt, *Boni*, ſicut *Porci Sacres*, pro *Sacri*.

Dies, deest in *Natalis*: *Perendinum*. *Plaut. Trinum.* verſ. ult. *Tu in perendinum paratus ſis ut ducas.*

Domus, deest in *Regia* & *Baſilica*.

Equus, deest in *ſerus*, *ſonipes*, *quadrupes*.

Fabula, deest in *prætecta*, *togata*, *palliata*.

Facta, pro reſ ſeu negotia, deest in hoc *Plautino*: *Mira ſunt, te hic ſtare.*

Fames, deest in *milvina*. *Plaut. Menæch. a. i. ſ. 3.* *Quæ mihi appoſita milvinam ſuggerant.*

Febris, deest in *quartana*, *tertiana*, *quotidiana*.

Finis, deest in *hætenus*, *quatenus*: nam integra oratio eſt: *Hæc fine tenus*, pro, *uſque ad hanc finem*, ſivè *ad hunc terminum*. *Lumborum tenuis*, ſubaudi *fine*.

Fodina, deest in *Auraria*, *Argentaria*.

Frater, deest in *germanus*, *patruelis*, *uterinus*.

Frenus vel *frenum*, deest in *lupatus* & *lupatum*.

Fructus, deest in hoc *Varronis. i. ruſt. 44.* *Ex eodem ſemine alicubi cum decimo redit, alibi cum centeſimo*: id eſt, *decuplum*, *centeſimum* naſcitur.

Frumenta, deest in *sata*, & *fruges*, in *sata*.

Funera, deest in *iusta*, *suprema*, *solemnia*.

Funis, deest in *rudens*, quod est adjectivum seu participium à *rudere*. Et in *Stupea*.

Homo, deest in *nemo*, quod est adjectivum omnium generum. *Tu es miser*, pro *tu es homo miser*. *Cicero est Romanus*, pro *homo Romanus*. Sic in *Amicus*, *familiaris*, *liber*, *servus*, *tabellarius*, *nuncius*, *socius*, *rivalis*, *maritus*, *adolescens*, *juvenis*, *subaudi*, *homo*. *Magnates*, *optimates*, *maiores*, *minores*, *ceteri*, *mortales*, *Itali*, *Galli*, *subaudi homines*.

Hora, deest in *quarta*, *prima*, *tertia*.

Horologium, deest in *solarium*.

Faculis, deest in hōc Virgil. *Missilibus certant*.

Ilia, deest in *intestina*.

Judiciō vel *jure* deest in *falsō* & *meritō*, quæ sunt nomina adjectiva.

Jus, deest in *augurium*, quod est adjectivum ab *augur*.

Lapis, deest in *molaris*.

Liber, deest in *annalis* & *diurnus*.

Libelli, deest in *pugillares*, *eborei*, *duplices*, *triplices*.

Lineas, deest in istō: *Ad incitas redactus*, id est, *ad ultimas lineas* in ludō xii. scruporum, in quibus scrupi seu calculi porrō moveri nequeunt, & ob hoc *inciti* dicuntur, id est, *immobiles*: nam *cio* est *moveo*.

Litera, deest in *vocalis*, *consonans*, *muta*, *liquida*.

Literas, deest in hōc Cicer. *Triduō abs te nullas acceperam*. Et Plaut. Merc. *Hodie in ludum occepi ire literarium*: ternas scio jam, A, M, O. Ubi verè ridiculè Emmanuel Alvarez ternas verborum conjugationes significari putat. Scilicet puer primā die in ludō ternas conjugationes discet.

Locus, deest in istis: *Hic senex de proximō*, ab *humili ad summum*, *subaudi locō*. In mediō. *Con-*
vene-

venerant in unum. Exilit in siccum, subaudi, Locum,
quod priscis neutrum erat à quò loca, deest in
Æstiva, hiberna, rosaria, pomaria, supera, infera, in-
ferna, secreta, subaudi, loca. In illis, quæ male
pro adverbiiis habentur, Primò, secundo, quarto,
postremo, deest locò.

Ludi, deest in Circenses, Megalesii, sæculares, fune-
bres.

Lychnus, deest in Cereus, Funalis, Cebaceus.

Mare, deest in his: Terris jaclatus & altò. In altò
perit. In tranquillò quilibet gubernator esse potest.
Cæcula verrunt.

Mensa, deest in Delphica.

Menfis, deest in Januarius, Aprilis, Majus, October,
December, &c. quæ sunt adjectiva.

Militer, deest in triarii, hastati, pilati, sagittarii, peltati,
cetrati, velites.

Modò deest in his: compositò, vel Ex compositò factum
est. De compactò, vel Ex compactò res geritur, id est,
còmodò, quem inter se composuerunt, vel compacti sunt.
Deest etiam in perpetuò, certò, secretò, & similibus.
Plautus enim eadem scenà 1. act. 3. Mostel.
promiscuè dicit: Metuo ne perpetuò perierim. Et,
Perii in perpetuum modum. Quò pactò istud fiet. Què
fieri potest: nam qui est quò. Cum eò, pro, cum cò
modò, cum hac conditione, sic.

Modum, deest in numero per Præpositionem ad
expressò Cæsar. 2. bell. Gall. Occis ad hominum
millibus quatuor, reliqui in oppidum rejecli sunt.

Morem vel ingenium, aut institutum, deest in hoc
Plauti: Antiquum obtines hoc tuum, tardus ut sis. Et
Terent. Non cognosco vestrum tam superbum.

More, deest in hoc Plauti Pseud. a. 4. f. 7. Unèti
sunt hi senes, fricari se ex antiquò volunt.

Mulier, deest in meretrix. Plaut. Stich. a. 5. f. 5.

Nimiòque sibi mulier meretrix repperit odium citius.

Merc. a. 4. f. 1. Mulier meretrix est intus in adibus.

Navis deest in celox, liburnica, prætoria, rostrata, triremis.

Negotium, id est, *res*, deest in omni adjectivò neutrali, cui nullum substantivum sit adjunctum, nec ullum aliud adjungi possit, ut : *Aliena curare. Triste lupus stabulis. Malum videtur esse mors. Strata viarum. Abdita rerum. Opaca domorum. Pessima munerum. Beata Seraphim*, subauditur, *negotia*. Porro *Negotia viarum, rerum, domorum*, Græcò more significat *vias, res, domos*. *Dulce ridet. Lucidum fulgent oculi. Turbidum latatur*, subaudi, *negotium*. *Mea interest*, pro, *est inter mea negotia, pertinet ad mea negotia*. *Refert mea*, pro, *affert, importat, sive apportat ad mea negotia*. *Omnia sunt hominum tenui pendentia filo*, pro, *omnia negotia, omnes res*. *Actum est*, subaudi *negotium*. Deest quoque *negotium* in illis, quæ vulgò adverbia putantur. *Multum, plurimum, plus, melius, pejus, brevius, doctius, eò, quò, tantò, quantò, multò, verò, falsò, &c.* in quibus præterea præpositio *a, ad, ex* vel *in* subauditur. *Paucis est quod te volo*, pro, *est negotium, propter quod paucis alloqui te volo*. *Non est quod vereare*, pro, *non est negotium propter quod vereare*. *Si est ut facturus sit officium*, pro, *si ita est negotium, si ita res se habet*. *Non est ut possit tibi plus dari*, pro, *non est ita negotium, res ita se non habet*. Etiam in *Hoc, id, quid, aliquid, nihil*, subaudis, *negotium*. *Nomen pro causa cum aliquâ præpositione deest in id, quid, eò, quò*. *Plaut. Amph. Id huc reverti ut me purgarem tibi*, pro, *ob id nomen, sive eam causam*. *Ibid. Cur dixisti, inquires non quò te esse impudicam crederem*, pro, *non ab eò nomine, quò crederem, sive non ob id nomen, ob quod crederem*. *Et Aul. Aurum me scit habere, come salutat blandius*, pro, *ab eo nomine*. *Cic. 14. famil. ep. 7. Ego eo nomine sum Dyrachii, ut quam celerrime quid agas, audiam*. *Terent. Eun. a. 5. f. 7. Nunc id prodeò, ut conveniam Parmenonem*, pro, *ad id modi, vel ob id nomen*.

Nummus

Nummus vel **numerus**, deest in *quinarius*, *denarius*.

Etiā in *Sesterii* subauditur *nummi*.

Nux, deest in *avellana*, *juglans*, *pineā*, *persica*, *castanea*.

Oculus, deest in *limis* adspicere.

Officina, deest in *fabrica*.

Officium, deest in istis: *Mentiri non est meum*. *Regium est benefacere*.

Opera, deest in *Bucolica*, *Georgica*, *Rhetorica*.

Oratio, deest in *Prosa* seu *Prorsa*, quod valet *Recta*, cui opponitur *Versa*.

Ostium, deest in *posticum*.

Oves, deest in *bidentes*, *fœtas*.

Pars, deest in *antica*, *postica*, *decima*, *quadragesima*, pro *virili*, *primas* vel *priores* alicui deferre. *Qua*, subaudi *parte*. Horat. *Quā parte debacchanur ignes, quā nebulae*.

Pecunie, deest in *repetundarum* & *repetundis*.

Pedatō, vel *pedatu*, deest in *primō*, *secundō*, *tertiō*, quæ malè adverbia putantur. Significat autem *primā*, *secundā*, *tertiā* vice.

Pede, deest in hoc: *Ædes quæ planō adeuntur*.

Premium, deest in *Corollarium*.

Principium, vel *primordium*, vel *initium* vel *ortus* deest in *primum* & *primō*, ubi etiam præpositio *ad* vel *à* subauditur.

Pretium, deest in *magnō emere*. *Magni mihi sunt literæ tuæ*. Hoc *magni* refert, *parvi* refert.

Puer, aut *puella*, deest in *infans*, *à parvulō*, *exoletus*, subaudi, *puer qui olescere*, id est, *crescere desit*.

Rastrus, deest in *bidens*, *tridens*, *quadridens*.

Ratio, deest in *expensa*, *impensa*, *summa*, *ad summam*.

Res, deest in *Esca*, quod est adject. ab *Essi*, sive *Edi* factum, quasi, *Essica*, sive *edilis*, aut *effibilis*, *comedibilis*. Hoc apparet ex compositō ejus *vescus*, *a, um*. Similiter in *adulia*, subauditur *negotia*, pro quō veteres libri habent *Edilia*, quasi, *co-*

medibilia. Etiam in istis: *Virtus est laudanda. Mors est bona. Satin salva?*

Reliquia, deest in *parietina*, quod est adjectivum à *paries*, sicut ab *aries*, *oraculum Arietinum*, id est, *Jovis Ammonis*, qui caput habebat cum cornibus arietis.

Rus, deest in *pascuum*. *Lucr. Pascua rura. Plaut. Truc. a. i. l. 2. vers. 47. Non arvus hic, sed pascuus est ager.* Ergò & *Arvum* est adjectivum in quò *rus* subauditur.

Sacra, deest in *Saturnalia, Bacchanalia, Liberalia.*

Sectura, deest in *Ternaria.*

Securis, subauditur in *bipennis.*

Servus, deest in *Vicarius, ostiarius, mediastinus.*

Sermo vel *rumor*, deest in *nuncius*, quod est adjectivum, diciturque *nuncius homo, nuncia fama*, vel *vox nuncium verbum* sive dictum.

In neutro *sestertium* deest aliquod substantivum, quod significet eandem drachmarum seu denariorum quantitatem, quæ est *Mina*, puta centum drachmarum: Ita *Mina Sestertia* rectè diceretur, *Mina pondus sestertium*, pro, 25 drachmis auri, quasi esset, *Pondus semitertium*, id est, *minæ duæ & dimidia. Sestertius* Germanicè est *eindritthalber. Sestertia* *eindritthalbe. Sestertium* *eindritthalbes* / ut *Sestertium milliare*, id est, *duo milliaria & dimidium. Sestertium bipalium* apud Columel. de arbor. c. i.

Sinus, deest in *Tarentinus, Puteolanus.*

Sol, deest in *Oriens, Occidens. Die crastini, die septimi*, subaudi, *solis.*

Spatium, deest in hoc Virgil. *In mediò mihi Cæsar erit.*

Sponse, deest in *Suapte*, apud Catullum.

Stabulum, deest in *bubile, equile, suile*, quæ sunt adjectiva, adeòque *bubilis, equilis, suilis*, dici potest subaudiendo, *caula.*

Stipendia, vel *ara*, vel *alimenta* deest in istis: *Ex schola quadringenta annua capit. Sunt qui tortoribus annua præstent.*

Stridor,

Stridor, deest in *sibilus*, quod est adjectivum.

Stuprum, vel *flagitium* deest in *incestum*, quod est adjectivum.

Tabella, deest in *eborea*, *citrea*, *duplices*, *triplices*, *laureate*, *pugillares*, pro quibus Catullus, *Pugillaria* dicit, subaudiendo *ligilla*, *schedia*, vel aliud quid.

Taberna, deest in *Medicina*, *Sutrina*, *Textrina*, *Tonstrina*, *Fabrica*, *Salina*, *Laniena*, *Carnificina*. Sunt enim ista omnia adjectiva.

Tegmen, deest in *lacunar*.

Tempus, deest in istis, *Serum est*. *Ex illò*. *Ex quò*. *Hornò*: *Brevi senties*, subaudi, *tempore*. Sic *Serò sapiunt Phryges*. *Optatò advenis*. *Non ignara futuri*, subaudi, *temporis*, *in perpetuum*, *in aeternum*, *in posterum*, *in futurum*. *In præsens*, *per sudum*, *cum sudum erit*, *sub obscurum*, *adhuc*, subaudi, *tempus*: nam *prisci hoc & huc dicebant*. *Hoc noctis*. *Id ætatis*, subaudi, *tempus*. *Postea*, *præterea*, *antea*, *antehac*, *posthac*, subaudi, *tempora*: nam *hac pro hac dicebant*.

Terra, deest in *Patria*, *continens*.

Toga, deest in *prætexta*.

Vacca, deest in *juvenca*.

Vada, deest in hoc Virgil. *In brevibus & syrtes urget*.

Vasa, deest in *stictilia*, *crystallina*, *vitrea*, *atramentaria*.

In *Salinum* deest *vas*.

Velum deest in *lintheum*. Catull. Car. 6. *Phaselli laud*.

Sive palmulis opus foret volare, *sive lintheo*.

Ventus, deest in *Africus*, *Favonius*, *Subsolanus*.

Verba, deest in his: *Quid multa?* *Paucis te volo*. *Dictum sapienti sat est*.

Vestes, deest in *serica*, *bombycina*, *undulata*, *Coe*.

Via, deest in istis: *Cur non recta introibas?* *Hac illac circumcursa*.

Vicibus, deest in *Alternis*. Seneca: *Non sit multiformis alternis Vatinius*, *alternis Cato*, *sed perpetuò sui similis*, *Idem*: *Alterne inter cupiditatem & poenitentiam nostram vices sunt*.

Vinum deest in *mustum*, *merum*, *falernum*, *massicum*, quæ sunt adjectiva.

Vir vel *uxor*, deest in *conjux*, *maritus*, *marita*. In *Majores*, *optimates*, *magnates*, *primates*, *subaudi viri* vel *feminae*.

Virga, subauditur in *rudis*, ut *Rudem accipere*, *rude donatus*.

Urceus, deest in *aqualis*.

Usuræ, deest in *centesima*, *dextantes*, *besses*, *semisses*.

Ellipsis Tectior, in quâ adjectivum habet quidem substantivum, sed genere discrepans.

Arbor, deest in appellationibus arborum cum adjectivô fæmininô positum, ut *Laurus*, *patula sagus*, *arda morus*, *fructuosa malus*, *consita pomus*: nam ista omnia per regulam terminationis sunt generis masculini. Ergo in his est *Syntaxis figurata*, cum deficit nomen substantivum. *Arbor* cum adjectivô concordans. Sciendum est autem in his & multis alijs plus consuetudini, quam arti serviendum, & figuratâ, quam regulari syntaxi utendum esse.

Fabula, deest in *Comædiarum* & *Tragediarum* titulis cum adjectivô fæmininô positis, ut *Terentiana Eunuchus*.

Florem, deest in hoc *Virgilii*: *Crocumque rubentem*: nam *Crocum* ex terminationis regulâ neutrum est.

Famina, deest in animalibus, quæ sunt sexus fæminini, sed nomen habent terminationis masculinæ, sicut *Mas*, deest in iis, quæ sunt sexus masculini, sed nomen habent terminationis fæmininæ. In *leo pro leena*, deest *famina*. Sic *Elephantus gravis*. *Porcus obesa*. Hæc *bos*, hæc *homo*, hæc *aquila*, hæc *anguis*, hæc *ovis*, hæc *canis*, hæc *testis*, hæc *civis*, hæc *sacerdos*, hæc *vates*, hæc *miles*; In his omnibus deest, *Famina*. Hic *bos*, hic *homo*, hic *aquila*, hic *anguis*, hic *ovis*, hic *canis*, hic *testis*, hic *civis*, hic *sacerdos*, hic *vates*, hic *miles*; In his omnibus deest *Mas*.

Herba,

Herba, deest in appellationibus herbarum cum adjectivô fæmininô positis, ut : *Dictamnium pota pel- lit sagittas. Centunculus trita in aceto* : nam per regulam illud neutrum, hoc masculinum est.

Insula, deest in nominibus propriis Insularum cum adjectivô fæmininô positis, ut : *Latonia Delus, Phœbeja Rhodus*.

Mons, deest in nominibus propriis montium cum adjectivô masculinô positis, ut : *Altus Ossa, præ- altus Ida, ignivomus Aetna*.

Oppidum, deest in nominibus propriis urbium cum adjectivô neutrali positis, ut : *Argi aptum equis. Altum Præneste. Tybur superbum*.

Sinus, deest in nominibus propriis finuum cum adjectivô masculinô positis, ut : *Sævus Hadria*.

Urbs, deest in nominibus propriis urbium cum adjectivô fæmininô positis, ut : *Barbara Narbo, magna Mediolanum, deleta Corinthus* : nam ex regula terminationis *Narbo & Corinthus* sunt masculini, *Mediolanum* verò neutri generis.

Qualis est Ellipsis, in qua deest Suppositum adjectivi Relati?

Homo aliquis, deest in istis : *Est qui dicat. Sunt qui affirmant. Sunt quos arma delectant*.

Idem, deest in hoc Plinii : *Equo ferè, qui homini, morbi : pro, iidem ferè. Tarando magnitudo, quæ leoni, pro, eadem quæ*.

Is, quod significat *talis* aut *tantus*, deest in isto : *Homo improbus, sed cui paucos ingenio pares invenias*.

Quotuplex est Ellipsis, in qua deest Suppositum Verbi?

Duplex : nam vel *Finiti verbi*, vel *Infiniti Suppositum* deest.

Qualis est Ellipsis in qua deest Suppositum verbi Finiti?

Ego, tu, ille, deest in verbis, *Amo, amas, amat*. Fert autem consuetudo eleganter loquentium, ut verborum primæ & secundæ personæ supposita per

Ellipfin semper ferè omittantur, nisi cum diverfitas aliqua significanda est, ut: *Tu legis, ego audio.* Alioquin secundum regularem Syntaxin Grammaticè, sed minus Latinè diceretur: *Quid tu facis? Ego quiesco.* Virg. *Hunc & nymphae veneramur:* subaudi, *Nos entes, sive, nos quæsumus nymphae.* Homines, deest in *ajunt, ferunt.* Lucr. *Nemo animi fallit.*

Libido, vel *cura*, vel *animus* deest in hõc Virgil. *Nec sit mihi credere, pro, nec mihi libeat credere.* Propert. *Nec tibi sit duros montes & frigida saxa adire, pro, ne velis adire.*

Potestas, deest in istis: *Videre erat Tityum.* Fame necatur: *aliter non est occidere.*

Ratio, vel *Mens*, deest in hoc Catulli: *Hoc falsum esse putas? fugit te inepte.*

Res, deest in istis: *Bene est. Malè mihi est. Ægrè mihi est.* pro, *Res bene vel malè se mihi habet: Ægritudo mihi est.* Sic, *Sero est, mane est, pro, Res est in mane, in serò tempore.*

Qualis est Ellipsis, in quâ deest Suppositum verbi Infiniti?

Me, te, illum, deest in verbis infinitis cum aliàs, tum præcipuè post verbum passivum, ut *Volo facere, pro, volo me facere. Non possum credere, pro, me credere. Non veretur mentiri, pro, se mentiri. Videor videre, pro, me videre. Putaris scire, pro, te scire. Paulus creditur fecisse, pro, illum fecisse. Multi dicuntur venire. Multi dicuntur venturos esse, pro, Eos venire, eos venturos esse: nam venturi esse, est Græcismus.* Lucr. *Quippe etenim quam multa tibi me fingere possum.* Sallust. *Qui se student præstare ceteris.* Plaut. Curcul. *Æsculapius mihi visus est eum ad me non adire, neque me magni pendere.* Idem Aul. *Vocem loquentis modò me audire visus sum.* Idem Milit. *Vereor me istò ornatu incedere.* Idem Epid. *Videor me vidisse eam prius.* Sic, *Diceris fecisse, pro, te fecisse.*

Qualis

Qualis est Ellipsis, in quâ deest suppositum Præpositionis?

Commune, deest in hõc : *Quid mihi tecum? Illi genti nihil ad eam diem cum Romanis fuerat.* Curt. 8. *Regum Indorum luxuria super omnium gentium est.* subaudi, *luxuriam.*

Homo servus, deest in istis : *Esse alicui ad manum vel à manu, circum pedes, ab epistolis, à cubiculò, à pedibus, à poculis, à studiis, hoc est, servire alicui quod ad manum, ad epistolas, ad cubiculum, ad pedes, ad pocula, ad studia attinet.* Cicero & Cor. Nepos dicunt, *Habere aliquem ad manum.* Talem servum Suetonius & posteriores minus Latinè dixerunt *Amanuensem.*

Quotplex est Ellipsis nominis appositi?

Duplex; *Nominis* scilicet & *Verbi*, & *Conjunctionis*: nam nomen quod deest, vel nomini, vel verbo apponitur, vel conjunctioni.

Quotplex est Ellipsis, in quâ deest appositum Nominis?

Duplex: nam vel *Nomen rectum* sive *Substantivum* est, quod deest, vel *nomen Concordans* sive *Adjectivum.*

Qualis est Ellipsis appositi Substantivi?

Ligni, deest in *Materia.* Cicer. *Non saxum, non materies advecta est. Lintribus materiam, calcem, cæmentata atque arenam convexit.*

Librarum, deest in *Pondo*, ut: *Corona mille pondo*: nam *Libra* Romanis alia erat *mensuralis*, alia *ponderalis*, cui addebant *Pondo.*

Passuum, deest in hõc Horatii: *Millia tunc prænstrata repsimus.*

Rerum, deest in hõc, *Esse in numero.*

Vite, deest in *Usu venire*, hoc mihi usu venit, pro, in vite usu, dum vitâ utor.

Qualis est Ellipsis appositi Adjectivi?

Aureus, argenteus, vel Sesterius sæpè deest in *Nummus.*

Bonæ, deest in hõc: *Fac sis frugi. Homo frugi.* Nam à *Fru* est genitivus *frugis*, unde extrito s, fecerunt *Frugi.* Sicut *Fami* pro *famis*, *Herculi* pro *Herculis.*

Ens,

Ens, inusitatum participium deest in hōc Virgil.
Adsum Æneas, pro ego *ens Æneas*, sive, *qui sum Æneas*,
adsum. Liv. Ego *Annibal* peto pacem. Plaut. Trin.
Rebus tuis bonis meas res irrides malas, subaudi, *enti-*
bus, id est, *cum tuæ res sint bonæ*. Livius: *Celtiberi*,
novus miles, *diffugerunt*, subaudi, *entes*. Sic in
procul dubiō subauditur, *ente*.

Par vel *aptus* deest in hōc: *Non sum solvendo æri alieno*.

Qualis est Ellipsis, in quâ deest appositum Verbi?

Me, te, se, deest in verbis agentibus, cum suppositum agit in se ipsum, ut Terent. *Mōve ocyus mea nutrix*. N V. *moveo*, pro, *move te*, & *moveo me*.
Terra movit. *Nox cælo præcipitat*. *Bene vertat*. *Res bene habet*. *Iræ leniunt*. *Venti posuere*. *Aquilones multis diebus tenuere*: pro, *durarunt*. *Atrox prælium diu tenuit*, pro, *duravit*, *Annō vertente*. *Pallium maculat*. *Vestibulum pulverat*. *Res ita fert*, vel *tulit*: in his subauditur, *Se*.

Te quoque vel vos, deest in *amabo*, quod pecus Grammaticum fecit adverbium mediâ, si Musis placet, correptâ. Plaut. *Ite domum amabo*. *Amabo mi senex*, eloquere: pro, *Mi senex eloquere*, & *amabo te*. Cic. *Expecta amabo te*.

Bellum, deest in *cernere*, *certare*, *militare*.

Clitellam, deest in hōc: *Imponere alicui*. Significat enim habere aliquem pro afinō, & fallaciam ei tanquam clitellam vel sarcinam imponere.

Domum, deest in hōc Plaut. Aul. *Redi intro*, atque *intus servi*.

Facem, vel *cereum*, deest in *prælucere alicui*.

Iter, vel *viam*, deest in his: *Quo tendis?* *quo pergis?*
Nox appetit. *Abit dies*. *Somnium mihi evasit*. In
me culpa illius experet. *Idem tibi eveniet*.

Litem, deest in hōc Suetonii Claudio: *Absentibus secundum præsentem dabat*.

Literas, deest in hōc Cicer. *Quo mitterem*, aut cui *darem*, *nesciebam*.

Laudem,

Laudem, deest in *detrahere alicui*.

Locum, deest in *cedere, decedere, succedere alicui*.

Malum, deest in his : *Caveo tibi, timeo tibi, metuo à te, de te, pro te*. In *cavere malo*, deest *se*, & est *Hypallage*, pro, *cavere sibi malum*.

Mortem, deest in *obire, oppetere, & morte*, in *ocumbere*.

Navem, deest in hóc : *Soluit è portu. Statim conscendit. Ad portum appulit*.

Nuncium, deest in hóc : *Renunciare vitæ, civilibus officiis*, pro, *valedicere*.

Ova, deest cum *Gallinæ aliæque aves incubare* dicuntur.

Peccatum, deest in *ignoscere*.

Rationes, deest in *conturbare*, quod est *Mensariorum*, cum *rationibus crediti paria facere* desperant ; *Vulgo Fallire*.

Relativum nomen, sæpe deest, ut : *Urbs antiqua fuit ; Tyrii tenuère coloni : subaudi, quam, vel illam*. *Horat. 2. Sat. 8. Vidimus & merulas poni, & sine clume palumbos, suavis res, si non causas narraret earum, subaudi, Quæ, & Esset : Quæ res suavis esset, nisi, &c.*

Rem, deest in *decoquere* : quod est *absumere rem familiarem*.

Rogationem, deest in hóc : *Ferre ad populum de aliquâ re*. *Cic. Tribunus tulit ad plebem, ut absentis ratio haberetur*.

Principium, deest in *capere & incipere*. *Virgil. Culice : Conformare locum capit impiger, pro, capit principium conformandi*.

Sacra, deest in *facere, bove, agnâ, vitulâ*.

Viam, deest in *ire, mîre, ingredi*. *Incunte atate, vere ; subaudi, viam*.

Vitam, deest in *agere, agitare, peragere*.

Utile, vel commodum, deest in *consulo tibi, prospicio mihi*.

Vultum, deest in *nubere* : nam *sponsæ faciem flammeò*

meò velò obnubebant seu velabant pudoris causâ.

Qualis est Ellipsis in quâ deest Appositum conjunctionis?

Is, deest post conjunctionem in hõc Cor. Nepotis in Pelopidâ: *Cujus belli cum ei summa esset data, eoque cum exercitu profectus esset, pro, eoque is cum exercitu.* Sic idem Thymol. *Cum frater ejus tyrannidem occupasset, particepsque regni posset esse, pro, particepsque is regni.* Sic idem in Dione. *Id cum factum multi indignarentur, magnæque esset invidiæ tyranno, pro, magnæque id esset.* Plaut. Epid. act. 5. sc. 2. *Ain tu te illius inveniisse filiam?* E. P. *inveni, & domi est: pro, & illa domi est.* Sallust. Jugurt. *Dum equites præliantur, Bocchus cum peditibus, quos filius ejus adduxerat, neque in priore pugna adfuerant, postremam Romanorum aciem invadunt: pro, neque ii adfuerant, sive qui non adfuerant.* Plaut. Rud. a. 2. s. 1. *Quibus nec quæstus est, nec didicere artem ullam. pro quique non didicere, &c.* Liv. 4. *Induciæ non pax facta, quarum & dies exierat, & ante diem rebellaverant.* Similiter sæpe Livius, Cæsar & Hirtius.

Qualis est Ellipsis nominis Consociati, sive in quâ præter nomen, aliæ quoque voces desunt?

Ad id, vel ob id, vel, propter id nomen, seu negotium, & ab eo, vel ex eo negotiò, seu nomine, sæpe deest in quod relativò, quæ conjunctio vulgo putatur. Terent. Eun. *Sanè quod tibi vir videatur esse, hic nebulo magnus est.* Ibi. *Quod dicat, alium quærebam, iter hac habui, periisti.* Et Haut. *Id quod est consimilis moribus, facile convinces ex te natum.* Et Hec. *Omnes lætæ exclamant, venit, id quod me repente adspexerant.* Ubi Donatus: *Deest propter, ut sit, Propter id, ac per hoc ideo.* Cic. 3. ad Quint. frat. 2. *Ab accusandò me teneo, id quod nolo cum Pompejò pugnare, id quod judices nullos habemus: pro, ob id quod,*

quod, eo quod, ab eò nomine quod, sive, eà causâ quod.

Ædes cum præpositione in, deest in hoc: Est domi, pro, in adibus domi.

Æs, cum alienum & par, deest in hoc: Non sum solvendo, pro, non sum par vel aptus solvendo æri alieno.

Æris; cum pretiò & pro, deest in hoc: Quanti emisisti: nam integra oratio est: Pro quanti æris pretiò emisisti.

Affectus seu præditus cum à, vel cum in istis: Homo infirmâ valetudine, summâ audaciâ, magnò ingenio, nullò iudiciò.

Centena millia sestertium nummum, deest in Decies, Vicies, Quadragies, Centies, Ducenties, Millies. Liv. 38. Scipionem librum rationis conserpsisse indignantem, quod cum bis millies in ærarium intulisset, quadragies ratio ab se posceretur: pro, quadragies centenorum millium ratio. Cic. 2. Philip. Syngrapha sestertium centies facta: pro, centies centenorum millium nummorum sestertiorum: sic enim ipse Cicero act. 4. in Ver. loquendum docet, ut stupor eorum satis rideri nequeat, qui quoties nota H S. cum adverbio numerali legitur, pro eâ sestertii, vel sestertio reponere postulant, aut sestertium pro nominativò vel accusativò accipiunt. Capitolin. in Vero: Omne autem convivium æstimatum dicitur sexagies centenis millibus H S. In illò Velleji: Accepto centies sestertium, est Syllepsis numeri, de quâ vide infra.

Dictò, cum præ, deest in hoc Virgil. Ocyus incubuere omnes; pro, ocyus, sive citius dictò, vel præ dictò.

Die, cum, in, & ante, deest in istis: Quartò Idus, tertio Kalendas, pro, in die quartò ante Idus, in die tertio ante Kalendas.

Domum, cum ad vel in, deest in ducere uxorem.

Ego ens, deest in hoc Virgil. Adsum Trojæ Aneas. Hunc & Nymphæ veneramur, pro, Nos Entes seu quæ sumus Nymphæ.

Ens

Ens cum A, deest in hoc Cæs. Cn. Magius Cremonâ præfectus fabrum, pro, *Ens à Cremonâ*: id est, Cremonensis.

Factum quod vis, seu *velles*, deest in *volo tibi*, vel *cupio*.

Sic in *bene* vel *malè* alicui *velle*, *subaudi*, *factum*.

Plaut. Rud. *Quamquam vobis cupio quæ vultis*, *subaudi*, *facta*. Et Asip. *Non eo quin non tibi cupiam quæ velis*. Et Pers. *Nunquam tibi post hac quod nolis vobis*.

Et Mostel. *Vellem ut velles* *Tranio*, *subaudi*,

factum tibi. Similiter *nolle* alicui, *subaudi*, *factum*

quod vellet. Cic. *Plane volo his magistratibus*. *Valde*

ejus causâ volo. Terent. *Ipsi cupio Glycerio*. Idem :

Video te nostræ familiæ ex animo factum velle. Plaut.

Truc. *Cui ego melius dictum aut factum velim*.

Locò, cum *in*, deest in *Primò*, *secundò*, *tertiò*, quæ malè pro adverbiiis habentur.

Negotia, cum *ad*, deest in isto : *Quid hoc mea refert*,

pro, *quid hoc refert*, sive *affert*, *asportat*, *importat*,

conducit, *confert ad mea negotia*, id est, *ad res meas*,

sive *rebus meis*. Plaut. Persa : *Quid id ad me aut ad*

meam rem refert, Persæ *quid rerum gerant*. Ibid. Prius

percunctari volo, quæ *ad rem referunt*. Idem Trucul.

Cui rei retulit te assimilare.

Negotiò, cum *à*, deest in isto : *Multò melior*. Est enim

à multò negotiò, *à multâ re*, non *ab unâ re melior*.

Lucret. *Qui melior multis, quam tu, fuit improbe rebus*.

Numerò, cum *ex*, deest in istis : *Primus omnium*.

Major fratrum. *Unus illorum*. *Nemo amicorum*.

Græcorum doctissimus. *Hominum alii boni, alii mali*.

Hostium trecentis interfectis. *Lanarum nigrae nullum*

colorem bibunt, pro, *ex numerò lanarum*.

Nos duo, tres, quatuor, &c. *Vos duo, hi, vel illi duo* *Hæ*

duæ, hæc duo, tria, quatuor, sæpe desunt, ut *Ego &*

Cicero valemus. *Tu & filius valetis*. *Diis fata Deus-*

que sinebant. *Nox & præda hostem remorata sunt*.

Operam, studium, consilium, rem, fidem meam ad

omnes res tibi velim paratâ putes. *Pater mihi & mater*

sunt mortui. *Ipsè cum fratre adesse jussi sumus* : pro,

nos

nos duo, nempe, ego cum fratre, iussi sumus. Achilles cum Patroclo ad Troiam profecti sunt. Herus & hera frustra sunt, pro, Hi duo, qui sunt herus & hera, frustra sunt. Plaut. Amph. act. 3. sc. 3. Jam hi ambo servus & hera frustra sunt duo. Nepos in Timoth. Huic in consilium dantur duo, Pater, & socer. Et Bacch. a. 2. sc. 3. Vulcanus, Sol, Luna & dies, dii quatuor scelestiorem hunc nullum illuxere. Et Epid. a. 5. s. 1. Quem Apelles atque Zeuxis duo pingent pigmentis ulmeis: pro, quem duo pingent entes Apelles atque Zeuxis. Quisque suos patimur manes: pro, nos omnes patimur manes, quisque patitur suos. Populus superamur ab uno: pro, nos omnes qui sumus populus. Eamus omnis execrata civitas. Ovid. 2. Amor. 9. Nos tua sentimus, populus tibi deditus arma. subaudi Entes. Nos, qui sumus populus tibi deditus, sentimus. Idem Ep. Hyperm. Cum sene nos inopi turba vagamur inops: Nos, subaudi, Entes turba inops, &c.

Ortus vel oriundus, vel natus, cum à vel ab vel de, deest in his: Turnus ab Ariciâ. Pastor ab Amphrysô. Hospes Zacyntho. Vir claris natalibus. Homo obscurò locò. Adolescens de summò locò. Theseus ab Athenis, pro Atheniensis. Amphidamus de Arcadiâ, pro, Arcas.

Parte, cum Ex, deest in hoc Liv. 9. His sermonibus quâ cibi, quâ quietis immemor traducta nox est.

Pergere iter ad, subauditur in isto. Pergendum est nobis domum. nam Accusat. Domum regitur præpositione. In pergendum subauditur pergere, quod cum sit Activum, regit accusativum iter.

Res cum ad, deest in alias, quod indocti habent pro adverbio. Plaut. Epid. Meus servus eam rem sobriè accuravit, ut alias res ille est impensè improbus, pro, quod ad alias res temporis & loci attinet, id est, ad aliud tempus, ad alium locum: nam res temporis, valet tempus: res loci, locus. In hoc Cicer. Mulieres quibus cum iste consueverat, deest, rem habere.

Res, cum *in tempore*, deest in istis : *Mane est, sero est.*

Vid. Annotat. in Grammat. de Adverb. in *Mane, sero, tempore.*

Scriptum, cum *à* vel *cum*, deest in his Cicer. In Pompeji epistolâ erat in extremô. Quod epistola librarii manu est. Tu si quid librarii meâ manu non intelligent, istic monstrabis, pro, scriptum *à* meâ manu.

Solô, cum *in*, deest in istis : *Procubuit terræ. Terræ defigitur arbor. Arbores humi arenosô genitæ*, pro, *in solô arenosô humi.*

Tempore, cum *in*, deest in istis : *Brevi senties. Optatô advenis. Serô sapiunt. Domi bellique optimus*, pro, *otii & belli tempore*

Tempus, cum *circa*, deest in istis : *Homo id ætatis. Hoc noctis domô exis.*

Tribu, cum *de* vel *ex*, deest in istis : *C. Septimius Quirinâ.*

Terrâ, cum *in*, deest in hóc : *Ægypti occisus est.*

Verbis, cum *alloqui*, deest in hóc : *Faucis te volo.*

Urbe, cum *in*, deest in hóc : *Natus Romæ.*

Vincula, cum *in*, deest in hóc : *Duci illum iussit.*

ELLIPSIS VERBI.

Quotuplex est Ellipsis Verbi?

Duplex : *Verbi* scilicet *infiniti & finiti.* Verbum scilicet, quod deest, vel *infinitum* est, vel *finitum.*

Quotuplex est Ellipsis Verbi infiniti?

Duplex : *Infiniti* scilicet *cognati & alieni* : nam *Verbum infinitum*, quod deest, vel est *cognatum* alicui verbo expresso, vel *alienum.*

Qualis est Ellipsis Verbi infiniti cognati?

Verbum infinitum cognatum, substantivi nominis vim habens, deest in participiis passivis singularibus cujuscumque casûs, & in verbis passivis nullum aliud suppositum habentibus, ut : *Nunc est bibendum*, deest verbum infinitum, *bibere*, quod est

est cognatum participio passivo, *bibendum*, & vim habet nominis substantivi. *Petendum est pacem*, subaudi, *petere*, quod est cognatum participio nominativi casus. In *curritur*, deest *currere*, quod idem valet, ac *curtio* vel *cursus*. In *vivitur*, deest *vivere*, id est *vita*. In *sedetur*, deest *sedere*, id est, *sessio*. *Tempus est legendi*: subaudi, *legere*, quod vim habet nominis in genitivô, quasi esset, *lectus*, id est, *lectionis*. *Charta inutilis scribendo*: subaudi, *scribere*, quod est locô nominis in dativô, quasi esset *scriptui*, id est, *scriptioni*. *Inter cœnandum*, subaudi, *cœnare*, id est, *inter cœnam*. *Perge quo cœpisti*, subaudi, *pergere*, id est, *perrectionem*. *Defessus sum legendô*, subaudi *legere*, quod est locô nominis in ablativô, quasi esset, *lectu*, pro, *defessus sum legendâ lectione*.

Qualis est Ellipsis Verbi infiniti alieni?

Canere, deest in hœc: *scit fidibus*.

Dici, deest in *malè audit*: nam integra oratio est: *Audit malè in se*, vel *de se*, vel *sibi dici*. *Malè* non coheret cum *audire*, sed cum *dici*: nam si coheret cum *audire*, idem erit, *malè audire*, quod *parum audire*, sive ut Afranius dicit, *surdè audire*: Cicero, *surdastrum esse*. *Audit bonus, doctus*, subaudi, *dici*, ut sit, *Audit dici esse bonus*, Græcô more, pro, *audit dici se esse bonum*.

Esse vel *fuisse*, vel *fore*, deest in istis: *Factum illi volo*. *Nè dicas tibi non prædictum promissi ultorem*, subaudi, *me fore*.

Ire, deest in his: *In Pompejanum cogito*. *Rhodium volo, inde Athenas*.

Loqui, deest in *scire Græcè, Latine*.

Qualis est Ellipsis Verbi finiti.

Adspicio, video, vel *venit*, deest in istis: *En quatuor aras*. *Ecce homo*. *Ecce hominem*. *En Priamus*.

Amet, vel *adjuvet*, deest in *mehercules, mecastor, mediusfidius*.

Cæpit, deest in narrationibus : *Ire prior Pallas. Populus ea mirari.*

Dico, deest in istis, *Bona verba quæso*, subaudi *dic*. *Nugæ*, subaudi, *dicis*. *Hæc hætenus*. *De his hætenus*, subaudi, *dixerimus*, vel *dictum sit*. *Quid multa ?* subaudi, *verba dico*.

Fac, vel *da*, vel *pone*, vel *esto* deest in isto : *Hæc negotia*, ut ego *absim*, *confici possunt*, pro, *positio vel dato*, quod ego *absim*, *quamvis ego absim*. *Bonò sis animò*, pro, *fac ut sis bono animò*. Plaut. Bacch. a. 4. s. 4. *Prointu ab eò ut caveas tibi*, subaudi, *fac*.

Facio, deest in istis : *Dii melius vel meliora*, subaudi, *faciant*. *Studes, an piscaris, an venaris, an omnia simul ?* subaudi, *facis ?* *Illà nocte nihil præterquam vigilatum est in urbe* : subaudi, *factum est*.

Ita dico, vel *hoc eò dico*, deest in istis : *Satiari delectatione non possum*, ut *senectutis meæ requiem noscatis*. *Hoc jam olim audiui, ne quid te novi attulisse mihi censeas*.

Licet, deest in istis, *Meâ causâ, quæras vel in mediò mari*, dum non sis quem te esse nolo, sis *meâ causâ quid libet*. *Trahantur per me pedibus omnes rei*. Vide infra Annotat. in Syntax. de Nominum casibus.

Loquor, deest in Affirmantis sermone. Plaut. Pseud. a. 4. s. 2. *Hæc tuus te misit ?* H. ita dico. B. miles ? H. ita loquor. B. Macedonius ? H. admodum.

Moneo, vel *fac*, deest in illis, quæ vulgo pro imperativis habent, ut *Ames, legas, ametis, legatis, ament, legant*. *Istud ne dicas, cogites tecum*. Nil mihi rescribas.

Obsecro vel imploro, vel *nuncupo*, deest in istis : *Proh Deum atque hominum fidem ! Hercules tuam fidem !*

Oro vel præcor, deest in precibus & diris, ut *Dii meliora serant*. *Ut te perdat Jupiter*. *Qui illi Dii irati sint*. *Qui* significat, *quomodo*, sive, *ut*.

Paro, vel *invenio*, vel simile quid deest in istis : *Quo mihi fortunam si non conceditur uti ? Unde mihi lapidem ?* subaudi, *parabo vel inveniam*. *Martis signum*

quò mihi pacis auctori? Ad quam rem nobis confluvium? ad quam urnarium?

Respondeo, deest in isto: Quod epistolam meam ad Brutum poscis, non habeo ejus exemplum.

Sum, es, est, &c. deest in istis: Quid mihi tecum? Haud mora, festinant jussi. Hei mihi. Vae mihi, subaudi, est. Quenam (malum) ista servitus voluntaria, pro, malum sit iis, qui servire volunt.

Timeo, vel cave, vel vide, deest in istis: Ab ne te frigora ledant. At ut satis contemplata sis. Verum ne quid illa titubet.

Volo ut, deest in, hæc illis dicta sint.

E L L I P S I S PRÆPOSITIONIS.

Qualis est Ellipsis præpositionis?

A, ab, ad, & in, sæpe defunt in nominibus Urbium, Insularum, Provinciarum & aliorum locorum, ut: Sardiniam cum classe venit. Lavina venit littora. Devenere locos latos. Nos hinc ibimus Afros aut Scythiam. Profectus est Siciliam. Romam eo. Romam venio. Rus eo. Ruri vel rure vivit. Imalam crucem. Ivit exilium. Rediit exiliò. Tollere humò.

A, & ab sæpe defunt in iis, quæ significant vel causam efficientem, ut: Palleo metu, horres frigore, corpus siccum sole & esuritione. Ager vel tardus vulnere. Arte insignis.

Vel instrumentum, ut: Gladiò percussus. Armis defendi.

Vel tempus consecutum, ut significant idem, quod post, ut: Rediit hoste superato. Lectis tuis literis obdormivi. Mane ut ad portum processi, pro, à mane, id est, postquam jam mane fieri cæptum est.

Vel differentiam aut distantiam, ut: Stultò intelligens, quid interest: Abest virtute illius.

Vel partem certam, cum oratio sic explicari potest:
Ex parte hujus rei, quod ad hanc partem attinet, ut: Animò otiosus, pro, ab animò, id est, ex parte animi, quod attinet ad animum. Ingeniò improbus. Armis, pecuniâ multum valere, pro, ab armis, à pecunia. Multis rebus melior, pro, à multis, quod ad multas res attinet. Multò & paulò melior, pro, à multò vel paulò negotiò melior, à multâ re melior. Multò magnus orator minutis imperatoribus præstat. Locus frumentò copiosus, pro, à frumentò, quod ad frumentum attinet. Metu vacare, pro, vacuum esse à metu, quod ad metum attinet. Nugis referti libri, pro, à nugis. Transitu iniqua loca, pro, à transitu, sive, ut Livius lib. 8. dicit, ad transitum: nam eadem utriusque est significatio. Itaque Facie alicui similis & faciem similis, promiscuè dicitur, sed ibi deest, à, hic verò ad. Sic Nuda pectore, pro, à pectore & nuda pectus, pro, ad pectus. Sic nullâ significationis differentia, Miser animi, animum & animò dicitur, pro, animi causâ, ad animum, & ab animò, vel ex animò. Ad, sæpe deest in verbis significantibus distantiam aut mensuram, ut: Sex pedes altus. Latus quinque pedes.

Vel finem propositum, ut: *Quid frustra laboramus?* pro, ad quid. *Mori me cogis, pro, ad mori, seu mortem. Eamus visum vel visere, pro, ad visionem, ad visere:* nam hic verbum infinitum vim habet nominis in accusativò. *O faciles dare summa Deos, eademque tueri difficiles, pro, ad dare, seu dandum, ad tueri seu tuendum. Oves eunt pastum.*

Vel partem certam, cum orationis sensus est, quod ad hanc partem attinet, ut: *Albus dentes. Fractus membra:* pro, quod ad dentes & membra attinet. *Faciem illi similis, pro, ad faciem, quod attinet ad faciem. Barbari dicunt, quoad faciem. Propert. de Taurò: Cornua quam validis hæserit in laqueis, id est, à cornibus, vel cornibus. Turpilius Leucadia: Vide-*
tur

sur Phrygus incessum, pro, ad incessum, ab incessu, vel incessu Phryx videtur. Sanctus alia, pro, ad alia, alioqui. In hac re fecit rectè, etsi alias res est improbus, pro, alias, quod ad alias res attinet, alioquin. Cetera lætus, pro, ad cetera, cateroqui. Scis me orationes aut aliquid id genus solitum scribere: pro, ad id genus, quod ad id genus attinet. Nihil te moror: Si quid te offendo.

Ante, deest in verbis tempus significantibus, ut: Pridie Kalendas. Multos abhinc annos Sex menses est, cum huc veni, pro, factum est abhinc ante sex menses cum huc veni. Sexaginta annos natus sum. Ubi Priscianus subaudit, ante.

Circa, deest in tempore significandò, ut: Tu homo id ætatis audes saltare? Hoc noctis sic solus ambulas, pro, circa tempus id ætatis, noctis.

Cum, deest in verbis instrumentum & modum, aut comitatum significantibus, ut: Gladiò percussus. Sagittâ saucius. Lentò gradu. Hâc lege. Pace tuâ. Maximâ voce inclamat. Magnâ curâ aliquid curare. Homo magnò ingenio. Afficio te honore. Prosequor odio. Arte trahere aliquem. Deò duce. Volente Deò. Nave proficisci. Templum clamore petebant. Æqua me, pro, æqua cum me, vel mecum. Terent. Adelph. Quod ius vos cogit, hoc voluntate impetret, pro cum voluntate.

Vel tempus, ut Cras primâ luce hinc abibo.

De, sæpe deest in iis, quæ significant vel copiam & inopiam, aut objectum, ut Nugis referti libri. Mendacis liber ejus plenus est. Plenus vino. Equus lignò fabricatus. Sacrificare taurò, agnò. Casæ luto compositæ.

Vel tempus, ut: Noctu vel nocte. Horâ primâ. Tertiâ vigiliâ.

Vel causam & modum, ut: Flere alicujus obitu. Quibus signis agnoscebas. More hominum facis. Amicorum consiliò feci. Meâ sententiâ. Meò judiciò. Meâ pecuniâ hoc faciendum curabo. Quâ causâ, quâ re, pro, quâ de re. Accusare aliquem crimine aliquò, pro, de crimine. Visitare lolio, sicis aridis, subaudi, de, pro

quò Hebræi dicunt *in*, ut : *Non in solò pane vivit homo*, ubi *Panis vite* causa est.

Vel locum, ut : *Româ scribunt*, pro, *de Româ*, id est, *ex Româ*, sicut Ovidius libros suos scripsit *de Pontò*, & Cicero *de Pomptinò* ait se scribere, & *de Gyarò* ad Atticum dedisse literas. *Vinum Chiò*, aut *Lesbò*, pro, *de Chiò*, *Lesbò*, id est, *Lesbium*. *Sargus Egyptò*, id est, *Ægyptius*.

E, vel ex, deest in verbis significantibus vel causam efficientem, ut: *Laboro dolore*, pro, *ex dolore*. *Amoris abundantia hoc feci*. *Morte alicujus voluptatem capere*. *Meritò aliquid pati*, pro, *ex meritò*. *Virtute clarus*.

Vel modum, ut : *Ordine collocare vel dicere aliquid*, pro, *ex ordine*, *ordinate*. *Vocare aliquem nomine*, pro, *ex nomine*, ut Plautus loquitur. *Lege agere cum aliquò*, pro, *litigare*. *Lege aliquâ condemnare aliquem*, pro, *ex lege*.

Vel locum, ut, *Cn. Magius Cremonâ*, pro, *ex Cremonâ*.

Vel adjunctum, ut *Aurò bibere*, pro, *ex aurò*. Juvenal : *Vitreò bibit ille Priapò*.

In, sæpe deest in verbis significantibus vel locum, ut : *Ibam viâ sacrâ*. *Habitat Athenis*. *Viçtis dominabitur Argis*, pro, *in Argis*. *Hòc locò queres ex me*, pro, *in hoc locò*.

Vel tempus, ut : *Sis multos annos superstes*. *Hunc annum mihi conduxi fabrorum operas*. *Fons die frigidus, nocte fervens*. *Cænabis apud me paucis diebus*, pro, *in paucis diebus, intra paucos dies*.

Vel subjectum aut objectum, circa quod quis occupatur, ut : *Opus est mihi libris*, vel, *opus habeo libris*, pro, *in libris* : id est, *meum opus, negotium*, vel *occupatio est in libris*, seu *circa libros*, *curandum est mihi ut habeam libros*. *Libri sunt mihi opus*, vel *meum opus*.

Vel causam, propter quam aliquid fit, ut : *Accusas me eò quod ciò crediderim*, pro, *in eò*. *Felix es hâc uxore*,

uxore, pro, in uxore. Perire amandò, pro, in amandò.
Vel adjunctum sive comitatum, ut valeat idem ferè
 quod cum, ut: *Bibulus admirabili gloriâ est. Sum*
magnò timore. Annibalis nomen magnâ apud omnes
gloriâ est. Lamia summâ gratiâ est. Spe sum maxi-
mâ. Magnò est periculò. De pace nec nullâ, nec magnâ
spe sumus. Est summâ apud milites caritate. Cic. 6.
Fam. ep. 4. Esse magnò dolore. id. 4. ad Att. 6. quò
dolore esse debeo.

Vel instrumentum, quò quid efficitur, ut: *Libris*
me oblecto. Ludis delectari. Ovid. Epist. Ariad. Ibis
Cecropios portus, pro, in portus, &c. I **N** etiam omis-
 sum in Plaut. Bacch. a. 4. 1. 2. *Hæc dentifrangibu-*
la manibus meis gestiunt.

Vel modum, quò quid fit, ut: *Ordine aliquid facere,*
pro, in ordine, ut ait Virgil.

Vel partem certam, cum sensus est, quod ad hanc par-
 tem attinet, ut: *Hæc unâ re est illi similis, ceteris infe-*
rior. Non armis præstantior, quam togâ, pro, in armis,
in togâ, quod ad arma & togam attinet. Multum velo-
cior. Multum improbior. Paulum doctior. Paulum
intelligens. Multum alicui præstare.

Deest etiam in ablativis, quos falsò *Absolutos* vo-
 cant Grammatici, ut: *Cantandò rumpitur anguis,*
pro, in carmine cantandò. Bibendò perit, pro, in
bibendò bibere seu potu. Cur tantis præmiis virtutis ne-
mo rectè facit, pro, in tantis præmiis. Rebus tuis bonis
meas irrides malas, pro, in rebus tuis entibus bonis,
cum tuæ res sint bonæ.

Ob vel *propter*, sæpe deest in verbis infinitis accusa-
 tivi vim habentibus, & causam, sive finem pro-
 positum significantibus, ut: *Gratulor illi filium*
eius esse inventum, pro, propter esse inventum filium,
sive ob inventionem filii. Mæstus est se hoc fecisse, Pu-
det dixisse, pro, ob fecisse, ob dixisse. Accipio dolorem
mibi illum irasci, id est, ob irasci, vel iram illius. Fle-
vit me discedere, pro, ob me discedere, ob meum discef-

sum. Ibo videre, pro, ob videre, ut videam. Gaudeo me tibi probari.

Per, sæpe deest in significandò tempore & parte certâ, ut: Vixit centum annos. Propert. Io versa caput primos mugiverat annos, id est, per primos annos, in primis annis. Idem: I nunc & noctes disce manere domi. Cic. Totas noctes somniamus. Hirsutus brachia, pro, per brachia, ut ait Virgil. id est, quod ad brachia attinet.

Similiter in significandò locò & objectò, ut: Mare navigavit. Terram, mare, sidera iuro. Propert. Ino etiam primâ terras ætate vagata est, pro, per terras.

Post, deest in tempore significandò. Vellejus 2. Lepidus decimò annò, quam ad potentiam pervenerat à fortunâ desertus est. pro, postquam.

Præ, deest in comparationibus, ut: Doctior cæteris, pro, præ cæteris, ante cæteros. Illò minorem me fateor, pro, præ illò. Bona est mulier tacita, quam loquens, pro, præ quam loquens. Confit cito, quam si objicias formicis papaverem.

Similiter in significandâ causâ, ut: Homini lacrimæ cadunt gaudiò.

Pro, deest in significandò pretiò, aut quod pretii locò est, ut: Emi magnò, id est, pro magnò pretiò. Quanti emisti, id est, pro quanti æris pretiò emisti. Pace bellum mutare. Par pari referre. Aureus unus valet decem argenteis. Pro etiam omissum in comparandò. Plaut. Capt. a. 2. l. 3. Haud centesimam partem me laudat, quam ipse meritus est ut laudetur. I. e. pro quam ipse meritus, &c.

Similiter deest in significandâ similitudine ut in Crebrò, citò, serò, certò, meritò, quæ vulgo putantur adverbia Plaut. Poen. a. 3. l. 5. Idem Afin. a. 3. l. 2.

Sub, sæpe deest in ablativò, quem vulgo absolutum vocant, si præsertim imperium seu præfectura in pace, in bellò, in literis significetur, ut: Te consule. Marcò iudice. Rege Numâ. Imperante Augustò. Te resle.

testo. Aristotele auctore. Sole ardente. Orpheo cantante.
Deest etiam in significandò instrumento, ut: *Querulà voce mecum egit.*

ELLIPSIS ADVERBII & Conjunctionis.

Qualis est Ellipsis adverbii & conjunctionis?

An, vel ne, deest in istis: Melius, pejus, obsit, profuerit, nihil curant. Studes, an piscaris? pro, studerne?

Aut, vel seu, deest in istis: Quem sex septem mensibus non vidi proximis. Quatuor, ad summum quinque sunt inventi. Velis, nolis.

Enim, vel nam vel quia, deest in istis: Nimium ne crede colori, alba ligustra cadunt. Nec sum adeo informis, nuper me in littore vidi.

Etiam, deest in istò loquendi genere: Non doctus modò, sed probus.

Ergo, vel igitur, deest in hòc Terent. Hòc non successit, alià aggrediemur vià.

Ita, vel sic, sæpe deest, ut Faciam ut jubes. Rogo ut venias. seu qui venias, pro, ita rogo quemadmodum venias.

Magis vel potius, deest in hòc Plauti: Bona est mulier tacita, quam loquens.

Ne, deest in istis: Cave cadas, Cave faxis, pro, ut ne faxis, seu facias.

Nec vel neque deest in istò: Hoc mihi nec Cicero persuaserit: subaudi, nec quisquam alius.

Non, sæpe deest post non modò, non solum, non tantum, quando scilicet oratio non est dubia, ut: Regnum non modò Romano homini, sed ne Persæ quidem cuiquam tolerabile. Ut ista jam non modò homines, sed ne pecudes quidem passuræ videantur.

Post, deest in illis: Postridie intellexi, quam à vobis discer-

discessi. Alterà die quam à Brundisiò solvit. Is duodecimò die, quam abierat, illuc pervenit.

Prius, sæpè deest ante particulam quam, ut : Gravidam illam reliqui, quam abeo.

Quam, sæpe deest post comparativas voces, ut : Plus quingentos colaphos impegit mihi. Plus millies audiui. Calesces plus satis. Amplius sunt sex menses. Triennium amplius. Major decem annorum. Faciam te certiore, subaudi, quam antea. Visus est mihi tristior, subaudi, quam aliàs, vel præsolitò.

Quam pro, deest in comparationibus, ut : Vestis major corpore, pro, major quam pro corpore. Ditiore opinione, pro, quam pro opinione. Ovid. Epist. Cydipp. Cætera cura tua est, plus hoc quoque virgine factum. Non timuit secum quod mea charta loqui, pro, plusquam pro virgine.

Quamquam, vel etsi deest sæpe, cum ei tamen adversatur, ut : Sedulitatem mali poëtæ aliquò tamen præmiò dignam duxit, pro, etsi mali poëtæ.

Sivè, deest in istis : Lava sivè dextera vocaret aura. Tollere, seu ponere vult freta.

Sed, sæpe deest, ut : Multis ille quidem flebilis occidit, nulli flebilior, quam tibi, pro, sed nulli flebilior.

Si, sæpe deest, ut : Negat quis, nego ; ait, ajo. Unum cognoveris, omnes noris. Utor tam bene, quam mihi pararim. Poscis, dandum : ejicit, abeundum.

Sicut, vel quasi, sæpe deest, ut : Nec verbum verbo curabis reddere fidus interpres, pro, sicut fidus interpres.

Tam, deest in hóc Livii : Homo non quam isti sunt, gloriosus. Et Plaut. Non pisces expeto, quam tui sermonis sum indigens.

Vel, deest quando aliud vel in oratione exprimitur, ut Vel Priamo miseranda manus, subaudi, vel cuiuscumque hosti. Vel stultus hoc intelligeret, subaudi, vel quivis alius.

Verò ; vel autem, deest in istis : Pro patre mori possum, coram patre non possum. Hæc morum vitia sunt, non senectutis.

Ut,

Ut, deest in istis : *Nolo dicas. Velim desinas. Sine veniat. Cave cadas. Cave ne cadas*, pro, *ut ne cadas. Jam credo rediit*, pro, *ut credo.*

Utinam, deest in istis, *Tecum ludere, sicut ipsa, possem. Troum arma secutum obruerent Rutuli. Me quoque quâ fratrem mactasses improbe dextrâ.*

DE ZEUGMATE.

Quotuplex est Zeugma?

Duplex : *Verum & Falsum.*

Quid est verum Zeugma?

Est figura Latinæ consuetudinis, per quam plures sententiæ, seu membra orationis, ad unum verbum referuntur, quarum unaquæque desideraret illud verbum, si sola poneretur, ut : *Sociis & rege recepto*, pro, *receptis sociis & recepto rege. Leges & plebiscita coacta*, pro, *leges coacta & plebiscita coacta. Ego populusque Romanus vobis bellum indico*, pro, *ego indico & populus indicit. Natura Gallis corpora animosque magis magna, quam firma dedit*, pro, *corpora magna & animos magnos. Vites à caulibus brassicisque si prope sati sint, refugiunt*, pro, *si caules prope sati, brassicæque prope satæ sint. O cænæ, quibus ipse meique vescor*, pro, *in quibus ipse vescor, & in quibus mei vescuntur. Cic. 1. Attic. 6. Mater tua & soror à me diligitur. Virgil. Phrygii comites & lætus Fulus incedunt.*

Quid est falsum Zeugma?

Quando unum illud verbum, ad quod plures sententiæ videntur referri, non omnibus sententiis convenit, ut *Disce puer virtutem ex me verumque laborem, fortunam ex aliis. Hic verbum disce, non rectè referitur ad sententiam istam, fortunam ex aliis : sed subauditur, opta. Non ergo Zeugma est, sed Ellipsis. Sic Sacra manu victosque Deos, parvionque nepotem ipse trahit. Hic verbum trahit, refertur tantum ad nepotem :*
Sacra

Sacra & Deos portat, quod verbum subaudiri debet. Cicero, *Fortuna*, quâ illi florentissimâ, nos duriorē conflictati videmur. Hic verbum *conflictati*, convenit posteriori tantum orationis parti, in priore subaudiri debet verbum *usi*: quamvis de utrâque fortunâ Corn. Nepos dicat in Timol. *In his rebus non simplici fortunâ conflictatus est.*

D E

S Y L L E P S I.

Quid est Syllepsis?

Est figura Latinæ consuetudinis, in quâ concordia partium orationis turbatur, cum animus aliud concipiat, quam verbis profertur.

Quotuplex est Syllepsis?

Duplex: *Absoluta & Relativa.*

Quid est Syllepsis Absoluta?

In quâ generibus, aut numeris, aut utrôque voces discrepant.

Quotuplex est Syllepsis Absoluta?

Triplex: *Generis, Numeri & Utriusque.*

Quid est Syllepsis Generis?

Cum aliud genus proferimus, aliud mente concipimus, ut: *Pars arduus altis pulverulentus equis furit. Capita conjurationis virgis cæsi. Latium Capuaque agrò multati. Samnitium cæsi duo millia. Ubi ille scelus est, qui me perdidit. Cic. Hanc sibi rem præsidio sperant futurum. Plaut. Iustam rem esse oratum à vobis volo. Plaut. rud. a. 5. l. 3. Vidulum iste invēnit, illud mancipium est meum. pro, Ille est mancipium, &c. Usu autem venit, non parum sæpe, ut Syllepsis generis cum Ellipsi sit conjuncta, si nimirum vel prædicatum, vel subiectum orationis Ellipsin patiatur: tum enim non*

non ejus, quod deest, sed alterius in oratione partis genus proferimus, ut si *adamantein* demonstrans dicam, *hæc est gemma*. In adjectivo *hæc*, deest substantivum *adamas*, quod est nomen masculinum, sed profertur genus prædicati, quod est *gemma*. Sic eleganter dices: *Hic error est, non scelus*: pro, *Hoc negotium error est*. *Hic est panis, qui de cælo descendit*, pro, *hoc*: subauditur enim *negotium*, quomodo etiam in illis: *Hic est sanguis meus. Hoc est corpus meum*. Eadem prædicati ellipticæ positi est ratio, ut *Homo est creatus à Deo, est animalium divinissimus*: subauditur enim, vel *negotium* vel *res*, adeoque concipitur quidem mente neutrum aut fæmininum genus, sed profertur illud, quod subiecto est accommodabile. Atque hæc Syllepsis Generis in omnibus participiis passivis, quæ de subiecto prædicantur, locum habet, ut, *Cicero dictus est pater patriæ*.

Quæ est Syllepsis Numeri?

Cum alium numerum proferimus, alium mente concipimus, ut: *Pars in frustra secant. Pars volucres factæ. Aperite aliquis. Cœperunt se quisque magis extollere. Etiam poëta suum quisque opus à vulgò considerari vult. Nec nostrum quisquam sensimus. Alius alium possunt. Uter meruistis culpam. Uterque insaniunt.. Te uterque ego atque hic oramus. Nobilissimus quisque delecti Romam mittitur. Eunuchum velle te dixisti, quia solæ his utuntur reginæ. Propterea quod, pro, propter id quod. Contentum esse suis rebus maximæ sunt divitiæ. Amantium iræ amoris integratio est. Dotis modus fuit quadraginta millia æris. Nobile erit Romæ pascua nostra forum. Anxur fuit, quæ nunc Terracinæ sunt. Gracchus: Credo ego inimicos meos hoc dicturum. In quò Ellipsin constituere licet, quasi esset, *Inimicos esse negotium dicturum*. Valerius Antias: Si res divine factæ essent, omnia ex sententia processurum esse. Cic. act. 4.*

act. 4. in Ver. *Sestertium decies numeratum esse*, pro, *numerata esse*; quod in libris quibusdam legitur: subauditur enim, ipso Cicerone ibidem docente, *Centena millia Vellejus lib. 2. de Curione: An accepto centies sestertium fecerit: pro, acceptis centies centenis millibus sestertium.* Plaut. Trin. *Trapezite mille drachmarum sunt redditæ*, pro, *res mille drachmarum est redditæ.* Idem Pers. *Athenæ sunt fortunatæ*, pro, *fortunatæ*: nam *Syllepsis* numeri est conjuncta cum *Ellipsi* vocis *Urbs*: nec enim sensus est: *Athenæ sunt Athenæ fortunatæ*, ficut, *Roma est sancta*, pro, *urbs sancta*, non *Roma est Roma sancta.* Singularia enim, ut Aristoteles docet, determinationem non suscipiunt, cum de pluribus non affirmantur.

Quæ est Syllepsis utriusque?

Cum & genus & numerum aliter proferimus, quam mente concipimus, ut: *Pars in flumen acti.* Tunc omnis *etas currere obvii.* *Pars in carcerem acti,* *pars bestiis objecti.*

Quid est Syllepsis Relativa?

In quâ nomine relativò sive expressò, sive subauditò totam orationem præcedentem pro casu concipimus, aut casum in voce aliquâ involutum referimus, ut: *Inter alia prodigia etiam carne pluit, quem imbrem aves feruntur rapuisse.* Hic relatio fit ad casum, *imber*, qui tamen non præcessit, sed oratio hæc, *carne pluit*, pro eò casu concipitur, quasi dictum foret, *Carnis imber fuit.* Sic, *Per literas me consolatus sum, quem librum ad te mittam.* Hic casus *liber* non præcessit, sed concipitua in hac oratione, *Per literas me consolatus sum.* Significat enim, *Per libri compositionem.* Sic, *De Prætiana hæreditate, quæ quidem mihi magno dolori est (valde enim illum amavi) hoc velim cures.* Hic nomen *illum* refert *Prætium*, qui casus non fuit expressus, sed in voce *Prætiana* involutus, quasi

quasi dictum fuisset, *De Præti hereditate*. Catull.
Nam Sextianus dum volo esse conviva, Orationem in At-
tium petito rem plenam veneni & pestilentia legit. Subau-
 di, ille, nempe *Sextius*, qui casus illâ voce *Sextianus*
 est involutus, quasi fuisset: *Nam Sextii ipse dum vo-*
lo esse conviva.

D E

H Y P E R B A T O.

Quid est Hyperbaton?

Est figura Latinæ consuetudinis, per quam ver-
 ba transponuntur, nec servatur ordo Grammaticæ
 consentaneus.

Quæ sunt species Hyperbati?

Anastrophe, *Tmesis*, *Parenthesis*, *Synchysis* & *Anacoluthon*.

Quid est *Anastrophe*?

Præposita vocabulorum collocatio, ut: *Mecum,*
tecum, nobiscum, quibus de rebus, quam ob rem, quem ad
modum. me penes, mea interest, pro, est inter mea nego-
tia. Adigere arbitrum, pro, agere ad arbitrum; qua
propter, ea propter.

Quid est *Tmesis*?

Compositi vel conjuncti vocabuli divisio, ut:
Septemque triones. Quomcumque rapit tempestas.

Quid est *Parenthesis*?

Sensus sermonis, antequam absolvatur, inter-
 jectio, ut: *Tityredum redeo (brevis est via) pasce ca-*
pellas. Nescis (opinor) quid evenerit.

Quid est *Synchysis*?

Ordo vocum confusior, ut: *Nihil me tui invenisti*
penes. Saxa vocant Itali, mediis quæ in fluctibus, aras:
pro, Saxa, quæ in mediis fluctibus, vocant Aras.

Quid est Anacoluthon?

Consequentium à superioribus discrepantia, cum scilicet nullò modò sequentia cum præcedentibus cohærent, ut: Terent. Nam omnes nos, quibus est alicunde aliquis objectus labor, omne quod est interea tempus, priusquam id rescitum est, lucro est. Liv. 41. Indicandum vobis est, quid omnes bonos in vobis aut offendat, aut certe mutatum velint. Hirt. bello. Alex. Ligarius quem Cæsar dimiserat, & postea se ad Pompejum contulerat. Varro lib 2. rei rustic. 4. Me in Arcadiâ scio spectatum suam, quæ præ pinguetudine carnis non modò surgere non posset, sed etiam ut in ejus corpore forex nidum fecisset, & peperisset mures. Pro, scio me spectasse suam adeo pinguem, ut non modò surgere ipsa non posset, sed etiam ut forex nidum in eâ faceret. Sed hæc Figura potius pro vitio & quâdam auctorum allucinatione vel oscitatione haberi debet; atque haud scio an Palæmon rectè Varronem, ut auctor est Suetonius, Porcum vocaverit, quippe qui de se ipso memoriæ prodiderit, se spectatum esse suam.

DE HELLENISMO

feu Græcismò.

Quid est Græcismus?

Est Syntaxis consentanea Græcorum consuetudini, sed multis modis cùm à regulis Grammaticæ Latinæ, tum à patriâ Romanorum consuetudine discrepans.

Quæ sunt Græcismi genera?

Multa quidem, sed præcipua sunt Græcismi Generum & Casuum.

Quotuplex est Græcismus Generum?

Triplex: Nam vel Masculinum ponitur pro Neutro, ut Saxum ingens, campò qui forte jacebat limes agro positus:

positus : pro , quod jacebat. Vel Femininum pro Neutrô , ut *Mammæ putres* , equina quales ubera : pro , quælia sunt ubera equina. Vel Neutrum pro Masculinô , ut *Est locus in carcere* , quod *Tullianum* appellatur , pro , qui appellatur.

Quotuplex est Græcismus Casuum ?

Quintuplex : Nominativi , Genitivi , Dativi , Accusativi & Ablativi.

Qualis est Græcismus Nominativi ?

Cum nominativus ponitur pro accusativô , ut : *Parum habet consul creatus esse* : pro , consulem se creatum. *Vis videri doctus* : pro , doctum te esse. *Dixit daturus* , pro , se daturum. *Cæsar dicitur venire* , pro , Cæsarem. *Multi putantur venturi esse* , pro , eos venturos esse. *Cic. Multa sunt* , quæ ego nescire malo , quam cum aliquô periculô fieri certior : pro , quæ me nescire malo , quam fieri certiozem. Nam ego hic suppositum est verbi nescire , non verbi malo. *Ovid. Hanc pius Æneas eripuisse ferunt* , pro , pium Æneam.

Qualis est Græcismus Genitivi ?

Cum genitivus ponitur vel pro accusativô , ut : *Cum aliquid agas eorum* , quorum consuevistis , pro , quæ. *Apponendum est olentium herbarum* , pro , olentes herbas. Vel pro ablativô , ut *Desine querelarum* , pro , à querelis. *Lassus maris* , pro , à mari. *Plenus curarum* , pro , de curis. *Dives agri* , pro , agrô.

Qualis est Græcismus Dativi ?

Cum dativus ponitur pro accusativô , ut : *Nobis non licet esse tam disertis* , pro , disertos. *Tibi expedit esse bono* , pro , bonum.


Qualis est Græcismus Accusativi ?

Cum accusativus ponitur vel pro nominativô , ut : *Plaut. Merc. a. 2. s. 4. Quô letô censes me ut peream potissimum* . pro , Censes ego ut peream. *Illum ut vivat optant* , pro , ille. *Patrem vellem viveret tibi* , pro , Pater. *Sube famulum ad me ut veniat* , pro , famulus.

mulus. Ego te faciam ut miser sis, pro, tu. Vel pro dativò, ut: Non me latet, pro, mihi. Vel pro ablativò, ut: Occurrunt animæ, quales nec candidiores terra tulit, pro, qualibus. Nec sævis animum mitior anguibus, pro, animò. Albus dentes, pro, dentibus. Similis illi faciem, pro, facie.

Qualis est Græcismus Ablativi?

Cum ablativus pro accusativò ponitur, ut: *Rap- tim quibus quisque poterat elatis, pro, quæ quisque pote- rat.* Ablativò Græcos carere, ad reliquorum cumu- lum accedat, quæ Varro alique Grammatici osci- tantes allucinati sunt.



ANNO.

ANNOTATIONES

IN

GRAMMATICÆ

LATINÆ

INSTITUTIONES.

DE Grammaticæ divisione sollicitum esse nihil attinet. Satis est *Subiectum* artis, quæ sunt orationis partes, *Literas* puta, *Syllabas*, & *Voces*, tum *Instrumenta*, quomodo ad subiectum adhibeantur, probè cognita habere. Atque hoc Grammatici est officium, præmonstrare scilicet, quomodo artis instrumentis exefficiatur congruens oratio, quæ artis opus & finis est, ad quem omnia, quæ in arte sunt, referuntur. Instrumenta porro omnino sunt quatuor, quorum primi usus est in literarum pronuntiatione, quam veteres *Orthoepejam* vocabant: alterum in syllabarum modulatione occupatur, diciturque *Prosodia*: tertium *Etymologia*, vocis partes, *Nomen* puta, *Verbum*, *Participium* & *Particulas*, eorumque accidentia, ut *casus*, *genera*, *species*, *personas* & *tempora* exsequitur: postremum *Syntaxis* circa vocum inter se compositionem versatur. De *Orthoepejâ* linguarum, quæ multis jam sæculis in usu esse desierunt, vani ac propemodum irriti laboris est, quicquam velle præcipere, cum nisi de suspitione vix quicquam in medium afferri queat. Nihilominus ego quicquid de literarum Latinarum pronuntiatione apud veteres inveni, diligenter exscripsi ac digessi, ut non tam quò pactò pronunciari, quam quomodo non pronunciari fuerint solitæ, inde

animadverti possit. Eam *ἡκολογῆν* his Annotationibus nostris subjiciemus : ubi Lector, unde nobis tot *Diphthongi* & *Triphthongi* Latinæ natæ fuerint, de quibus nemo nec veterum, nec recentiorum commemorat, inveniet. De *Prosodiâ* discipulos artis hujus ad Emmanuelis Alvari præcepta, versiculis satis feliciter comprehensa, rejecimus, adeoque nihil nos, quin ad *Etymologiam* properemus, remorari debet, nisi quod Magistri prius admonendi videntur, ut versiculos de accentibus hōc modō explanandos meminerint.

1. Vocabulum unius syllabæ in pronunciandō attollitur, ut *Mor*.
2. Vocabulum duarum syllabarum habet acutam priorem syllabam, ut *Mores*.
3. Vocabulum trium, aut plurium syllabarum habet acutam antepenultimam, si penultima sit brevis, ut *Moribus illicitis*.
4. Vocabulum trium aut plurium syllabarum habet penultimam acutam, si ea sit longa, ut *Moratus*.

DE NOMINE.

Casus est specialis differentia numeri nominalis.] Ita Sanctio post alios definire visum est, quem in plerisque sequimur, velut primum & unicum artis hujus magistrum. *Specialis* (ait ille) *differentia dicitur illa, quæ cuique parti propria ac peculiaris est.* Jam verò numerus alius nominis est, alius verbi. Hinc ea, quæ sub eodem numero nominali inter se differunt, *Casus* vocantur, sicut *Personæ*, quæ inter se sub eodem verbali numero discrepant. *Casus* autem à *cadendō* dicitur, quod aliter atque aliter desinat sive cadat, quod quidem in plerisque verum est : nam pauca nomina sunt monoptota, quæ unum modō casum seu terminatio-

nationem habent, ut *Genu*. Neutra etiam tribus tantum casibus variantur, ut *Templum, templi, templo*. *Opus, operis, operi*. Dativi etiam & ablativi omnes antiquitus tam apud Latinos, quam apud Græcos similiter cadebant, & hodie quoque in plurali numero eodem fine terminantur. Et si autem casus à terminatione nomen habet, numerus tamen casuum à significatione, non à terminatione pendet, adeoque sex omnino in omnibus linguis casus sunt, velut *Minerva* nostra *Sanctiana* demonstrat.

Genus est differentia nominis secundum sexûs notam.] Nomina sexum non habent, adeoque Grammaticus ea non sexu, sed notâ sexûs distinguit. Nota verò sexûs masculini est *hic*, fæminini *hæc*, neutri *hoc*. Itaque nomen pueri *Pægnium*, & meretricis *Glycerium*, sunt neutri generis, non quia sexu neutrum sint, sed quia notâ neutri generis afficiuntur propter terminationem: nam per terminationis regulam nomina in *um* exeuntia sunt neutri generis.

Tria sunt Genera.] Fugit ratio Grammaticos, cum quædam nomina *Communis* generis, alia *Omnis* generis fecerunt, ut *hic & hæc homo; hic, hæc & hoc felix*. Nec enim Latinè dicitur, *hæc homo*: neque ulli nomini adjectivo sexûs nota præponitur, propterea quod adjectiva genus non habeant, sed tantum terminationem accommodabilem, si vè uni modò generi, ut *Bonus, bona, bonum*: si vè duobus, ut *Fortis, forte*: si vè tribus: ut *Par, oriens, felix*. Itaque cum legis, *hic felix*, nota sexûs non pertinet ad nomen adjectivum, sed ad substantivum, *homo*, quod per figuram *Ellipsin* suppressum est & subaudiri debet. Similiter cum audis, *hæc homo*, subaudis aliud substantivum, nempe *fæmina*, ad quam illa sexûs nota pertinet, quæ Elliptica Syntaxis erit, si dicas: *Helena fuit homo pulcherrima*; alia tamen res est in illò Sulpicii ad Cic. de Tulliolâ. *Quoniam homo nata erat*. Ibi enim plena Syntaxis est. *Tulliola nata homo*.

Sicut Just. l. i. *Semiramis credita est puer.* Liv. 28. *Porcus natus erat fœmina.* Atque hoc ipsum in omnibus illis valet nominibus substantivis, quæ *Epicœna* dicuntur, id est, quæ sub unâ terminatione utrumque sexum, sed alterutrum præcipuè significant, quorum alia masculina sunt, ut *Homo, latro, vates, miles, agricola, custos, dux, elephantus, leo, bubo, milvius, mus, sus, grus, piscis, lupus, bos, porcus, anguis, &c.* alia fœminina, ut *Balœna, aquila, vulpes, talpa, dama, muscæ, hirundo, hirudo, testudo, cornix, perdix, ovis, virgo.* Epicœna quoque masculina sunt nonnulla nomina verbalia in *tor* desinentia, ut *Pictor, auctor, auditor, scriptor*: alia Epicœna non sunt, cum eorum fœminina in *trix* existant, ut *Victor, ultor, altor, genitor. Victrix, ultrix, altrix, genitrix*: quorum etiam nonnulla in plurali neutrius generis terminationem invenire, ut *Victores, victrices, victricia*: *Ultiores, ultrices, ultricia.* In Epicœnis verò substantiva nomina *mas* vel *fœmina* subaudiuntur, ut si dicas: *Penthesilea olim strenua miles erat, pro, strenua fœmina miles erat.* *Hortensia fuit civis disertissima, pro, civis fœmina disertissima.* *Gravissima in filium testis est mater sua, pro, gravissima testis fœmina.* *Elephantus gravida, subaudi, fœmina.* Vide in Syntaxi figuratâ Ellipsin. Latine secundum regulam dices: *Hæc mulier est miles strenuus, bonus vates, idoneus auctor audendi. Vinum est dux pessimus. Aurum repudiatum est abstinentiæ testis optimus.*

A Fune funiculus] Apud Lucretium quidem legitur: *Aurea de cœlo demisit funis in arva.* Et lectionem Agellius & Nonius agnoscunt. Sed cum Quintilianus perspicuè affirmet, ex *funiculus* certò constare de masculinò genere *funis*, facile mihi persuadeo poetam scripserisse *Aureu*, unde postea effectum *Aurea*.

Comparatum, quod fit à nomine adjectivò.] Qualia suscipiunt magis & minus, substantiæ non item, ait Aristoteles, seu quisquis auctor est Categoriarum. Non

Non ergo à nominibus substantivis comparativa derivari possunt. *Senex, juvenis, adolescens, infans*, adjectiva sunt, adeoque magis suscipiunt, ut dicatur *Senior, juvenior* seu *junior, adolescentior, infantior*. A *penus*, Plautus finxit *penior*, quoniam *penus* ei adjectivum est, pro, *astutus*: quò exemplo dices *Neronior*, ut Nero pro adjectivò *crudelis* sumatur. Nec à verbis (ait Sanctius) possunt creari comparativa, quia verbum est veluti forma orationis, nec recipit comparationem, nisi additò adverbio, ut, *Currit, magis currit*. *Potior* igitur & *deterior* non sunt derivata à verbis *potior* & *detero*, sed à nominibus *potis* & *deter*. Nec etiam à particulis comparata formantur. *Citer, exter, super, infer, ulter, sæpius, propus*, apud priscos in usu erant. Inde formata, *Citerior, exterior, superior, inferior, ulterior, sæpior & sæpius* ac *sæpissimus, propior*. Falsum est, quod ajunt Grammatici, non posse formari comparativa à nominibus vocalem ante *is*, vel *us* habentibus. Bonos enim auctores habet *Tennior & tenuissimus: assiduior, assiduissimus: strenuior, strenuissimus: exiguor, exiguiissimus: egregior, egregiissimus: arduior, arduissimus: perpetuior, perpetuissimus: industrior, innoxior*.

Superlata] *Maturrimus* est Cæsar, Ciceronis & Columellæ *maturissimus*. Plautus ab ipse finxit *ipsissimus*, à patrò, *patruissimus*. Seneca ab *imbecillis, imbecillissimus & imbecillissimus*. *Infandissimum* dixit Varius in Thyeste.

D E V E R B O.

Triplex est verbum ratione significati.] Neutra verba (ait Sanctius) nullo pacto esse possunt, quia teste Aristotele, omnis motus, actio aut passio, nihil medium est. Communia verba, id est, simul activa & passiva, fuerunt multa ante Ciceronis

tempora. postea verò deposuerunt passivam significationem, unde dicta sunt *Dèponentia*. Sed mera sunt activa: quid enim differant, *Prosequor te honore,* & *afficio te honore.*

DE PRÆPOSITIONE.

Præpositionibus Grammatici annumerant, *Circiter, prope, propius, proxime, pridie, postridie, procul, secus, usque, versum & versus.* Sed ea esse adverbia Sanctii *Minerva* docet, quâ de re nos quoque in adverbiorum *Syntaxi* attigimus. *Secus viam*, pro, *juxta, secundum*: *Quintilianus* ætate suâ vulgo usurpari solere significat, cum lib. 8. cap. 2. ita scribit: *Pessima sunt ἀδιάρητα, hoc est, quæ verbis aperta, occultos sensus habent, ut Conductus est cæcus secus viam stare.* Sed non intelligo, cur id dicat ἀδιάρητα, cum satis planus ejus esse sensus videatur, nimirum, *cæcum pretiò fuisse conductum, ut staret secus viam.* In sacris quidem legimus *Psal. 1. de Lignò secus decursus aquarum.* Atque hinc nisi me animus fallit, *Historiæ Indicæ* conditor, lumen & ornamentum *Societatis Jesu* *Massejus* errorem illum hausit, ut *secus* præpositionem crederet, in eâque tantum non delicias faceret, ut *Epist. lib. 2. epist. de obitu Silveriæ: Secus diversorium.* Et lib. 3. epist. *Ludovici Almeidæ: Secus aream.* Et lib. 4. epist. 1. *Aream ad mare secus arcem optimò situ.* Atque hinc intelligi potest, quam parum tuta sit frequens eorum librorum lectio, qui minus bonâ Latini sermonis ætate scripti fuere, si quis præsertim, quod *Italici* hominibus suâ ingeniorum felicitate fretis solemne est, omnes veteres auctores & Grammaticos cognoscendi laborem refugiat. Certè si *Charisium Sophotrum* legisset *Massejus*, nunquam ille, ut ista scriberet, animum induxisset. Ejus enim lib. 1. verba sunt:

sunt: *Secus*, adverbium, significat aliter. Unde nascitur *secius* ἀλλοτρίως. Caterum id, quod vulgus usurpat, *Secus illum sedi*, hoc est, secundum illum, & fatuum & sordidum est. Neque tamen deterioris notæ est *secus*, quam *amiculus*, pro, *amiculum*, quo idem Maffejus Histor. Ind. lib. 12. sic utitur: *Tunica amiculum superinduunt breviorē, manicis non ultra cubitum eminentibus*; quò etiam locò, satis imperitè eminentibus dixit, pro, *pertinentibus*, sive, ut posteriores maluerunt, *pertingentibus*, etsi id alicubi sciolorum operà in unò Sallustii & Cæsaris locò subsedit: nam ut Servius notat, *eminere dictum est, à minis*, sive pinis murorum in altum editis. Etsi ergo ἀνεστ hoc, *Cubitus è manicis eminent*, pro, *exstat*, bonis auctori- bus defendi potest, longè tamen aliud est, *Manica non ultra cubitum eminent*. Ejusdem notæ est *caligæ*, pro, *braccis femoralibus*, lib. 12. *Talarem gestant tunicam, hanc domi demittunt, prodituri autem in caligæ infundunt ad imum equaliter laxas*. Sed de istis eorum- que similibus, quibus dictionem Maffeji cæterum cultissimam, inquinatam deprehendi, in *Synagmate nostrò de Styli historici virtutibus*, uberius disputatum Lector inveniet.

Foras, *Palam*] Ista præpositionibus contribuere mihi visum est, quod ea sexto casui præposita comperissem, nec Ellipsi locum esse judicarem. Lucret. 6. de pestilentia: *Spiritus ore foras tetrum volvebat odorem*: Et supra: *Atque aliud per ligna, aliud transire per aurum, argenti que foras, aliud vitri que mcare*, id est, exire ex argento, seu transire per argentum. Liv. lib. 6. *Creditori rem palam populo solvit*. Horat. Epod. 11. *Ubi hæc severus te palam laudaveram*, pro, *coram te*. Fallitur ergo Grammaticus vetustissimus Fl. Caper, cum scribit: *Coram illò dicendum est, non palam illò*: nam *palam* ad multos refertur.

Sine ex priscò, *Se*, vel *Sed*] Pervulgatum est veteres dixisse: *Se fraude*, pro, *sine fraude*, & *sedulo*, esse

esse *sine dolô*. Sed, pro, se, notavit Festus. Ex se porro formatum est *sine*, ut ex *Prodit*, *prodinit*: ex *jecor*, *jecinor*. *Secors*, est *sine corde*. *Segnis*, *sine igni*, & velut frigidus ad agendum.

Comminus] Non nemo fortasse inter præpositiones utrumque casum regentes retulerit, propterea quod apud Propert. lib. 2. eleg. 19. legatur: *Non tamen ut vastos ausim tentare leones, Aut celer agrestes comminus ire sues*. Et lib. 3. eleg. 1. *Fluminaque Æmonio comminus isse viro*. Nam priore locô per Ellipsin suppressa est præpositio *ad*, ut sit: *Ire sues*: sicut Virgil. *Sitientes ibimus Afros. Devenere locos lætos*. In altero *ire viro* dictum est, quemadmodum *it clamor cælo*, quò exemplò alibi Propert. *Ut formosa novo quæ parat ire viro*. Cæterum Servius in illud Virg. 1. Georg. *Quid dicam, iactô qui semine comminus arva Insequitur*: monet *comminus* non significare ex propinquò, sed statim, *sine Intermissione*, qui significatus (ait) frequentissimus est in Cisalpina Gallia. Vulgo enim dicunt: *Vade ad eum, sed comminus*. Unde Virgilius magis patriam consuetudinem videtur secutus. Veteres enim non in tempore, sed in locò *comminus* ponebant, id est, juxta, cui contrarium est *eminus*, id est, longè. Nempe si Servio credimus, Virgilius Mantuanè potius, quam Romanè locutus est. Cujus eum culpæ idem reum agit in hòc versu: *Urgeri volucrum raucarum ad littora nubem. Raucum* (ait) *τῶν μύσων* est, sicut grave olens. Sciendum tamen Virgilium secundum morem provinciæ suæ locutum, in quâ bene canentes, cygni rauciores vocantur. Sed in hòc quærat Grammaticus, cui persuadeat. Ego quidem Luciano subscribo, qui *raucam* & *insuavem* cygnis ex æquò omnibus vocem tribuit. Iterum Servius in illa Virgilii: *Latus hausit apertum. Quidam* (inquit) *Italicam elocutionem putant. Cum enim à latere quis aliquem adortus gladiò occidit, Hausit illum, dicunt*. Idem Italicum vulgare, non Latinum esse ait *Zemas*, quod significat *ollas areas*,
pro

pro quibus Virgilius Græcè *Lebetas* dixerit : Sicut etiam *Cyma* ; pro, *vertice montis* Charisius vulgaris linguæ esse ait, non Latinæ, similiterque *Pastillus* & *Sylli*. *Cyma* vel *cuma* (sic enim veteres scribebant & pronunciabant.) Hispanis est *cume* & *cumbre*, sicut *home* & *hombre*, *nome* & *nombre*. Itali hodie quoque *Cima* vulgo dicunt. Ita *Ploxenum* Catulli Transpadanum erat vocabulum, ut lib. 5. cap. 5. testis est Fabius, qui omnia Italica pro Romanis habere se testatur, eoque ipso advocacy Virgilio adversus Serivum commodat.

DE ADVERBIO.

Cur, quin] Ista non sunt *nativa* adverbia, sed *reperita*, sive, ut Grammaticè loquar, *usurpata*. A naturâ enim, sive primigeniâ significatione *cur*, est *cure*, sicut ex priscò *cume* factum est *cum*, ex *Sine*, pro, *Si non*, factum est *Sin*. *Cure* autem est *cui rei*, in ablativò casu, qui ut supra demonstravi, dativo erat similis : i porro in utrâque voce omissum fuit Græcorum imitatione, ut in *musâ* pro *musai*, supra contigisse dixi. Veteres scribebant *quor*, pro *quore*, id est, *quire*, seu *quare* : nam *quis*, ut dixi, omnium erat generum. Idem ergo prorsus sunt naturâ & significatione *cur* & *quare*, & utrobique subauditur præpositio *de* vel *in*. Plautus Pœn. act. 1. sc. 2. *Nimia nos secordia hodie tenuit. A D. quâ de re obsecro ? A N. quia non dudum ante lucem venimus. Nepos in Thy-mol. Dixit se in eâ re maximas diis gratias agere, quod se potissimum ducem esse voluissent. Potest tamen cur pro cui rei in dativò accipi, quomodo apud Plautum Poen. act. 2. sc. 1. Viscum legionî dedi & fimdas : eo præsternebam folia sarferi. L Y. cui rei ? A N. ne ad fundas viscus adhæresceret ; sicut Sin, est, Si ne. Jam quin est qui ne. Ubi ne significat non, ut Ne recte loqui Nemo,*

Nemo, pro, *ne homo*. Nepurus, pro, *non purus*. Nescio, pro, *non scio*. Nequeo, pro, *non queo*. Qui est ablativus, pro, *quâ vel quô*, ut subaudiatur, *re vel modô*. Est ergo *quin*, idem quod *quare non*, *quô modô non*, vel absolutè *quô non*, ut *Nullus dies est, quin de te cogitem*. Sed quia *qui* & *quis* sunt omnium generum apud veteres, eô factum, ut *quin* significet etiam *quæ non*. Plaut. Persa: *Mulier nulla erit, quin sit mala, quæ retinet; si quid fieri perversè videt*.

Ideo] Duo sunt nomina, etsi usus fecit unum & adverbium: nam & *quomodo* duo sunt nomina. Cic. 12. ad Attic. 6. *Quomodo hoc ergo lues? uno scilicet, si mihi librum miseris*. Plaut. Trin. act. 5. Sc. 1. *Quem ego magis amo, quam te. S T. quam me? quomodo? P H. hôc modô, ut molestus ne sis*. Similia sunt in Plautô plura. Nihilominus usu factum est, ut *quomodo*, adverbium fieret, adeoque ultimam ejus syllabam Horatius corripit. 1. Sat. 11. *Cum Victore sequor. Mæcenas quomodo tecum*. Similiter *postremo*, cum naturâ & origine sit nomen ablativi casus, usurpatione exiit adverbium, ut ex Juvenali discimus, qui postremam ejus literam corripit. Ita & *siquidem* duæ sunt particulae, usu tamen in unam coaluerunt, ut ex hóc Ovidii versiculô apparet: *Quæ mihi ventura est, siquidem est ventura senectus*. In hanc sententiam scribit Serv. in Æn. 5. *Îam usus obtinuit, ut Hactenus, pro una parte habeatur. Ergo adverbium est. Omnis enim pars orationis cum desierit esse, quod est, in adverbium migrat*. Id. in Georg. 1. nomen *supellex* ait esse *usurpatum*, quia scilicet usu fuerit introductum contra regulas artis, per quas rectum est, *hæc supellectilis*. Similiter in Georg. 3. *Lea* dicit esse *usurpatum*: nam *Leæna* esse *Græcum*, Latine autem dici, *hic* & *hæc leo*, ut tamen, velut monui, in *hæc leo*, subaudiatur *femina*. Nimirum quod de verbis ait Cicero, alia eorum *nativa*, esse, id est, quæ significatione sint primô sensu, alia *reperta*, quæ ex his facta sunt: idem in verborum significationi-

tionibus valet, ut aliæ sint nativæ vel primigeniæ, aliæ repertæ vel usurpatæ, quas usus nonnihil à naturâ sui primæque origine detorsit. Ita *quum* seu *cum* & *quod*, naturâ sunt duo nomina relativa, cum quibus præpositio *ad* subauditur, velut in Annotationibus *Paradigmatum* monui. Usus tamen fecit particulas, id est, vel adverbia, vel conjunctiones, quod ipsum in *magis*, *satis*, & *nimis* contigisse dixi. Quemadmodum enim veteres indifferenter *potis* & *poto* de masculinis, *tæmininis* & neutris tam pluralis, quam singularis numeri dicebant (quod in *Thesaurò Scioppianò* id est, in Commentariis de linguâ Latinâ multis auctorum exemplis confirmatum videbis) similiter nullò generis aut numeri discrimine *nimis*, *magis* & *mage*, *satis* & *sate*, vel per *Apocopen*, *sat*, cum substantivis conjungebant, vel expressis vel suppressis. Cic. *Nimis insidiarum adhiberi videtur*, subaudi, *negotium* vel *res*, quasi esset: *Nimia res*, vel *nimum negotium insidiarum*, hoc est, *nimiæ insidiæ*. Idem: *Non nimis me, sed alios admodum delectant literæ illius*. Ubi *nimis* est, *ad nimis negotium*, vel *ad nimum*, sive *in nimum negotium*: nam *nimum* sicut in *plus*, plerumque præpositio *a*, id est, *in*, *ad*, vel *in* vel *circa*, vel *secundum*, subauditur, quod ipsum in *plurimum*, *multum*, *tantum*, *quantum* (ex quò per contractionem *tam* & *quam* fecerunt) similiterque in *id*, *quid*, *quicquid*, *aliquid*, *nihil*, *melius*, *pejus*, *citius*, *parum* & *paulum* usu venit. Utròvis ergo modò per præpositionis Ellipsin dicitur, *Tempus nimum longum*, & *nimiò longum*. Valet enim illud, *ad nimum negotium*, hoc autem à *nimiò negotiò*: id est, *quod ad nimum negotium attinet*. Cicero: *Hoc exiguum tempus, quod mihi tamen nimum longum videtur*. Plaut. *Nimum libenter edissermonem tuum*. Idem *Vixisse nimiò satius est, quam vivere*. Nævius Agitatore: *Nimiò arctè colligo*. De *plus* exempla sunt, Cic. *Plus annum obtinere provinciam*, pro, *ad plus tempus*. Terent. *Ut cum matre plus esset unà*.

Simi-

Similiter ut idem : *Ibi plurimum est*, pro, *ad plurimum*, vel *per plurimum tempus est*. In hoc Ciceronis, *Plus virium habet alius aliô*, subauditur, *negotium*. Plaut. *Dii plus plusque sospitent istuc quod nunc habes*, pro, *ad plus plusque tempus* : pro quo dici poterat eâdem Syntaxi, *magis magisque*. Sicut Catull. *Notescatque magis mortuus atque magis*. Cic. *Magis de Graciâ cogito*, pro, *ad magis tempus* : nam *plus* & *magis* nihil differunt. Itaque sicut in nominativô rectè dicitur, *Plus est*, quod gratuler tibi, quam quod te rogem : Similiter dixit Cicero, *Magis est quod gratuler*. Ita minus minusque : Ter. Heaut. a. 3. s. 3. *Nam mihi jam minus minusque obtemperat*. Eadem in *satis* & *sat* ratio est : quæ nihil aliud significant, quàm sufficiens. Cic. Cethego de repub. *satis suppeditabat oratio*. Ubi *satis*, est nominativus sæmininus singularis, sicut masculinus accusativus singularis apud Virgil. *Ipsa satis tellus, cum dente recluditur unco*, Sufficit humorem : & nominativus neutralis singularis apud eundem Cic. *Ipse Romam venirem, si satis consilium esset*. Item : *Hoc facere satis est*, pro, *satis negotium*. Plaut. *Quicquid est domi, id sat est habendum*. Cor. Nepos Epam. *Abstinentiæ erit hoc satis testimonium*. Plurale masculinum est in hoc Plauti : *Quatuor homines sunt satis*, pro, *sunt satis homines*, vel *satis hominum*. Plurale neutrum apud eundem Plaut. *Ut satis consilia suppetant*. Et Propert. *Cum satis una tuis insomnia portet ocellis Fæmina*. Et Virgil. *neque enim responsa dabantur fida satis* : Si tamen *satis responsa dictum volumus* : nam si placeat *satis fida*, valebit, *ad satis negotium* : quod minus incredibile judicabit, qui tantum & multum eodem prorsus exemplô suppressâ præpositione & nomine *negotium* usurpari noverit. Catull. *Nec tantum niveo gavisæ est ulla columbæ Compar*, pro, *in tantum negotium*, sicut Virgil. *Nec puer Iliacæ quisquam de gente Latinos, In tantum spe tollet avos, nec Romula tellus ullô se tantum tellus jactabit alumnô*. Ubi tantum &

in tantum indifferenter poni videmus. Liv. 22. 27. *In tantum* suam virtutem enituisse. Juvenal. *In quantum* sitis atque fames & frigora poscunt. Cicero: *Si me amas tantum, quantum profectò amas, pro, ad tantum, si vè in tantum, in quantum.* Plaut. *Multum amo illam: pro, in multum negotium.* Cæsar: *Neque multum frumentò, sed maximam partem vivunt lacte.* Plin. 10. cap. 36. *Solutus columbarum volatus est in multum velocior.* Ubi etiam dici poterat, *à multò velocior, & per Ellipsin præpositionum multum & multò velocior.* Cic. *Multum omnibus gloriâ præstare. Multò magnus orator præstat minutis imperatoribus. Sicut paulum & paulò, aliquantum & aliquantò indifferenter dicitur præpositionibus suppressis.* Varro: *Nemini paulum modò humaniori ignotus.* Plaut. *Multum improbiore sunt, quam à primò credidi.* Fabius. 1. cap. 7. *Sed paulum superiores quod nos dicimus fussi, dixerunt fusi.* Sallust. Jug. *Cum vineæ paulò proceßerant, igni aut lapidibus corrumpebantur.* Terent. Heaut. *Paulò qui est homo tolerabilis, id est, etiam ille, qui est aliquantò tolerantior, commodior, patientior.* Ibid: *Aliquantum iniquior erat.* Livius: *Quantum magis patres plebi se insinuabant, eò acrius tribuni contra tendebant.* Idem: *Ad immensum augere aliquid, pro quò dici poterat, immensum, ut* Ovid. 5. Fast. de Orione: *Creverat immensum.* Et Tacit. *Euphraten nullâ imbrum vi sponte & immensum attolli.* Rursum Livius: *Formam viri aliquantum humanâ ampliorem intuens.* Et lib. 42. *Dextera pars labe terræ in aliquantum altitudinis diruta erat.* Dictys, seu quisquis optimis temporibus bellum Trojanum descripsit: *Nostris multorum dierum navigatione in aliquantum exhaustis.* Etiam in *id, quid, aliquid, nihil,* præpositionem subaudiri nemo, nisi indoctissimus, dubitaverit, ut in his Livii: *Militibus nihil rempub. committendam esse. Nihil ordinum memores. Magister equitum nihil consultò dictatore evectus.* Et Plaut. *Apage amor, non places, nihil te moror.* Et Senec. *Pollio cor*

servos, qui se aliquid offenderant, in vivarium abjici jubebat. Plaut. Curc. *Non est mirandum, melius si nihil sit tibi, pro, ad nihil, à nihilò, vel nihilò melius.* Ulpianus quidem præpositionem sic expressit leg. 1. §. 7. Dig. *ne quid in flumine: Si ea res cursum fluminis ad aliquid immutavit.* Eòdem nempe modò *ad nihil, ad multum, ad plus, ad magis, ad nimis vel nimium, ad satis* rectè dixeris, quod quidem ad artis regulas attinet: quibus tamen meminisse oportet potentiorum esse Romanorum usum, quem ex libris auctorum discimus. Ita quod Cicero dicit, *Oratio nostra magnam partem ex ambis constat: præpositionem ad vel in suppressam habere ex eò intelligitur, quod sæpius idem habet: Quod mea multum, tua nullam in partem interest. Non sentientis nihil est, quod ullam in partem intersit. Mea omnem in partem interest. Hæc neutram in partem effici possunt. Me tibi in omnes partes defendendum putes.* Pro quibus alibi, *Nulla ex parte, omni ex parte, magna ex parte* dicere solet. Sic Ovid. 10. Met. *de Mida: Cætera sunt hominis, partem damnatur in unam, Induiturque aures lentè gradientis aselli: ubi præpositio per Ellipsin eleganter omitti poterat.* Livius 42. 3. *Ædem funonis ad partem dimidiam detegit: pro quò dicere poterat, ex parte dimidia.* Sed ad *satis* redeo, quod nomen esse vel comparativus satius fidem fecerit. Priscianus lib. 15. *Nimis, quod etiam nimium dicimus. Satis, quod etiam locò nominis positivi accipitur. Itaque etiam comparisonem recipit, satius. Et mox: Satis quia pro sufficiens accipitur, ideo habuit comparisonem, satius.* Idem Cicero. *Plato hominem id ætatis in tam longò sermone diutius retinere noluit: multò ego satius hoc mihi faciendum putavi in Scævola.* Sed & *sator* apud Plin. legitur lib. 17. cap. 5. *Terra pulla erit optima, & operi sator, id est, melior, appositior.* Porro in ideo, quod usu in unum vocabulum coaluisse dixi, *Pleonasmus* est: nam & id significat *ob id, propter id, &*

eo significat ab eò, ex eò. Plautus. *Et id huc reverti, ut me purgarem tibi.* Idem: *Non es in senticetò, cò non sentis*, pro, eò negotiò vel nomine, sicut eà re, eà causà. Varro: *Heliotropia flores vocant ab eò, quod ad solem semper spectant.*

Propterea quod] dicitur per Syllepsin numeri, cum per regulam rectum sit, Propter id quod. Cui similis hæc Plauti: *Amor amara dat tibi satis quod agere sit.* Item. *Ego te de alià re rescivisse censui, quod ad me attinet.* Item: *Potius quam istam à me operam impetres, quod postulas.* Item: *Si quid stultè fecit, ut ea missa facias omnia.* Item: *Quid negotii est, quamobrem mihi succenseas.* Et Varronis: *Deterrent à saliendo fiscellis è juncò, aliàve quà re, quod alligant ad naturam.*

Manè, serò, tempori.] Ista naturà sunt nomina, usu verò adverbia: nam manus & manis priscis significat bonus, cui contrarium immanis, id est, minime bonus, adeoque sævus seu crudelis. Dii manes, hoc est, boni defunctorum spiritus. Mane tempus, quod nox jam non tem pellit. Persius. *Jam clarum manè fenestras intrat.* Cic. *Literas tuas Fesulanus multò mane mihi dedit*: sicut, *Multà nocte.* Plaut. Pœn. *A mani ut ad portum processimus*, id est, postquam jam mane tempus, seu matutinum fieri cœpit. Idem: *Hæc pugna pugnata est ab usque mane ad vesperrum.* In serò subauditur tempore diei. Apud Livium quidem legimus: *Castrorum oppugnatione, quia serum erat diei, abstinuere.* Sed adverbialiter usurpatur, cum legis, *Serò est*, pro, *res est in serò tempore*, sicut apud Plautum: *Nimis panè mane est.* Ex eoque posterior in serò sæpe à poetis corripitur, sicut etiam in quomodo, postremo, medicando, vigilando, quamvis ablativi sint: nec aliter in exemplar, & calcar postremam faciunt brevem, licet nomina sint adjectiva, per Apocopen facta ex calcaare & exemplare, in quibus negotium, id est, res subauditur. Tempori, ablativus est pro tempore, ubi subauditur in. Plaut. *Alcumenæ auxilium in tempore feram.* Ter. In

tempore ad eam veni, id est, tempestivè, attemperatè, cum tempore ipsum esset: ubi Donat. In tempore, oportune, nos sine præpositione dicimus, tempore & tempori. Cicero: Ego renovabo commendationem, sed tempore, id est, in suo tempore, cum suum tempus adveniret.

Vanum] Nomen esse accusandi casus, in quò præpositio ad subaudiatur, nullum mihi est dubium. Tacitus enim sine dubiò veterum exemplò in dandi casu v. eno posuit. Annal. 14. 15. *Exstructa conventicula & caupona, & posita vano irritamenta luxus.* Et in ablativò, Annal. 13. 51. *Militibus immunitas servaretur, nisi in iis, quæ vanò exercerent.* Apulejus alios fortasse auctores securus, *vanui* dixit lib. 9. *Asini: Altera die productum me rursum voce præconis vanui subijciunt.* Hinc apparet, *vaneò* factum esse ex *vanum* eo, quod est, ad *vanum* eo, sicut *mercatum* eo, & ad *mercatum* eo. Plaut. Mercat. prolog. *Pater ad mercatum me meus misit Rhodum. Dico esseiturum me mercatum, si velit.* Ibid. act. 2. sc. 3. *Illam trans mare hinc vanum asportet.* Ex *vanum* dare factum est *vendere*.

Pessum] Ex *panfus* factum fuit *passus*: nam Agellius lib. 14. cap. 15. & 15. c. 13. & Servius in Æn. 1. mentiuntur, dum à *pando* *panfus* dictum negant. Lucretius enim lib. 1. *Dispanfus* dixit: *Vestes dispanse in sole feresunt.* Non aliter quam à *scando*, *scansum*, à *tundo*, *tunsum* dicebant. Plautus tamen *dispeffus* dixit pro *dispassus*, similiterque *Passò* velò, & Virgil. *Crinibus passis*, Ennius & Cæsar *passis palmis*, pro manibus expansis. Ad hoc exemplum à *pendo* factum fuit *pensus*, ex eoque *pessus*, quod est *gravis*, *ponderosus*. Plaut. Stich. *Utra conditio est pensior, virginem an viduam habere?* id est, *utra plus pendit, utra prægravat, præponderat.* Hinc *pensum* seu *pessum* ire, pro, *deorsum*, quia graviora pondere suo deorsum feruntur. Cicero, *Verbis aliquem pessum dare* dixit, *Fabiò* teste, pro *affligere*, *perdere*. Plautus: *Pessum premere.*

Oppidoquam] Vitruvius lib. 8. cap. 3. *Fonticulus oppidoquam parvulus*. Utitur & Agellius, eoque haud paulò doctior in Scoti dumtaxat senticetis Theologus ille, cujus liber ita inscriptus exstat : *Oppidoquam Reverendi Patris, Fratris Johannis Thomæ Tomaceti Minoritæ Conventualis, Baccalaurei formati, Quæstiuncule & Expositiuncule in doctissimas & subtilissimas Formalitates Johannis Duns Scoti, Doctoris subtilis*.

Parum] Naturâ nomen est, in quò subauditur *ad*, sicut in *paulum*. Utrumque verò factum est ex Græcò *παῦρος* : nam extrita *u* exiit *parum*, & *p*, in *λ*, mutato *paulum* : transpositis verò literis, *parvum*. Cicero : *Parum est, quod homines sefellisti*, subaudi, *negotium*, Idem : *Parum meministi quid concesseris*, pro, *ad parum*. Idem : *Parum multi*, pro, *pauci*. *Parum* sæpe, pro, *raro*. Eadem Syntaxis est in *paulum humanior*, aliquantum augustior. Lucretius *parvum* dixit, pro eò, quod est *paucum* seu *pauillum* : neque enim umquam est penuria parvi : id est, *parum* seu *paulum* numquam deest : quò modò Livius 10. 45. *Ut parvò admodum plures caperentur* : pro, *paulò plures*, qui etiam lib. 35. 11. *equi hominesque paululi* dixit, pro, *parvuli, exigui*. Cicero : *Paulum novi allatum est. Paulum abesse*. Terent. *Parum interest*. Itaque *parum*, *parvum*, & *paulum* nec origine sui, nec significatione differunt.

Tam Quam] Etiam ista primâ sui origine nomina sunt, sed usus fecit adverbia, vel conjunctiones. Ex *tantum* compendiò fecerunt *tam*, ex *quantum* verò *quam*. Itaque significatione nihil inter se differēbant, & in utròque præpositio *ad* vel *in* subaudivatur. Cicero : *Hic tam imbecillus, quam videtis* : pro, *in tantum, in quantum videtis*. Ascon. Ped. in Divin. in Ver. *Tantum mihi divinitas faveat, quantum verum est illud, quod dico tibi*. Terent. *Hec. Non verbis dici potest tantum, quam re ipsâ navigare incommodum est*. Ubi *quam* est *quantum*, sive *in quantum*. Plaut.

Scio quàm sit sevus, pro, in quantum sit sevus. Terent. Adel. Eamus, namque hic properat in Cyprum. S. A. ne tam quidem, quamvis etiam maneo otiosus hic. Ubi Donatus: Tam, pro tantum. Et quamvis, pro, in quantum vis. Integra ergo oratio est: Ne in tantum quidem negotium propero, in quantum tu me properare dicis. Cicer. Hic quam volet Epicurus jocetur, homo non apertissimus ad jocandum, pro, quantum, sive, in quantum volet; sæpe apud Plautum & Terentium legitur, quantum potes vel potest, pro, cito, subito, quantâ maximâ fieri potest celeritate. Ubi Donatus citò subaudiri monet, ut sit quantum potes, citò abi. Plaut. Pers. Ire hinc volo quantum potest: pro, quantum citò pote est: sed verius est subaudiri tantum. Plaut. Aul. Domum me quantum potero, tantum recipiam, pro, In tantum citò me recipiam, in quantum potero. Idem Mil. Ego quantum citius possum, mihi navem paro, ubi nullo discrimine citò & citissimè dici poterat. Idem Most. Tu ut occepisti tantum quantum quis fugies. Liv. 37. 20. Ipse cum turmâ suâ quantum potuit effusissimis habenis stationem hostium invadit. Eodem sensu dicitur, quàm potes. Plaut. Milit. act. 3. sc. 1. Quàm potes, tam verba confer maxime ad compendium. Sic ex quantum magis, fecerunt quàm magis. Livius 3. 15. Quantum juniores patrum plebi se magis insinuabant, eò acrius contra tribuni tendebant. Plaut. Asin. act. 1. sc. 3. Quàm magis te in altum capeffis, tam æstus te in portum refert. Livius sæpe cum superlativò quantus & quam pōnit, nullò discrimine, ut lib. 28. 1. Quantis maximis potuit itineribus prægressus. Et lib. 22. 6. Sublatis raptim signis quam citatissimò poterant agmine se abriperunt. Ita quod Terentius dixit in Andr. Resecit se in eum quàm familiariter: potuisse aliter dici, Quantum familiariter, ex hōc Plautinō patet Amph. act. 1. sc. 1. Nescio quantum tu familiaris sis. Hinc etiam ex quantum quantum factum est, quamquam: ex tantum quantum, tamquam. Cic. Quamquam abest culpa, suspitione tamen non caret, pro,

in quantumcumque abest. Terent. *Quamquam est scelestus, non committet iterum ut vapulet, pro, quantumcumque scelestus est.* Cic. *Ut istum tamquam si esset consul, salutarem, pro, tantum salutarem, quantum si esset consul.* Idem: *Apud eum sic fuit tamquam domi meæ.* Ubi sic per *Pleonasmum* abundat, quemadmodum in hoc ejusdem: *Sicut aliis in locis parum virium veritas habet, sic in hoc loco falsa invidia imbecilla esse debet.* Et ita in isto: *Hæc sicut exposui, ita gesta sunt, pro, sic gesta sunt, ut exposui.* Neque verò quam quantum aliud est, ac quantum quantum, seu quantumcumque. Plaut. *Oratio hujus pluris est, quam quanti emta est, pro, quanti quanti aris pretio empta est, tamen pluris est hujus oratio.* Cicero. *Sexies tantum, quam quantum satum sit, ablatum esse, pro, quantumcumque satum sit, tamen sexies tantum ablatum esse.* Idem: *Majorem pecuniam Prætori pollicetur, quam quantam tu dedisti: pro, quantamcumque tu pecuniam dedisti, ille tamen majorem pollicetur.* Ter. Phor. a. 5. f. 7. *Heus quanta hæc mea paupertas est, tamen adhuc unum hoc curavi, ut mihi esset fides, pro, quantacumque.*

Quin.] Aliàs interrogat, aliàs intendit sive augeat, aliàs hortatur, cum factum sit ex *qui non* seu *qui non.* Plaut. *Quin vocasti hominem ad cœnam? pro, qui non, seu cur non?* Terent. *Quid stas lapis? quin accipis?* Idem: *Quin tu hoc audi, pro, audi me tu, quid ni?* Idem: *Quin tu unò verbò dic quid est, pro, unò verbò (quid ni) dic quid est.* Idem. *Quid nunc agimus?* GN. *quin redeamus, jam hæc tibi aderit supplicans.* Ubi Donatus, *Quin, pro immo, quasi esset: Redeamus, & quid ni?* Idem: *Quin Pythias tu me servato.* Ubi Donatus: *Quin pro immo.* Cicero. *Credibile non est, quantum scribam die, quin etiam noctibus, nihil enim est somni: quasi dicat: Quid ni die multa scribam, cum scribam etiam noctibus?* Tandem *quin* relativum est, ita ut *qui* significet *quomodo*, ut: vel etiam absolute *quo* vel *qua*. Plaut. *Numquid causæ est, quin te in pistrinum*

num condam? pro, quâ causâ non te condam? Cic. Nul-
lus dies est, quin domum meam veniat, pro, qui die non
veniat, ut Plaut. Men. Vis conclamari auctionem fore qui
die? M. E. die Septimi. Cic. Prorsus nihil abest, quin
sim miserrimus, pro, ut non sim, quomodo non sim miser-
rimus. Idem: Causæ nihil dico quin ita sit, pro, qui ne,
seu cur non ita sit. Idem: Facere non possum, quin ad te
mittam. Terent. Effice qui uxor detur tibi: ego id agam,
mihi qui ne detur. Ubi Donatus: Qui, pro, quemad-
modum, & ne, pro non.

Unâ] Usus fecit adverbium ex eò, quod fuit unâ
operâ, vel eâdem unâ operâ. Plaut. Tubeas ut te defraudem.
Tubeas unâ operâ me piscari in aëre: pro quò, per El-
lipsin dicere poterat, Tubeas unâ me piscari. Idem:
Rogat te. hera, ut hoc nunc unâ operâ ad aurificem deferas:
pro, unâ cum pallâ. Idem: Quâ operâ credam tibi, unâ
operâ alligem canem agninis lactibus, pro, si crederem tibi
simul canem intestinis alligarem. Livius 28. Unâ & me
trajecisse audietis, & ardere bellò Africam, & obsideri Car-
thaginem, pro, unâ operâ. Cic. Si mei consilii rationem
cognoverit, unâ & id, quod facio, probabit, & in hâc causâ
putabit, &c. Usu tamen, ut dixi, factum est adver-
bium, significatque simul. ut Cic. Cum essem unâ cum
eò in turbâ. Terent. Filius cum illis unâ aderat.

Fortè, fortuito.] Forte, est ablativus à fors, quæ est
fortuna, idemque significat quod casu. Horat. Qui
sit Mæcenat, ut nemo, quam sibi sortem seu ratio dederit,
seu fors objecerit, illâ contentus vivat? Plaut. Men. Pro-
log. Rus ut ibat fortè, ut multum pluerat. Terent. For-
te fortunâ adfuit hic meus amicus. Cicer. Aut casu, aut
forte fortunâ fieri. Idem: Cum casu decedens è provinciâ
Puteolos fortè venissem. In fortuito, subauditur casu.
Livius 34. Ne quò casu interceptæ literæ palam facerent
conata. Ubi dici poterat, Ne fortuito interceptæ literæ.
Cicer. Non repentinâ aliquâ voluntate, neque fortuito in-
cidere ad aliquid agendum. Fortuito verò, merum est
adverbium. Cicer. Casu & fortuito navis in portum in-
columnis delata est.

Mea-

Meatim, tuatim.] Plautus Amph. act. 2. sc. 1. *ſam tuatim facis, ut tuis nulla apud te ſit fides.* Sergius in Donat. *Meatim nihil eſt aliud niſi meo more.* *Tuatim, tuo more.* Nonius Marcellus. *Canatim, ſuatim, bovatim, canum & ſuum & bouum genere.* Id quod Nigidii Figuli verbis probat. Idem Lucilii hunc verſum laudat: *Longior hic, quam grus, grue tota cum volat olim.* Ubi tamen fieri poteſt, ut Nonius fuerit more ſuo, aut ſuatim alucinatus, ſcripſeritque Lucilius: *Gruvatim cum volat olim,* hoc eſt, ut grues ſolent. Ita Luuit, pro luit, Lucil. & Plurverat Plautus, pro pluerat.

Forsit, forſitan.] Plures voces in unam concreverunt, quaſi eſſet, *An forſ ſit vel ſuat.* Lucrēt. 6. *Forsit & Æthiopum penitus de montibus altis creſcat:* pro *forſ*, ſeu *fortuna ſit ut creſcat*, poſſet eſſet *forſ* ſeu *caſus talis ut creſcat.* Propert. 2. eleg. 9. *Iſte quod eſt, ego ſape fui, ſed forſit in hora,* Hic ipſo ejeſto carior alter erit. Horat. *Diſſimile hoc illi quia non ut forſit honorem, ſure mihi inuideat quivis.* Virgil. *Forsit vota facit, cumulatque altaria donis.* Idem: *Forſan & hæc olim meminiffe iuvabit.* Idem *Forſitan & Priami fuerint quæ fata requirer.* Varro. 3. rei ruſt. 6. *Diſceſſit Fircellius, qui ſecus ſi quid diceret de iis, gentilitatis cauſa forteſſe an tecum duceret ſerram.* Ita ibi legendum, cum in veteri codice ſit *diceret.* Senſus eſt: *Si quid ſecus diceret de pavonibus, & præſens eſſet amicus noſter Fircellius Pavo, tum pro pavonibus, tamquam ſuis gentilibus & agnatis, forteſſe tecum contenderet:* quod alii commenti ſunt, *Tecum ſerram duceret,* id eſt, *laboris eſſet particeps,* proriſus eſt *ἀντιπαραπονεῖν.* Idem Varro. lib. 3. cap. 16. *De fructu hoc dico: quod forteſſe an tibi ſatis ſit.* Terent. Hec. *Quod faciendum ſit poſt forteſſe, idem hoc nunc ſi feceris.* S O. *forſ ſuat pol.* Ubi Donatus. *Fortuna ſaveat, quaſi τὸ ὑπὲρ μὲν ἀδverſus triſte dictum uſa eſt: nam Forſ, fortuna bona eſt.* Et *ſuat*, ſignificat *ſit:* quaſi eſſet: *Bona fortuna ſit per Pollucem.* Auſonius veterum ſine
H 5 dubio

dubio imitatione in epist. ad Probum: *Fors suat, ut si mihi vita suppetet, aliquid rerum mearum expoliam.*

Funditus] *Lucr.* valet *ad fundum*, sed id est ex iis quæ dicuntur *singularia*.

Ergo.] *Naturâ* nomen est ablativi casûs à Græcô ἔργον, quod *opus* significat. *Cicero*: *Donare aliquem virtutis ergo*, pro, *causâ*, *gratiâ*. *Virtutis* hoc ἔργον sive *opus*, sive *gratia* est, quod *donatur*: *virtutis opere fit, ut donetur*. *Virg.* *Illius ergo venimus*, pro, *illius causâ* sive *opere*: *illius opus est adventus noster*: *ille fecit ut veniremus*. *Festus*: *Ergo correptum*, significat idem, quod apud Græcos ἐν, id est, *igitur*: *producte*, idem quod παρα, hoc est, *gratiâ*, cum scilicet *gratiâ* intelligitur pro *causâ*. Sed etiam *igitur*, pro, *eâ gratiâ*, *eâ causâ*, *ided*, poni solet. *Plaut. Epid.* *Æquum fuit homines speculum habere igitur*, *perspicere ut possent cordis copiam*. Idem *Pœn.* *Agite, dicite mihi quæ vobis dixi igitur*, *ut sciam vos scire rem*. Idem *Asin.* *Abiisti ad forum igitur inveniendò argento, ut fingeres fallaciam*. Idem *Amph.* *Certum est confidenter hominem contra colloqui igitur, qui possim videri huic fortis*.

D E

GENERE NOMINUM.

Illud imprimis acriter advertendum monet Sanctius & sæpe pueris inculcandum, propter sola adjectiva reperta esse in substantivis genera: *nam si adjectiva non essent (ait) aut si omnia unius essent terminationis, ut Felix, par, oriens*: nulla esset apud Grammaticos de genere præceptio. Grammaticus enim in substantivis solummodo quærit genera propter adjectivorum terminationes. Cum enim dicimus, *Revereor patrem. Ne ladas hominem. Abige canem*: non refert, *cujus sit generis, donec addendum*

dum sit adjectivum. Huic consequens est, genus in illis nominibus non esse quærendum, quæ adjectivis adjungi non possunt, qualia sunt, *Ego, tu, sui, & Deorum ac hominum, urbium, insularum, montium, navium & fabularum* nomina propria. Si enim dicas: *Tu es doctus, sed Cicero est doctior*, adjectiva *doctus & doctior* non conjunguntur cum substantivis *tu & Cicero*, sed cum nomine *homo*, quod subauditur. Sic *Cicero est disertus*, subaudi *homo*. *Roma est sancta*, subaudi, *urbs*. *Mediolanum est magna*, supple, *urbs*. *Argi aptum equis*, subaudi, *oppidum*. *Flavus Albula*, subaudi, *fluvius*. *Altus Ætna*, subaudi, *mons*. *Magnâ centaurô vehitur*, subaudi, *nave*. *Terentiana Eunuchus*, supple, *fabula*. Aristoteles in *Metaphys. Singularia*, inquit, non suscipiunt determinationem, quia de pluribus non affirmantur. Et rursus: *Naturâ notius est, quod plurimum entis habet*, id est, *veritatis*. Itaque species notior genere, naturâ; & minus universale, magis universali: nam magis universale in minus universali reperitur, & aliquid aliud. Est enim *animalis* substantia animata sensibilis. *Hominis* verò substantia animata, sensibilis, rationis particeps. Hebræi præterea notant, ideo nomina propria non recipere articulos, quia satis per se declarentur. Si ergo articulos non recipiunt, ab eâdem causâ nec adjectivis adhærebunt. Hanc priorum rationem multa sequuntur appellativa: illa inquam, quæ sub aliquo genere continentur, ut *arborum, avium, gemmarum, herbarum, & literarum* nomina, ut *Oleaster dura, laburnum magna*, subaudi, *arbor*, cum ex regulâ terminationis *oleaster* sit masculinum, *laburnum* neutrum. Sic *sola bubo*, subaudi, *avis*. *Carbunculus ignita*, subaudi, *gemma*. *Pulegium odorata*, subaudi, *herba*. *O rotunda*, subaudi *litera*.

Femina masque genus.] Hæc regula tantum ad hominum officia pertinet, latissime sumto officii nomine, ut *Pater, mater, gener, soror, frater, avunculus,*
mater-

matertera, socer, socrus, dux, testis, scriba, eumuchus. Nomina verò cæterorum animalium, ut *Equus, mula, aquila, mus, aries*, ad terminationes sunt referenda, id est, ex regulis de terminatione discendum est, cuius sint generis.

Femineis dantur, sed causâ significati.] Si dicas, *Delphica laurus*, respicis ad significatum *lauri*, quod est *arbor*: nam *laurus* ex regulâ terminationis masculinum est, sicut, *Malus, Pomus, Pyrus*, quia nomina in *us* secundæ declinationis sunt masculina. Itaque Priscianus lib. 5. veteres testatur dixisse, *Hic cupressus, platanus, populus, laurus.* Catullus ergo secundum regulam dixit, *Ulmo marito.* Plinius verò per figuram *Ellipsin*, *Ulmos maritas*, quia suppressit nomen *arbores*. Sic in *Picus martia*, subauditur, *avis*, cum alioquin *picus* per terminationis regulam fit masculinum. *Clara Corinthus*, subaudi *urbs*: nam *Corinthus* per terminationis regulam masculinum est. Vellejus lib. 1. *Haletes Corinthum, qui antea fuerat Ephyre, in Isthmo condidit.* Propert. lib. 3. eleg. 4. *Nec miser æra parò clade Corinthe tua.* (Vossius putat miserum dici, qui Corinthi clade quasi gaudet. Sed quis dubitat, miseriorem esse Corinthum, quæ cladem patitur.) Ovidius *Candidus Anxur* dixit per regulam. Horatius, *Impositum saxi Anxur*, per figuram *Ellipsin* suppressendò oppidum. Sic Virgilius, *Altum Præneste*, per terminationis regulam, *Præneste sub ipsâ*, per *Ellipsin* suppressendò urbe.

Non variata putes neutra, & pro nomine posita.] Nomina literarum non variantur casuum terminationibus, adeoque neutra sunt, ut *Hoc A, huius A, huic A. Nequam*, non variatur, sed est adiectivum factum per *Syncopen* ex *nequicquam*, id est, *frustra*. Plaut. *Nequam est piscis, nisi recens*: id est, *frustra est piscis, quia est inutilis vescendo.* Verbum infinitum pro nomine positum est neutrum, ut *Laborare molestum est.* Sunt etiam neutra nomina indeclinabilia in *i & u*
exeun-

exeuntia, ut *Zingiberi*, *piperi*, *gelu*, *pecu*, *genu*, *cornu*. Cicero in Aratō priscè dixit *genus*, & Lucanus *Cor. nus sinistri*.

DE GENERE DUBIO.

Genus dubium (ait Sanctius) propriè vocamus, quò auctores usi sunt sine discrimine, nunc masculinè, nunc fæmininè. Itaque *Vulgus*, *penus* & *specus* non numerantur inter dubia, cum neutra reperiantur. Multa erant olim ambigua, quæ nunc non sunt, ut *Callis*, *cinis*, *funis*, *alvus*, *colus*, *acus*, *humus*. *Corvus*, *leo*, & *bubo*, sunt masculina epicœna, quæ tamen fæmininum sexum sub se continent, ut cum dicitur, *Corvus nigra*, *leo gravida*, subauditur, *fæmina*. *Aquila* & *dama* sunt fæminina epicœna, quæ tamen masculinum sexum sub se continent, ut cum dicitur, *Fortissimi aquilæ*, *timidi damæ*: subauditur *mares*. *Cardo* masculinum est, apud priscos etiam fæmininum. *Calx*, pro *lapide coctō*, Græcum semper fæmininum est, sed *chalx* scribi debet. *Penus*, secundæ vel quartæ declinationis est dubium. Sed *Penus penoris*, *penum peni* & *penu penu* neutrum. Idem dicendum de *specus*. Nomina Græca in *os*, quæ Latini vertunt in *us*, mire variant apud illos, nec certa regula constitui potest.

DE GENERE TERMINATIONIS.

Multa nomina (ait Sanctius) mutant genus mutata terminatione, ut *Panther*, *crater*, *stater* masculina. *Panthera*, *cratera*, *statera*, fæmin. *Penus*, *i* & *penus*, *us* dubium. Sed *Penum*, *i. penus*, *oris. penu*, *u. neutra*.

neutra. *Barbitor*, *i*, dubium. *Barbiton*, *i*, neutrum. Sic *Costus*, *Ilios*, *tiaras*, masculina. *Costum*, *Ilium*, neut. *Tiara*, fæm. *Hic sal*, *hoc sale*. *Hic retis*, *hoc rete*. *Hic ador*, *adoris*, ut *decor*, *decoris*. *Hoc adus*, *adoris*, ut *decus*, *decoris*. Hæc *canes*, ut *vulper*, & *hic canis*.

Adria sed sinus est mas.] *Horat. Dux inquieti turbidus Adriæ*, id est, *sinus Adriatici*. In *Siliano illo lib. 8. hunc etata Vomano Adriæ*, subauditur, *urbs*.

Cometa.] *Cic. 2. Nat. Deor. Cometa magnarum calamitatum prænunciæ fuerunt*, subaudi *stellæ*: nam antea dixerat: *Stellæ, quas Græci Cometas, nostri crinitas vocant.*

O, maribus,] *Ut Cento, carbo, titio, pernio, papilio, vespertilio, curculio, homo, latro. Unedo, pro fructu mascul.* Si inveniatur in fæmin. deest *arbor*. *Turbo, turbonis* semper: nam *turbinis* est à recto *turben*, teste *Charisio*. *Cudon, burdon, ligon, harpagon, mangon*, primæ fuerunt positionis. Legimus enim *Cudona & harpagonas*, ut *Plato, Brito, Agamemno*. *Nemo*, adjectivum est.

Verbale in IO.] *Ut Portio à partior, ratio à reor, conditio, régio, ditio, natio, oblivio, possessio, actio, passio. Terenio, quaternio, senio*, sunt masculina.

DO. GO. femineis.] *Ut Acredo, dulcedo, cupedo, intercapedo, libido, crepido, sollicitudo, testudo, fortitudo, solitudo, valetudo. Barbara sunt albedo & nigredo. Plautus albitudinem, Lucretius nigrorem dixit. Suffrago, caligo, rubigo, fuligo, ærugo, ferrugo.*

C. T. L. U M neutrum.] *Ut Lac, olim hoc lacte, halec, sed halex fæmin. Caput, occiput, sinciput, vestigal, tribunal, puteal, cervical, mel, fel, nil, scortum, mancipium, Glycerium, Dinacium. Apud Terent. Mea Glycerium*, subaudi, *amica*, teste *Prisciano*.

N, mas.] *Ut Titan, Delphin vel Delphis, Python, cannon, & illa superiora, ligon, harpagon, cudon, mangon.*

MEN, neutrum.] *Ut Carmen, limen, lenimen, flamen, pro ventô: nam pro Sacerdote, masculinum est. Hymen, proprium est nomen Dei nuptiarum. Si pro*
carmine.

carmine nuptiali, aut *membranâ recens nati pueri* accipiatur, masculinum erit: quia *nomina Deorum*, si accipiantur pro rebus, quibus præsunt, ejusdem generis erunt, cujus deberet esse *Deus* ille, ut *Mars*, pro bello, masculinum est: Cum *Mars* adhuc esset *dubius*. *Tellus*, pro terra. *Ceres*, pro frumento, fæmin. *Lucil. Deficit alma Ceres, nec plebes pane potitur.*

O N, non ternæ.] Si desinentia in *on* sint tertiæ declinationis, sunt masculina: sed secundæ sunt neutra, ut *Enchiridion*, *encomion*, *symposion*, *barbiton*, *crysalton*, *Caston*, *Ilion*.

A R, neutrum.] Ut *Cochlear*, *laquear*, *torcular*, *pulvinar*, *calcar*, *exemplar*. Hæc tamen prius erant adjectiva in *are* desinentia, sed usu postea facta sunt substantiva in *ar* breve exeuntia.

E R, virile.] Ut *Ager*, *agger*, *anser*, *asser*, *cancer*, *caper*, *carcer* (quod olim erat neutrum) *culter*, *imber*, *liber*, *passer*, *vesper*, *veper*, quò usus est *Columella* lib. 11. c. 3. Sed usitatus est plurale, *vepres*. Multa in *ter*, ut *Oleaster*, *pinafter*. Et Græca, ut *Panther*, *clyster*, *præster*, *halter*. Tres *fiseres* dixit *Plin.* 20. c. 5. sed locus videtur corruptus. Neutra sunt *Tuber*, *suber*, *uber*, *verber*, *ver*, *cadaver*, *papaver*, *laver*. Sed *September*, *October*, *November*, *December*, adjectiva sunt & subauditur *mensis*.

O R, mas.] Ut *Candor*, *nigror*, *amor*, *fulgor*, *sopor*, *crudor*, *rumor*, *mæror*, *dolor*, *color*, *labor*.

U R, neutrale.] Ut *Guttur*, *sulfur*, *murmur*, *ebur*, *femur*. Etiam *furfur* in singulari, *Plin.* 18. cap. 9. & 26. cap. 2. In plurali masculinum est *furfures*. *Anxur*, urbis nomen, masculinum est.

A S, dic fæmineum.] Ut *Æstas*, *pietas*, *potestas*, *pau-pertas*. Sed masculina sunt *As*, *assis*, cum *turbâ*, id est, cum derivatis & compositis. *Semis*, *semissis*, *decussis*, *centussis*, *sextans*, *triens*, *quadrans*, *quincunx*, *septunx*, *bes*, *dodrans*, *dextans*, vel *decunx*.

E S, muliebre.] Ut *Seges*, *abies*, *sanies*, *vulpes*, *canes*,
priscum

priscum res, spes, requies, quies. Composita à per sunt adjectiva, ut *Bipes, tripes, quadrupes*.

Mascula Græca.] Ut *Soractes, Boötes, Gagates, Sorites, cometes, planetes, magnes, tapes, lebes, acinaces*.

Pluraleque ut antes.] Pluralia in *es*, quæ scilicet in singulari numero Latine non dicuntur, sunt masculina, ut *Penates, amales, pugillares, casses, sales, lemures, fursures, tuberes*, pro, quodam fructu, *Proceres*, pro, capitibus tignorum exstantium, *sentes, vepres*. *Manes*, adjectivum est, pro, *mani*, id est, *boni*, sicut *porci sacres*, pro, *sacri*: *Matrimes & Patrimes*, pro, *Matrimi & Patrimi*. Etiam *annales* adjectivum est, in quò subauditur *libri*, & in singulari rectè dicitur: *In Ennii sextò Annali*. Similis est ratio in *pugillares*, nam adjectivum est, in quò subauditur *codicilli* vel *tabellæ*. Catullus *pugillaria* dicit, ubi potes subaudire, *ligilla* vel *schedaria*, vel quid simile. Putant alii quædam fæminina in *es*, esse pluralia, ut *Alpes, opes, compedes, sordes; nares, lactes, grates, Gades*. Sed falluntur: nam in singulari dicitur, *Alpis, opis & ope, compes, compedes, sordis, sorde, naris & Gadis*. *Lactes* masculinum est. *Grates* in nominativò & accusativò plurali factum est ex Græcò *χαῖρες*, *Charites*, cujus singularis est, *χαῖς*, hæc *Charis*.

I S, muliebre.] Ut *Pollis, vallis, bilis, ovis, cuspis, navis, clavis, apis, securis*: adjectiva sunt *Ædilis, bipennis, aqualis*, & subauditur, *Homo, securis, urceus*.

NI S, esto virile.] Ut *Amnis, crinis, ignis, panis, penis, cinis*. Apud veteres tamen *amnis & cinis* erant dubia. *Anguis* est masculinum epicœnum, sicut *piscis*, ut quando cum adjectivis fæmineis inveniuntur, subaudiri debeat *femina*.

OS, mas.] Ut *Lepor, honor, flos, mos, ros*, & prisca *labos, color, amos*, pro *labor, color, amor*. *Arbor*, pro *arbor*, fæmininum est.

US, maribus jungas.] *Us* secundæ declinationis, ut *equus, asinus, mulus, agnus, corvus, laurus, cupressus*,
popu-

populus, platanus, alnus. Fluvius adjectivum est. *U*s quartæ, ut *Sensus, Senatus, visus, auditus, gustus & gustatus*: Item omnia, quæ vulgo dicuntur *Verba Supina*, etsi non nisi in dativô, accusativô, & ablativô usurpata inveniantur. *Ficus* secundæ & quartæ, sive pro *arbore* aut *fructu*, sive pro *morbô* accipias, fæmininum Sanctio videtur: mihi verò masculinum semper, cum pro *arbore* ponitur; fæmininum, cum pro *fructu* aut *morbô*: nam morbus à similitudine fructûs nomen invenit: Varro 2. rei Rust. 41. *Ficos quas edimus Maturas, Genera ficorum, Chie, Lydie, Africane.* Apud Martial. *Dicemus ficos Caciciane tuos.* Sanctius tuos interpretatur, tuos domesticos, hos omnes dicemus ficos, id est, nihil nisi ficos, quia omnes sunt ficosi, ut alibi; *Ficosa est mulier: Ficosus & ipse maritus. Filia ficosa est, & gener atque socer.* Vulgus apud Sall. & Tacit. semper est malc.

*U*S, *ternæ neutrum.*] Ut *Pecus, oris* (nam hæc *pecus, pecudis* non dicitur, videturque Sanctio rectius, *Hæc pecudes, pecudis*) *rus, rhus, tus, crus, jus, pus puris, corpus, decus, tempus, acus aceris, rudus.* Mascul. est *grus* apud Horat. *Membra gruis sparsi sale mulô.* Cum *grus & sus* leguntur cum adjectivis fæmineis, subauditur *fæmina.* Horat. *Amica lutosus.* *Pous* seu *pus podos*, id est, *pes*, Græcum est, cujus composita masculina sunt, *Tripus tripodis, apus, chitropus, lagopus, polypus, dasipus.*

Hæc capiunt variata per U T I S & U D I S] Id est, quæ in genitivô desinunt in *Utis & Udis* habent hæc, notam fæminini generis, ut *Salus, virtus, servitus, juvenitus, senectus, palus, subscus, laus, fraus.*

S, muliebre.] Ut *Ars, pars, lens lendis, lens lentis, glans, mors, sors, seps.* Græca & masculina sunt *hydrops, seps*, animal venenosum, *trabs.* Antiquitus tamen nullus nominativus terminabatur in duas consonantes, adeoque dicebatur hæc *Artis, partis, lentis, lendis, glandis, mortis, sortis, sepis.*

X dato *femineis*.] *Spadix* & *calyx* Græcis sunt *fæminina*, *pharinx* & *larinx* dubia. *Volvox* in usu non est, sed *Convolvulus*. *Solox* & *celox* sunt *adjectiva*.

Calx Mas.] Quando *calculus* significat. Festus: *Calces*, qui per *diminutionem* vocantur *calculi*. Plaut. Pæn. Prius *disperibit*, quam *unum calcem civerit*. Idem in *Casina*: *Cana culex dixit*, sed *jocò*, ut putat *Sanctius*, quasi *senem amatorem*, *vetulam* vocaret.

D E N O M I N U M DECLINATIONE.

In *declinationum regulis* (ait *Sanctius*) ea tantum tradimus, quæ à *propositis Paradigmatibus* discrepant. *Ridiculi* enim sunt & *morosi* *examinatores puerorum*, qui *regulas acriter exigunt*, quare *Poeta* & *tabula* faciunt *genitivum* in *a*, & *accusativum* in *am*, cum ad manum sit *Mensa*, *mensa*, quod est *paradigma primæ declinationis*.

Stollito Græcis.] *Orpheus* in *vocativò* *Orpheu*. *Panthus*, *Panthu*.

Prima dat A nostris] *Latina primæ declinationis nomina*, *desinunt in a*: *Græca in as, e, & e*. Illa in *a*, *as*, & *es* *exeuntia* faciunt *genitivum* in *a*, ut *Musa*, *Musæ*: *Æneas*, *Æneæ*: *Atrides*, *Atridæ*. Sed quæ *desinunt in e*, in *patriò* seu *genitivò* habent *es*, ut *Epitome*, *epitomes*, in *accusativò* *epitomen*, in *vocativò* & *ablativò* *epitome*. *Juvenalis*: *Penelope melius, melius torquetis Arachne*. Unde etiam apparet, quantum fallantur, qui *Græcos ablativum habere negant*: nam *Penelope* sine ullò dubiò est *ablativus*; non autem *Latinus*: nam is in *primâ declinatione* *desinit in a*. Est ergo *Græcus*.

In *dativò* & *ablativò plurali antiquissimi dicebant* ut *duabus* & *ambabus* (quæ in usu remanserunt)

ita

ita & dextrabus, eabus, raptabus, paucabus, puellabus, pudicabus, portabus, oleabus, equabus, mulabus, filiabus, &c. Sed ista posteriores repudiaverunt. Cicero: Terentia & Tullia duabus animis suis. Varro sæpe de fæminis dicit equis & mulis. Et Plautus Stichus: Gratulabor adventum vestrum filiis, non filiabus. Cicero pro Rabirio dixit: A Jove cæterisque diis deabusque pacem peto: quia aliter Deos & Deas distinguere non poterat, ut Demosthenes, quem imitabatur, pro coronâ his verbis fecerat: *Θεῖς ἰσχυροὶ καὶ ἐπίκρατοι*.

SECUNDA DECLINATIO.

Hæc sex habet fines, seu terminationes, *er, us, um, vir, ur, & eus* Græcum, *Orpheus, Pentheus*.

Vir, puer excrescunt.] Multa per *Apocopen* in *r* nunc definunt: quæ olim definebant in *rus*, adeoque in genitivo crescere videntur, ut *Vir* cum compositis *levir, trévir, puer, satur, gibber, adulter, socer, gener, Iber, cæter, presbyter, & liber*, composita à *gero* & *fero*, ut *Armiger, furcifer*.

Sed proprium per I U S, dabit I.] Fallitur Priscianus, qui lib. 7. veteres contra hanc regulam putat *Laërtie* dixisse, pro *Laërti*, nec enim proprium nomen est *Laërtius*, sed appellativum, ut sit *Laërtius filius, Laërtia proles, Laërtium prædium*, pro, *Laërtæ*. Accius, opinor, in versu, quem à Cicerone usurpatum Fabius memorat: *Nisi quo Ulysses rate evasit Laërtius*. Rectè igitur Jul. Cæsar. Stella in versu ad Franciscum à Castro, *Castrie* dixit: nam Franciscus *Comes Castrius*, est idem, quod *Castri Comes*, vel à *Castro*, aut *de Castro* sive *Castrensis Comes*: qui Stellam eò nomine reprehendunt, etsi ridicula res est elementarius senex, cincticulò præcincti in sellâ apud Grammatices magistrum rectè assederint, Priscianum scil. condiscipulum habebunt. Etsi is suâ spon-

te resipuit, ut ex libro ejus xvi. apparet: ubi de *Possessivorum vocativis* præcipiens rectè dici fatetur: *O genitor noster Saturnie maxime divum*. Et, *Evandrie fili, & Telamonie Ajax*. Simili certè ratione *Delie* vocativus est à *Delius*, Apollo apud Statium in 5. Thebaid. *Julius & Pompejus* interdum sunt adjectiva, ut *Julius suus, Pompeja domus*, & tunc Vocat. eorum ab *ius* fit *ie*, ut, *Ensis Julie*. Sed cum sunt nomina propria, Vocativus exit in *i*. ut *Julii*.

Orpheos Androgeo.] In genitivò poëtæ dicunt *Orpheos, Peleos, Penibeos*: & etiam *Androgeo*, pro *Androgei*, & in accusativò *Orphea, Pelea*. Sed hæc merè Græca sunt, & è suis fontibus haurienda.

TERTIA DECLINATIO.

Genitivus singularis hujus declinationis (ait Sanctius) usu melius, quam regulis addiscitur: nihilominus tamen eum paucis carminibus perstrinximus. Et hæc notanda præterea duximus. Multa in hoc genitivò videntur irregularia, quæ non sunt, si antiquam recti seu nominativi positionem consideres. *Non quia rectus varius esse potest, debet declinatio mutari*, ait Servius. Et Charisius lib. i. *Omnia (inquit) in declinatione vocabula non plus unâ syllabâ crescunt*: Rursus ibidem: *Ancipes dixerunt veteres cum ratione, ne genitivò Ancipitis duabus videretur syllabis crescere*. Plaut. Rud. *Post altrinssecus est securicula ancipes*. Hæc igitur colligamus, quæ propter veterem positionem videntur nunc irregularia.

Arpinas, atis: olim hic & hæc *Arpinatis & hoc Arpinate*.

Sic *Aletrinas, Mæcenas, Sutrinas, nostras, vestras, cujas*. *Anio & Nerio*, gen. *Anienis & Nerienis*, quia olim *Anien & Nerien*.

Biceps, & reliqua à *caput & capio*, ut *municeps*, olim *bicipes & municipes*.

Caro,

Caro, carnis, quia olim hæc carnis.

Ceres, Cereris, quia olim hæc Cereris.

Glis, gliris, quia olim hic gliris.

Hepar, hepatis, quia olim Hepas.

Jecur, jecoris & jecinoris, quia olim jecor & jecinor.

Iter, iteris & itineris, quia olim iter & itiner.

Jupiter, Jovis & Jupitris, quia olim hic Jovis & Jupiter.

Impuber, impuberis. Impubes impubis.

Lac, lactis, olim hoc lacte lactis.

Mel, mellis. Fel, fellis. Olim hoc melle, felle.

Pollis, pollinis, quia olim pollen.

Robur, roboris, quia olim robor. Sic ebur, femur, jecur.

Sanguis, sanguinis, quia olim sanguen.

Senex, senis, quia olim senex senicis.

Supellex, supellectilis, quia olim hæc supellectilis.

Turbo, turbonis semper: at Turben turbinis.

A, præstabit ATIS.] Ut Poëma, poëmatis. In e definentia in genitivô non plures habent syllabas, ut Altare, altaris, monile monilis.

ONIS ab O.] Ut Lectio, lectionis: pellio, pellationis: Phrygio, phrygonis: ardelio, ardelionis: cento, centonis: carbo, carbonis: latro, latronis.

DO, GO femineum.] Libido, libidinis: caligo, caliginis: rubigo, rubiginis.

Crescit, I S, L. N. T.] Ut Sal, salis: vigil, vigilis: sol, solis: consul, consulis: Cæsar, Cæsaris: Gaspar, Gasparis (nam vervecum crassô sub aëre natorum est dicere, Caspaarus, Caspaari) Amilcar, Amilcaris: passer, passeris: color, coloris: murmur, murmuris: Titan, Titanis: lien, lienis: Delphin, Delphinis: canon, canonis.

MEN, CEN.] Agmen, agminis: numen, numinis: fâdîcen, fâdicinis.

ON, ONTIS.] Laöcoon, Laöcoontis.

Cor, nataque cordis.] Excors, vecors, secors (non socors) excordis, vecordis, secordis.

E perdunt imber.] Id est, *imber* cum compositis, ut *October* non crescunt, sed faciunt genitivum in *is* abjecto *e*, ut *Octobris*, *imbris*. Item nomina Latina in *ter* & *ster*, ut *Pater*, *mater*, *uter*, *venter* accipiter, pedester, equester. Græca verò crescunt, ut *Stater*, *panther*, *halter*, *clyster*, ut & Latinum *later*, quod facit *lateris*.

ES dat ITIS.] *Comes*, *comitis* : *limes*, *limitis* : *palmes*, *palmitis*.

IDIS à sedeo ortum] *Obses*, *obsidis*. Sic *refes*, *deses*.

Non crescit proprium & muliebre] Ut *Achilles*, *Achillis* : *Ulysses*, *Ulyssis* : *ambages*, *ambagis* : *clades*, *cladis* : *cautes*, *cautis* : *compages*, *compagis*. Sic *Dapes*, *fames*, *feles*, *indoles*, *labes*, *moles*, *nubes*, *proles*, *rupes*, *sæpes*, *suboles* (non *soboles*,) *strages*, *tabes*, *vulper*.

IS, non crescit.] Ut *Avis*, *pelvis*, *messis*, *febris*, *clavis*, *turris*, *restis*, *navis*, *securis*.

US, dat ERIS.] Ut *Acus*, *foedus*, *funus*, *genus*, *glomus*, *latus*, *munus*, *olus*, *onus*, *opus*, *pondus*, *rudus*, *scelus*, *fidus*, *vellus*, *vetus*, *Venus*, *viscus*, *ulcus*, *vulnus*.

Servitque, juvenque, senectus] id est, *servitus*, *juventus*.

Monosyllaba in URIS.] Ut *Pus puris*, *mus muris*, *erus*, *plus*, *rus*, *tas*.

Pous deducit ODIS.] Ut *Tripus*, *tripodis* : *apus*, *apodis*. *Trapezus*, *Trapezuntis*.

I, mediat cum BS, PS, syllaba finit.] Ut *Trabs*, *plebs*, *sæps*, interposita litera *i* faciunt *trabis*, *plebis*, *sæpis*. Sic *Hiems* *hiemis*. *Princeps*, *calebs* mutatō *e* in *i* faciunt *Principis*, *cælibis*.

Demtō halex.] Nomina plurium syllabarum in *ex* desinentia, faciunt genitivum in *icis*, *e* versa in *i*, ut *Pollex*, *pollicis*. Sic *Culex*, *latex*, *cimex*, *ramex*, *carex*, *codex*, *imbrex*, *index*, *judex*, *pellex*, *podex*, *pumex*, *vertex*, *remex*, quod facit *remigis*. Excipe *halex* *haleis*, *vervex* *vervecis*. *Vibex*, non rectè scribitur, sed *Vibix*, *vibicis*. Græca *Hipponax* & *Astyanax* faciunt, *Hipponactis*, *Astyanactis*.

Femineum IS non crescens.] Id est, omnia nomi-
na

na fœminina in *is*, finita non crescentia in genitivo, faciunt accusativum in *em* aut *im*, ut *Ovis*, *ovem* vel *ovim*. Sic *Pestis*, *messis*, *bilis*, *vallis*, *vestis*, *febris*, *clavis*, *turris*, *restis*, *sementis*, *puppis*, *navis*, *securis*, *partis* priscum partim & partem, ut *lentis* *lentim* & *lentem*.

Græca in *I S.*] Ut *poësis*, *hæresis*, *genesis*, *syntaxis*, *metropolis*, *Alexis*, *Paris*, *Tibris*, *Iris*.

Sextus *E vult semper*] Regula quidem talis est, sed veteres tamen promiscue in *e* & *i* ablativum æquè ac dativum terminabant. Dativi exempla sunt Ovid. *Fast.* lib. 6. extremò: *In quâ par facies nobilitate fuit*. Lucil. *Esuriēte leoni ex ore exsculpere prædam*. Propert. *Et quoscumque meo fecisti nomine versus, pro, nomini meo, id est, mihi*. Idem: *Cum temerè angineo creditur ore manus*. Virg. *nec sospite dirum Optabis nato funus pater*. Ubi Servius: *Sospite pro sospiti*, qui etiam, *Alite* dativum putat apud Hor. *Scriberis Vario Maconii criminis alite*. Jam in ablativo Plaut. *Lucr.* & Varro dicunt *parti*, pro, *parte*. Cato, *Segeti* pro *segete*. Virgilius & Persius *capiti*, pro, *capite*. Cato, *fini*, pro, *sine*. Lucret. & Cicero *colli* & *orbi*, pro, *colle* & *orbe*. Ovidius, Lucretius, & Catullus *Mare*, pro, *mari*. Ovidius *Fonte perenne*, pro, *perenni*: *Porcâ bimestre*, pro, *bimestri*: *Sagittâ cœleste*, pro, *cœlesti*. Lucanus *Natale*, pro, *natali*. Varro *Collo breve*, pro, *brevi*. Cicero *Ab homine Arpinate*. Ex *municipiō Alétrinate*. Livius *In Capenate agrō*. Sic in ablativō auctores indifferenter dicunt, *Carthagini* & *Carthagine*, *ruri* & *rure*, *luci* & *luce*, *mani* & *mane*, *vesperi* & *vespere*, *tempori* & *tempore*, *bili* & *bile*.

Imber atque adjectiva.] Ut *Imber*, *imbre* vel *imbri*. Sic *October*, *December*. Adjectiva ut *facilis*, *cœlestis*, *natalis*, *perennis*, *prudens*, *diligens*, &c. Similiter ablativo in *e* & *i* desinunt. Sic *Vigil* & *pugil*, *victrix*, *genitrix*, *meretrix*, *suppellex*, *suppellectile* & *suppellectili*.

AL, AR, E, neutrum I dat.] Ut *Animal animalis*, *pulvinar pulvinari*, *monile monili*.

Sic I M aut I N dantia quarto.] Quæ in accusativô habent *im* vel *in*, eadem in ablativô habent *i*. ut *Poesim*, *Poesi*: *Syntaxin*, *Syntaxi*: *Alexin*, *Alexi*.

E S recto & quarto.] Nomina tertiæ declinationis habent nominativum & accusativum pluralem in *es*, ut *Sermones*, *laudes*, *homines*, *milites*. Neutra in *a*, & in *ia*, si ablativus eorum singularis desinat in *i*, ut *Corpora*, *pecora*, *facilia*, *coelestia*. Comparativa tamen neutra in *a* tantum desinunt, ut *meliora*, *majora*. Sic *vetera* & *plura*, etsi antiqui *pluria* dixerunt.

U M patrius.] Genitivus pluralis in *um* exit; ut *hominum*. Veteres tamen etiam *hominium* dicebant, *civitatum*, *meretricium*, *carnificium*. *Mensum*, pro *mensum*, Ovid. 8. Metam.

E S, I S, non crescens.] Ut *Cades cadium*. Sic *proles*, *moles*, *labeis*, *clades*, *nubes*, *sedes*, *ovis*, *vestis*, *vallis*, *canalis*.

Sed monosyllaba I U M.] Ut *As*, *as*, *ars*, *arx*, *ber*, *car*, *calx*, *cor*, *cos*, *crux*, *crus*, *daps*, *dens*, *dis*, *dos*, *falx*, *fax*, *fix*, *faux*, *sons*, *frons*, *glans*, *glis*, *glos*, *gens*, *gryps*, *jus*, *lar*, *lanx*, *lens*, *lis*, *mas*, *mens*, *merx*, *mons*, *mus*, *nex*, *nix*, *nox*, *os*, *pax*, *pars*, *par*, *præs*, *plebs*, *pix*, *pons*, *puls*, *plus*, *pus*, *ros*, *rus*, *sal*, *saps*, *scobs*, *stirps*, *strix*, *sors*, *trabs*, *trux*, *vas*, *urbs*. Ista genitivum pluralem habent in *ium*, de Grammaticorum quidem sententiâ, nec enim omnia apud auctores inveniuntur.

A T I S mage neutra Pelasga.] *Poëma* in dativô & ablativô plurali facit *poëmatibus*.

Tres Casus Græcos.] Dicunt Poëtæ in genitivô, *Pallados à Pallas*, in accusativô, *Hectora ab Hector*, & *Troas à Tros*.

QUARTA DECLINATIO.

Quarta dat U S.] Terminationes quartæ declinationis sunt *us*, & *u* indeclinabile: nam illud obsoletum est, quod Cicero in Aratô dixit *genus* in genitivô

tivò à *geni*, & Lucanus *Cornus* à *cornu*. Sicut etiam obsolverunt Genitivi singulares in *i*, ut *Senati*, *Quæsti*, *Adventi*. Plaut. Cas. *Egreditur Senati columen*, *præsidium populi*. Aul. *Nihil hic est quæsti furibus*. Ter. Phorm. *Ubi Patris adventi in mentem venit*.

QUINTA DECLINATIO.

ES olim patrius.] Veteres in genitivò dicebant *dies* & *die* & *dii*: in dativò *die* & *dii*: in ablativò etiam *diu*. Hinc *Diu noctique*; nam *noctu* esse ablativum, sicut *lucū*, pro *luce*, apparet ex hoc Ennii: *Hæc noctu filio pendebit Hetruria tota*: & *Quadrigarii*: *Senatus de noctu convenire*, *noctu multa domum dimitti*. Priscianus lib. 8. *Veteres frequentissimè inveniuntur similem ablativo protulisse in hæc declinatione tam genitivum, quam dativum, ut Sallust. Dubitavit acie pars*, pro *aciei*. Virgil. *Libra die somnique pares ubi fecerit horas*, pro *dici*. Ovidius quoque *fide*, pro *fidei* posuit 6. Metam. *Utque fide pignus dextras utriusque poposcit*. Cic. pro S. Roscio, *pernicii dixit*, à *perniciēs*. Pacuvius, *progenii* à *progenies*. Virgil. & Cælius historicus, *Charisiò teste*, *dii* à *dies*. Plautus in Mercatoris prolog. *Amatores, qui aut nocti, aut dii, aut soli, aut lune misérias narrant suas*. Ita legit Servius, qui etiam *fames*, *famii* veteribus dictum testatur. Varro scilicet genitivò *fami* dixit, teste Charisiò, in dativò similiter Plautus Stich. act. 2. sc. 1.

ANNOTATIONES

I N

S Y N T A X I N.

Rimum omnium ad rem pertinere & ex usu discentium fore arbitror, ut Magister de *Genere Syntaxe* nostræ, qualis scilicet illa sit, & quid ab aliorum præceptionibus ea intersit, tum de *Usu* ejus breviter admoneatur.

Quod ad aliorum de Syntaxi præceptiones attinet, res in propatulo posita vociferatur, regulas & nimis multas esse, & confusas, nec certis generibus distinctas, nullò scilicet *Concordiæ* & *Rectionis* discrimine: quodque multo majoris est incommodi, tot *exceptionibus*, *appendicibus* & *observationibus* oneratas, ut discentem si minus ad insaniam, ad desperationem quidem certè possint redigere. Huc accedit, quod cum Philosophi judicio limantur, non nisi paucissimæ veræ inveniuntur. Verbi gratiâ de nominibus adjectivis, itemque de verbis genitivum regentibus complures traduntur regulæ, quas omnes falsissimas esse ex nostrâ Syntaxi discitur, quia scilicet genitivus tam in Græcâ, quam in Latinâ linguâ à solò nomine substantivò, vel à Græcâ præpositione *ι*, præterea verò à nullâ orationis parte regitur. Similiter multæ ab aliis afferuntur regulæ de verbis, & nominibus dativum adsciscentibus: quod contra nostra hæc Syntaxis à nullâ prorsus orationis parte eum casum regi docet. Non paucæ etiam sunt aliorum regulæ de nominibus & verbis accusativum vel ablativum regentibus, sed omnes falsissimæ, demtâ unâ illâ de verbis activis, quæ accusati-

vum

vum adſciſcunt. Cæterum & accuſativum & ablativum perpetuò à præpoſitione regi, noſtra Syntaxis facit planiſſimum: ex quâ etiam diluceſcit, quam ridiculè delirarint, imò totâ viâ erraverint vel doctiſſimi Grammaticorum, qui omnes caſus ab adverbiis regi docuerunt. Omnes igitur, quotquot jam inde à ſecundò bellò Punicò ad hanc uſque diem Latinæ conſtructionis præcepta didicerunt (unam *Franciſci Sanctii* Syntaxin excipio, quamvis ea nec perfectæ, nec ſatis ordinata, adhæc autem ſubſcura ſit) labore ſe ipſi improbiſſimò eoque vanò & irritò confecerunt, nec quiſquam eorum exſtitit, ne Cicero quidem ipſe, aut Varro, aut Quintilianus, qui plerorumque quæ Grammaticè dixiſſet aut ſcripſiſſet, certam roganti rationem poſſet reddere, neque aut inepta, aut flagitioſa, aut palam falſa reſpondendo, ludibrium eruditis deberet: quod ego minimè vereor, ne cui audacius, quam verius, intumulare judicer, qui *Paradoxa* noſtra *literaria* cognoscere dignum habuerit.

Noſtra Syntaxis contra hæc omnia regulas habet numero pauciſſimas: Nam de *Nomine*, *Verbò* & *Participiò*, quicquid dici poteſt, quindecim regulis complexi ſumus, quas bonæ memoriæ & jam iudicii nonnullius adoleſcens vel unâ die edidicerit. Deinde eas, quæ *Concordiæ* inſerviunt, ab aliis, quæ *caſuum rectionem* dirigunt, diſtinximus: quâ quidem re hoc præſtamus, ut regulæ minori negotiò intelligi ac memoriæ mandari poſſint. Ubi tamen Lectorem velim monitum, *Concordiam* aliam *naturæ* eſſe, cum ſcilicet duæ res in aliquâ tertiâ conveniunt, cui propriè demum *Concordiæ* vel *Convenientiæ* appellatio debetur: Aliam *Arbitrii*, cum duo quædam nihil habent tertium, in quò conſentiant, uſu tamen hominum conjungi ſolent, cujuſmodi eſt adverbii *utinam* concordia cum verbis ſecundorum temporum: quæ miſius propriè *Concordia* dicitur.

Adhæc

Adhæc ita regulas formavimus, ut non modò nullam patiantur *exceptionem* (id quod omnibus inconcessum adhuc, sivè impossibile visum est) sed etiam ut ea, quæ regulis alioquin minimè serviunt, & ad *Irregularem Syntaxin*, sivè *Figuras* pertinent, sub se comprehendant. In quò non doctrinæ, sed prudentiæ methodum custodivimus, discentium compendio servientes. Hoc quippe lucri inde facient, quod labore vel falsæ constructionis, vel *Ellipseos* regulas ediscendi levantur. Qui enim (exempli gratia) primam hanc nostræ Syntaxis regulam didicit : *Nomen substantivum sive expressum, sive suppressum cum adjectivò consentit* : is nihil necesse habet ea ediscere, quæ de *Ellipsi* nominis substantivi, deque falsâ gerundorum & participiorum rectione tradimus, sed satis erit, si ea sæpius relegat, probèque intelligat : Similiter cognitâ quintâ nostrâ regulâ, quâ docetur : *Omni genitivum à nomine substantivò expressò aut suppressò regi*, eum nihil attinet in memoriæ mandandis vel *Ellipsibus* nominis substantivi, vel regulis de falsâ verbi substantivi rectione, deque adverbii genitivum regentibus operam occupare. Tandem *Fundamenta* majoris partis Syntaxeos duodecim aliquibus *Maximis* sivè *Regulis* complexi sumus, quas qui didicerit, multò minore negotiò tam falsas, quam veras regulas cum veritatis & falsitatis earum causis intelliget, neque semel perceptas facile memoriâ suâ delabi aut effluere sibi sentiet. Harum aliæ ad orationem, aliæ ad orationis partes, *Nomen* puta & *Verbum* pertinent. Prioris generis duæ sunt : una : *Omni affirmatio & negatio nomine & verbò constat*, sivè iis vocibus, quæ nominis & verbi vim atque significationem habent, quia nimirum *affirmatio* est oratio, in quâ alterum de alterò affirmatur : *negatio*, in quâ negatur. Illud, de quò alterum affirmatur aut negatur *Nomen* est : *Verbum* verò, quod de alterò affirmatur aut negatur. Itaque cum

quando

quando dicitur *pluit*, aliquid affirmari certum fit, aliquid necesse est, de quò illud *pluit* affirmetur. Hinc regula Syntaxeos enascitur: *Omne verbum finitum habet ante se nominativum, secum in numero consentientem.* Si quis ergo dicat, *Cælum pluit*, erit *Syntaxis regularis*, quâ scilicet regula modò tradita custoditur. Sed si dicat, *pluit*, erit *Syntaxis irregularis* seu *figurata*, in qua per figuram *Ellipsin* nomen, verbi suppositum, supprimitur, adeoque subaudiri debet. Fecimus igitur regulam in Syntaxi nostrâ, quæ magis Philosophica esset quam Grammatica, & sub se figuram quoque comprehenderet hoc modò: *Omne verbum finitum habet ante se nominativum sive expressum, sive suppressum, secum in numero consentientem.*

Alterâ ad orationem pertinens Maxima est: *Præter nomen & verbum sunt certæ particulae quibus & ille due, & aliæ minores orationis partes, velut nervis colligantur, variis significationibus assignatæ, quæ cum exprimuntur, Regularis; cum subaudiuntur, figurata est Syntaxis.* Exempli causâ. Præpositionum aliarum usus est in significandò locò, à quò, in quò, & ad quem: aliarum in significandò tempore, ante quod, in quò, circa quod, & post quod: aliarum in causâ vel efficiente, vel impellente, vel administrâ sive instrumentali (quo & modus pertinet) vel inficiente seu permittente, vel materiali, vel finali: aliarum in parte certâ: aliarum in adjunctò vel comitatu: aliarum in objectò: aliarum in comparatione: aliarum in pretiò: aliarum in mensurâ, id quod ex illis intelligi potest exemplis, quibus præpositionum *Ellipses* in Syntaxi demonstravimus. Similiter reliquarum particularum, id est, conjunctionum & adverbiorum, aliæ copulationem partium orationis significant, aliæ disjunctionem, aliæ conditionem, aliæ concessionem, aliæ adversationem, aliæ comparisonem, aliæ similitudinem, aliæ relationem, aut causam, aliæ tempus, aliæ votum & desiderium, velut in earum particularum *Ellipsis* distinctè exempla singu-

singularum afferendò planum fecimus. Cum ergo in hac oratione, *Gladio percussus*, manifestum sit *instrumentum* significari: jam suâ sponte quivis intelligit, præpositionem aliquam in eâ desiderari, quæ significando instrumento sit destinata, ut est *ab & cum*. Ita in hoc Virgiliano, *Devenere locos latos*, motum ad locum significari constat. Deest ergo præpositio tali motui significandò inventa, ut est *ad vel in*. In hoc autem Terentiano, *Hac non successit, aliâ aggrediemur viâ*, posteriorem orationis partem inferri ex priore cuius apparet, adeoque particulam aliquam *illativam* subaudiri necesse est, quales sunt *ergo, igitur, itaque*. Hoc Magister legendis exemplis, quibus præpositionum, conjunctionum, & adverbiorum *Ellipses* declaravimus, cum ipse facillimè intelliget, tum discipulis explicare poterit, quos etiam ea memoriæ mandare priusquam ad reliquam Syntaxin admittantur, minimè ab re futurum videtur.

Jam *Maximæ* ad nomen pertinentes, aliæ de *Nominum formis* seu *speciebus* agunt, aliæ de *casibus*. Prioris generis tres sunt.

Prima: *Omne nomen adjectivum habet suum substantivum*. Sunt enim ista ex eorum genere, quæ *ad aliud* seu *relata* perhibentur, & quomodo *Dominus est servi dominus*, item adjectivum est substantivi adjectivum, sive quod substantivo adjungitur. In quâcunque ergo oratione nomen adjectivum invenitur, in eâ substantivum cum adjectivò consentiens sive expressum, sive suppressum sit oportet. Si sit expressum, erit *Syntaxis Regularis*: Si autem sit suppressum, ac subaudiendum, *Syntaxis* erit *Irregularis*, seu *Figurata*. Hujus regulæ probè intellectæ longè maximus est usus. Ex eâ enim de *Participiorum concordia*, deque *falsâ* cum *Participiorum*, tum *Gerundorum* *rectione* facillimè judicari potest. In auctorum quoque lectione minimum difficultatis legem-

legentibus objiceretur, si exempla *Ellipseos* adjectivorum prius sibi familiarissima reddiderint. Ea igitur pueris Magister multum ac sæpe prælegere, tum ex iis auctorum verbis, quæ *Minerva* nostra recitat, magis explanare neminerit.

Secunda: *Omne nomen Relativum habet suum nomen antecedens, quod refert. Ut Odis sapientem, qui sibi non sapit.* In hac oratione nomen relativum *qui*, refert sive repetit nomen antecedens, *sapientem*. Itaque in hoc Horatianò, *Sunt quos arma juvant*, necesse est suppressum fuisse ac subaudiri nomen, *homines*, quod à relativò *quos* refertur: Est ergo *Figurata Syntaxis*.

Tertia: *Omne nomen Comparatum habet suum nomen positivum, cum quò comparatur.* Cujus regulæ, ut & superioris proximè ratio ex Philosophorum doctrinâ de relatione pendet: neque tamen necesse est, ut positivum sit conjugatum comparati nominis, cum satis sit id quòvis modò in comparatione intelligi, ut cum dico: *Visus est mihi tristior*, subaudis nomen positivum, *equò, justò, aut solitò*, quasi sit, *Tristior præ illò tristi, qui ex equò, justò, aut solitò tristis est.* Virgil. *Ocyus incubuere omnes*, subaudi, *dictò*, sicut alibi: *Sic ait, & dictò citius tumida æquora placat.* Nempe, *Dictum ejus non tam citum est, quam cita est æquoris placatio.*

De nominum casibus quatuor sunt *Maximæ*.

Prima: *Omnis nominativus est verbi finiti aut suppositum modò, aut simul appositum & suppositum, sive illud verbum sit expressum, sive suppressum.* Si sit expressum, erit *Syntaxis regularis*: sin suppressum, *Irregularis*, & vel *Ellipsis*, vel *Zeugma*. Ratio hujus regulæ ex primâ pendet, quia scilicet omnis oratio ex nomine & verbò constat. In hoc ergo Virgilii, *En Priamus*, quia aliquid affirmatur, necesse est verbum finitum subaudiri, nempe, *adeft*. Atque hæc *Ellipsis* est. Sed in istò Horatii, *O noctes cœnaque Deum, quibus*

bus ipse meique vescor : nominativus *mei* est suppositum verbi, *vescuntur*, quod subauditur, quæ figura Zeugma dicitur. In hoc, *Deus est animus*, duorum nominativorum alter est suppositum, alter appositum.

Secunda. Omnis genitivus Latinâ constructione à nomine substantivò expressò aut suppressò : Gracâ vero etiam à præpositione in expressâ, aut suppressâ regitur. Latinæ constructionis hæc est ratio, quia genitivus perpetuò possessorem significat, sive activè, sive passivè capiatur, ut *Pelias Achillis vulnere tardus est*, hoc est, *vulnere quod Achilles fecit* : *Paris Achillis vulnere letatur*, id est, *vulnere quod ipse Achilli fecit*. Utrobique autem *Achilles* est velut possessor, sive is, cujus res est. Jam Possessor & res possessa sunt nomina relata, quorum alterum sine altero non potest intelligi. Itaque cum audis, *Regis est debellare superbos*, necessariò subaudis nomen substantivum, velut *rem à rege possessam*, quod est, *Munus, officium, opus, res, negotium*. Sic *moris est*, subaudis, *res*. *Romæ vivit*, subaudis, *in locò*. *Domi est*, subaudis *in ædibus*. *Accusatus furti*, subaudis, *crimine*. *Miseret mei tui*, subaudis, *miseratio*. *Pudet me facti*, subaudis, *pudor*. *Omniū primus*. *Græcorum optimus*, subaudis, *ex numerò*. *Integer vitæ*, *sceleris purus*, *juris peritus*, *cupidus vini*, *vir cæterarum rerum minimè malus*, subaudis, *causâ* : est autem *vini causâ*, *cæterarum rerum causâ*, idem ac si dicas, *quod ad vinum*, *quod ad cæteras res attinet* ; ubi significatur causa non efficiens, sed inficiens, sive permittens, quæ quoque præpositione per significari solet, ut in hoc Cic. *Nunquam per Antonium quietus fui*. *Trabantur per me pedibus omnes rei, non laboro*. *Per me vel stertas licet*. Plaut. *Tu ægrota si lubet per me ætatem*. *Per hanc cœnam tibi incœnato esse licet*. *Meam filiam hanc esse oportet*. G R. *Sit per me quidem*. Eodem sensu Plaut. Trin. *Dum ne ille sis ; quem te esse nolo, sis meâ causâ quidlibet*. Epid. *Dum sine me quæras, quæras meâ causâ vel in mediò mari*.

Rud.

Rud. *Meâ quidem causâ saluus sis licet.* Observandum porro est etiam adjectiva nomina, ex participiis facta, genitivum regere, quoniam substantivorum vim habent, siyè *divitiarum*, non *divitiarum* substantiva sunt. Nam *Amans uxoris*, *appetens alieni*, nihil est aliud, quam *amator uxoris*, *appetitor alieni*. Scholastici dicerent esse substantiva virtualia, non formalia. Cur verò Græcâ Syntaxi genitivus ab *in* regatur, nulla reddi potest ratio, nisi quod Græcum idioma sic ferat, quemadmodum Latinô idiotismô, seu propriâ consuetudine ablativum à præpositione *de* regi videmus, quoniam scilicet linguæ conditoribus ita visum fuit. Solent autem Græci præpositionem *in* per *Ellipsin* maiorem partem suppressere, quam eorum consuetudinem imitantes Latini dicunt: *Implentur veteris Bacchi. Plenus vini. Participare aliquem sui consilii. Abstine irarum. Desine querelarum. Egere medici. Lassus maris*, &c. Vitruvius magis etiam græcissat, Latinis præpositionibus *ex* & *in* genitivum addendô, ut lib. 1. cap. 2. *Quantitas est modulorum ex ipsius operis sumtio*, pro, *ex ipsô opere*. Et mox cap. 4. *Piscium naturæ plurimum ex aëris & terreni sunt compositæ*, pro, *ex aëre & terrenô*. Et cap. 8. *Cum ergo iis rationibus erit salubritatis in mœnium collocandorum explicatio*, pro, *in mœnibus collocandis*. Et lib. 3. cap. 2. *Si ex imbrium aqua vis occupaverit*, pro, *ex imbribus*. Et lib. 8. cap. ult. *Descriptio ex duodecim celestium signorum sic figurata*, pro, *ex duodecim celestibus signis*. Sed Vitruvium, ut mechanicum, ac de plebe hominem puritatis linguæ studiosus nihil morari volet. Caterum de genitivi usu minimè ab re fuerit monere, eô aliàs significari causam, ut *Oratio Ciceronis*, cuius auctor est Cicero. *Nummus argenti*, cuius materia est argentum. *Talentum dotis*, quod in dotem datur. *Habet quinquaginta talenta vectigalis*, quæ ex vectigali ad eum redeunt. Aliàs *Subiectum* siyè recipiens, siyè occupans, quod Logici *Objectum* vocant,

ut *Pudor patris*, quod subjectivè significat pudorem, quo pater afficitur; objectivè, quem pater incutit. *Metus hostis*, quò vel metuit, vel metuitur. *Parvi filii desiderium mei*, quò filius me desiderat. *Officii deliberatio me cruciat*, quâ de officio delibero. *Regis munus vel officium*. Aliàs *Adjunctum*, ut *Homo magni ingenii*, id est, cum magnò ingenio vel ingeniosus. *Homo multi cibi*, pro, vorax. *Pecus regis*, pro, regium. *Aulam auri inveni*, pro, ollam in quâ est aurum. *Cadus vini*. Aliàs *Totum*, ut *In ædibus domi*. *Conclavia mearum ædium*. Aliàs *Partem vel speciem*, ut *Res cibi*, pro, cibis. *Res voluptatum*, pro, voluptates. *Urbs Romæ*, pro, Roma. *Flos violæ*, pro, viola. *Flumen Rheni*, pro Rhenus. *Vitium arrogantie*, pro arrogantia. *Arbor fici*, pro ficus. *Præmia palmæ*, pro palma quæ est præmium. *Deliciæ pueri*. *Frustum pueri*, pro, puer qui est deliciæ, vel frustum. *Virgil Hic tibi mortis erant metæ*, pro, hic erat tibi mors metæ. *Idem. Corithi Tyrhenâ à sede profectus*, pro, ab urbe Corithò quæ sedes ei erat. *Curtius: Libri arborum capiunt literarum notas*, pro, literas quæ sunt notæ. *Propert. Vel tibi Medorum pugnaces ire per hostes*, pro, per Medos qui sunt hostes. *Idem: Jam negat Euphrates equitem post terga tueri Parthorum*, pro, Parthos qui sunt eques, sive equestris exercitus. *Livius: Lucus frequenti silvâ & proceris abietis arboribus sæptus*, pro, abietibus, quæ sunt arbores.

Tertia: *Omnis accusativus à verbò activò expressò, aut suppressò, vel à nomine substantivò verbali, vel à præpositione regitur*, ut *Tendimus iter in Latium*. *Æternas pœnas timendum est*. *Eo spectatum ludos*. Priorum ratio est, quia omne verbum activum significat actionis sive formam, sive materiam, circa quam occupatur, hoc est, objectum, sive effectum: quibus quidem significandis quartus casus fuit inventus. Postremum ab idiomate Latino pendet, quoniam scilicet linguæ effectoribus placuit præpositiones certi usus significationem habentes cum

quartò

quartò casu jungere. Verbi gratiâ placuit, ut in significandò locò ad quem, & in tempore ante & circa quod, certarum præpositionum accusativo junctarum usus esset, quæ quidem secundum regulas exprimuntur, per *Figuram* verò supprimuntur. Hinc fit, ut in *Pridie Calendas. Multos ab hinc annos*, subaudiatur *ante*: in *homo id ætatis, hoc noctis*, subaudiatur *ad vel circa*. Plura hujus rei exempla in *Syntaxi de præpositionum Ellipsi* videri poterunt, unde facile quis intelligat, ubicunque inveniatur accusativus, qui à verbò activò, aut à verbali nomine non regatur, eum necessariò à præpositione per *Ellipsin* suppressâ regi, ut *Albus dentes. Fractus membra. Cætera latus. Alias, pro, alioqui. Prosciscor Romam. Eo domum, rus. Docebo te artem. Moneris utilia. Hoc sine te exorem, &c.* In illò *Pœnas timendum est*: accusativus *pœnas* regitur ab activò verbò *timere*, quod subauditur, ut in *Ellipsi verbi cognati* demonstratum est. In hoc *Eo spectatum ludos*, duo sunt accusativi, quorum posterior *ludos* regitur à nomine substantivò verbali *spectatum*, quod ipsum quoque accusativi casus est, & à præpositione *ad* suppressâ regitur, de quò vide *Rectionem nomini verbalis*.

Quarta. *Omnis ablativus à præpositione regitur*. Cujus regulæ ratio etiam ipsa ab idiomate Latinò, eorumque, qui linguam condiderunt, institutò pendet. Itaque pro exploratò haberi potest, ubicunque ablativus inveniatur, ibi præpositionem aliquam desiderari per *Ellipsin*, cujus rei exempla in *præpositionum Ellipsisibus* allata, facile cuius fidem fecerint.

Postremò tres sunt adverb. pertinentes *Maximæ*.

Prima. *Omne verbum accidentale* (id est, quod non sit substantivum) *aut activum est, aut passivum; quorum illud semper accusativum expressum, aut suppressum regit*. Hujus ratio est, quia inter agere & pati nihil est medium, omnisque motus aut actio est aut passio. Neutra ergo verba nihil sunt, nisi indocto-

rum Grammaticorum commenta, qui non animad-
 verterunt verborum activorum alia varios habere
 accusativos materiales, ut *Facere verba, fidem, finem,*
insidias: alia non nisi unicum eumque formalem &
 cognatum, ut *Vivere vitam, mori mortem, furere, furo-*
rem, egere egestatem, currere cursum, sedere sessionem,
ambulare ambulationem, servire servitutem, certare certa-
men. Illis, quæ plures accusativos regunt, necesse
 est certum semper accusativum adjungere, quo-
 niam aliter, quid agant, incertum erit. Sed his,
 quæ unum tantum regunt, inane, otiosum ac super-
 vacuum fuerit accusativum adjungi, quoniam ne-
 mini de eò, tanquam essentiali seu formali, dubium
 esse potest. Ubi tamen modum verborum illorum,
 quò agunt, exprimere volumus, rectè & locuplet-
 tum auctorum mori convenienter dicemus: *Vivo*
vitam hilarem, mortuus est mortem lentam, furit gravissi-
imum furorem, eget acerrimam egestatem, currit cursum
percelerem, sedet sessionem commodam, ambulat ambula-
tionem solitam, servit servitutem publicam & laboriosissi-
mam, certat anceps certamen. Sed etiam prioris ge-
 neris verba non pauca sic absolutè sine accusativis
 poni solent, quoniam ex quotidianò loquendi scri-
 bendique usu satis scilicet noti erant, quorum
 exempla inter *Ellipses* recensuimus.

Secunda: *Omne verbum finitum habet pro supposito*
nominativum expressum, aut suppressum, aut etiam verbò
infinitò, aut alià oratione commutatum. Cujus ratio-
 nem jam reddidimus, quoniam scilicet omnis ora-
 tio ex verbò & nomine constat. Itaque in *Amo,*
amas, subaudiuntur nominativi suppositi *ego, tu*. In
Ajunt, ferunt, subauditur nominativus *homines*. In
Curritur, sedetur, statur, vivitur, evenit, desiderantur
 nominativi *cursum, sessio, status, vita, eventus*. In *Itur*
 subauditur *itio vel via*. Sic *Ningit, nix: Lucescit,*
Advesperascit, Pluit, Jupiter vel æther: Miseret, mise-
ratio: Tædet, tedium: Pudet, pudor: Piget, pigritia:
Pœni-

Pœnitet, pœna. Urbem quam statuo vestra est, pro, Urbs, quam urbem statuo, est vestra. Licet vobis esse beatis, pro, beatitudo vobis licet. Expedit esse divitem, pro, divitiæ expediunt. Deprendi miserum est, pro, deprehensio misera res est. Moneri me non est necesse, pro, monitum mei non est necesse vel necessum sive necessarium: nam sicut imbecillus, a, um & imbecillis, imbecille, similiter, necessus, a, um & neceſis, necesse priscis in usu fuit, pro, necessarius, a, um: quam rem si Famianus Strada cognoscendis Grammaticis didicisset, solœcismum illum, vix in puerò ferendum, effugisset: Nos monitore necesse non habemus. Ratio certè & doctrina puerilis postulabat: Moneri necesse non habemus. Ubi moneri vim accusativi habet, sicut nominativi in hoc, Moneri nos non est necesse. Priscò more dici poterat: Monitor nobis non est necessus, vel neceſis. Monitorem non habemus necessum vel necessum. In posterum verò nullum Stradæ, ejusque similibus, magnis illis literarum institoribus, solœcismi tam deformis erit periculum, ubi eos artis hujus nostræ præcepta perdiscere non piguerit. Donati in Ter. Eunuch. act. 5. sc. 5. verba sunt: Necesse est nomen: nam necessus, neceſis, & necessum lectum est. Eugraphius in prolog. Heauton. Necesse habeo silentium.

Tertia: Omne verbum infinitum habet pro supposito accusativum expressum, aut suppressum. Ut Volo me facere. Possum me fingere. Studet se placere: vel per figuram: Volo facere. Possum fingere. Studet placere. Dixit se dare, vel, se esse daturum: vel per Ellipsin, Dixit dare & dixit daturum esse. Vidcor me videre, & per Ellipsin, videor videre. Diceris te fecisse, vel per Ellipsin, diceris fecisse. Videtur eum nos odisse, vel per Ellipsin, videtur nos odisse. Ratio hujus regulæ pender ex idiomate Latino, quoniam scilicet hic suus Latinis mos est: nam Græcorum more dicendum est: Diceris tu fecisse, dicunt tu fecisse, dicunt ille fecisse. Ita Græcanica & transmarina Syntaxis est in hoc Ovidii Fast. 6. Sen

*p*ius *Aeneas* eripuisse ferunt. Et in hōc Catulli, *Phaesus ait fuisse navium celerrimus*, pro quō Latinè, secundum regulam dixisset: *Ait fuisse se celerrimum*: secundum consuetudinem verò per *Figuram*: *Ait fuisse celerrimum*. Hor. *Vir bonus & sapiens dignis ait esse paratus*. Ita legit Charisius, Catull. *Quin Diis iratis desinis esse miser*, pro, *te esse miserum*, quomodo
 • *vetus Inscriptio apud Brissonium in formulis: Quando me esse desiero*. Plautus: *Viginti minas adolescens daturus dixit*, pro, *daturus esse*. Virgil. *Sensit medios lapsus in hostes*, subaudi, *esse*, quod Græcò, non Latino more dictum est: sicut *Multi dicuntur venturi esse*: nam secundum Latinæ artis regulam dicendum: *Multi dicuntur eos venturos esse, eos venire, & per Ellipsin Latinam: Multi dicuntur venire, aut venturos esse*. Perpetuò enim verbi infiniti suppositum est accusativus, nisi verbum substantivi nominis vim habeat.

D E

SYNTAXI NOMINUM
VERBALIUM.

Victimam Sacerdotes mactatum eunt, pro, *Sacerdotes eunt viam ad mactatum victimam*, pro, *victimæ*. Lucret. *Hostia concideret mactatu mæsta parentis*. Accusativus nempe *victimam*, regitur non ab *eunt*, sed à *mactatum*. Non ergo Latinè dices: *Victima mox mactatum iri videtur*, sed, *victimam*, quoniam à *mactatum* regitur. Integra porrò oratio secundum regulas talis est: *Videtur viam iri ad mactatum victimam*. Ubi *viam iri*, ponitur pro nominativo, quasi esset: *Iris* seu *profectio ad mactationem victimæ videtur*: sicut, *Viam istam iri mirum est, cum sit latronibus infesta*. Ita Cato dixit: *Contumeliam mihi factum itur*, non *contume-*

contumelia: nam integra oratio est: *Via itur ad factum contumeliam*, sicut, *Ille it viam factum mihi contumeliam*: ubi perspicuum est, *contumeliam* regi à *factum*, non ab *it*. Ita si quærenti *quid agitur?* respondeat quis: *Ligna casum itur*: quis non videat, *ligna* esse accusativum, & regi à *casum*, perinde ac si dixisset, *Ligna casum eo*, pro, *eo viam ad casum ligna*. Porro *ire viam*, sive *ire iter*, metaphoricè dicitur pro *conari*, sicut & *viam affectare* usurpatur, & *tendere* aut *intendere viam* sive *iter*. Lucret. *Quod facere intendunt*, nec adhuc conata patrantur, pro, *quod facere conantur*.

Admonitio Magistri de Concordiâ Nominis Adjectivi cum Substantivô, & Verbi cum Nomine.

Adjectiva nullum genus habere dixi. Itaque adjectivum in genere cum substantivô nomine convenire non potest. Illa quippe duo dicuntur convenire, quæ aliquid tertium commune habent. Itaque cum dicis *vir bonus*, non conveniunt ista duo nomina in genere, cum *bonus* velut adjectivum nullum habeat genus, sed tantum terminationem generi masculino attributam. Potest ergo Magister, si sic ei videatur, regulam de *nominum Concordiâ* in puerilis ætatis gratiam sic formare: *Nomen substantivum sive expressum, sive suppressum cum adjectivô consentit in numero, casu & generis terminatione*. Ita *vinum* forte habent ejusdem generis, neutri puta, terminationem. Ex versibus enim de genere terminationis jam constitit, nomina in *um* esse generis neutri, similiterque in *e*.

Dixi etiam, *Personam esse specialem numeri verbalis differentiam*. Nomina ergo personam nullam habent, adeoque in personam cum verbis convenire non possunt. Habent tamen aptitudinem ad personam, ut ei accommodari possint. Et duobus qui-

dem nominibus *ego & tu* exceptis, quorum illud primæ tantum; hoc secundæ personæ verbis aptum est; itemque relativis quibusdam, ut jam *sexta Concordiæ nominis regulâ* monui; cætera nomina omnia tertiæ verborum personæ accommodantur. Itaque cum regula nostra de *Concordiâ verbi finiti* dicit, *Omne verbum finitum habet pro supposito nominativum*, intelligendum est, nominativum personæ verbi accommodabilem, sive habilem. Nam si dicas *ego docet*, convenit quidem verbum finitum cum nomine in numero, sed nomen illud non est habile personæ verbi. Hâc ergo de re Magister discipulos monere poterit.

D E S Y N T A X I . P R Æ P O S I T I O N U M .

Præpositiones compositivas alias *Loquelaes*, alias, *Significativas* feci. Priorum nulla est Syntaxis præter illam, quam apertè ferunt. Posteriorum quis usus sit, jam exsequemur.

Abhinc.] Significat *tempus*, quasi dicas, *ab hâc die* (vel cum Cicerone *ex hâc die*) *dies numerandô*, ac promiscuè de præterito & futuro tempore usurpatur. Cic. *Abhinc annis quindecim*, ubi subaudi præpositionem, *in*, à quâ ablativus regitur. Idem: *Abhinc duos & viginti annos est mortuus*, subaudi præpositionem *ante*. Terent. *Abhinc triennium huc commigravit*. Plautus eodem sensu *hinc* usurpat. Trucul. *Menihilô magis respiciet, quam si hinc ducentos annos fuerim mortuus*, subaudi *ante*: similiterque Turpil. *Lindia: Factum esse diem hinc quartum hodie*. Plautus Casin. *Annos abhinc factum est sexdecim, cum conspiciatus est puellam exponi*, pro quô dici poterat: *Annos est sedecim cum conspiciatus est*: sicut idem Aulul.

Hanc

Hanc domum multos annos est cum possideo & colo, pro, ante multos abhinc annos factum est, cum possideo, seu quod possideo: nam quom & quod indifferenter Plautus, Terentius & Cicero hanc in re usurpant, eo quod quom sive quem aut cum sit accusativus omnibus generibus congruens, à quis omnium generum, velut in Paradigmatè annotavi. Quia verò quom & quod adjectiva sunt, eaque relata, nomen substantivum antecedens, quod referant, subaudiri necesse est. Tale verò nomen est tempus, aut etiam negotium, quod Latinis idem est quod res, Italici & Hispanici cosa, Germanici ding. Gallici chose. Jam satis constat rectè Latine dici, Si est ut ille hanc domum possideat, pro, si ita est negotium, si ita est res ut ille domum possideat. Rectè quoque dicitur, Quom vales, gaudeo, & Quod vales gaudeo, pro, ad quom, sive ad quod negotium, id est, ad quod negotium quod attinet: Sensus ergo est: Quantum ad illud negotium attinet, ad quod vales, gaudeo. Quoniam est ut valeas, quoniam ita res est ut valeas, gaudeo. Vis itaque Plautinorum verborum hoc modò explanabitur: Negotium illud, ad quod ego hanc domum possideo, factum est abhinc ante multos annos. Similis est alter Plauti locus in Persa: Nondum sex menses est quom leno huc commigravit, pro, nondum abhinc ante sex menses factum est negotium, cum huc migravit. Sin quis tempus subaudire malit, sensus erit: Nondum abhinc ante sex menses factum est tempus, sive fuit tempus. Indifferenter enim dicitur: Factum est, tempus cum, & fuit tempus cum. Ita Tempus erit cum, tempus veniet cum, tempus fiet cum, quod etiam subauditur, in est cum, erit cum. (Si cui insolentius videbitur, Factum est tempus, noverit Ciceronem dixisse 5. Att. 20. Apameæ quinque dies morati, Iconii decem fecimus. Et Allenius J. C. Servus fugerat, & annum in fuga fecerat. Et Senec. ep. 66. Paucissimos unà fecimus dies.) Cæterum abhinc de futuro usurpat Pacuvius: Seque ad ludos jam inde abhinc exerceant. Cicero

pro Rosciô Com. Repromittis tu abhinc triennium Rosciô? Ubi subauditur, post.

Admodum.] Cum *Modus* Latinis & quantitatem & qualitatem significet, hinc fit, ut *admodum* aliàs idem significet, quod *valde*, aliàs quod *propemodum*, *ferè*, *quasi*, *circiter*. Cicero: Non *admodum* grandis natu. Livius: *Exactò* *admodum* mense *Februariò*. Idem: Sex millia hostium cæsa, quinque *admodum* Romanorum. Idem: Vehicula mille *admodum* capta. Cicero: Curto literarum nihil *admodum* sciebat, id est, quasi nihil. Columella: *Admodum* exigui pulveris subijcimus. Ubi subauditur *rem*: nam *res* pulveris, est *pulvis*. Ita Varro: Apponendum est bene olentium herbarum: aut dictum putabimus, *ad pulveris modum*, sicut *ad instar* dixit Serenus Septimius: cùm *instar* fit nomen substantivum effigiem vel similitudinem significans.

Antebac.] Significat *ante hæc facta* aut *tempora*: nam veteres, *hac*, pro *hæc* dicebant. Plaut. *Afin.* Ego illum *antebac* semper sum hominem frugi ratus. Idem *Mil.* *Ante hoc factum* hunc sum arbitratus semper servum pessimum.

Circumcirca.] Plaut. *Aul.* a. 3. s. 4. Ubi cæpit scaturire ungulis *circumcirca*. Sicut Græci ἀμφιπερὶ κρητὶν *circumcirca* fontem.

Contraea.] Unâ voce dixerunt, sicut *interea*, *præterea*, *postilla*, ubi ultima syllaba à poëtis producitur, ut unum ex duobus vocabulum factum appareat. Exstat apud Cæsar. lib. 3. belli civilis, apud Sallust. Jugurth. apud Livium & Cor. Nepotem sæpius. Liv. 4. Superbè ab Samnitibus legati prohibiti commerciô sunt: *contraea* benignè à Siculorum tyrannis adjuti. Nepos Agefil. Nullum in eò signum libidinis, nullum luxuriæ: *contraea* plurima patientiæ atque abstinentiæ. Idem Epam. Quod me Agamemnona æmulari putas, falleris: namque ille cum universâ Græciâ vix decem annis unam cepit urbem: ego *contraea* unâ urbe nostrâ, dieque unô totam Græciam liberavi. Sic ibi lego, pro,
contra

contra ex unâ. Terentius, *Contra hæc, contra omnia, contra hæc omnia*, eòdem seufu usurpat.

Dehinc, dein, deinde.] *Dein* per *Apocopen*, pro *deinde* dictum est. *Inde* verò sicut & *hinc*, motum à tempore aut loco significat. Usurpatur ergo *deinde*, pro *postea*, ratione præteriti & futuri temporis, tum pro *consequenter*, ratione loci. Terent. *Accepit conditionem, dein quæstum occipit.* Idem: *Factum esse non negat, & deinde facturum autumat.* Cicero: *An ego tibi obviam non prodirem? primum Appio Claudio? deinde Imperatori? deinde more majorum? deinde (quod caput est) amico?* Idem usus est præpositionis *dehinc*. Virgil. *Oscula libavit natæ, dehinc talia satur.* Plaut. *Si quidem ante mentitus sit, nunc jam dehinc erit tibi verax.*

Derepente, desubito.] Cicero: *Tu derepente irrupisses.* Plaut. *Si apud te eveniat desubito prandium aut potatio.*

Desuper.] Significat idem quod *desuperò* aut *superiore locò*, quomodo Plautus loquitur Amph. *Illuc sursum ascendero, inde optimè sic cispellam virum. De superò faciam, ut sit madidus.* Virgil. *His ego nigrantem commistâ grandine nimbum Desuper infundam.* Lucretianum est: *Ex superò.*

Eloco, extemplo.] Significat, *statim, è vestigiò.* Templum enim pro quòvis locò undique apertò dicebant. Usum præpositionis *hinc* licet colligere. Plaut. *Afin. act. 1. sc. 2. At malò cum tuò: nam jam ex hòc locò ibo ego ad tres viros, vestraque ibi nomina faxo erunt.* Et *Trucul. act. 2. sc. 4. Ego isti non minus mitam? Jam modò ex hòc locò jubebo ad istam quinque perferri minas.* Liv. 36. *Alii extemplo agendum, alii differendum in veris principium censebant.* Plaut. *Capt. Ne tu me ignores, cum extemplo e conspectu meò abscesseris.* Vide mox in *exadversum*.

Exante.] Liv. lib. 45. *Supplicatio pro concione populo indicta est exante diem quintum Idus Octobris, id est, ex illò die in diem quintum, antequam dies quintus finem haberet: sic enim intelligebant, cum dicerent, Ante diem tertium, quartum, &c.*

Exad-

Exadversum.] Terent. Phor. Modò vidi quandam virginem, suam lamentari matrem mortuam: ea sita exadversum, id est, mater mortua posita erat è regione virginis. Ibid. Exadversum ei loco constrina erat quedam. Ubi Donatus ait, pro eiloco, legi etiam illico. Nimirum scripserat Terentius, è locò. Nepos Thrasyb. Cecidit Critias, cum quò exadversus Thrasybulus fortissimè pugnarat. Ita est in veteri codice optimò. Cic. 1. Divin. Ara Ajo loquenti exadversus eum locum consecrata est. Ubi duo illa verba, eum locum, ex glossà videntur irrepisse: etsi apud Nepotem quoque in Themist. legimus: Factum est, ut ab Arthemisiò discederent, & exadversum Athenas apud Salamina classem suam constituerent.

Examussim.] Significat exactè, perfectè, quasi ad amussim. Plaut. Amph. Næ ista ædepol examussim est optima. Et Most. Ædes factæ examussim. Et Menæc. Ut hanc rem vobis examussim disputem.

Exhinc.] Lucret. lib. 3. citante Priscianò: Anima cum animi vi percussa est, exhinc corpus propellit, id est, statim, ex hòc locò. Sueton. Tiber. Post hæc comatam Galliam rexit. Exhinc Rbaticum Vindelicumque bellum. Cicero similiter ex hâc die, de præteritò & futurò usurpat, pro quò vulgo barbarè, ex tunc & ex nunc, quæ tamen sunt facta, ut exhinc, exinde, inante, exante, præquam. Plautus de futuro, Perf. act. 4. sc. 3. Bonis volo jam ex hòc die esse, id est, posthac.

Exin, exinde.] Virgil. Quisque suos patimur manes, exinde per altum Mittimur Elysium. Plautus Pseud. Proinde ut quisque fortunâ utitur, exinde sapere eum dicimus. Et Truc. Postquam alium reperit, qui plus daret, me exinde amovit locò. Varro 1. rust. 20. Alii asellis, alii vaccis ac mulis utuntur, exinde ut pabuli facultas est, pro perinde ut. Justin. Populum eòdem ornatu vestiri jubet, quem morem vestis exinde gens universa tenet, pro, inde ex eò tempore. Macer Jurisc. Annus exinde computandus est, ex quò ea annotatio publicè innotuit.

Extra-

Extraquam.] Significat, *preterquam*, nisi. Cicer. Addat exceptionem hanc, *extraquam* si quis reip. causâ exercitum non tradiderit. Livius: Campanos omnes liberos esse iusserunt, *extraquam* qui eorum, aut ipsi, aut parentes eorum apud hostes essent.

Imprescenciarum.] Vix mihi persuadere possum, quin vocem hanc à posterioribus malefactam sciorum audaciâ in veterum libros insedisse credam. Legitur etiam in Corneliô Nepote in vitâ Hannib. Cum Scipione, exhaustis jam patriæ facultatibus, cupivit *imprescenciarum* bellum componere, quò valentior postea congrederetur.

Inante.] Cicero: *Cadem* te optimatum contulisse inante diem quintum Calendas Novembris, pro, in diem ante diem quintum, id est, in eum diem, qui incideret antequam dies quintus præterisset. Propert. Si quis vult famâ tabulas antequam vetustas, Hic dominam exemplò ponat inante meam.

Inibi.] Significat *ibidem*. Cicero: *Luxuries Annibalem* Capuæ corripuit: *superbia* nata inibi esse ex Campanorum fastidiô videtur. Idem: Quod sperare debemus aut inibi esse, aut jam esse confectum. Plaut. Pers. *Marsupium* habeat, inibi paulum præsidii.

In locô.] In locô, ex quò factum *illicô* & *illicô*, significat statim, e vestigiô. Dictys lib. 6. 12. *Acastus* ubi præter spem se liberatum animadvertit, spontè in locô cuncta regni Neoptolemo tradit.

Insuper.] Significat, *præterea*, vel *super* illa, quæ jam dicta sunt. Terent. An pœnitebat flagitii, ni miserum insuper etiam patri indicares? Livius: Si hoc non satis est, insuper pœnas expetite. Idem: *Humus* insuper injiciebatur, pro, supra. Virgilius cum ablativo ponit, *Insuper his*, pro, præter hæc, his amplius. Lucretius cum accusativo: *Insuper alienos rogos exstructos consanguineorum cadavera locabant.* Ita & Cæsar: *Hanc insuper contignationem tantum adstruxerunt.*

Interea, interim, interibi.] Significat, inter ea negotia,

tia, facta vel tempora, id est, per idem tempus, quò aliquid aliud negotiis peragitur. Cicero: Hæc dum Romæ geruntur, Quinctilius interea, &c. Terent. Interea dum is venit, domi opperiamur. Livius: Inter agenda hæc, pro, interea, ut videatur Ellipsis esse in voce interea, subaudiaturque agenda negotia, sicut Plaut. Stich. Inter illud negotium meis amicis curavi, ut cœna esset cocta. Et Cistell. Inter rem istam agendam heræ huic respondi, quod rogabat. Idem Rudente. Jam hic ero, tu interibi adorna, quod opus est. Cicero. Hòc interim spatiò conclave illud concidit. Uterque Seneca & uterque Quinctilianus interim, pro, interdum, nonnunquam, aliquando ponunt, sed id degenerantis jam Latinitatis specimen existimari potest.

Interdium.] Significat, de die, interim dum dies est. Plautus etiam interdium usurpat. Cicero: Noctu an interdium. Ridiculè Quinctilianus lib. 1. extremo cap. 4. Noctu & diu adverbiiis annumerat. Leguntur enim cum præpositionibus ablativum regentibus, & cum adjectivis ablativi casus. Plaut. Hæc noctu somniavi. Ennius: Hæc noctu filio pendeat Hetruria tota. Terent. Cras cum primò lucu.

Interdum.] Significat, aliquando, aliquò tempore. Cicero: Interdum, vel potius nimium sæpe. Geminatio verborum habet interdum vim, leporem aliàs. Festus: Interduatim & interatim dicebant antiqui, quod nunc interdum & interim. Hinc apud Plaut. Truc. act. 4. sc. 4. ubi legitur: Vale Phronesium P H. jam me tuum oculum non vocas? DI. Id quoque interim futatim nomen commemorabitur. Scribendum censeo: Id quoque interduatim nomen commemorabitur.

Perinde] Significat, similitudinem. Plaut. Omnes res perinde sunt, ut agas, ut eas magni facias. Cic. Habes à patre munus meâ quidem sententiâ magnum, sed perinde erit, ut acceperis. Liv. 27. Ut viseret agros cultaque ab incultis notaret, & perinde dominos laudaret castigaretque. Sallust. Mithridates corpore ingenti, perinde armatus.

Postea,

Postea, posthac, posthinc, postibi, postilla, postinde, postmodo, postidea, postidem.] Significat, post factum vel tempus aliquod, vel post tempora, sicut supra, antebac. Ovid. 1. Fast. Postea mirabar, quod non sine litibus esset. Ubi a breve arguit nomen esse. Ubi tamen talia fecit particulas, ex eoque a, saepius producit. Plaut. Merc. Nescio quid meo animo est aegre: postea hac nocte, non quievi satis ex sententiâ, pro, tum vero, praeterea autem. Idem Stich. Dejiciam telas aranearum. G. E. misera algebunt postea. Idem Curcul. Eum qui vendidit mihi puellam, numquam postilla vidi. Catul. Nec sibi postilla metuebant talia verba. Cic. Id ne unquam posthac accidere possit, providendum est. Virgil. Posthinc ad naves graditur sociosque revisit. Plaut. Mil. Verberetur etiam, postibi amittendum censeo. Et Stich. Nunc intro ibo & sacrificabo, postibi jubebo nobis cenam coqui. Lucret. In pedibus primum digitos livescere & ungues, Inde pedes & crura mori: postinde per artus Ire alios tractum gelidi vestigia lecti. Livius: Si Ardeates arbitrium Senatui permittant, fore ut postmodo gaudeant se irâ moderatos. Plaut. Cist. Ubi id erit factum, ornamenta ponent, postidea loci qui deliquit, vapulabit. Idem Aul. act. 1. sc. 2. Nunc quo profectus sum ibo, postidem domum. Sic in optimis libris veteribus legitur. Varro lib. 8. de ling. Latina. Verbis, quæ non ad rationem sunt, oportet non uti. Sic enim obsolescent, ac postidem facilius corrigi poterunt. Sic ibi lego, pro postea idem.

Praeterea, praeterhac.] Significat propriè, præter vel ultra hæc, quæ jam dicta sunt, aut præter, sive post hæc tempora, aut facta. Cicero: Est philosophi nobilis filius, homo præterea festivus. Idem: Tibi uni concedo, præterea nemini. Idem: Non possumus hujus, & præterea cujusvis civitatis esse cives. Sallust. Numquam Hispanos præterea tale facinus facere auctos, id est, præterquam illò tempore. Plaut. Rud. Si præterhac unum verbum faxis, ego tibi comminuam caput.

Præquam.] Significat idem quod in comparatione

ne alicujus imparis, si cum aliô majori aut minori conferatur. Plaut. Amph. *Parva res voluptatum est in vitâ, præquam quod molestum est.* Mostell. *jam minoris omnia facio, præquam quibus modis me ludificatus est.* Aulular. *Nemo sine grandi malô, præquam res patitur, studuit elegantie, id est, plus quam res familiaris patitur.* Nam præ comparationem inæqualium significat, sicut & ante.

Præterquam.] Terent. *Verbum si mihi unum, præterquam quod te rogo, faxis.* Cicero: *Nullas iis præterquam ad te dedi literas.* Livius: *Multitudo coalescere in populi unius corpus nullâ re, præterquam legibus poterat.* Cor. Celsus: *Aqua frigida infusa præterquam capiti, etiam stomacho prodest, pro, non modò capiti.*

Præut.] Significat idem, quod *præquam*. Plaut. Mil. *Nihil hoc quidem est, præut alia dicam, quæ tu numquam feceris.* Amph. Perii, ME. *parum etiam præut futurum est, prædicas.* Menæc. *Modestior nunc est præut dudum fuit.* Ibid. *Fo'ia nunc cadunt præut, si triduum hic erimus, tum arbores in te cadent.* Turpil. Epiclero: *Præut solent, me curæ somnò segregant, id est, plus solito: præ eò modò, quò solent.*

Proin, proinde.] Significat idem quod *ideo, propterea, uaque.* Usurpantur etiam ad exprimendam similitudinem, sicut *perinde*. Terent. *Orationem sperat invenisse se, quare differat: proin fac apud te ut sis.* Cicero: *Proinde bonò animò sis.* Plaut. Amph. *Scio isthæc facta proinde ut proloquor.* Pœnul. *Proinde habet hic orationem, quasi ipse sit frugi bonæ.* Pseud. *Proinde ut quisque fortunâ utitur, ita præcellit.* Petron. *Senex exercitati vultus, sed cultu non proinde speciosus.*

Pronuper.] Significat, *nuper admodum.* Plautus Trin. *Quam sponsonem pronuper tu exactus es.*

Propalam.] Plaut. Mil. *Metuo ne hoc tandem propalam fiat nimis.* Idem Epid. *Minus jam sum furtificus, quam antehac, rapio propalam.*

Propemodum.] Significat idem, quod *fere, pene.* Terent.

Terent. Propemodum jam tibi habeo fidem. Cicero : Verba componere & propemodum dinumerare.

Proporrd.] Lucret. Et sibi proporrd quæ sint primordia quærunt, id est, *in super, porrd, præterea*.

Propterea.] Terent. Haud propterea te rogo, ut hoc proferam.

Proquam, prout.] Significant comparisonem parium. Lucret. Igitur parvissima corpora proquam, & levissima sunt, ita mobilitata feruntur, pro, quanto minora & leviora sunt, tantò etiam mobilia. Idem : Nec satis est proquam largò se ex æstuat æstu, unde queat tantum suboriri ac suppeditare. Symmachus : Non satis mihi videretur, proquam res postulat fungi debitum meum. Cicero : Tuas literas, prout res postulat, exspecto. Idem : Prout facultates ejus ferebant. Interdum per Ellipsin Pro reticetur : Liv. Homo, non quam isti sunt, gloriosus.


Protenus seu protinus.] Significat, porrd tenus, continuatè tam temporis, quam loci ratione. Virgil. de Sicilia Italiæ olim conjunctà : cum protinus utraque tellus una foret. Idem : Protinus aërii mellis cælestia dona exsequar. Idem : en ipse capellas protenus æger ago.

Subinde.] Significat, deinde, paulò post. Horat. Si dicet rectè, primum gaudere : subinde præceptum auriculis hoc instillare memento. Petronius & posteriores eò utuntur, pro frequenter, identidem, per intervalla.

Superquam.] Significat idem : quod præterquam. Livius 22. 3. Primoribus superquam quod dissenserant à consiliò, territis etiam duplici prodigiò.


AUCTUARIUM ANNOTATIONUM.

PArticipia orationis partem feci à Nominine & Verbò diversam: quâ in re plus opinioni Grammaticorum, quam veritati dedisse me fateor. Verè enim nihil aliud participium est, quam verbale nomen, sed quod alicujus verbi accidentis sit particeps, qualia sunt cum tempus, tum casûs rectio, tum denique statûs, aut motûs significatio. Substantiva quippe verba statum, seu substantiam, aut subsistentiam significant, reliqua motum, id est, actionem; aut passionem. Rectè proinde nomina verbalia, id est, originem suam verbo debentia, vel à verbò derivata, trium generum fecerimus, ut eorum alia sint *Expertia verbi*, cum quibus nullum verbi accidens communicatur, alia *Participia*, quæ aliquod verbi accidens participant, alia denique *Participialia*, quæ aliquid participii, etsi nihil verbi participant. Nominum participium alia casûs rectionem & significationem motûs de verbi naturâ participant, eaque vel substantiva, vel adjectiva. Substantiva sunt, *Tactio, curatio, & tactus, curatus* quartæ declinationis, *Motio, motus, momen, momentum*: cujus generis nomina cum actionem significant, tum priscò more accusativum, id est, verbi sui casum regunt. Dicebant enim, *Quid tibi me tactio est? Quid tibi hanc rem curatio est?* Retentum quoque fuit, *Venio ad spectatum ludos*, & per Ellipsin, *Venio spectatum ludos*. Adjectiva sunt, *Vitabundus, letabundus, ludibundus, moribundus*, quæ & actionis significationem & accusativi expressi, aut suppressi rectionem cum verbis suis participant. Dicitur enim *vitabundus hostes*,



Synopsis Nominum Verbalium,

Verbi expertia, ut Doctor, Doctrina, Amor, Spectaculum.



hostes, in cæteris sicut in *letare letitiam*, in *ludere ludum*, in *mori mortem*, subauditur. Alia participium nominum, sive participiorum cum tempus, tum significationem, sive statum, sive motum à verbo ducunt. Nam *ens* & *futurus* substantiva sunt: activa verò *amans* & *amaturus*: passiva denique *amatus*, *amandus*. Nonnulla terminatione passiva, significatione autem activa, ut *Cautus*, qui *cavet*: *Furatus*, qui *juravit*: *Cenatus*, qui *cenavit*: *Pransus*, qui *prandit*: *Obitus*, qui *obiit*: *Occasus*, qui *occidit*. Participialia nomina vel originem cum participiis communem habent, vel terminationem. Prioris generis alia sunt comparata nomina, ut *Amantior*, *doctior*, *comitator*: alia composita, ut *Indecens*, *indiligens*, *indoctus*. Sic *Indicens* apud Terentium Adelph. qui non dixit, act. 3. sc. 4. *Non me indicente hæc fiunt*. Et Cic. *Insciente me discessit*. Terminationem participiorum cum illis communem habentia, sunt *Laureatus*, *ocreatus*, *cristatus*, eorumque similia. Veram enim cum ista spinosiora, quam ut tenera tiromum ætas ea possit intelligentiâ comprehendere, Magistros de iis admoneri fatis mihi visum fuit.

Negotium idem significare quod *res*, *opus*, *factum* (Græcè *χρῆμα*, *πράγμα*) & in adjectivis plerisque neutralibus subaudiri, ut sit ex iis, quæ Logici *Transcendentia* vocant (tamquam *ens* & *aliquid*, quæ cum adjectiva sint, in iis *negotium* suppressum intelligitur) etsi satis in *Minervâ* planum factum est, non tamen ab re futurum videtur, pauculis hic demonstrari. Cic. lib. 2. Ver. 4. *Fecerunt ut ego istum accusarem*: à quò mea longissime ratio voluntasque abhorrebat. Ubi notat Asconius: *A quò, à quare, à quò negotiò, accusationis scilicet*. Terent. Adel. act. 3. sc. 4. *Utinam hoc sit modò desumctum*. Ubi Donatus: *Hoc, id est, negotium*. Plaut. Cas. act. 3. sc. 5. *Timeo hoc negotium quid est*, pro eò quod aliter dicitur: *Timeo quid hoc sit*. Sic pro eò, quod omnes dicimus,

Quid mali est, Plautus dixit: *Quid mali negotii est*. Trin. act. 4. sc. 2. *Viden' egestas quid negotii dat homini misero mali?* Ubi in *quid* non minus subauditur *negotium*, ut plena oratio sit: *Quid negotium mali negotii dat egestas homini misero*. Est autem *negotium quid negotii* perinde dictum, ut *quæ res rei* sive *rerum*, apud eundem Plaut. Men. act. 5. sc. 2. *Summum foveam detestor*. S E. *quâ dere rerum omnium*. Terent. Heaut. act. 1. sc. 1. *Tantumne ab tuâ re tibi est otii*, *aliena ut cures?* subaudi *negotia*, ut Horat. *Aliena negotia cura excussus propriis*. Cicer. 2. Philip. *Si tum occisus esset, cum tu illum stricto gladio insecutus es, negotiumque transegisses, nisi ille se subscalas coniecisset, hisque oppilatis impetum tuum compressisset, id est, rem confecisses*. Idem: *Magnum negotium est navigare*. Ubi per *Ellipsin*, *negotium* omitti poterat, sicut apud eundem: *Quos enumerare magnum est, ita sunt multi*. *Magnum est iisdem uti sacris*. Ergo similiter in *multum est*, *parum est*, *nimum*, *plus*, *tantum*, *quantum*, subauditur *negotium*: pro quo aliter *res* dici solet: Cic. *Experiar quidem, sed magna res est*: Plaut. Amph. act. 2. sc. 2. pro: *Parvum negotium voluptatum, seu parum voluptatum*, dixit *Parva res voluptatum est in vita*. Idem læpe pro: *Ita opus, seu usus est, aliàs, ita negotium est, aliàs, ita res est*, dicere solet. Bacchid. act. 4. sc. 4. *Cum amicâ suâ uterque accubitus eatis: ita negotium est*. Ibid. *Cur id exquiris?* C H. *res ita est, dici volo*. Menæc. act. 1. sc. 1. *Quære patrem meum, ut veniat ad me, ita rem mihi esse dicito*. Mil. act. 2. sc. 6. *Cito transcurrere ad nos, ita negotium est*. Terent. Eun. act. 1. sc. 2. *Sed ita res erat, faciendum fuit, pro, ita opus erat*. Similiter autem indifferenter dicitur, *Ut res nata est, ut negotium natum est, pro re, & pro negotiô*. Scipio Africanus apud Festum: *Ut negotium natum erat*. Plaut. Truc. *Ut rem natam video, accipiendum quod datur*. Idem Aul. *Pro re nitorem qui habent*. Lucret. *Quisque suum pro re consortem mæstus humabat*. Dictys lib. 4.

lib. 4. *Armati instructique pro negotiō pugnam aggredimur*, id est, pro re natā, ut res ferebat. Sed & factum, pro res dicitur, sæpéque lubauditur. Plaut. *Afin. Non te provideram, ita iracundia obstitit oculis.* ME. *non mirum factum est.* Et Rud. *Haud miranda facta dicis, si Deos decepit & homines.* Et Men. *Mibi mira videntur te hic stare foris.* Et Pseud. *Mira sunt, ni Pseudolus est.* Et Mil. *Ante hoc factum semper hunc sum arbitratus servum nequissimum*, id est, antehac, quod ponitur pro ante hæc, lubaudi facta, quod etiam in postea, interea, supprimitur. Eodem verò sensu dicitur, *Inter ea facta, inter ea negotia, & inter eam rem.* Plaut. Stich. *Inter illud negotium curavi, ut cœna esset cocta.* Et Cistel. *Inter rem istam huic respondi quod rogabat.* Rursum Stich. act. 1. sc. 1. *Nos ejus animum de nostris factis noscimus*, id est, ex nostris rebus. Et. Merc. act. 5. sc. 4. *Eamus intro, non utilis hic locus factis tuis, pro, rebus tuis.* Et Most. a. 2. sc. 1. *Miserum est opus tum demum fodere puteum, ubi sitis fauces tenet, pro, misera res.* Propert. *Vincere cum Vejos posse laboris erat, lubaudi, opus seu res, ut Ovid. Hic erit artis opus.*

De genere nominum in ir desinentium, nullam feci regulam, cum de *bir, hiris*, quod volam manus significat, cujus generis sit, sciri non possit: nusquam enim legitur, nisi apud Cic. 2. de Fin. in Lucilli loco, & apud Charisium lib. 1. sed sine adjectivō. *Vir* autem cum compositis *levir & irevir*, masculinum esse constat ex significatione, tum quia per *Apocopen* factum est, ex priscō *virus*, à quō *fæmina vira* dicebatur. Festus: *Querquetulana vira putantur significari nymphæ præsidentes quæqueto virescenti. Fæminas quas dicimus, antiqui Viras appellabant; unde adhuc permanent Virgines & Viragines.*

Pag. 149. ut docerem rectè dici, *Neceße aliquid habeo*, oblitus fui addere hunc Senecæ patris locum 6. Controvers. 3. *Sic a te alligatus est, ut necesse haberet, quod non expediebat.*

D E
ORTHOEPEIA
 S E U
RECTA LITERARUM
 Latinarum pronuntiatione.

Veram Latini sermonis *Orthoepejam* (quam Quintilianus interpretatur *emendatam cum suâ virtute vocum explanationem*) explicare, nec multum habet utilitatis, & est vel doctissimis in omniſque antiquitate verſatissimis inconceſſum. Jam ſcilicet unusquiſque perſuaſum habet, ſuæ nationis homines optimè, rectius quidem certè, quam aliarum, linguam Latinam pronuntiare, nec ullâ vel auctoritate, vel ratione adduci poteſt; ut eam pronuntiandi rationem, cui jam adſuevit, mutare velit. Et qui peregrinas linguas earumque dialectos non didicere, ſunt ad iudicium hæc de re ferendum ineptiſſimi. Non longè abiero. Itali homines literam *H* pronuntiare non poſſunt, adeoque literam non eſſe facile ſibi perſuadent: ex quo fit, ut non modò *Hiſpanicum*, *Gallicum*, & *Germanicum* ſermonem ægrè addiſcant, ſed neque *Latinum* epigramma *Catulli* in *Arrium* ſine juſtò aliarum nationum irriſu legere poſſint. *Sinenſes* *R* non habent, ſed ejus loco *L* proferunt, quod contra fit à *Japanis*. *Galli* non poſſunt efferre *Germanicum Ch*, nec *Germani* *Italorum Gn* & *Gh*, quæ ſunt *Hiſpanorum Nn* & *Ll*. Accedit deinde, quod talis eſt ipſarum literarum, vocalium maximè, & diphthongorum conditio, ut vivam hominis vocem requirant, nec ſcriptò expo-
 ni

ni possint. Sed potissima omnis hâc in re difficultatis causa est interitus linguæ Latinæ : quæ quoniam abhinc mille annis amplius depravari cœpit, atque in usu esse desiit, Germaniæ populis Gothis, Francis, Burgundionibus, Suevis, Alanis, Vandalis & Langobardis ex suâ vernaculâ & ex vulgari Latinâ nova illa linguarum genera conflantibus, quibus Itali, Galli & Hispani hodie quoque utuntur, nisi quod multa Hispanicæ Arabes intulerunt : eô factum est, ut quæ literarum pronunciandi ratio apud Romanos fuerit, ne suspicari quidem possimus. Hoc nemini non facillimè probavero, qui sciat, quam irritum capiat laborem, si quis hodie exoticas linguas sine vivâ magistri voce discat. Ut enim Hispanus quispiam, aut Germanus, aut Gallus totum Boccatium & Petrarcham memoriæ mandarit, & Hetruscè elegantissimè scribere didicerit, si tamen numquam Italum hominem loquentem audierit, nec aliò præmonstrante pronunciationem Italorum didicerit, certissimum est, vix decimam quamque vocem ejus ore prolatam ab Italis intellectum iri, adeoque nullum ei cum Italis sermonis commercium esse posse. Itaque pro exploratissimo habeo, si Cicero in terris hodie existat, & non modò Gallos, Germanos, aut Hispanos, sed & illum ipsum florem illibatum Italiæ, Hetruscam dico Sirena *Johannem Ciampolum* Latinè loquentem audiat, fore ut ne unum quidem verbum satis percipiat : sicut neque nostrum quemquam declamante Cicerone plus, quam si Arabicè peroraret, intellecturum arbitror. Ut autem hoc fiat planissimum, eademque operâ complurium nationum homines errore suò liberentur, & quam ridiculè sibi linguæ Latinæ rectè pronunciatae palmam asserant, intelligere possint, distinctè ac singulatim de iis, quæ rem explicatu adedò reddunt difficilem, ea in medium afferam, quæ inter legendum veteres scri-

ptores, præcipuèque Grammaticos, observavi, quæ quidem ad sex omnino capita revocari possunt: Nempe vel ad *Vocalium* cùm *simplicium* tùm *compositarum*, id est, *Diphthongorum* & *Triphthongorum*: vel ad *Consonantium* cùm *simplicium*, tùm *duplicium pronuntiationem*. vel ad *Accentum*; vel denique ad *Euphoniæ rationem*.

DE VOCALIBUS SIMPLICIBUS.

A, duplicem sonum habere, vix quemquam tam illiteratū inveniri arbitror, quin suā sponte intelligat. In *Anna*, *Arra*, prius *a* perspicuè aliter sonat, quam posterius. Sed & tertium ejus sonum fuisse, qui ad *o* propius accederet, ex Festo discimus. Ait enim: *Fovii, qui nunc Fabii dicuntur*: & vicissim *horreum, antiquis farreum*. Sic hodie in Germanis Vestphali & Bavari, *Poter da mihi ponem*, pro, *pater panem*. Quartus ejusdem sonus affinis fuit Græco *υ*. sive *eta*; quam literam vox ovium exprimit, quæ est *bee, bee*: ex quo Latinis prius *beelare*, post *balare*, sicut Græcum *μῆτηρ meeter*, Latini extulerunt *maater*, & ex *ma*, quod Græci adjurantes utebantur, ut *μὲ τὸν ἀπὸλλωνα*, fecerunt *me*, ut *Mecastor*, quod Donatus monet, Hec. act. 1. sc. 2. Hinc suspicari licet, in *facio* fuisse *a* pronuntiaturū more Bononiensium, ut ab *e*, in *feci*, minimum interesset.

E, similiter duplici sonō effertur in *esse*, *peste*: testaturque Victorinus aliter *e* longum, aliter breve sonare. Tertius ejus sonus apud veteres ad *i* accedebat, velut ex iis, quæ subjiciam, testimoniis discimus. Quintilian. lib. 1. c. 4. & 7. *E quoque I loco fuit, ut Menerva & Leber & Magester & Dijove & Vejove, pro, Dijovi & Veijovi: Livius & Pedianus, Sibe*
&

& Quas scribebant. In Here neque E plane, neque I auditur. Nos nunc E litera terminamus, at veterum Comico-
rum adhuc libri invenio: Heri ad me venit, quod idem
in epistolis Augusti, quas sua manu scripsit aut emendavit
deprehenditur. Varro 1. rust. 1. Rustici veam dicebant,
pro viam, & vellam pro villam. Festus: Me pro mi, seu
mibi dicebant antiqui, & ameci per E literam efferebant.
Donat. in Phorm. act. 1. sc. 1. Propter cognationem E
& I literarum, non dubitaverunt antiqui heri & here di-
cere, & mane & mani & vespere & vesperi. Servius
in Æn. 2. Veteres Pennas dicebant, non Pinnas.

Sed & cum O, quandam literæ E, cognationem
fuisse, frequens alterius pro altera commutatio ar-
guit. Festus: Helus & Helesæ antiqui dicebant, quod
nunc Holus & Holera. Hemonem, hominem.
Quintil. 1. c. 7. Vortices & Vorsus cæteraque ad eundem
modum Scipio Africanus in E literam secundam vertisse
dicitur. Cassiodor. de Orthographiâ: Vostra olim ita
per O, hodie per E, ut Advorsum, adversum: Pervorsum,
perversum: Votare, vetare: Vortex, vertex: Convollere,
convellere: Amplocti, amplecti. Priscianus lib. 1. An-
tiqui Amplocti pro amplecti dicebant & Animadvorti pro
animadverbi.

I, quoque duplici sonô exauditur in ipsi, irriti.
Testantur autem Grammatici, alium I, longæ so-
num fuisse, alium I, brevis, ac ne breve quidem unô
eodem sonô pronunciari solitum. Quintil. 1. c. 4.
Medius est quidam U, & I, literæ sonus: non enim sic
optimum dicimus, sicut opimum. Et cap. 7. opti-
mus, maximus, ut mediam I, literam, que veteribus U,
fuerat, acciperent, Caji primum Cæsaris inscriptione tra-
ditur factum. Festus: Plurima veteres pro plurima. Ve-
lius Longus de Orthographiâ: I, litera interdum
exilis est, interdum pinguis, ut in eô quod est prodir, vin-
cit, condit, exilius, volo sonare. In eô verò, quod signifi-
catur prodire, vincere, condire, æque usque pinguescit,
ut jam in ambiguitatem cadat utrum per I, quædam ha-

beant dici, an per U, ut est optimum, maximum. In quibus annotandum, antiquum sermonem plenioris soni fuisse, & ut ait Cicero, rusticanum, atque illis fere placuisse per U talia scribere & enunciare. Manet eadem quaestio, manubiæ, an manibiæ, libido an lubido. Nos vero postquam exilitas sermonis delectare cœpit usque I, literâ castigavimus illam pinguitudinem, non tamen ut plene I, literam enunciamus. Idem: In virô & virtute, I, scribitur, & pœne U, enunciat. In contumaci melius puto I, servari. Venit enim à Contemnendo: etsi Nisus & contumaci per U, putat posse dici à timore. Variè etiam scriptitatum est, mancipium, aucupium, manubiæ: si quidem C. Cæsar per I, scripsit, ut apparet ex titulis ipsius: at Augustus per U, ut testes sunt ejus inscriptiones.

O similiter duplici sonô proferri ex opto, porro, apparet; Sed in Pono, poto, bis idem sonus auditur. Victorinus etiam aliô sonô O, productum, aliô correptum enunciari his verbis docet: O, ut E, geminum vocis sonum pro conditione temporis promit. Qui O, correptum enunciat, nec magnô hiatu labra reserabit, & retrorsum actam linguam tenebit. Longum autem productis labiis, rictu tereti lingua arcu oris pendula sonum Tragicum dabit: cujus observationis & in E litera similis pœne ratio est.

Tertius O, sonus fuit, sono U, affinis: quâ de re verba sunt Fabii lib. 1. cap. 4. O, & U, permutatæ, invicem, ut Hecoba & notrix, Culchides & Pulyxena scriberetur, & dederont ac probaveront. Sic Odysseus, quem Udyssæa fecerunt Æoles, ad Ulyxem deductus est. Nostri præceptores cervom, servomque scripserunt: nunc U, gemina scribuntur: sed neutro modô vox, quam sentimus, efficitur. Festus: Quatenos antiqui dicebant pro quatinus. Velius Longus: Antiqui confusas O, & U, literas habuere; nam consol scribebant per O, cum legeretur per U, consul. Unde in multis etiam nominibus variæ sunt scripturæ, ut fontes, funtes: fron-

frondes, frundes. Victorinus: *Augustus mecom per O, non ut nos per U, literam scripsit. Nam O, non solum pro brevi & longâ, sed etiam pro U, ponitur, ut populus, piaculum, hoic pro huic, fonus pro funus, item alia multa. Cassiodorus: Præsto, nos per O, scribimus: antiqui per U, qui & O, pro U, usi sunt. Publicum enim quod nos publicum, & quod nos culpam, illi colpam dixerunt, & exfoles, quod nos exsules, quod ex solô eant. Prisc. lib. 1. O, aliquot Italiae civitates, teste Pliniô, non habebant, sed locô ejus ponebant U, & maxime Umbri & Tusci. O, convertitur in U. Huc, illuc, pro hoc, illoc. Virgil. Hoc tunc ignipotens cœlô descendit ab altô. Et pleraque quæ apud Græcos nominativum in OS terminant, O, in U, convertunt apud nos. Vetustissimi etiam huminem, pro hominem proferebant. Funtēs, pro fontes. Frundes, pro frondes. Fretu, pro fretô. Acherunte, pro Acheronte: quæ tamen à junioribus repudiata sunt, quasi rusticô more dicta. U, quoque multis Italiae populis in usu non erat, sed è contrario utebantur O, unde Romanorum quoque vetustissimi in multis dictionibus locô ejus, O, posuisse inveniuntur, publicum, polchrum, colpam, Hercolem dicentes. Sed sive longa, sive brevis est O, affinis est cum U, ut ebur, robur, &c., pro ebor, robor, bos. Servius in Æn. 8. Hoc tunc ignipotens cœlô descendit ab altô, id est, Huc tunc: nam ante, hoc, adverbium loci fuit, quod nunc abolevit: nam crebrô in antiquis lectionibus invenitur, sicut in epistolis probat Verrius Flaccus exemplis, auctoritate, ratione: dicens in adverbis pro U, O plerumque majores ponere consuetos: & sic pro huc, hoc veteres dicere solebant, sicut pro illuc, illo dicimus. Unde etiam hoc, longum esse apparet, sicut illo, quod pro illuc ponitur.*

U, geminô sonô in fructu exaudimus, quamvis utrobique longum sit, adeoque more veteri fructum scribi possit. Plautus ejus sonum noctuæ voci tribuit, quam ait *tu tu usque dicere*. Et Terentianus non aliud sonare testatur, quam O Y, diphthongum Græcam.

Tertius

Tertius ejus sonus cum *I*, quartus cum *O*, affinitatem habet. Et de hoc postremo jam veterum testimonia audivimus. De tertio nunc nonnulla subjiciam. Velius Longus : *Variè scriptitatum est mancupium, aucupium, manubiæ : si quidem C. Cæsar per I, scripsit; at Augustus per U. Mihi videtur nimis rusticana enunciatio futura, si artubus per U, extulerimus : ita tamen existimo enunciandum, ut nec nimis I, litera exilis sit, nec U, literam scripseris enunciationis sonò cum nimis pleno, ac meminerimus artis Orthoepejæ esse, ut sive hæc, sive illâ literâ scripseris, enunciationis sonum temperet. Idem puto & in clipeò, per I scriptò observandum. Victorinus. C. Cæsar optimus, maximus scripsit, non ut nos per U literam. Melsala, Brutus, Agrippa pro sumus, scripserunt simus. Cassiodorus : Lacrumæ an lacrimæ, maxumus an maximus, & si quæ similia sunt, scribi debeat, quæsitum est. Varro tradidit, Cæsarem per I, ejusmodi verba solitum esse enunciare & scribere : inde propter auctoritatem tanti viri consuetudinem factam. Servius in Æn. 1. In navibus stupa interponitur vasis, quam stipam dicunt. Et Æn. 5. Stuppa secundum antiquam orthographiam : nam stipa dicta est à stipando. Abusivè etiam linum dicimus.*

Y, Græcam esse vocalem omnes norunt. Eam Latini per U, efferebant, sed tertio ejus sonò, qui ad similitudinem *I*, accedit, quomodo hodie U, Galli & Itali Alpibus finitimi pronunciant. Velius Longus : *Verrio Flacco videtur eamdem esse apud nos U, literam, quæ apud Græcos Y, namque his exemplis argumentatur : quod illi dicunt cyminum, nos cuminum, quam illi cyparissos, nos cupressum, illi kyberneten, nos gubernatorem, nec non ex ejusmodi Theseus, Peleus, & similibus affirmant. Donatus in Hec. act. 1. sc. 2. Pro Syra, Surâ veteres legerunt, U, pro Y, ponentes, ut Musia, Suria.*

Scaurus de Orthogr. Y, literam supervacuam Latino sermoni putaverunt, quoniam pro illâ U, cederet : sed
cum

cùm quædam in nostrum sermonem Græca nomina admixta sint, in quibus evidenter sonus hujus literæ exprimitur, ut Hyperbaton & Hymnus & Hyacinthus & similia, in eisdem hæc litera necessario utimur. Cassiodorus de Orthog. Y, litera antiqui non semper usi sunt, sed aliquando loco illius, U, ponebant. Itaque in illorum quoque libris hanc scripturam observandam censeo, Suriam, Suracusas, Sumbola, Sucophantas.

De Vocalibus Compositis, id est, Diphthongis & Triphthongis.

Diphthongus est sonus ex duarum vocalium sonò in unum conflatus, sic ut utriusque sonus exaudiatur, etsi non pari tempore. Aliàs enim prior vocalis integrum tempus, aut etiam duo tempora habet, posterior dimidium modò tempus, aut etiam tertiam partem temporis, ut in *ae*, *ai*, *ao*, *au*, & *eu* usquevenit: nam harum priores plenè efferuntur, nisi quod Germani inter *Ai*, *Ei*, & *Eu*, vix quicquam faciunt discriminis: posteriorum sonus ad aures ferè perit, adeo ut certò constitui non possit ultima in *musae*, *e* sit, an *i*, in *aura* & *euro*, *o*, an, *u*, ex quò factum, ut veteres indiscriminatim *musae* & *musai*, *Kaisar* & *Kaesar* scriberent. Sic *Aorelius* (quomodo in veteri saxò scriptum visitur) & *Aurelius* sonò vix discernuntur. Aliàs contra evenit, ut posterior vocalis habeat tempus unum, vel duo, integrèque efferatur, prior verò semissem aut tertiam modò partem temporis consumat, adeoque mutilatè, seu raptim pronuncietur, ut in *eitur*, quod est tertiæ personæ verbum ab *eor*. Hic enim *i*, longa est, ac duorum temporum, sed *e*, propemodum absorbetur, ac vix tertiâ ex parte effertur. ut *e*, an *o* sit, dubium maneat: eoque factum est, ut pro tali diphthongò solum *i* scriberetur, sed *pingue*, ut à Gram-

Grammaticis vocatur, cuius sonum Velius ad sonum *u*, propius ait accedere. Bavari hodie, nisi fallor, omnium optimè eam efferunt in *wei* / quod Latine significat *quei* vel *qui*, id est *quò modò*: nec ipsum *quei* aliter Romanis pronunciatum, adeoque si in *quei*, prima demta sit litera, nihil prorsus eam vocem nec significatione, nec sonò à Bavaricà *wei* interesse arbitror. Plauti Comœdia exstat, quæ *Capteivei* inscribitur, quam vocem hodie nemo, quam Bavarus, rectius pronunciaverit. Sextus Empiricus, *ai* & *ei* apud Græcos simplicem sonum habere ait, quia scilicet unius vocalium *sonus ferè perit ad aures* (quomodo in *Vir*, de *V* litera monet Velius) hoc est, minima tantum ejus pars effertur, ut propemodum nihil ejus ad aures perveniat: nec tamen prorsus intercidit, quod aliter vocalis simplex, non diphthongus foret. Itaque non solum *a* in *wei* profertur, sed etiam aliquid literæ Jota, etsi tam obscurè, ut sit ne *i*, an *e*, aures vix dijudicent. Similis est *ei* diphthongi ratio. Græci posteriorem vocalem integram, priorem ex tertiâ tantum parte pronuntiabant. Latini non eandem in eâ efferendâ rationem tenuerunt. Elegantiores imitabantur Græcos, & *Binci* seu *Bini* eodem prorsus modò, quò illi suum *Bivei* efferebant, quod epistolâ ad Patrem Cicero testatur. Sed rustici ac messores, quisque urbanorum peregrinitatem effugere studebant, ut Græcorum dissimillimi essent, ex *ci* priorem plenè, posteriorem ex tertiâ tantum parte pronuntiabant, ut vix Jota animadverteretur, velut ex Ciceronis tertiò de Oratore discimus. Similiter autem Varro. 1. rei rust. cap. 2. *Villam*, quæ ex *vehillam* & *veillam* facta vox est, à rusticis *Vellam* efferri solitam auctor est, quò modò dubium non est, quin & antiquissimi Romanorum pronunciare fuerint soliti: nam *liber* posteriores fecerunt ex *leiber*, priore vocali suppressâ, quod contra veteres dixerant *leber*, posteriorem vocalem suppressas.

mentes. Hinc porro intelligimus multis aliis diphthongis idem ipsum usuvenisse, ut duplex earum esset pronuntiatio, cum aliàs prior, aliàs posterior ejusdem diphthongi vocalis plenè sonaret: cujus rei insigne Germanicus sermo exemplum suppeditat. Vox *Jeder* / Germanis significat *unusquisque*. Prior ejus syllaba diphthongo *je* constat. Hanc qui elegantius loquuntur, sic pronunciant, ut *j*, audiat plenum & duo tempora consumat, *e* verò tertiam modò temporis partem habeat ac vix sentiat. Ripuarienses Germani contra *e* plenum efferunt duobus temporibus, sed *i*, non nisi ex tertîa parte temporis, ut *ferè* ad aures pereat, quò modò prior in *Jesus* pronuntiatur. Sic Hispani in *maestro*, *u* plenum efferunt, sed *e* sic supprimunt, ut non nisi minima ejus pars audiat: quod contra Itali in *unguento* ex *ue* posteriorem integrè pronunciant, priorem *u* tantà celeritate, ut rectè Terentianus dicat, *eam parte tantum fungi temporis*: Velius verò, *eam ad aures ferè perire*. Sic in *fuisse* Lucillius facit, *u*, *i*, in diphthongum coalescere hòc versu: *Compernem aut varam fuisse Amphitruonis* ÆRATIN. Sed ejus diphthongi prior plenè effertur, altera vix tertîa ex parte. Contra in hòc Horatii versu: *Precipue sanus, nisi cum pituita molesta est*: *u*, in *pituita* sicut in *vita* vix auditur, sed *i*, tamquam longa duobus temporibus effertur. Idem in *qui* seu *cui* usuvenit: nam sive *c*, sive *q* scribas, nihil ad pronuntiationem interesse infra demonstrabitur. In *cui*, integrè sonat prior vocalis, in *qui* posterior, ita ut multi priorem (*u* puta) prorsus extriverint, sic ut *qi* seu *ki*, Hispanicè & Gallicè *qui*, Hetruscè *chi* pronunciarent. Atque hoc discrimen in efferendis diphthongorum vocalibus non observatum Grammaticis Latinis turpissimum errorem objecit, ut *i* & *u*, sequentibus eas vocalibus, non diphthongi partes, sed conso-

consonantes esse crederent ; alii tam vocalium , quam consonantium vim amittere putarent. Sed qui cum diversarum nationum hominibus versati sunt , variasque eorum diphthongos observarunt , quantum Grammaticos ratio fugerit minimè laboriosè intelligent. Certè in *ſam* & *ſus*, primam litteram ita raptim efferri fatendum est , ut vix tertiam temporis partem absolvat : neque tamen suo prorsus sonò caret , quod fieri in his necesse est , quæ consonantes dicuntur. Similiter in *Qua*, *quem*, *quis*, *quid*, *quod*, *lingua*, *sanguen*, *sanguis*, *suadeo*, *suetus*, *u* vocalis est , quia suum proprium sonum habet , etsi is ad aures ferè perit , quod in quavis diphthongò alterutri vocalium usuyenire necesse est , ne non una , sed duæ sint syllabæ. Huic consequens est , ut in *Va*, *vé*, *vi*, *vo*, & *vu* non aliter *V* efferatur , quam in *lingua*, *sanguen*, *sanguis*, sine ullâ scilicet etiam minimâ adîpiratione , quod ratio nulla afferri possit , cur eadem syllaba ex iisdem elementis composita , aliter atque aliter proferri debeat. Itaque rectè Germani suâ linguâ *vinn* / sive ut ipsi perperam scribunt, *winn* / ita proferunt, quò modò à Romanis , qui vinum eis intulerunt , pronunciari majores eorum audierant , quomodo hodie scilicet ipsi quoque Itali mediam syllabam in *Sang--ui--nis* efferunt : ubi *u* non est consonans , cum sine ullâ spiritûs vel afflatûs parte pronuncietur , secus quam iidem Itali in pronunciando *Vino* faciunt , ubi adspiratio aliqua seu flatus debilis percipitur , etsi non ita plenè , ut fit cùm Germanus *ſinn* profert. In quò etsi meritò ridetur , non tamen Italus culpâ vacat , & Germano Priscianus totidem verbis patrocinator lib. i. *Apud antiquos Romanorum F littera , habebat hunc sonum , quem nunc habet V , locò consonantis posita.* Verum ego dubium non habeo , quin Priscianus allucinetur perinde ut cæteri , qui *V*, sequente vocali non in diphthon-

diphthongum concrefcere, fed confonantem effe crediderunt: & fonum ejus non F, fed *ɥ* digammate Claudianò efferri folitum certus fum. Quod autem de *ei* diphthongò dixi, priorem ejus vocalem tam correptò temporis momento pronunciari folitam, ut vix perciperetur, nec decerni fatis poffe, e effert, an'o, id hæc Fefiti verba certius nobis faciunt: *Ab oloes dicebant antiqui, pro ab illis: nam literam non geminabant. Pilumnoe poploe in carmine Saliari funt Romani, velut pilis uti affueti.* Nimirum *oe* efferebatur prorfus ut Græcum *oi*, Terentianò & Victorinò teftibus: unde in veteribus Terentii libris *Adelphoe*, & in prologò Cafinæ Plautinæ, *Clerumenoe* legimus. In Græcâ verò diphthongò *oi*, litera *o* vix percipi poterat, nec ab *e* diftingui, cum *i* pingue efferretur fonò literæ *u*, fivè *y* proximò, quem ipfum literæ *i*, in diphthongò *ei*, fonum effe, fupra ex Velio Longò didicimus. Monet quoque Maximus Victorinus *Hoelas* & *Hylas* for.ò haud ferè quicquam differre, quod Infcriptionum veterum mos confirmat, in quibus *Oiti*, *Oeti* & *Ἰτι*, fimiliterque *coera* & *cura*, *poenire* & *punire*, *loidos* & *ludos* paffim legimus. Sed & Servius in principio *Æneid.* 10. ad hæc Virgilii. *Quin intra portas atque ipsis prælia mifcent Aggeribus moerorum*--- ita commentatur: *Marorum, antiqui pro murorum: nam veteres pleraque eorum, quæ nos per u dicimus, per æ diphthongon pronunciabant: & contra punio, pro pœnio, quod verbum à pœna venit: hinc eft, Punicaregna vides: cum Pœnos ubique legerimus. Feflus denique Loebefum, inquit, & loebertatem antiqui dicebant, liberum & libertatem, ita Græci λαιβᾶ & λαιβῶ. Nimirum Latinis aliàs leiber (quod in C. Caffii denariò Ant. Auguftinus invenit) aliàs loiber nullâ pronunciationis differentiâ fcribebant, cum utrumque liber fonaret, fed *i* pingui, quod inter *u* & *i* exile medium fonum obtinere fupra demonftratum eft: idemque ipfum apud*

Græcos obtinebant, ut λείβω, λείβω & λίσω, quod Latinis est *libo*, indifferenter scriberent & pronunciarent, ita scilicet, ut in λείβω & λείβω, Jota plenè duobus temporibus efferretur, sed prior vocalis ob pronunciationis celeritatem relinqueretur in ambiguo. Nihil ergo jam mirum est animi dubios fuisse Athenienses, λειμὲν ne, id est, *pestilentiam*, ἀν λειμὲν, id est, *famem*, versus hic Delphis ex oraculo redditus minaretur: ἤξει δωρεακὸς πόλεμος & λειμὸς ἀπ' αὐτοῦ. siquidem fieri facilè potuit, ut surdè audientes Jota longum seu pingue ab exili non distinguerent. Est autem in λειμὸς, Jota breve sivè exile, in λειμὲς verò longum ac pingue. Neque tamen non idem ipsum in *oi* & *oe* fieri potuit, quod in *ai*, *au* & *ei*, supra diximus factum, ut prior *o*, in aliquibus vocibus plenè efferretur, posterior *e* vel *i*, tam correptè, ut distinctus & certus ejus sonus ad aures non accederet, quod Suevi & Bavari faciunt in verbo *Woint*/ quod est *plorat*. Sic certè nihil impedit, quin *proinde* pronunciatur in hōc Maronis versu: *Proinde tona eloquio, solitum tibi, meque timoris*. Si quis tamen sonò literæ *o* suppressò, *i* pingue ibi efferre malit, cum eò nec verbum commutatum volo, qui cum maximè hoc nunc agam, ut de veteri Linguae latinæ pronunciatione nihil prorsus explorati haberi posse demonstrarem. Nunc de Diphthongis quædam veterum testimonia recitari operæ pretium fuerit.

Quinct. lib. 1. cap. 7. *AI*, syllaba, cujus secundam nunc *E*, literam ponimus, variè per *A* & *I*, efferrebant: quidam semper, ut Græci: quidam singulariter tantum, cum in dativum, vel genitivum casum incidissent, id est, quidam semper *Musai* pro *Musæ* dicunt, quidam tantum in genitivò & dativò singulari.

Velius Longus: *Ea quæ nos per A E, antiqui per AI, scripsitaverunt, Juliai, Claudiai. Et nihil obstat, quò minus hōc aut illò modò scribamus in utròque numerò.*

Terentianus: *Alpha semper atque Jota quem parant*
Γραφῶς

Græcis sonum, A & E nobis ministrant: sic enim nos scribimus.

Scaurus de Orthograph. *Apud antiquos I, litera, pro E, scribebatur, ut testantur metaplasmis in quibus est ejusmodi syllabarum deductio, ut Pictai vestis, & Aulai in mediò, pro pictæ & aulæ: sed magis in illis E novissima sonat, & præterea quoque antiqui Græcorum hanc syllabam per A E scripsisse traduntur.*

Festus: *Aulas antiqui dicebant, quas nos dicimus Ollas, quia nullam literam geminabant. Auxilla, olla parvula. Ausculari, pro Osculari, quod est os cum ore conferre. Aurum rustici orum dicebant, & auriculus, oriculus. Atque ex hoc formavit Catullus oricillam.*

Priscianus lib. 1. *A U, videtur quasi pati divisionem, cum I, post U, addita, transit eadem U in consonantium potestatem, ut Gaudeo, gavisus. Nautæ, navita- & ναύς, navis. Contra fit à Lavor, lautus: faveo, fautor: avis, auceps, augurium, augustus. Transit quoque A U, in O, productam more antiquo, ut lorus, pro lautus: plostrum, pro plaustrum: cotes, pro cautes: sicut etiam contra pro O, A U, ut Austrum, pro ostrum: ausculum, pro osculum, frequentissimèque hoc faciebant antiqui.*

Hic non satis scio tutone Prisciano de omnibus credamus, quoniam & ratio & auctoritas suadere nobis videtur, ut inter *nauta* & *navita* nihil credamus fuisse discriminis, nisi quod *i*, in *navita*, propter pronunciationis celeritatem extrita fuerit, sicut in *fautor*, quò Plautus utitur primâ correptâ. Et Cicero inter *Cauneas* & *cave ne eas* perpusillum interfuisse significat, ita, ut qui audiret *Cau ne as*, sibi *cave ne eas* dictum putare posset, quasi esset: *Cau--e n' eas*, ut *u* simul cum *a*, non cum *e* efferretur: quod si verum esset, etiam *nav--ita*, non *na--vita* pronuncians foret: quid hic veri sit, ab aliis doceri aucto.

Lucretius lib. 2: *Aut nulla inter se duo sunt ex omnibus eadem.* Hic *EA*, diphthongum habemus, sicut

etiam in hōc versu Terentii prolog. Adel. *Eam commorientes Plautus fecit fabulam.* Et in hoc Virgil. *Nec tantum Rhodope miratur & Ismarus Orphea.* In hāc porrò diphthongò, *e* plenè efferri arbitror, *a* verò non nisi ex semillè aut tertiā parte.

Lucillius : *Uni se atque eidem studio omnes dedere & arti.* Hic diphthongus est, de cujus pronuntiatione diximus, Latinos scilicet & Græcos semper posteriorem plenè extulisse pingui quòdam sonò, qualis ferè est tertius *u* literæ, sive *y*. Vetustiores tamen Romani & rustici, *e* plenum pronuntiabant, ut *i* ferè tollerent : quos imitati posteriores, dixerunt *Calliopea* & *Chorea*, cum in Græcò esset *ei*, teste Priscianò, qui & ista monet : *In vocalibus sunt affines E correpta, sive producta cum E I diphthongò, quā veteres Latini utebantur ubique locò I longæ, more antiquò Græcorum.*

Virgilius : *Rege sub Eurystheò fatis Junonis iniquæ.* Idem : *simul accipit alveò.* Idem : *Unò eodemque igni sic nostrò Daphnis amore.* Lucret. *Omnia jam seorsum carnes ancisa recenti.* Hic est diphthongus, in quā *e* plenè efferendum puto, ut *o* minimam partem temporis consumat, ex eòque *o*, an *u* sit, satis distinctè iciri non possit.

Virgilius : *Præferimus manibus vittas ac verba precantia.* Idem : *Bis patriæ cecidère manus, quin protinus omnia.* Hic *IA*, diphthongum habemus, in quā prior vocalis plenè effertur, quod Vittembergeneses rusticos facere animadverti, pro quò cæteri Germani posteriorem *a*, duobus temporibus pronuntiant suppressā priore *i*, quod ipsum faciunt omnes in *jam* & *Allelu--ja*. Grammatici hic suas *Synareses* & *Synalæphas* obtrudere conantur, sed nihil afferunt, cur Latini non æquè atque alii populi diphthongum credantur extulisse.

Virgil. *Immortale jecur undens, fecundaque pennis.* Hic *IE* diphthongum habemus, in quā posterior *e*, plenè

plenè pronunciatur, priore *i* ad aures quasi pereunte. Germani tamen, ut dixi, alteram præterea ejus efferendi rationem servant, in voce *Jeder*/ ut *i* plenum efferant, *e* verò non nisi tertia ex parte.

Sed hòc locò contradici potest, *facet*, *jecur*, *fo-rem*, *juvat*, propterea non esse diphthongum, quia *i* fit consonans, cujus rei causa sit, quoniam non fit vocalis, ut quæ syllabam non faciat longam, quod omnes diphthongi faciunt, & quoniam consonanti brevi subjecta, syllabam naturâ brevem faciat positione longam, quod consonantis proprium esse nemo ambigit. Cum enim *ad* fit brevis, tamen in *adjuvat* fieri longam positione, & *ju* brevis est, cum unaquæque vocalis unum tempus habeat, adeoque diphthongus nisi *di* *xi* *xi*, seu duorum temporum intelligi non possit. Ad hoc respondetur, Grammaticorum regulas de syllabarum dimensione ex positione & diphthongò nonnullâ correctione indigere. Positione enim non modò syllaba, naturâ brevis, fit longa, sed etiam naturâ longa fit brevis. Est autem *Positio* vel *Vocalium*, vel *Consonantium*. *Credimus an qui amant ipsi sibi somnia fingunt*. Hic qui naturâ longum, fit breve positione vocalis, quia nimirum ante vocalem posita est: Et *Insula Ioniò in magnò, quas dira Celeno. Stipitibus duris agitur sudibusve præustis*. Hic *AE* diphthongus ex longâ fit brevis positione vocalis consequentis, quia scilicet posterior diphthongi vocalis minimam modò temporis partem habet, quæ sequenti vocali quodammodo accrescit, quod tamen semper fieri nihil necesse est. *Ad* in *adjuvat* longum fit; non ex positu consonantis, sed ejus vocalis; quæ propter moram, quam pronunciationi affert, consonanti fit similis: nec enim tam celeriter, ac sine impedimento decurrit pronunciatio, quam in *adipe*, *aditu*: atque ab hac causâ Lucretius, *aqua* & *liquidus*, nonnumquam primâ productâ extulit. Sed hæc mora in *pluvia* vocalem

lem autē se positam propterea non retardat, quia brevissima temporis pars, quæ est in priore diphthongi literâ, utrique vocalium, hoc est, antecedenti & consequenti velut contribuitur, quod præcedente consonante, tamquam soni experte, fieri non potest. Similiter in *Favitor*, prima quamvis longa à Plautò corripitur in prologò Amph. *Si cui favitores delegatos viderint. Virtute ambire oportet, non favitoribus.* Nimirum *Au* fit brevis positione, quia ponitur ante vocalem *i*, quò exemplò nihil peccabit, qui *Gavisus* primâ brevi dixerit, ut sit *Gav-isus*, non *Ga-visus*.

Quintilianus lib. x. cap. 4. *Litera I, sibi insidit. Conjicit enim est ab illò jacit.* Hæc *fi*, diphthongus est, in quâ prior *i*, minimam temporis partem absolvit, eoque factum est, ut eam veteres læpe efferrent, & *Conjicit*, *obicit*, *subicit*, mediâ brevi efferrent. Virgil. *Tityre pascetes à flumine reice capellas.* Hinc porro intelligi potest, nullam fuisse rationem, cur negarent veteres, & similiter sibi insidere in *Vulnus*, *servus*, ut in *conjicit*, *subjicit*. Par enim utrobique est ratio.

Lucretius lib. 2. *Quoad licet ac possis reperire inolentis olivi.* Hic Triphthongum, in eâque *OA*, diphthongum habemus, quâ & rustici in Germaniâ alicubi utuntur, cum unò sonò *Jo* pro *Jâ* efferunt, quæ est affirmandi particula: quos si Terentianus audisset, de Diphthongò *oa* minimè dubitasset, quemadmodum nec de *ou*, qua Horatius utitur: *Pasco libatis dapibus prout cuique libido est.* Hanc Bavari in appellandâ vacca exprimunt, cum dicunt *Rou* / ut prior vocalis *o*, vix exaudiatur, quomodo & Latini *loumen*, *loucem* & similia videntur extulisse, qualia Inscriptiones veteres exhibent; *Courato*, *joussit*, *joudicare*, &c.

Velius Longus: *V, literam digamma esse interdum, non tantum in his debemus animadvertere, in quibus sonat cum aliquâ adspiratione, ut in valente & vitulò: sed etiam*

etiam in his, quibus confusa hæc litera est in eò quod est quis: nam si omnino hæc vocalis est V, procul dubiò hæc syllaba longa esset, quoniam numquam due vocales còeunt, ut non longam syllabam faciant.

Hoc verum est de vocalibus, quæ paribus temporibus efferuntur, ut unaquæque tempus unum habeat. Tum enim duo sunt tempora, quæ syllabam longam faciunt. Sed dispar est ratio in diphthongò *Va, ve, vi, vo*, cum posteriores vocales plenè efferuntur, prior verò vix tertiam temporis justè partem consumit, ac vix sensibilem pronunciationi moram affert, propterea quæ sæpe cum scribendò, tum pronunciandò exterebatur, ut esset *Qis, god, quotidie*, velut infra de consonantibus docebitur. Hòc locò illud observandum moneo, Velii Longi ætate (quæquæ illa fuerit) V, literæ vocalibus præpositæ duplicem sonum fuisse, alterum sine ullâ adspiratione in *Qua, que, qui, lingua, suadeo, suetus*, alterum cum adspiratione nonnullâ, vel potius flatu, prorsus ut hodie quoque Itali in *Vado, vento, vino, volo* & vulgo pronunciant. Sed veteres Romanos satis exploratum est, ad quemcumque flatum seu fortem, seu debilem, nullâ aliâ notâ, quam F literâ usos fuisse, sicut H literâ ad halitum, seu spiritum, vel adspirationem. Non igitur Æolicum digamma ꝑ, sed F, dimidiatum Itali hodie in *Vini* voce efferunt, adeoque Germanos F, plenum efflantes irridere non debebant. Illud tamen minimè negaverim, jam tum Theodosiò imperante digamma cum flatu aliquò pronunciari fuisse solitum. Servius enim ejus ætatis Grammaticus propter affinitatem ex *Henetis Venetos*, ex *Helia Veliam* exiisse credidit. Verba ejus sunt in *Æn. 6. Velia dicta est à paludibus quibus cingitur, quas Græci ἡλιν dicunt. Fuit ergo Helia: sed accepit digammon, & facta est Velia, ut Henetus Venetus.* Sed de digamma ejusque usu plura qui volet, apud Priscianum librò primò videre poterit.

TRIPHTHONGI.

Quintilianus lib. 1. cap. 4. *Aut unam longam vocalem faciunt, ut veteres scripsere, qui geminatione earum velut apice utebantur (ut maater, feelix, abiire) aut duas (ut Musae) nisi quis putat etiam ex tribus vocalibus syllabam effici, quod nequit, si non aliqua consonantium officio fungantur.*

Terentianus: *Syllabam nec invenimus ex tribus vocalibus.*

Annæus Cornutus: *Tres vocales quibusdam videntur esse sub unâ syllabâ V A E: errant, si ita putant, nam nusquam neque apud Græcos, neque apud Latinos ex tribus vocalibus syllaba constat: quare hic Digamma erit, & duæ vocales.*

Charifus lib. 1. *Syllabæ naturâ longæ, cum singulæ vocis literæ producuntur, ut A aut E (in maater, feelix) aut cum duæ, ut V A (in vado) aut cum tres, ut V A E (in aquæ.)*

Sic habemus, veterum alios Triphthongis locum dedisse, alios easdem repudiasse, propterea quod ex tribus temporibus syllabam longam constare non posse, rectè judicarent. Sed illos cogitare æquum fuit, diphthongos per se non habere duo tempora, sed unum modò tempus & semis, imò ne semis quidem, sed tantum tertiam partem temporis propterea, quod semper altera vocalium eâ celeritate effertur, ut ferè ad aures pereat. Itaque sequente vocali diphthongi corripuntur, si prior earum vocalis plenè pronuncietur. Sed per accidens seu fortuitò & ex eventu producuntur, quoniam scilicet consonans eas excipit, quæ nullum habet sonum, cum quò vocalis diphthongi posterior, quæ vix exauditur, coalescere queat. Atque hæc demum vera est productionis ratio, non illa, quam Priscianus reddit, quod scilicet consonans dimi-

dimidium tempus habeat, adeoque cum vocali diphthongi antecedente tempus integrum absolvat. Consonans enim nullum omnino sonum proprium habet, proptereaque nec minimum temporis momentum facere potest. Accipio tamen, quod dat Priscianus, diphthongos sequente vocali duo tempora non habere. Verba ejus lib. I. sunt.

Invenitur hæc diphthongus AE vel AI in mediâ dictione correpta tunc, quando compositæ dictionis antecedentis in fine est sequente vocali, ut præuistis. Virgil. Scipitibus duris agitur sudibusve præuistis: Homerus:

— ἀνὴρ ὁ ποδὲς χαμῶϊός τις. *Oe quoque vel Oi idem patitur apud Græcos. Æschylus: ἵερὸν ποταύτας παρβίρεω λόχους τε.* Unde quidam non sine ratione unum tempus & semis singulus eas habere dicunt. Ideoque si consequatur consonans, quæ dimidium tempus habent, omni modo producuntur.

Jam quod V, in VAE, digamma vocant, & cum quodam flatu proferri volunt, eoque nomine consonantibus accensent, vel vox Italica GVAI (ex Latino Væ facta, quam Suevi WAJ efferunt) & priscum aquai, errorem eis eripere debebat: nam neque vel minimum ullius flatus, siue adspirationis hic est vestigium, neque aut g, aut q, cum flatûs notâ consequente pronunciari potest, nisi quis tamen Romanos, Sarmatarum more Qsamqsam, pro quamquam, enunciasse putet.

Triphthongi VAV aliud exemplum non habeo, nisi quod Varro ipsum V, digamma VAV appellandum putavit. Bavari WAW seu WAW/ quod ubi significat, ita efferunt, ut o plenum sit, priores duæ vocales vix exaudiantur, adeoque triphthongus non nisi duorum est temporum, quomodo apud Græcos υυ, & ου, non sunt trium temporum, etsi u & ω, velut longæ, duo absolvunt tempora: eoque quod υ insigni labiorum pressu comprimatur. Unam verò syllabam duo tempora & semis habere posse,

ipse quoque Priscianus & alii agnoscunt, tamquam in *¶*mo, ubi *u* longa duorum est temporum, *i* verò vix dimidium tempus, atque aded non nisi tertiam temporis partem conficit.

Virgilius: *Seu lentò fuerint alvearia virvine testa.* Hic *VEA* triphthongum habemus. Ubi si quis *v*, consonantem esse & cum adspiratione aliquà proferendam contendat, eum docere velim, cur ergo in *laquearia*, *u* nihil habeat flatulenti.

In *Quei*, quò veteres utebantur pro *qui*, triphthongum esse satis jam planum est.

Horat. *Quis sudor vietis aut quam malus undique membris.* Hic in *vietis* (quæ vox est dissyllaba) prior syllaba ex Triphthongò duorum temporum constat: nam *v* & *i*, vix unum tempus consumunt. *V* verò sine omni flatu proferendum, ex voce *quietis* disci potest.

Lucretius lib. 2. *Quoad licet ac possis reperire inolentis olivi.* Hic triphthongum *VOA* habemus, cujus media vocalis plenè effertur, prima & ultima ferè ad aures pereunt.

Catullus: *Quoi dono lepidum novum libellum.* Hic triphthongus *VOI*, mediam vocalem habet plenam ac duorum temporum, cum extremæ duæ propter pronunciationis celeritatem vix simul unum tempus conficiant.

DE CONSONANTIBUS SIMPLICIBUS.

B.

B, Romani sic efferebant, ut à *p*, quam minimum differret: quæ causa est, cur in saxis inscriptum videamus, *Apsolutus*, *apsens*, *opser*, *optimere*.

Quincti-

Quintilianus lib. 1. cap. 7. *Gum dico obtinuit : secundam B litteram ratio poscit, aures magis audiunt P.*

Scaurus de Orthographiâ : B, cum P consentit, quoniam origo eorum non sine labore conjunctione revelli à quòquam potest. Græci *πύππια*, nostri Byrriam : & quem Purrum, antiqui Burrum : Balatium, Palatium : item Poplicolam, Publicolam : Scapillum, alii Scabillum dicunt.

Hanc pronunciandi rationem qui Germanis hodie in usu esse prædicat, quos ille Germanos dicat nescio. Ego quidem numquam ejus nationis quemquam audire memini, qui *Ponum* pro *Bono* efferret. Sed plerosque scio pro B, efferre digamma sive Vconsonantem quam dicunt, sed sine adspiratione ullâ, ut in *Bene* perinde sonet, atque U in *Quene*, sive W, quomodo ipsi scribunt. Maximè verò omnium in eò sunt ridiculi, qui Bavaricâ dialecto utuntur. *Wacchus* enim dicunt, pro *Bacchus*. *Wuarca*, pro *Barca*. *Wonus*, pro *Bonus*, sicut U in *Quoniam*.

Nec tamen tolerabilius peccant Hispani & Vascones, qui B, & V, adspiratam inter se commutant: nam inter *bibere* & *vivere* nihil faciunt discriminis, nec inter *Baro* & *Varo*, *bellum* & *vellum*. Et in re divinâ faciendâ Sacerdotes sic loqui audiuntur : *Per Christum Dominum nostrum, q̄ tecum bibit & regnat in sæcula sæculorum*. Est autem error iste pervetus, ut in faxorum veterum Inscriptionibus passim videre est : nam ibi *Bibus*, pro *vivus* sæpius legas, *Vase*, pro *basse* : *Plevi*, pro *plebi* : *Vene*, pro *bene* : *Abe*, pro *ave* : *Bale*, pro *vale*.

C.

C ante A, O & V, rectè hodie ab omnibus pronunciatur. Sed ante E, I & Y, aliæ nationes aliter efferunt, malè tamen omnes : Hispani, Galli & Cisalpinæ Galliæ Itali, Cicero sic pronunciant, ac si esset *Dsidscro*, Germani *Esstscro*. Maximè ridiculi &

li & odiosi sunt Hetrulci, inprimisque Florentini, qui in *Cicero* aliter primam, aliter mediam syllabam efferunt, utrobique scil. strepitum, sive *S* densum autpingue, sed ei in priore syllabâ, & præmittunt. *Strepitum* voco, quem Germani per *Scha/ Sche/ Schi/* scribunt: Galli per *Cha, Che, Chi*: Hetrusci per *Scia, Scie, Scio*, Hispani per *Xa, Xe, Xi*, aut *Ge, Gi*, aut *Te, Ti*, etsi ab annis non ita multis morem hunc Hispanæ mulieres mutarunt, ita ut ista cum adspiratione efferant, ut χ Græcum, vel *Ch* Germanicum, vel gutturale *Ca* Hetruscorum, quod ipsi *La gorga* vocant, cum *Duca* pronunciant, ut Germani *Ducha*, Hispanæ fæminæ *Duxa* vel *Duja*. Galli id efferre non possunt. Hetrusci ergo *Cicero* sic pronunciant ac si Germanus legeret. *Schischero/* Hispanus veteriore modò, *T-xixero*. Itaque si nihil aliud inter hodiernam & veterem Romanorum pronunciationem esset discriminis, vel hujus solius literæ pronunciatio omne inter nos linguæ commercium impedire posset. Illi enim *KIKERO* efferebant, sive ut Italus scriberet, *Chichero*, ut Galhus & Hispanus *Quiquero*.

Fest. *Prisci pro acipenser dicebant* acipenser, pro sexdecim, sexdequim. Ex Græcò κάρλας fecerunt *sebrim querqueram* & carcerem; quia scilicet κάρλας efferebant.

Quinctilian. l. c. 7. Quidam *K* necessariam credunt quoties *A* sequatur, cum sit *C* litera, quæ ad omnes vocales vim suam perferat. Ergo nulla prorsus inter *ka* & *ca*, inter *ke*, & *ce*, inter *ki* & *ci*, fuit pronunciationis differentia: proindeque Cato pro *dicam*, scribebat *dicem*, & *faciem* pro *faciam*, ut eodem capite Fabius auctor est. Et Livius lib. 21. *Saguntum à Zacynthò* nomen duxisse monet, quoniam scilicet *cy* Græcorum, à *Gu* Latinorum sonò vix quicquam interesset.

Julius Hyginus apud Servium *Æn.* 8. Cum Romanii euntes per *Tusciam* interrogarent *Agyllinos*, quæ dicere-

tur

ur civitas, illi utpote Græci quid audirent ignorantes, & optimum ducentes, si eos prius saluarent, dixerunt χαῖρε· quam salutationem Romani nomen civitatis esse putaverunt, & detractâ adspiratione eam Cære nominaverunt.

Ergo inter Latinum Cære & Græcum χαῖρε nulum aliud soni discrimen fuit, quam quod in Græcò esset adspiratio: ex quo planum fit *Cæsar* Romanis iridem ut Germanis hodie pronunciari solitum, nempe *Kaisar* / quomodo & Græci scribebant. In compluribus quidem Claudii Imp. Inscriptionibus *CAISAR* disertim perscriptum visitur, ut mirari satis non possim, quâ ratione barbarum nostrate *Zesar* vel *Tschesar* aut *Tsciesar* aut *T--chesar* (quomodo Germani & Galli Hetruscum *Cesar* scriberent) subrepere potuerit. Similiter autem aliàs *pulcher*, aliàs *pulcer*, nullò ferè pronunciationis discrimine scribi solitum ex Grammaticis discimus.

D.

Quintilianus lib. i. cap. 4. *T* literæ cum *D*, quædam cognatio est: quare minus mirum, si in vetustis operibus urbis nostræ & celebribus templis legantur *Alexanter* & *Cassantra*. Et cap. 7. Illa quoque servata est à multis differentia, ut *A D*, cum esset præpositio, *D* literam, cum autem conjunctio, *T* acciperet. Multi ergo ad & at indifferenter pronunciabant.

Festus: Apot antiquis erat, quod postea apud.

Idem: Odefacit veteres dicebant pro olfacit, & dacrimas pro lacrimas, item dautia pro lautia: impedimenta pro impedimenta.

Scaurus de Orthograph. Seddam antiqui dicebant, quam nos Sellam.

Victorinus: Kadamitatem veteres & scribebant & dicebant pro calamitatem. Communionem enim habuerunt literæ hæ apud antiquos, ut dinguam & linguam: dactri-

dacrimis & lacrimis : capitodium & capitolium : & sella à sede: olere ab odore.

Terentius Phorm. act. 2. sc. 2. *Rete accipitri tenditur. Ubi Donatus : Legitur & tennitur. Habet enim N litera, cum D communionem.*

Servius in Georgic. 2. DI, in Media, sine sibilò proferenda est: Græcum enim nomen est, & Media provincia est. Hinc apparet in Latinò vocabulò medio, D cum sibilò proferri solitum. At enim D cum sibilò est consona duplex Z. Dicebant ergo Mezo, quomodo hodie quoque Itali suà linguà pronunciant. Sed & hoc ab eadem pronuntiatione ortum video, ut Zabelus dicerent, pro Diabolus, Zeta, pro Dieta.

Antiquissimi vocalibus D adjiciebant, ut in columnâ rostratâ Duilii: *In altod marid pugnandod cepet*: pro *In altò mari pugnandò cepit*. Alii vocalibus duabus hiatus vitandi causâ interponebant, sicut in Redeo, redambulo, redigo, redarguo, prodest, adhuc apparet. Hinc Plaurinum antidhac, pro antehac. Antideo, pro ante eo. Horat. *Omnem crede diem tibi diluxisse supremum*. Idem: *Maled ominatis parcite verbis*. Vide Muret. 14. Var. lect. 19.

F.

Hæc nota statûs est, quam Priscianus monet *non tam fixis labris esse pronunciandam quam P H*. Cicero pro Fundaniò (ait Fabius) testem irridet, qui primam Fundanii literam dicere non posset, nimirum Græculus ille *Bfundanium* proferebat, qui literæ Græcæ sonus erat. Similiter Græcorum & Latinorum interjectionem *Phui* vel *Phy* (quæ est aspernantis aliquid, ut spurcum aut foetidum) Germani hodie *Bfui* vel *Pfui* pronunciant.

Priscianus lib. 1. *Apud antiquos F litera hunc habebat sonum, quem nunc habet V, locò consonantis posita.*

Unde

Unde antiqui A F pro AB, scribere solebant, & sibilum pro sibilum dicebant.

G.

Festus: Antiqui per C litera formam nihilominus G usurpabant. Acetare dicebant, pro agitare. Prodigia, quod prodicunt futura, permutatione G litera: nam que nunc G appellatur, ab antiquis C vocabatur. Quincientum per C literam usurpabant antiqui. Negotium, quod non sit otium. Neglegens dictus est, non legens, neque delectum habens quid facere debeat, omiſſa ratione officii sui.

Quintilianus lib. I. c. 4. Quædam scribuntur aliter, quam enunciantur: nam & Gajus, C litera notatur: nec Cneus eam literam in prænominis nota accipit, quam sonat.

Servius Geor. I. Amurca per C scribitur & per G pronunciatur, ut C Gajus, C N Cneus.

Victorinus Artis Grammat. lib. I. Pro agrò Gabinò dicebant Cabinò: pro Lege, lece: Acna pro agna. Auctio certè ab augendò dicta est: & numeri cum C habeant, ut Ducenti, trecenti, sexcenti; G reliqui habent, ut Quadringenti, nongenti. Et infra: C & nomen habuit & usum præbuit litera G.

Scaurus de Orthogr. Camelum alii dicunt, alii Gammelum. Negotium dictum est, quia nec otium. Nec porro significat non, ut Nec rectè loqui alicui, pro, non rectè, seu malè.

Ex omnibus istis apparet: Romanos legio, legere pronunciaſſe, quomodo hodie effertur ab Italis & Germanis leghio, leghere, ab Hispanis & Gallis leguio, leguere: nam cæteræ omnes literæ, G, pronunciationes, quæ hodie in usu sunt iisdem nationibus, à Romanis nullò pacto intelligerentur. GA etiam GO & GV, Romani sic efferebant, ut à CA, CO, CU, perpaulum interesset. Testatur Fabius, G, in fine quoque vocabuli lectum, ut in Vesperug. Eò utuntur Germani in Sing/cano: Gesang/cantus: habentque hunc morem ut in Singen/G, priori

priori syllabæ attribuant, ut sit *Sing--en*: quod haud scio, an & Romani fecerint in *longa*, *longæ*, *longis*: sicut nec illud possum decernere, quam rectè veteres Grammatici *unguen* admittant, *ungo* verò & *ungentum*, sine u scribi postulent.

H.

Festus Longus: *De Ha litera quæritur, quæ inservit his vocibus, Vehemens, Reprehendit*: cum elegantiores & *Vemens* dicant & *Reprendit* secundum primam positionem. *Prendo* enim dicimus, non *Prehendo*. Idem: *Alia est syllaba Ha, alia Ah*. Idem: *H adeò litera est, ut possit videri etiam vicem duarum consonantium implere*.

Scaurus de Orthogr. Respondemus *H* & esse literam, & apud Græcos quoque fuisse, qui *ἑκατὼν*, id est, centum, *H* litera notant. Et sicut *As*, & *Sa*, aliam vocem & aliam efficiunt potestatem, & *Ad* & *Da*, ita *Ha* & *Ah*. Et literarum proprium est propinquitate sociari & invicem succedere, ut quam nos *Fabam* dicimus, antiqui *Habam* dixerint, &c.

Priscianus initiò libri quinti: *In A, neutra non inveniuntur Latina, nisi tria monosyllaba literarum nomina indeclinabilia, A, ka, ha*.

Quintilianus lib. i. c. 6. irridet eum, qui dixerat *Avete* fine adspiratione. Et subjicit: *Recta est hæc via: quis negat? Sed adjacet & mollior & magis trita*.

Velius Longus: *Harena*, ut testis est Varro, à *Sabinis* *Fasena* dicitur, & sicut *S* familiariter in *R* transit, ita *F*, in vicinam adspirationem mutatur. Similiter ergo & *Hædos* dicimus cum adspiratione, quoniam *Fœdi* dicebantur apud antiquos: item *Hircos*, quoniam eosdem æquè *Fircos* vocabant: nam & è contrariò, quam antiqui *Habam* dicebant, nos *Fabam* dicimus.

Festus: *Fædum* antiqui dicebant, pro *hædum*: *Folus*, pro *holus*: *Fostis*, pro *hostis*: *Fostia*, pro *hostia*. *Formiæ* ex Græcò *hormiæ*. *Hanula*, parva delubra & quasi fanula. *Horreum* prisci dicebant *farreum*, à *farre*.

Don2-

Donatus in Phorm. act. 4. sc. 4. *Hariolus est*, qui divinâ mente vaticinatur, quasi *Fariolus*, à *fari* & à *fandô*, cum *F* pro *H*, & item *H* pro *F*, in multis locutionibus ponatur, an quod imitantur adspirationem in exhalandô: nam *halitu* solent excludere velut mortalem animam ut divinam recipiant: unde & vocem ejusmodi dabant, quæ est *OE*, quod *OE* sonus exhalandi vim præstat. Ubi scribendum videtur *OH* vel *HO* aut *HOE*.

Servius in *Æn.* 7. *Halisci* immutatô *H* in *F*, *Falisci* dicti sunt, sicut *Febris* dicitur, quæ anie *hebris* dicebatur. *Formiæ*, quæ *hormiæ* fuerunt.

Varro. lib. 3. rei rust. cap. 1. *Colles* vocant *Tebas* sine afflatu, id est, sine *H* literâ.

Scaurus iterum de Orthogr. Nec minus consonantes inter se mutuis vicibus funguntur, ut *F* & *H*. Utraque enim flatus est, quare quem antiqui *Fircum*, nos *Hircum*, & quam *Falisci* *Habam*, nos *Fabam* appellamus, & quem antiqui *Fariolum*, nos *Hariolum*.

Quintilianus lib. 1. c. 5. & 7. Illa vitia non nisi aure exiguntur, quæ fiunt per sonos: quanquam per adspirationem, si vè adjicitur vitiosè, si vè detrahatur, apud nos potest queri, an in scripto sit vitium, si *H* litera est, non nota. Cujus quidem ratio cum temporibus mutata est scæpius. Parcissimè eâ veteres usi etiam in vocalibus, cum *Oedos* *Ircosque* dicebant. Diu dein servatum ne consonantibus adspiraretur, ut in *Graccis* & *Triumpis*. Erupit brevi tempore nimius usus, ut *Choronæ*, *Chenturiones*, *Præchones*, adhuc quibusdam inscriptionibus maneat: quâ de re *Catulli* nobile epigramma est. Inde durat ad nos usque vehementer & comprehendere & mihi: nam *mehe* quoque pro *me*, apud antiquos *Tragœdiarum* præcipuè scriptores in veteribus libris invenimus. Fortasse sicut scribebant, etiam ita loquebantur. Hic enim usus est literarum, ut custodiant voces, & velut depositum reddant legentibus. Itaque id exprimere debent, quod dicturi sumus. In quam sententiam *Papyrianus*: *Aliter scribere, aliter pronnciare v. accordis est Galli.*

Ex istis primum discimus, nomen *H* literæ fuisse *HA*, ut à Germanis pronunciatur, non *ACA* Italicorum, neque *ACHE* Hispanorum, quod illi perinde pronunciant, ac si Hetruscè *ACIE*, Germanicè *Aische* / Gallicè *At-che* scriptum foret. Nimirum ex *Ha* primum factum fuerat *Ab*, quod alii pronuntiârunt, ut *Ach*, sicut ex *mibi* fecerunt *michi*. Inde porrò natum est Italicum *Acha* vel *Aca*: unde postea Hispani & Galli plus etiam literæ appellationem corruperunt.

Deinde discimus, *H* esse literam consonantem, nequicquam reclamantibus Varrone & Nigidiô Figulô, maximis Romanorum literatoribus, quorum plurimis aliis, quæ ridiculè, atque adedò stolidè censuerunt, hoc addamus licet, quod *H*, non esse literam statuerunt, eò quod sit *adspirationis nota*. At enim non propterea *F*, litera esse disinit, quod sit flatus nota, neque *S*, quod sit nota sibili, neque *R*, quod sit nota rictûs.

Præterea discimus, Romanos solitos *H* pronunciare, sivè eam in scribendò vocalibus præmitterent, sivè consonantibus subjicerent. Itaque aliter efferebant *Ave*, aliter *Have*, sic aliter *commoda*, aliter *chommoda*: nec dubium est aliter *Tebas*, aliter *Thebas* efferri solitum; hoc scilicet cum afflatu, ut Varro vocat, illud sine eò. *Afflatum* verò Varro improprie vocat *adspirationem* sivè *exhalationem*. Aliud quippe *flare* est, aliud *halare* seu *spirare*, sivè *halitum* emittere. *Flat*, qui *F* pronunciat: *Halat*, qui *H*. Arrius Catullianus consonantibus & vocalibus pariter adspirabat, sivè *H* proferebat etiam, ubi minimè opus erat, ut *Chommoda*, *hinsidias*, *mather*, *havus*, *havunculus*. Assentior enim iis, qui partim veteris scripturæ vestigia persecuti, partim conjecturâ ducti, sic legunt Catulli epigramma:

*Chommoda dicebat, si quando Commoda velles :
Dicere, & Hinsidias Arrius Insidias :*

Et

*Et tum merificè sperabat se esse locutum ,
Cum quantum poterat, diceret Hinfidias.
Credo, sic Mather, sic liber Havunculus ej est ,
Sic Mathernus, Havus dixerit, atque Havia.*

Hos versus multi Italorum non si capitis res agatur pronunciare sciunt, sed neque quomodo pronuncietur, suspicari possunt, nisi Arbitri Eumolpum illum cum maximè nequam facientem capere magistrum velint, de quò rivalis ejus verba sunt: *Unus, & senex non erit gravis. Etiam cum voluerit aliquid sumere, opus anhelitu prodeat: aut illum, ad quem poëtæ versus est: Quod lateri parcas, nec quantum jussit, anheles.* Hispani non ferè *H* pronunciant, nisi cum pro *F* positum est, ut in *Haba*, pro *Faba*, in *Hacer*, quod est *facere*: in quò Romanos imitantur. *Ave* tamen dicunt, cum *Fabius* ætate suâ molliorem magisque tritam viam fuisse testetur adspirandi, id est *Have* pronunciandi.

K.

Priscianus lib. i. *K & Q*, quamvis figurâ & nomine videantur aliquam habere differentiam cum *C*, tamen eandem tam in sonò vocum, quam in metrò continent potestatem. Et *K* quidem penitus supervacua est: nulla enim ratio videtur, cur *A*, sequente *K*, scribi debeat.

Scaurus de Orthogr. Antiqui in connexionè syllabarum, ibi tantum *K* utebantur, ubi *A* litera subjungenda erat: quoniam multis vocalibus instantibus quoties id verbum scribendum erat, in quò retinere hæc litera nomen suum possent, singulæ pro syllabâ scribebantur, tamquam satis eam ipsò nomine explerent, ut puta *Decimus*, *D*, per se im dicimus. (lego: *D*, per se, inde cimus) item *cera*, *C* simplex & *ra*: & *Bene*, *B* & *ne*: ita & quoties *Kanus* & *Karus* scribendum erat, quia singulis literis primæ syllabæ notabantur, *K* prima ponebatur, quæ suò nomen *A* continebat: quia si *C* posuissent, *Cenus* & *Cerus* futurum erat, non *Canus* & *Carus*.

Sententia est veterum morem fuisse, ut *DCEM* vel *DCM* esset *Decem*, quia *E* continetur in *D & C*. *BNE* sonaret *Bene*. *CRA*, *Cera*. *KNUS*, *Carnus*. *KRUS*, *Carnus*. *CNUS*, *Cenus*. *CRUS*, *Cerus*.

L.

Priscianus lib. 1. *L* triplicem, ut Plinio videtur, sonum habet. *Exilem*, quando geminatur secundo loco posita, ut *Ille*, *Metellus*: *Plenum*, quando finit nomina vel syllabas, & quando habet ante se in eadem syllabâ aliquam consonantem, ut *Sol*, *silva*, *flavus*, *clarus*. *Medium* in aliis, ut *lectus*, *lecta*, *lectum*.

Hanc sonorum ejusdem literæ varietatem nemo est hodie qui dijudicare possit, nisi quod suspicari licet, hodiernam literam, quam Itali per *GL*, Hispani per *LL*, exprimunt in *Capegli & Cabellos*, aliquam cum exili sono illo affinitatem habere, de cujus pronuntiatione mox agemus, ubi ad duplices consonantes perventum fuerit.

M.

Quintilianus lib. 9. cap. 4. *M* litera, quoties ultima est & vocalem verbi sequentis ita contingit, ut in eam transire possit etiam si scribitur, tamen parum exprimitur, ut *malum* ille & quantum erat: adeo ut parte cujusdam novæ literæ sonum reddat, neque enim eximitur, sed obscuratur, & tantum aliqua inter duas vocales velut nota est, ne ipsæ coëant.

Priscianus lib. 1. *M* obscurum in extremitate dictionum sonat, ut *templum*: *Apertum* in principio, ut *magnus*: *Mediocre* in mediis, ut *umbra*. *Transit* in *N*, & maxime *D* vel *T* vel *C* vel *Q* sequentibus, ut *Tam*, *tandem*: *tantum*, *tantundem*: *idem*, *identidem*: *num*, *nuncubi*: & ut Plinio placet, *nunquis*, *nunquam*. *Anceps* pro *Ambiceps*. *A* *M* enim prepositio, *F* vel *C* vel *Q* sequentibus, in *N* mutat *M*: ut *Anfractus*, *ancisus*, *anquiro*: vocali verò sequente intercipit,

pit B, ut Ambitus, ambefus, ambuftus, ambages : nec non etiam in comburo, combuftus idem fit. Immo verò comburo formatum fuit ad exemplum verbi amburo, quod fuit compositum ex ambi five ambe (ficut heri & here) & uro. Ambe porro factum est am, & ex hoc an, ficut a ex ab, & hoc ex abs. Ambi autem est à Græcò ἀμφί, & significat circum. Festus : A M præpositio loquularis significat circum, unde servus ambaftus, id est circumaftus dicitur. A M ex Græcâ præpositione sumtum, quæ est ἀμφί, significat circum. Hinc Ambegni bos & vervex appellabantur, cum ad earum utraque latera agni in sacrificium ducebantur. Varro de lingua Lat. lib. 6. Ambages profectum est à verbo ambe, quod est in ambitu. Ambuftum, quod circum uftum est, ut Ambiegna bos apud augures, quam circum aliæ hostiæ constituuntur. Ancilia dicta ab Ambecifu, quod ea arma ab utrâque parte incisa. Et lib. 4. Amictus est dictus amjectus, id est, circumjectus. Amnis id flumen est, quod circuit aliquid: nam ab Ambitu amnis. Sed fieri potest, ut comburo, ex con & buro factum fuerit, cum à buro profectum videatur buftum seu buftar, id est ufti cadaveris locus, ficque buro effet ex Græco πυρ. πυρ verò ignem significat.

Annæus Cornutus de Enunciatione : Si duo verba conjungantur, quorum prius M consonantem novissimam habeat, posterius à vocalibus incipiat, M consonans perscribitur quidem, cæterum in enunciandò durum & barbarum sonat. At si posterius verbum quamlibet consonantem habuerit, vel vocalem positam locò consonantis, servet M literæ sonum. Par enim atque idem est vitium ita cum vocali, ficut cum consonante M literam exprimere. Tamarus & quamtus, in mediò M habere debent : quam enim & tam est : unde quamtitas, quamtus, tantus : nec quosdam moveat, si M non sonat. Tam enim docui, non sonare debere, tamen si in scriptura M posita sit.

Velius Longus : Ipsa N litera in locum M cedit, ut cum dicimus, clandestinum, cum ab eò trahatur, quod

est clam. Item sinciput, quod est semicaput: ex eò scilicet factum, semicaput, semiciput, sinciput.

Idem: Cum dico, Etiam nunc, quamvis per M scribam, nescio quomodo tamen exprimere non possim. Nonnulli Synalaphas quoque observandas circa talem scriptiorem existimaverunt, sicut Verrius Flaccus, ut ubicumque prima vox, M litera finiretur, sequens à vocali inciperet: M non tota, sed pars illius prior tantum scriberetur, ut appareat exprimi non debere.

Cicero in oratore: Quid? illud non olet unde fit, quod dicitur cum illis, cum autem nobis, non dicitur, sed nobiscum? quia si ita diceretur, obscœnius concurrerent literæ, ut etiam modo, nisi autem interposuissem, concurrissent. Ex eò est mecum & tecum, non cum me & cum te, ut esset simile illis: vobiscum atque nobiscum.

Quintilianus lib. 8. cap. 3. Vitanda est junctura deformiter sonans, ut si cum hominibus notis loqui nos dicimus, nisi hoc ipsum hominibus medium sit, in ἡμετέροις videmur incidere: quia ultima prioris syllabæ litera (M puta in Cum) quæ exprimi nisi labris cœuntibus non potest, aut ut intersistere nos indecentissimè cogit, aut continuata cum (N) insequente in naturam ejus corrumpitur.

Sententia horum Tullii & Fabii verborum est, M sequente N, pronunciari ut N. Itaque cum nobis, sonat cum nobis, ubi auditur obscœna vox cummo, quam deformitatem seu turpitudinem ut vitarent, dixerunt pro eo nobiscum, posteaque ad idem exemplum vobiscum, mecum, tecum. Idem hodie fit ab Italis, qui omnia dicunt pro omnia.

Victorinus Artis Gram. lib. 1. Clari in studiis viri, qui aliquid de Orthographiâ scripsere, omnes ferè ajunt, inter M & N literas mediam vocem, quæ non abhorreat ab utrâque literâ, sed neutram propriè exprimat, tam nobis deesse, quam Græcis: cum illi Sambyx scribant, nec M exprimere, nec N.

N.

Priscianus lib. 1. N plenior in primis sonat, & in ultimis partibus syllabarum, ut nomen, stamen: exilior in mediis, ut amnis, damnum. Transiit in G, ut Ignosco, ignarus, cognosco, cognatus. Et sequente G, vel C, pro eâ G scribunt Græci: & quidam tamen vetustissimi auctores Romanorum Euphoniæ causa bene hoc facientes, ut Agchises, agceps, aggulus, aggens: quod ostendit Varro primò de origine linguæ Latinæ his verbis: Aggulus, aggens, agguilla, iggerunt. In ejusmodi Græci & Aelius noster binam G, scribunt, alii N & G, quod in hoc veritatem facile videre non est. Similiter agceps & agcora. Hæc Priscianus.

Nigidius Figulus in Commentariis Grammaticis: Inter literam N & G, est alia vis, ut in nomine anguis, & angaria & ancora & increpat & incurrit & ingenuus. In omnibus enim his non verum N, sed adulterinum ponitur: nam N non esse lingua indicio est: nam si ea litera esset, lingua palatum tangeret. Cum enim nos dicimus, neque projectis labris pronunciamus, neque profuso, intentoque flatu vocis, sed & spiritum & labias quasi intra nosmet ipsos coercemus.

Q.

Quintilianus lib. 12. cap. 10. Duras facit syllabas, Q, quæ ad conjungendas demum subjectas sibi vocales est utilis, alias supervacua, ut equos ac equum scribimus, cum ipsæ etiam hæ vocales duæ efficiant sonum, qualis apud Græcos nullus est, ideoque scribi illorum literis non potest.

Idem lib. 6. cap. 3. Cum is candidatus, qui coqui filius habebatur, coram Cicerone suffragium ab aliò peteret, Ego quoque, Cicero inquit, tibi jure favebo, pro ego coque.

Donatus in Adelph. act. 3. sc. 3. Ciceronis dictum refertur in eum, qui coqui filius secum causas agebat: Tu quoque aderas huic causæ: nam apud veteres coquus non per C, literam, sed per Q, scribebatur.

Velius Longus : Cocum , nonnulli in utrâque syllabâ per Q , scribunt , nonnulli & insertâ U . In verbô etiam coquere , pro quoquere : Nisus censet ubique C , literam ponendam tam in nomine , quam in verbô.

Idem : De Q litera quæsitum est , & multi illam excluderunt , quoniam nihil aliud sit , quam C & U , & non minus possit scribi quis per C , & U , & I , & S . Ideoque nonnulli quis & quæ & quid , scripserunt quis , quæ , quid , quoniam scilicet in Q , esset C & U .

Idem : Quor est cui re , quod significat ob quam rem . Ex hâc retinuit consuetudo hodierna , ut diceremus quare : Quod unâ syllabâ castigatum sit cur , quod nos contenti sumus per C scribere .

Festus : Quando & Quando ab Enniô scriptum invenitur . Quaxare , pro coaxare , rana dicuntur , cum vocem mittunt . Querquera à Græcô *κέρκερα* certum est dici , unde & carcer . Querquetum , pro quercetum .

Priscianus lib. 1 . Apud antiquos frequentissimè locô C U syllabæ , Q U U ponebatur , & è contrariô , ut Arquis , coquus , oquulus , quum , quur .

Donatus in Andr. act. 1 . sc. 1 . Cui , per Q veteres scripsere . Nimirum nihil inter qui & cui interest , nisi quod diphthongus aliter atque aliter effertur , ut scilicet modo U , modo I integrum tempus consumat .

Scaurus de Orthogr. Quis , quidam per cuius scribunt , quoniam supervacuam esse Q literam putant . Sed nos C in dativô ponemus , ut sit differentia cui & qui , quanquam secundum analogiam omnes partes orationis , quæ per casus declinantur eandem literam in primâ parte omnis casûs servant , quam in nominativô habuerint . Cum , quidam , nonnulli quom scribunt , quidam etiam esse differentiam putant , quod præpositio quidem per C , adverbium autem per Q debeat scribi , ut Cum Claudiô , quom legissem : quoniam antiqui pro hâc adverbio cume dicebant , ut Numa in Saliari carmine .

Annæus Cornutus de Orthograph. Quotidie , sunt qui per C O , cotidie scribant , quibus peccare licet desinere ,

nerent, si scirent inde tractum esse à quot diebus, hoc est, omnibus diebus.

Papyrianus: Reliquiæ & Reliqui per C, scribebantur. Cotidie per C & O dicitur & scribitur per Q, quia non à Quotodie, sed à continenti die dictum est.

Victorinus Artis Grammat. lib. 1. Licinius Calvus Q, litera non est usus. Antiqui cum adverbium, scribebant quatuor literis quom, sed pronunciabant tamen perinde, ac si cum scriptum esset.

R.

R, omnes hodie, nisi quibus blæsa est lingua, rectè pronunciant, inprimisque Hispani, qui eam geminant, ut in *Honrra*, sicut Romani fecerunt in *narrare*, pro *narare*, id est, *narum* vel *gnarum* seu scientem facere.

Papyrianus: *Narare*, per unum R, scribitur, ut Varro placet. Secutus est enim etymologiam nominis ejus, quâ *gnarus* dicitur, qui scit & accipit quod loqui debeat. Denique compositio verbi ita scribitur, ignorare, quæ non per duo R, sed per unum scribitur, ideo & *naratio* unum R, habere debet.

Festus: *Torum*, ut significat torridum, aridum, per unum quidem R, antiquâ consuetudine scribitur, sed quasi per duo R, scribatur, pronunciari oportet: quoniam antiqui nec *mutas*, nec *semivocales literas* geminabant, puta in *scriptione*.

Priscianus lib. 1. Antiquissimi pro ad, frequentissime ar ponebant, ut in *arvenas*, *arventores*, *arvocatos*, *arfinas*, *arvolare*, *arfari*, *arcio*, unde *arcesso*. Ager pro *agger*, qui dictus ab *adgerendô*.

Festus: Antiqui dixerunt *malosibus*, ex quo factum, *majoribus*, *meliosibus*, *lasibus*, *feis*: ex quibus facta, *melioribus*, *laribus*, *feriis*. Sic *furui* factum ex *priscô fusui*. Dicebant veteres similiter *Labos*, *color*, *odor*, *arbor*. *Dasi*, pro *dari*, & *plissima*, pro *plurima*.

Servius in Æn. 4. *Veteres Asas dicebant, postea immutata litera S, in R, Aras dixerunt, sicut Valesios, Valesios: Fusios, Furios.* Ita Cicero ad Pætum Papyrios prius dictos ait *Papyrios*.

S.

S, nota sibili est, sed ex illis, non illius denso aut pinguis, qui *strepitus* rectius dicatur, quem Germani tribus literis exprimunt *SEHA/SEHE/SEHJ/* Hetrusci verò sic SCIA, SCIE, SCIO, Galli hoc modò CHA, CHE, CHI. Hispani veteriore pronunciandi ratione per XA, XE, XI, aut per *j* oblongum, quod illi Jota vocant *ja, je, ji*, aut per *g*, sequentibus dumtaxat *e* aut *i*, *ge, gi*. Itaque *Oxcare* (quod Hispanis est gallinas aliaque aves vocis strepitu abigere à voce Ox, Ox,)

Germani scribunt *Oscheare*/ Galli *Ocheare*, Hetrusci *Oscieare*. Sed proprium ei sono characterem inventum oportuit, qualis esse poterat illa Jurisconsultorum Paragraphi nota §. Verùm ego Romanos nullò strepitu in pronunciandò usos puto, contra quam hodie faciunt non modò Galli *ge & je & che* pronunciantes, aut Germani, qui *Statum*, seu *schatum*, *Sponte* seu *schponte*, *Scammum* seu *schammum*, *Suavis* seu *schavis* molestissimò strepitus genere efferrunt, sed ipsi etiam Hetrusci in *Scipio*, *scire*, *discere*, & similibus, quæ Romanis erant *Skipio*, *skire*, *diske-re*, exili illò sibilò, quem omnium optimè Hispani edere solent, aded ut *cassus* & *divissio* dicant, pro *casus* & *divisio*, quod & Romanos factitasse scimus.

Quinctilianus lib. 1. cap. 7. Cicero, & Virgilius scribebant caussa, cassus, divissiones, quod manus eorum docent. Sed paulum superiores etiam illud, quod nos gemina S dicimus jussi, una dixerunt jussi.

Festus: *Dusmosò* in locò apud Livium significat dumosum locum. Antiqui enim interferebant S, literam & dicebant cosmittere, pro committere & casmoenæ,

pro

pro camœnæ. Sic pœnas, pro pœnis & cœnas, pro cœnis. Dicebant quoque stlocum, pro locum, stlitem, pro litem, stlatam, pro latam, strenam, pro trenam, stritavum, pro tritavum.

Id. Serpentes dicimus ex Græcô, quod illi $\epsilon\pi\tau\alpha$ nos pro adspiratione eorum S litera posita, ut $\epsilon\zeta$ sex, $\epsilon\pi\tau$ septem.

Priscianus lib. 1. S saepe pro adspiratione ponitur in his dictionibus, quas à Græcis sumimus. Semis, sex, septem, se, si, sal. Et Bæoti in quibusdam dictionibus pro S, solebant H scribere, muha, pro musa dicentes, propter cognationem literæ S cum H.

Maximus Victorinus: Antiqui S literâ quasi pro liquenti uiebantur, ineruditâ adhuc novitate, quod posteriores poëta non ferunt, Lucilius: Tum lateralis dolor certissimus nuncius mortis: pro, Tum laterali dolor certissimu nuntiu mortis.

Agrætius de Orthogr. Apud Latium, unde Latinitas orta est, major populus & magis egregiis artibus pollentes Tusci fuerunt, qui quidem naturâ linguæ suæ, S, literam raro exprimunt. Hæc res fecit haberi liquidam.

Cledonius in Arte: Quia S, superflua invenitur, interdum & ipsa liquefcit in metrô, quia sibilus magis est, quam consonans.

Virgil. Æn. 1. Troas reliquias Danaum atque immittis Achilli. Ubi Servius: Propter homoteleuton detraxit S, literam, quæ plerumque pro sibilô habetur, non solum necessitatis, sed etiam Euphoniæ causâ, ut Sallust. A principio, Urbis ad bellum Persi Macedonicum. Detrahatur autem S, tertiæ declinationis genitivô.

Charisius lib. 1. Varro genitivô hujus fami dixit, cum famis sit rationis. Herculi, pro Herculis & Ulyxi, pro hujus Ulyxis dici cœptum est, inquit Plinius, ut fortis Achatî, acris Oronti.

Prisc. lib. 6. Sciendum in nominibus tertiæ declinationis frequentissimè veteres dativum protulisse pro genitivô, Aristoteli, Demostheni, Euripidi, pro Aristotelis, Demosthenis, Euripidis ponentes, ut Virg. Cic. Terens.

Victo-

Victorinus lib. 1. Artis : Nemo & nullus quorum genitivum aliter , quam nos , veteres extulerunt : Nemini enim & nulli dixerunt : item bonæ frugis quoque , nos omiffâ parte ejus solum frugi scribimus.

T.

T, rectè hodie pronunciatum ab omnibus , nisi ubi I cum aliâ vocali eam consequitur. Tum enim additô ei sibilo , perinde eam efferunt , ut z : nam *litium* dicunt *lizium* seu *lisium* : quod quidem satis scio , Romanorum nemo intelligeret. Maximè tamen in eâ efferendâ ridiculi sunt Galli , quos cum *intentio* dicentes audias , *intentio* an *intensio* illa sit , discernere haud quaquam possis. Hispani in linguæ suæ vocabulis , & sine ullô sibilô efferunt : adeoque Sacerdotem , ego in Hispaniâ ad altare canentem audiui : *Et ne nos inducas in tentathionen* : quô modô & Itali *Malatia* dicunt , quasi esset *Malathia*. Non potest vocalis post i posita eam habere vim , ut sonum illum , qui t literæ suus ac proprius est , immutet. Nam , ut ait Fabius , *hic est usus literarum , ut custodiant voces , & velut dispositum reddant legentibus*. Itaque si in *justi* , sonus literæ t , est affinis sono d , ac sine ullô sibilô , non potest ille alius atque alius esse in *justitia*.

D E

CONSONANTIBUS DUPLICIBUS.

X.

Quintilianus lib. 1. cap. 4. X literâ carere potuimus , si non quæsissemus :

Annæus Cornutus de Orthogr. Varro X literam esse negat : in quô quid viderit , nondum deprehendi.

Victo-

Victorinus Artis Gram. lib. 1. Latini voces, quæ in X literam incidunt, si in declinatione earum apparebat G, scribebant G & S, ut conjugs, legs. Nigidius in libris suis, X literam non est usus, antiquitatem sequens.

Priscianus lib. 1. X duplicem locum C & S, vel G & S, postea à Græcis inventam, assumimus, ut Dux ducis, Rex regis.

Charisius lib. 1. Merx, Sallustius merces dixit. Sic faces antiqui pro fax, teste Festo: quomodo etiam hodie Italos dicentes audias: Pacer (seu paches, pakes, paques) huic domui, pro pax.

Servius in Æn. 1. Adnixus antiquum est, ut connixus, quibus hodie non utimur. Dicimus enim adnifus & connifus. Et in Æn. 8. Galli Senones dicti sunt, quod Liberum patrem hospitio recepissent, quasi Xenones: cum ξένος Græcum significet hospes.

Festus: Senonas Gallos Verrius ait existimari appellatos, quia novi venerint ex transalpinâ regione, ac primum appellatos Xenos, postea Senonas.

Cicero in Oratore: Verba sæpe contrahuntur non usus causâ, sed aurium: quomodo enim vester Axilla, Ahala factus est, nisi fugâ literæ vastioris? quam literam etiam è maxillis, è taxillis, & vexillò, & paxillò, consuetudo elegans Latini sermonis evellit. Maluerunt scilicet dicere Malas, talos, velum & palum. Ita & sedecim, pro sexdecim, sedigitus, pro sexdigitus. Sic Avaulla prisca fuit olla parvula. Fest.

Z.

Maximus Victorinus de Literâ: Literæ peregrinæ sunt Z, & Y, quæ propter Græca quædam assumptæ sunt, quæ si non essent, pro Hylas & Zephyrus diceremus Hoelas & Dsephurus. Z, apud nos loco duarum consonantium fungitur DS.

Diomedes lib. 2. Z, admissa nominum Græcorum causâ. Pro hac veteres quidam I, vocalem, nonnulli duas SS, ponere solebant, unde Zugum dictum est veluti ζυγόν, &

et Jupiter velut ἕως pater : Messentius et pitissare, et cætera huiusmodi usum veterem declarabant.

Prisc. lib. 1. Pro Z, quod pro SS, conjunctis accipitur, veteres inveniuntur vel S, vel D, posuisse, ut Saguntum, pro Σαγύνθου. Massa, pro Μαζα. Setus, pro Σεῦθος. Odor δὲ τοῦ ἰζεύ. Medentius, pro Μεζεντίus discentes.

Annæus Cornutus de enunciatione : Z, in antiquis libris modo scripta est, modo non : sed pro illa duæ SS, ponebantur, ut Crotalizo, crotalisso, Malacizo, malacisso, et his similia.

Velius Longus : Sciat Mezenium solitum scribi per duo SS, et sic enunciari.

CH.

Hæc consonans duplex est χ, Græcorum, id est c vel k cum spiritu, quam soli hodie Germani rectè pronunciant : proximè accedunt Hetrusci cum anferinò seu gutturali suò CA, CO, QUA, ut cum dicunt Duca, Quaranta, pro quibus Germanus scriberet, Ducha, Chuvaranta : similiterque Hispani cum recentiore pronunciatione à fæminis inductâ, dicunt Muger, Baxo, quod Germanis est Mucher, Bacho. Galli enunciare non possunt, & in Gallia Cisalpina pauci. Cæterum che hodie Itali efferunt, ac si esset Germanicum ke, Gallicum & Hispanicum que. Pro che, Galli dicunt Italicum scie, Germanicum sche / cum strepitu scilicet, de quò supra cum de S, ageretur, dictum satis est. Hispanis autem che est Italicum ce, Germanicum tsche / quod Galli efferunt, si t, ante che exprimant. Sed Romani sine dubiò per c gutturale efferebant, velut ex Catulli epigrammate supra patuit.

Quintilianus lib. 1. cap. 5. Diu servatum, ne consonantibus adspiraretur, ut in Graccis et Triumpis. Erupit brevi tempore nimius usus, ut Chorona, Chenturiones, Præchones adhuc quibusdam inscriptionibus maneat, quâ de re Catulli nobile epigramma est.

Servius

Servius in Geor. 3. *Tria veteres habebant nomina, in quibus C, litteram sequeretur adspiratio, Sepulchrum, Orchus, pulcher: è quibus pulcher tantum hodie recipit adspirationem.*

Idem in Æn. 6. *Thus & Orchus veteres dicebant & Lurcho, id est vorax: quibus sequens ætas detraxit adspirationem.*

Scaurus de Orth. *Negat Varro Gracchus adspirandum, quoniam à gerendò sit cognominatus. Matrem enim ejus, qui primus Gracchus sit dictus, duodecim menses uterum gessisse. Et pulchrum quamvis in consuetudine adspiraretur, nihilominus tamen ratio exiliter C, enunciandum & scribendum esse persuadet, ne una omnino dictio adversus Latini sermonis naturam in mediò adspiraretur: quamvis Santra à Gracis putet esse translatum, quasi πολυχεῖν.*

Victorinus Artis Gram. lib. 1. *Legistis præceptum antiquorum, qui ajunt scribi omnibus literis oportere corona, anchora, sepulchrum, brachium, pulcher: in enunciandò autem H elidere.*

P H.

Priscianus lib. 1. *Eum prope sonum, quem nunc habet F, significabat P, cum adspiratione, sicut etiam apud veteres Græcos pro φ, π & H. Unde nunc quoque in Græcis nominibus antiquam scripturam servamus pro φ. P & H ponentes, ut Orpheus, Phaeton: postea verd in Latinis placuit, verbis, pro P & H, F scribi, ut tama, filius, facio. Hoc tamen scire debemus, quod non tam fixis labris est pronuncianda, F, quomodo P H. Atque hoc solum interest inter F & P H.*

T H.

Hujus in Græcis modò vocibus usus est, eamque omnes hodie exiliter, ut pronunciamus, sed sine dubiò vitiosè Hodierni quidem Græci θις longe aliter efferunt, quam nos Theos, sed id nisi vivâ voce declarari non potest. Adspirationem aliquam, sive ut Varro vocat afflanum, in eâ audiri oportere certum est.

P S.

P S.

Priscianus lib. i. *Litera S*, præponitur *P*, & locò ÷ *Græcæ* fungitur, pro quâ *Claudius Cæsar* antisigma hæc figurâ *SC* scribi voluit, sed nulli ausi sunt antiquam scripturam mutare: quamvis non sine ratione hæc quoque duplex à *Græcis* addita videatur: nam multò molliorem & volubiliorem sonitum habet ÷, quam *P S*, vel *B S*.

C O N S O N A N T E S

Duplices Novitiæ.

G L. L L.

Itali & *Hispani* hanc consonantem duplicem usurpant, quam *Latini* ignorarunt, & *Germani* hodie difficillimè pronunciant. Qui *Latini* sunt *capilli*, *Italis* dicuntur *capegli*, *Hispanis* *cabellos*: ubi eodem modò *gl* & *ll* pronunciat. *Hispani* etiam in vocum principiis eâ consonante utuntur, ut in *Llano*, *Lleno*, *Llorar*, *Lluvia*. Sed revera hic sonus suum proprium characterem desiderat, cum nec *gl*, nec *l* duplex eum exprimat. *Germani* ut eum efferre discant, scriptum putent *capelij*, *cabelios*, sic tamen, ut prior vocalis *i*, cum sequenti *i* vel *o*, in unam velut diphthongum coalescat, fiatque *i* consonans, quam vulgò vocant: aut fingant scriptum *capejili*, *cabejilos*, sic ut illud prius *i*, velut consonans, alterò *i*, velut absorptò efferatur.

G N. N N. sive N cum apice.

Ex *Latinò Senior*, quo *Gothi* pro *Dominò* usi fuerunt, *Hispani* *i* in *n* converso, fecerunt *Sennor*, sive ut ipsi scribunt *Señor*, ex eò postea *Itali* *Signor*, *Gal-*
li

li *Seigneur*, unde porrò nata sunt *Seor*, *Ser*, *Misser*, *Sire*, *Monsieur*: quod contra Latinos olim *n* & *l*, conversò in *i*, ex Græcis *Αυλιαν*, *ἀμύναν*, *Menius*, *melius*, *melior*, ex *ἀλλοῦ* alius, ex *ἀλλοι* salio, ex *φύλλον* folium formasse Festi emendator observavit, qui tamen fallitur, cùm id semper eos factitasse censet. Ex *ἑρπυλλον* enim eos non *serpilium*, sed *serpillum* fecisse constat. Cæterum & huic sono suum ac proprium characterem effectum oportebat, cum eum nec *gn*, nec *n* duplex efficiat. Romani, *g* nondum inventò, *pugnare* scribebant, à cuius vocis sonò sive Italicum *pugnare*, sive Hispanicum *pumare* diffidet longissimè: quem quidem Germani multum fudant, ut efferre discant, eòque id magis, quod *n*, ante *g* pronunciant. *Mangnus* enim dicunt pro *magnus*. Oportet ergo ut prius *n*, in *Sennor*, vel *g*, in *Signor*, illud ipsum *n* esse meminerint, quod Nigidius supra *adulterinum* esse dixerat, quale in *Ancus*, *angor*, *incius*, *ingratus* exauditur: posterius autem *n*, velut *i* consonantem exprimant, quæ cum sequente vocali in diphthongum coëat, quasi esset *Sen--ior*.

D E

À C C E N T U.

Cicero in Oratore: Quid hòc elegantius, quod non sit naturà, sed quòdam institutò? Inclitus dicimus brevi primà literà, insanus productà, inhumanus brevi, infelix longà, & ne multis, quibus in verbis eæ primà literæ sunt, quæ in sapiente atque felice, productè dicitur, in cæteris omnibus breviter, itemque, composuit, consuevit, concrepuit, confecit. Consule veritatem, reprehendet: refer ad aures, probabunt, quære, cur? Ita se dicent iuvare. Voluptati autem aurium morigerari debet oratio.

Putant viri docti, qui priores de pronunciatione
O linguæ

linguæ Latinæ commentati sunt, Ciceronem non de syllabæ, sed de literæ quantitate loqui. At nos mox dabimus, qui perspicuè idem de syllabis dicant. Sed esto: qui tandem fit, quod nostræ aures non hōc magis sonō, quàm illō juvantur?

Maximus Victorinus: In & Con, præpositiones aliquando corripuntur: sequentibus S, vel F, literis producuntur, ut instare, infidus: & cæteris omnibus corripuntur, ut inconstans, imprudens.

Varro lib. 8. de lingua Latinâ: Quidam reprehendunt, quod pluit & luit dicamus in præsentī tempore. Falluntur: nam est, ac putant aliter: quod in præteritis U, dicimus longum, in præsentī breve. Ideoque in venditionis lege fundi, ruta cæla ita dicimus, ut U, producamus.

At enim in præsentī non minus Luu—it, U, longâ dixit Lucillius: Tantalus qui pœnas ob facta nefantia luit, quomodo in veteri librō Gifanius se legisse testatur. Et ruta, ubrevi habemus apud Virgil. Aut Idâ in magnâ radicibus eruta pinus.

Asconius Pedianus in Verrin. 3. Poscunt majoribus poculis. Sunt qui productâ scilicet O, literâ, poscunt legunt, quasi sæpe potant.

Consentius: Accentus ostendit diversam significationem unius dictionis. Pone, si verbum est, gravis est ultima: si adverbium, circumflexa.

Maximus Victorinus: Adverbium ponè, posteriore acutum recipit accentum, ne sit verbum.

Velius Longus: Multa nomina & contracta syllaba aliud significant, & producta: quomodo aliud sit producas Pila, & corripias Pila. Et locò rursus transmutatus accentus partes quoque orationis immutat, ut aliud est Circum, aliud Circum: aliud Ergo, aliud Ergo.

Servius in Æneid. 1. Maria omnia circum. In fine accentum ponimus contra morem Latinum: sed correptio hoc facit; nam præpositio postposita correpta est sine dubiō.

Festus: Ergo correptum significat idem, quod apud Græcos γάρ (igitur) producte idem quod χεῖρ, hoc est gratiâ

gratiâ seu causâ. Hic de productione non vocalis, sed syllabæ loquitur.

Quintilianus lib. 1. c. 5. *Si Cethegus primâ acutâ pronuncias, media mutatur. Ultima numquam acuitur, in dissyllabis prior.*

Idem cap. 6. eum irridet, qui salutans amicos, *Avete* sine adspiratione & productâ secundâ syllabâ dixerat. *Recta est (addit) hæc via: quis negat? sed adjacet & mollior & magis trita.*

Ergo ætate illâ *Havete* mediâ syllabâ (non literâ) correptâ dicebant, idque mollius pronunciatu, auditûque judicabant, quod nobis nihilô secius videtur, quam insomnia.

Agell. Noctium Artic. lib. 7. c. 7, *Probus Grammaticus & Anianus poeta, affatim, admodum, primâ acutâ pronunciabant. Gausam esse huic accentui Anianus dicebat, quod affatim non essent duæ partes orationis, sed utraque pars in unam coaluisset, sicut in exadversum, secundam syllabam debere acui existimabat, quoniam una, non duæ essent orationis partes. Addebat, quod ad, præverbium tum ferme acuereitur, cum significaret in i tu or, sive intentionem, sicut affabre & admodum & approbè dicuntur. Sed id non perpetuum videtur: nam & appotus cum dicimus & apprimus & apprimè, intentio demonstratur, neque tamen ad particula, satis commodè accentu acutò pronunciatur. Approbus tamen, quod significat valde probus, non inficias eo quin primâ syllabâ acui debeat. Igitur in istis vocibus, quæ non acuiuntur, ea causa est, quod syllaba sequitur naturâ longior, quæ non ferme patitur acui priorem in vocabulis syllabarum plurium quam duarum. In præmodum prima syllaba acuitur.*

Ita discimus cæteros plerolque in affatim & admodum mediam syllabam acutò accentu proferre solitos, nec locum habet doctissimi viri commentum de A brevi & longò. Similiter enim Agellius præmodum & admodum primâ syllabâ acui affirmat.

Idem lib. 9. cap. 6. *Ab eò, quod est ago & egi, sunt verba*

verba frequentativa actito & actitavi : quæ quosdam sanè non indoctos viros audio ita pronunciare , ut primam in his literam corripiant , quoniam in verbò principali , quod est ago , prima litera breviter pronunciatur . Cur igitur ab edo & ungo , in quibus verbis prima litera breviter dicitur , esito & unctito , primâ literâ longâ promimus ? & contra dictito à dico , correptè dicimus ? num ergo potius actito & actitavi producenda sunt ? quoniam frequentativa fermè omnia eodem modò in primâ syllabâ dicuntur , quò participia præteritii temporis ex his verbis , unde ea profecta sunt , in eadem syllabâ pronunciantur ; sicut lego , lectus , lectito facit , &c. Sic igitur actito productè in primâ syllabâ pronunciandum , quoniam ex eò fit , quod est ago & actus .

Hic perspicuè habemus , in actus & actio , non primam modò literam , sed & syllabam productè pronunciari debere , etsi alii docti homines eadem corripent .

Terentianus au , in Aurunci breve esse ait , adeoque barbarè produci , & eu semper esse breve , propterea quod e Græcum breve sit . Hoc quale sit , quis hodie vel suspicetur ? Verba ejus sunt :

*Au age , inquit ille vates : sæpe dixit ant ubi
Dixit Aurunci , quod æque barbarum est producere .*

Pes ubique lege constat prima cùm correpta sit

Au , tamen capere videtur sæpe productum sonum ,

Auspices cùm dico & Aurum , sive Græcus aurion .

Mira nec putanda nobis talis alternatio est .

Dichronon quod alpha notum est , sicut à nostratibus

Indè communem ministrat sola diphthongus sonum .

Eu , manet correpta , semper est quod E Græcum breve .

Literis sed E , latinis sæpe cum sit dichronos ,

Facta diphthongos nequibit esse producti soni .

Charisius lib. I. Calumnia primâ syllabâ correptâ effertur . Venit enim à verbò calvor , hoc est , frustror . Plinius Os , oris , productè efferendum censuit : Os , offis , correptè .

Dona-

Donatus in Andr. act. 1. sc. 1. *Filium perduxere ut una esset. Si producte, legatur esset, significat cibum caperet, sive ederet. Et Eunuc. act. 3. sc. 4. Ut de symbolis essemus. Melius essemus, productâ E, literâ.*

Servius in Æn. 5. *Edo habet & rectam, sed antiquam, declinationem, ut Edo, edis, edit: & anomalam, ut Edo, es, est: quarum secundæ & tertiæ personæ longæ sunt propter differentiam, Sum, es, est.*

Idem in Æn. 1. *Ibidem & ubinam, multi dubitant, ubi debeat esse accentus, quia ubi & ibi naturaliter breves sunt, sed ratione finalitatis plerumque producuntur in versu; nescientes hanc esse rationem, quia pronuntiationis causâ contra usum Latinum syllabis ultimis, quibus particulae adjunguntur, accentus tribuitur, ut mulâque, illêne, hujuscé. Sic ergo & Ibidem. Et infra: Ut, cum est quemadmodum, in pronuntiatione extenditur; quando temporis non est.*

Ibidem: *Sarpedon, ubi tot Simois correpta sub undis. In Sarpedon & in ultimâ syllabâ & in penultimâ possumus accentum ponere: nam Homerus & Sarpedonis declinavit & Sarpedonnis: unde & varius accentus est: nam si Sarpedonis, in antepenultimâ erit: si Sarpedontis, penultima habebit circumflexum, qui est in ultimâ syllabâ nominativi. Simois, hoc nomen integrum ad nos transit; unde suô accentu profertur: nam si esset Latinum, in antepenultimâ haberet accentum, quia secunda à fine brevis est. Vult scilicet Simois in hoc versu pronuntiari cum accentu in mediâ syllabâ, quamvis correptâ.*

Idem in Æn. 2. *Unâ ingens Periphas & equorum agitator Achilles. Ultima in Periphas accentum non habet, ne femininum sit, nec tertia à fine, quia novissima longâ est. Ergo RI, habebit accentum. Quid hoc loco dicent, qui inter vocalem longam & syllabam longam distinguunt?*

Idem in Æn. 6. *Exinde una pars orationis est, & in tertiâ à fine accentum habet, licet penultima longa sit.*

Idem in Æn. 7. *In Asia cum paludem significamus,*

A, longa est: cum de provinciâ dicimus, A, brevis est.

Idem in Æn. 10. Dum texit Imaona Halesus, id est, dum spoliat, nam tempus præsens est, non præteritum. Et texit, te primam syllabam corripuit, ut tantum positione longa sit. Et infra: Trophæum, declinatio Latina est: unde penultima habebit accentum. In numero verò plurali, quia tropæa dicimus, sicut Græci, nec aliquid inde mutilamus, erit Græcus accentus, sicut apud Græcos, scilicet tertiâ syllabâ à fine.

Donatus in Eunuc. act. 5. sc. 1. Si quando & primâ syllabâ acui potest & mediâ. Tamen variat sententiam.

Festus: Quando, cum gravi voce pronunciatur, significat quoniam, & est conjunctio. Quando, acutò accentu est temporis adverbium.

Idem: Inlex, productâ sequenti syllabâ, significat qui legi non paret. Corruptâ sequenti inductorem, ab illiciendò. Plaut. Persa: Impure, inhoneste, injurie, illex, labes populi. Idem Afin. Esca est meretrix, lectus illex est, amatores aves. Et Pœn. Qui illi male rei tantæ fuimus illices.

Idem: Muscerdus primâ syllabâ (non literâ) productâ stercus murum appellant.

Idem: Quincenctum, & productâ primâ syllabâ, & per C, literam usurpabant antiqui.

Diomedes lib. 1. Comperio, comperii. Compereo, comperii. Sed accentu discernitur sensus. Acutò enim accentu profertur, quoties pro eò accipitur, quod est rescii. Compereo verò circumflexò accentu declinatur, quoties pro eò accipitur, quod est, cum aliò perii. Comperieram enim facit.

Charisius lib. 1. Quoties de neutrò loquimur, corruptâ O, literâ dicimus, Duo millia. In accentu longò, duo homines, ambo homines.

DE EUPHONIA.

Euphonia seu Sonoritas est, quæ pronuntiatio-
nem auribus commendare quærit, ut suavi mini-
méque

méque odiosò sonò ad eas allabatur. Hujus causà Latini literarum alias omittebant, alias inferebant, alias mutabant.

Cicero in Oratore : *Inclitus dicimus primâ brevi, Insanus productâ. Consule veritatem, reprehendet: refer ad aures; probabunt, quere, cur? Ita se dicent jubarê. Voluptati autem aurium morigerari debet oratio. Pomeridianas quadrigas, quam postmeridianas, libentius dixerim.*

Velius Longus : *Meminerimus artis Orthœpejæ esse, ut si vè exili cum literâ Artibus, si vè cum plenâ Artibus scripseris, enunciationis sonum temperet.*

Idem : *Scito sermonem decori servire & aurium voluptati. Unde fit, ut sæpe aliud scribamus, aliud enunciemus. Cum dicimus, hic est ille, unum C, scribimus, & duo audimus. Considerandum quædam aliter scribi, aliter enunciari. Nam quibusdam literis deficiamus, quas tamen sonus enunciationis arcessit, ut cum dicimus virtus, perissequere ferè ad aures primam literam invenies.*

Idem : *In hac præpositione DE, quam dixi plenam præponi, animadvertendum illud, quod minuitur, si quando sequens vox à literâ E incipit; ut est deerrare, deesse: quâ enunciatione sufficit ipsa productio. Virgil. Vir gregis ipse caper deerraverat, atque ego Daphnin. Lucret. Talibus in rebus communi deesse salutis.*

Idem : *Sequenda est nonnumquam elegancia eruditum, quod quasdam literas lenitatis causâ omiserunt, sicut Cicero, qui Foresia & Megalesia & Hortesius sine N literâ, libenter dicebat.*

Hinc judicari potest, quam parum justî & æqui fuerint, quibus Lambinum notare libuit, tamquam Hortesium contra receptam scripturam malò novitatis studiò approbarit.

Servius in Æn. I. *Adplicat, secundum præsentem usum per D, prima syllaba: secundum antiquam autem orthographiam (quæ præpositionum literam consonam in vicinam mutabat) per P, secundum verò euphoniâ per A, tantum. Præpositio enim cum ad compositionem transierit,*


aut vim suam retinet, ut indico; aut mutat ultimam litteram, ut sufficio; aut perdit, ut Coemo. Hinc discimus veteres applicat scribere, sed applicat pronunciare solitos.

Quintilianus lib. I. cap. 7. *Quædam scribuntur aliter, quam enunciantur: nam & Gajus, C, litera notatur, nec Cneus eam literam in prænominis nota accepit, quæ sonat.* Sensus est: scribi Cajus & Cneus; pronunciari autem Gajus & Gneus.

Ibidem: *An cujusvis auris est exigere literarum sonos? non hercule magis, quam nervorum.*

Igitur Romani partim pronunciabant literas, quas non scribebant & quarum characteribus deficiebantur; partim eas, quas scribebant, non pronunciabant, vel certè aliter multò, quam vel ipsi in aliis vocibus, vel in iisdem ipsis nos hodie, pronunciabant; partim accentu utebantur, quem nos, qualis fuerit, nec imaginari possumus; partim denique aliter, quam nos, literarum sonos exigebant, ut jucundum eis esset, quod nos hodie offendit, sicut vicissim satis exploratum haberi debet, multa quæ nostras aures hodie minimè offendunt, vel molestissima eis futura fuisset. Itaque & imperiti & ridiculi sunt, qui ex Italis tantò cum superciliò de suavitate compositionis Latinæ sententiam ferre audent, velut is, qui vocem *plerorumque* nimis asperam judicabat, & alter, qui negabat aures suas verbum *recreaverunt* ferre posse. Si enim in legendis optimis linguæ latinæ auctoribus aliquantum diligentiores fuissent, effæminatam illam suam, mollem ac discinctam pronunciandi rationem longè à masculinè altius cinctorum Romanorum consuetudine diffidere intelligerent. Qui usque eo delicati sunt, ut eos *Ipse, Rex, pax, plenus & Cnosius* pronunciare pigeat, atque *Isse, Res, pakes, pienus & Conosius* dicere malint, quis eos animum inducturos putet, ut non lapides loqui Romanos conquerantur, si eos *Stilis* pro

pro *lis*, *Selatus* pro *latus*, *Stritavus* pro *Tritavus* dicentes audiant? Certè nisi omnia me fallunt, Lucretium patriâ multabunt, nec Romanum magis, quàm Transalpinum perhibendum censebunt, cum hunc ejus versum legent. l. 5. *Religione refrænatus ne forsè rearis*. Fortassis autem neque illud Ciceronis Verrin. 5. propitiis excipient auribus: *Quem agrum si oblitum vidisses, armonæ caritatem minime verere*. Sed de Orthoepejâ Latini sermonis hætenus.



O 5

FRI-

FRIDERICI SILBURGII

DE

Vetere Romanorum Scripturâ tractatio.

VT de vetere Scripturâ pauca præmoneam, differt ea ab recentiore, quæ hodie in usu est, vel *quantitate*, vel *qualitate*, vel *utrôque*. *Quantitas* in *additione* cernitur, vel *detractione*. *Additio* aut *vocalis* est, aut *consonantis*. *Vocalis* additio est in diphthongis *ei* & *ou*. Sic enim *eidem* *jous*, scripsere, pro *idem* *jus*. Sic *leitem*, *leimites*, *meilitie*, *opeima*, *inveito*, pro, *litem*, *linites*, *militie*, *opima*, *invito*. Sic *Eito*, *deixi*, *seierit*, pro, *ito*, *dixi*, *sierit*. Item *Quci*, *sei*, *nei*, pro, *qui*, *si*, *ni* (*nei* tamen etiam pro *ne* usurparunt interdum, & quidem non raro) Sic *utei*, *ubei*, *ibei*, pro, *uti*, *ubi*, *ibi*. Eamdem diphthongum usurparunt in genitivis singularibus, ut *dolei*, *malei*, pro, *doli*, *mali*. Item in nominativis pluralibus: ut *Iei*, *trevirei*, *decumanci*, pro, *ii*, *treviri*, *decumani*. Item in dativis & ablativis pluralibus: ut *Ieis*, *tertieis*, *vicinieis*, pro, *Iis*, *tertiis*, *viciniis*. Præterea in dativis singularibus tertiæ declinationis: ut *Mortei*, *clientei*, pro, *morti*, *clienti*. Item: *Alterei*, *sibei*, pro, *alteri*, *sibi*. Et frequentissimè in nominativis atque accusativis pluralibus: ut *Omneis*, *civeis*, pro, *omnes*, *cives*. O, verò ad *u* adjectæ *rum* alia sunt exempla, *rum* hæc: *Jous*, *onsta*, *joudicare*, pro, *jus*, *justa*, *judicare*. Item *Souo*,

Soue, *louci*, *doucito*, pro, *suo*, *luci*, *ducito*. In quibusdam utramque diphthongum conjunxerunt: ut *Soueis*, *oudiceis*, pro, *suis*, *judici*. In nonnullis u geminum usurpârunt pro *ou*, seu *u*: ut *Fluus*, *secuus*, pro, *Plus*, *secus*. Sic *Comitatu*, *arbitratu*, pro, *comitatu*, *arbitratu*. Interdum o post u, interseruerunt: ut *Queicuumque*, pro, *quicumque*. Consonantes quoque interseruerunt, ut *Quotiens*, *quotiescumque*, pro, *quoties*, *quotiescumque*. Sic *exsugunto*, *exsercere*, pro, *exigunto*, *exercere*. Item *Quips*, *aliquips*, pro, *quis*, *aliquis*. In *Jouxsta* verò pro *juxta* gemina est insertio vocalis o & consonantis s. In quibusdam integram syllabam interseruere, ut in *Postidea*, *indotestato*, pro, *postea*, *intestato*. Ejus generis etiam *Ævitas* videri alicui possit: sed habet illud legitimam ab ævo derivationem: in *Ætas* verò, quod post usurpari cœpit, facta est contractio. Quibusdam à fronte consonantes adjecere: ut *Stilis*, pro, *lis*. Nonnullis in fine: ut *Ead*, *tuad*, *plebed*, *frauded*, pro, *ea*, *tua*, *plebe*, *fraude*. Sic in verbis *Datod*, *removetod*, *luitod*, *estod*, pro, *dato*, *removeto*, *luito*, *esto*. In *exsercetod* autem geminata est additio semivocalis s, & mutæ d. Sic in *Leibertated*, additio est vocalis e, & consonantis d.

Detractio & ipsa vocalis est, aut consonæ. Vocalis detractio est in monophthongis illis, *senus*, *femina*, pro, *senus*, *fœmina*. Sic *heres*, quanquam eam vocem non ab *herendo*, sed ab *herô* deductam malunt eruditiores. Detractio etiam quibusdam viderur esse in verbis istis, *Adicito*, *eicito*, *deicitor*, *conicere*, *subicere*, pro, *adjicito*, *ejicito*, *dejicitor*, *conjicere*. Quod si ita est, eâdem ratione simplex *icere* contractum erit ex *jacere*. Sic certe *Dis*, contractum ex *Diis*. E consonantibus etiam, quæ nunc geminari solent, mittebant alteram, ut *Osa*, *clase*, pro, *ossa*, *classe*. Item *Aceras*, *conubia*,
pro,

pro, *Acerrus*, *connubia* : *pelex*, *tolito*, *poluceto*, pro, *pellax*, *tollito*, *polluceto*.

Qualitas in commutatione potissimum cernitur. Ea quoque vocalis est, aut consonantis. Vocalis ut *e*, pro *i*. Sic enim *leber*, *addecito* scripsere, pro, *liber*, *addicito*. Item *u*, pro *i*. *Æstumata*, pro *æstimata*. Sic *optumus*, pro, *optimus*. Eadem ratione *postumum* quoque, pro, *postimum*, seu *postremum* à veteribus dictum volunt eruditi : ut significet non tam eum, qui post inhumatum patrem est editus, quam eum qui postremus patri, seu vivo, seu mortuo natus est. Item *u*, pro *y*, ut *Ægyptus*, pro *Ægyptus*, quemadmodum *mus* quoque & *sus* & hujus generis alia, sunt ex Græcis *μῦς*, *σῦς*. Frequentius *o*, pro *u*, ut *Totela*, *porporea*, pro, *tutela*, *purpurea*. Sic *Osocapitor*, pro *usucapitor*. Item *soper*, quomque, pro *super*, quumque. Sic in nominum finibus *Patronos*, *servos*, pro *patronus*, *servus*. *Vitiom*, *manom*, pro *vitium*, *manum*. Nec non in verborum finibus. *Conserom*, *moritor*, pro *conserunt*, *moritur*. In nonnullis geminatur hæc mutatio, ut *Piacolom*, *fortom*, *foratos*, pro *piaculum*, *furtum*, *furatus*. In quibusdam hæc cum superiore conjungitur : ut *Leberom*, pro *liberum*. Sic *Ædebos*, *compedebos*, *noctebos*, *tibicinebos*, *soperstitebos*, pro *Ædibus*, *compedibus*, *noctibus*, *tibicinibus*, *superstitibus*. Interdum diphthongò *oe* & *oi*, pro *u* longò usi sunt : ut *Oetier*, *Oesocapio*, *Oesorpatum*, pro *uti*, *usucapio*, *usurpatum*. Sic *Cæratore*, pro *curatores* : *Oi*, pro *u* positum in *Oitier*, *Oitile* & consimilibus. Sic *Moinicipium*, pro *municipium*. Consonantes quoque non paucas inter se commutârunt : *C*, pro *g*, frequenti in usu fuit. Sic enim *Cenas* dixerunt pro *genas*. Sic *Frucem*, *lece*, pro *frugem*, *lege*. Itidemque *Lecere*, *rocato*, pro *legere*, *rogato*. *D*, pro *l* posuere, cum *Dingua* dixere, pro *lingua*. Sic *Fedetrio*, pro *Feretrio*. *F* pro *B*, usurpârunt sequente *vau* : ut *Afvirod*, pro *ab viro*. *Q* pro *c*, ut *Pegunia*, pro *pecunia*. *S* pro *r*. *Afa*, *nesvo*, *casmen*, pro

ara, nervo, carmen. Sic in nominum flexionibus, *Majose, minose, arboſes, pluſa*, pro *maiore, minore, arbores, plura*. Sic *Fenose, unciaſio*, pro *ſenore, unciano*. Item in verborum flexionibus: *Araſit, vocaſit, ſecueſit*, pro *ararit, vocarit, ſecuerit*. T, pro d, ut *Quit*, pro *quid*. In compositis finalem præpoſitionis conſonantem plerumque retinuerunt: ut *Conlegium, improbus, adſignare, adtribuere*. Interdum tamen etiam mutârunt: ut *Opſepito, opturato, optinere*. In quibusdam geminata eſt commutatio, altera conſonantis, altera vocalis, ut *Rocom, ſlacitiom, prodicos*, pro *Rogum, ſlagitium, prodigus*. Sic *Acrom, acnom, ticnom*, pro *agrum, agnum, tignum*. Item *Fidius*, pro *filius*. *Oſvagolatom*, pro *Ovragulatum*. *Poplicom*, pro *publicum*. *Quoi*, pro *cui*. *Auſom*, pro *aurum*. Sic *Capiuntor*, pro *capiuntur*. In quibusdam duarum vocalium & unius conſonantis facta mutatio, ut *Cenſileom, arvorumſom*, ſeu *aſvorumſom, pluſebos*, pro *gentilium, adverſum, pluribus*. In nonnullis gemina conſonantis mutatio eſt, ut *arcueſit*, pro *arguerit*.

Interdum *quantitatis* metaplaſmos conjunxerunt, *additionem* ſcilicet & *detraktionem*: ut *Joſuſ, jouiſit*, pro, *juſſus, juſſit*. Sic *Poplei, conſeſei, demifeis*, pro *populi, conſeſſi, dimiſſi*. Interdum ad *quantitatis* metaplaſmum adjunxerunt metaplaſmum *qualitatis*, ut cum unum idemque vocabulum *additione* & *commutatione* transformârunt. Sic enim *Deicundo*, *adeictos* uſurpata, pro *dicendo, addictus*: ſic *Maxſumo*, *proxſumos, fouſioſos*, pro *maximo, proximus, furioſus*. His adde *Endo, entera, ſupera, continuoeis*, pro, *in, intra, ſupra, continuis*: in quibus *commutatio* præcedit, *additio* ſequitur. *Detraktionem* quoque & *commutationem* quandoque copulârunt, idque *commutatione* interdum ſequente: ut *Adecito, poplos, præſentebos*, pro *addictio, populus, præſentibus*. Interdum præcedente: ut *ſubicito*, pro *ſubjicito*. Sic *Olo*, pro *illo*. Item *Faſis*, pro *farris*. In quibusdam triplicatus eſt me-

raplasmus : ut *Pupilei*, *præfeted*, pro *pupilli*, *præfente*.

In nominum flexionibus præter superiora notabilem mutationem habent *Folminis*, *ipfos*, *im*, pro *fulmen*, *ipse*, *eum*. Sic *Oloe*, pro *illi*.

In verbis quoque varii præter supradictos metaplasmi à veteribus facti sunt : ut in verbo substantivo, *escit* & *escunt*, pro *erit* & *erunt*. Itemque *siet*, *sient*, pro *sit*, *sint* : & in futurò perfectò, *fuat*, pro *fuert*. Ejusdem futuri perfecti magna in aliis quoque verbis est varietas, ut *Vindicat*, *verberit*, *prohibetis*, *occisit*, pro *vindicarit*, *verberarit*, *prohibuerit*, *occiderit*. Item *tagit*, pro *tetigerit*, *pacit* & *pacont*, pro *pepigerit* & *pepigerint* : *saxsit*, *rupsit*, pro *fecerit*, *ruperit*. *Paret*, *cepet*, pro *pararit*, *ceperit*. *Miseit*, *viveit*, pro *miserit*, *vixerit*. Item *Duit*, *adduit*, *condint*, *transduis*, pro *dederit*, *addiderit*, *condiderit*, *tradiderit*. In passivâ etiam formâ *turbassitur*, pro *turbatum fuerit* : *fariator*, *nancitor*, pro *fari velit*, *nactus fuerit*. Item *darier*, *leibariet*, pro *dari*, *libari*. Sic *oetier* & *oitier*, pro *uti*.

In conjunctis vocibus facta interdum separatio : ut *En do*, *in do*, *in du*, pro *endo*, *indo*, *indu*. Sic *indo testato*, pro *intestato*. *Endo ponito*, *endo jacito*, *endo manos jactio*, pro *imponito*, *injacito*, *manus injectio* : Item *quicunque*, pro *quicumque*, & consimilia. Contra interdum conjunguntur, quæ alioqui separari solent, ut *Statoleberom*, pro *statu liberum*.



Vetus
scri-
bendi
ratio
ab ho-
diernâ
differt
vel

Quan-
titate
in

Qua-
litate
in
com-
muta-
tione

A

B

Addi-
tione

Detra-
ctione

Vo-
ca-
lis,
ut

Con-
so-
nan-
tis, ut

Vo-
ca-
lis,
ut

Con-
so-
nan-
tis,
ut

I. Eidem, pro idem.
Leitem, pro litem.
O. Jous, pro jus. Soïo,
pro suo. Queicunom-
que, pro quicumque.
U. Juus, pro jus. Arbi-
tratuu. Luuit.

N. Quotiens.
S. Exfigunt Exfercere.
Amasso, pro amaso,
& hoc pro amâ-
ro, seu amavero.
P. Quips, pro quis.
S T. Stilis, pro lis.
Stritavus.
D. Tuad. Plebed.
Marid. Estod.

Syll. ut Postidea. Indotestato.

O. Fenus. Femina. Heres.
Popli, pro populi.
I. Adicito. Subice. Di-
sice. Reice.

S. Osa, pro ossa.
Clase, pro classe.
Jusit, pro jussit.
R. Acera, pro acerra.
L. Pelex, pro pellex.

Utrâque, ut Jousit, pro jussit. Jousis,
pro jussus. Poplei, pro populi.

E, pro I. Leber, pro liber. Mener-
va. Prasentebos, pro prasentib.

O, pro E. Vorsus, pro versus.
Voster, pro vester.

O, pro U. Servos, pro servus. Vol-
nus. Dicont. Piacolom. Noctebos.

Oe, & Oi, pro U. Cœrare,
pro curare. Oitier, pro utier.

Oitile, pro utile.

A B U, pro E; Dicundo. Faciundo, Ferundo.

U, pro I. Optumus. Maxumus. Æstumare.

U, pro O. Adulescens. Epistula.

U, pro Y. Ægyptus. Surius. Sulla.

C, pro G. Cenas, pro genas. Lece, pro lege. Lecio, pro legio. Rocom, pro rogam.

D, pro L. Fidius, pro filius. Dingua, pro lingua.

D, pro R. Fedetrius, pro Feretrius.

F, pro B. Af virod, pro ab virô. Sifilus, pro sibilus.

Consonantis,
ut

L, pro D. Delicat, pro dedicat.

Q, pro C. Pecunia.

R, pro D. Arlabi, pro adlabi. Arfinis, pro adfinis.

S, pro R. Afa, pro ara. Casmen, pro carmen. Minose, pro minore. Amaso, pro amaro.

T, pro D. Alexanter. Cassantra. Set. Quit.

{ Præpositionum finales, ut Inlustris. Adfectus. Conlega. Optinco. Exfo-
ciant, pro effugiant.

Utriusque, ut Arcuesit, pro arguerit. Exfo-
ciant, pro effugiant.

Utrôque, ut Adecito, pro addicito. Addeictos, pro addictus. Continoeis, pro continuis. Deicundo, pro dicendo. Endo, pro in. Fasis, pro farris. Foustiosos, pro furiosus. Maxsumo, pro maximo. Oloi, pro illi. Poplos, pro populus. Præseted, pro præsentate. Præsentebos, pro præsentibus. Proxsumos, pro proximis. Sopera, pro supra. Aula, pro Olla.

F I N I S.









PASCASII GROSIPPI
PARADOXA
LITERARIA

*In quibus multa de literis nove contra Ciceronis,
Varronis, Quinctiliani, aliorumq³ literatorum
hominum, tam Veterum, quam recentio-
rum, sententiam disputantur.*

A D
D. FERDINANDUM
HENRIQUEZ A RIVERA

Ducem de Alcalaa & Marchionem Tariffæ.



AMSTELODAMI,

Apud JUDOCUM PLUYMER Bibliopolam, propter
Curiam, sub signo Senecæ. M. DC. LIX.





Illustrissimo & Excellentissimo Heroi

D. FERDINANDO HENRIQUEZ
A R I B E R A

*Duci de Alcalaa, Tariffa Marchioni &c.
Regie apud Castellanos Stirpis
Principi.*

PERFECI tandem, Princeps sapientissime, quod in tuæ spem gratiæ abhinc triennium Romæ cœperam. nam simul ac Theologicæ illi controversiæ, quam nosti, post diurnos nocturnosque vertentis anni labores extremam manum imposui, cujus mihi digerendæ & illustrandæ provinciam Regii in Urbe Oratores, Duces Arborquerqueus & Pastranius Catholici Regis nomine mandaverant, etsi corporis & ingenii vires tanta studii contentione sic debilitaveram, ut nihil novi laboris impune suscepturus viderer, temperare tamen mihi non potui, quin ad indagandas linguæ latinæ causas toto pectore incumberem, quæque Sanctius ve-

ster ὁ δαίμων. & ἀνὴρ tam in Minerva sua, quam in Grammaticæ latinæ institutionibus acutissimè invenerat, quoniam obscurius pleraque nec satis probabili methodo tradita non ferè lectores allicere aut retinere poterant, opera mea explanarem, in meliorem ordinem Artisque formam redigerem, non paucis locis correctiora & certiora redderem, alicubi verò reciderem, passim denique iis augerem, quæ me plurimus Latini sermonis usus accuratissimaque bonorum auctorum lectio docuerat.

Etsi autem huic meo conatui gravissimus intercessit adversarius, Quartanæ morbus, qui me perpetuos XV. menses exercuit, neque mihi, ut ingenio meo usus semel cœpta uno tenore pertexerem, permisit: eo tamen loci in medio febris incendio rem jam deduxeram, ut etiamsi quid humanitus me fuisset, non tamen defuturum videretur, ex quo meam tibi obsequendi beneque de aliorum studiis merendi voluntatem posses agnoscere. Accidit autem ut cum Roma Ciceronis incunabula cognoscendi causa Arpinum concessissem, præstantissimi Principis, Soræ & Aquini Ducis, hospitalitate, & Insulæ illius, in qua se Cicero secundo de legibus natum memorat, jucundissima cum
eodem

codem Duce obambulatione , Fibrenique
omnium Italiae fluminum limpidissimi fri-
gidissimique conspectu recreatus molestissi-
mae illius concubinae meae contubernium ex-
citerem , meque mox sanum salvumque
Neapolim afferrem. Ubi non multo am-
plius bimestri commoratus postquam ut-
cumque vires recuperasse visus sum , ut navi-
gare non dubitarem , maritimo Genuam ,
& inde porro Mantuam pedestri itinere per-
veni. Et quamvis eo potissimum animo in
hanc Italiae partem me contuleram , ut ea
Principibus subjicerem , quibus pax publica
conservari & gravissimorum motuum , quos
jam imminere intelligebam , occasio praecidi
posse videbatur (qua de re coram ex illustri-
simo Comite Franquemburgico, Caesario a-
pud Regem Catholicum Oratore cognosce-
re te malo, cum quo consilia mea in hac urbe
communicaveram , quae ille sibi plurimum
probari ostendit) non tamen Sanctianorum
curam omnino missam feci , sed subinde ali-
quid iis eliminandis perpoliendisque operae im-
pendi. quo vero successu , ejus tibi Gramma-
tica philosophica specimen praebabit , quam
proximis hebdomadis curavi formis aeneis
describendam. Poteris autem ex his etiam


epistolis meis idem intelligere , quas ad amicos , homines doctissimos , Paradoxa nonnulla partim mea, partim Sanctiana constabilliturus diversis cum locis , tum temporibus dederam. Eas nomine tuo præscriptas propterea emittendas duxi, ut cum ipse me in tuo ære esse profitear , quem tantis tuis beneficiis obstrictum tenes, tum omnes, ad quos sive ex his ipsis vigiliis meis, sive ex multo pluribus, quæ consequentur, fructus aliquis redierit, tibi se debere intelligant. Vale, Princeps clarissime & eruditissime , meque amore tuo ac beneficiis complecti perge. Mediolani ex Hieronymi Sagarragæ , viri optimi & præstantissimi Jurisconsulti ædibus prid. Id. Maj. anni M. DC. XXVIII.

P A R A-



PARADOXA LITERARIA.

EPIST. I.

 *C*icero & Varro nesciverunt, utro modo rectè Latine diceretur, Pompejus tertium Consul, an tertio Consul.

Primum & Primo, non sunt adverbia, sed nomina, nec significatione differunt.

Loco, pro cito, statim, Romani videntur dixisse, sicut Hispani Luego.

Alias, non est adverbium, sed nomen.

Epist. 2.

In lingua Latina nulla sunt Gerundia.

Nec ulla Supina.

Latine non dicitur, Reus damnatum iri videtur, sed Reum. Vide in Grammat. pag. 132.

Epist. 3.

Cicero Solæcismi ab Attico postulatus perditissima sui defensione usus est, seque solæcismum fecisse agnovit, cum tamen rectè locutus fuisset.

Cicero ridicule putat Oppida non esse Loca.

Cicero Piraum perperam putat non esse oppidum.

Cicero sibi à Grammaticorum regulis imponi passus est, ut vitiosè dici putaret, quod & rationi, & auctoritati, & publica ac sua propria consuetudini consentaneum esse scire poterat.

Grammaticè qui loquitur, sape minimè Latine loquitur.

Varro, Sallustius, Calius impura dictione usi fuere.

Latine dicitur Proficisci ad Romam & in Romam, Discedere à Roma & de Roma, & ex Roma, & scribere de Roma.

Sum Ruri, Carthagini per Ablativum, non per Dativum dicitur.

Quintilianus imperite censet Solaccismum esse, Veni de Susis in Alexandriam.

Epist. 4.

Optimi quique lingua latine auctores fuerunt pessimi Grammatici.

Varro minimè bonus lingua latina auctor est.

Cicero Syntaxeos rationem in Attii verbis prorsus nescivit.

Cicero sua & aliorum loquendi consuetudinis in ratione dictorum reddenda turpiter oblitus fuit.

Invidere aliquem, rectè Latine dicitur.

Quintilianus perperam censuit, non satis Latine dici, Adulari alicui.

Cicero Attii poëta verba non rectè intellexit.

Omne verbum (prater Sum & Fio) aut activum est, aut passivum; nullum Neutrum.

Epist. 5.

Idonei censores lingua latina raro bene latine scribunt.

Magni oratores & poëta latini raro de literis bene judicant.

Etate Quintiliani, ac prius Seneca, latina lingua degeneraverat.

Qui vel versa vel prorsa oratione latina cupiunt excellere, per paucos auctores, sed multum legere necesse habent.

Italia sola plures quam reliqua Europa tota, produxit latine scribendi facultate prestantes.

Itali cum omnes Europæos judicio superent, plerumque tamen pessimi sunt literarum judices.

Etiam elegantissimi oratores & poëta interdum vitiosè scribunt.

Politianus fuit Sannazario infinite doctior; etsi in scribendis versibus latinis ad elegantiam & puritatem ejus nequaquam accessit.

De Politiani mortis genere Julius Burdoscaliger improbissime mentitus fuit.

Permingere (quo verbo Sannazarius utitur) minime Latinum est.

Nuncium, non est nomen Substantivum.

Carcer à Baltasare Castilione non sine auctoritate neutro genere dicitur.

Exosus pro Invisus, non satis Latine dicitur.

Disitus locus, pro remotus Latine non dicitur.

Aqua Vaticani fontis ad laudem multo plus interest hominem Germanum, quam ipsum Pindarum laudatorem habere.

Adhi

Adhibere fidem alicui , pro *Credere minime Latine dicitur.*

Cornelius Nepos Ciceronis iudicio fuit omnium Romanorum scriptor elegantissimus.

Daretis Phrygii historia est hominis indocti & ludentis opus.

Historia belli Trojani , quæ Dictyn Cretensem auctorem præfert , perbono Latinitatis sæculo scripta fuit.

Quantum , tantum , multum , paulum , aliquantum , immensum , perperam à Grammaticis habentur pro adverbiiis , cum sint nomina.

Medicina , Senecta , Sutrina , Pistrina , Textrina , Salinum , Piscina , Regina , Lucina , perperam à Grammaticis habentur pro Substantivis.

Epist. 6.

Nemo doctorum vidit , quomodo insigne mendum in principio Apocolocyntosis Seneca tolli deberet , cum ejus rei facillima esset ratio.

Epist. 7.

In principio Aeneidos legendum videtur : Musa mihi causas memora , quo nomine læsa : non , quo numine læso.

Epist. 8.

In Plauti Amphitruone repugnantibus omnibus libris præterquam omnium doctorum opinionem legendum : Et clandestina ut cæletur consuetio , non Suspicio.

Epist. 9.

In Plauti Milite liberis omnibus invitis , pro Non sum in Umbria , legi debet , Non sum Animula.

Epist. 10.

Epist. 10. & 11.

Media syllaba in Ambitus, cum est participium, pro negotio corripitur & produci potest. Et in Grammat. 178.

Epist. 12.

In Tibullo de aqua Herusca legendum videri: Sacris Cajarum proxima lymphis, pro Maxima.

Epist. 13.

In Propertio legendum: Et facer æstivis intepet Imber aquis, pro Et lacus æstivis intepet Umber, aquis.

Josephi Burdosciligeri incredibilis fuit audacia, sed major aliquanto inscitia ac stupor circa Propertii patriam.

Nævius versus Hexametros scripsit etiam in bello Punico.

Livius Andronicus Romanidem sive Annales Romanos ante Ennium versibus Heroicis scripserat.

Odyssæa Livii etiam versibus Hexametris, non Saturniis modo scripta fuit.

Burdo quid versus Saturnius esset, flagitiosè ignoravit.

Epist. 14.

Multiplex Grammaticorum veterum fuit stultitia in reprehendendis prima classis auctoribus propter neglectas ipsorum regulas.

Recentiores Grammatici longe antiquis sunt stolidiores, partim dum stolidas illorum regulas approbant, partim dum discipulis, Latinam linguam nondum intelligentibus, artem tradunt.

Varro-

Varronis omnium Romanorum doctissimi Josephi Burdonis iudicio ingens fuit stultitia, meo triplex saltem error vel puero pudendus.

Mille nummorum, non est rectio genitivi à nomine Substantivo, sed concordia substantivi cum adjectivo.

Decem nummorumque Latine dicitur ac Mille nummorum.


Burdo Varronem longe anteit stultitia.

Epist. 15.

Sestertium neutri generis non est Substantivum, sed Adjectivum, in quo subandiri potest minæ pondus.



HIERO



HIERONYMO ALEANDRO

JURISCONSULTO

CARDENALI BARBERINO

Ab epistolis.



IUAS sat tempori, Illustrissimi Patroni literas humanitatis & officii plenissimas nudius demum tertius accepi. Librum tuum ingenii tui cultu, variaque eruditione dignum magna cum voluptate legi, nisi quod non possum supinæ operarum typographicarum oscitantiz non succensere, cum paginarum ordinem tam turpiter turbatum adspicio. Sed nec te ipsum culpa absolvo, qui non statim à principio tantum flagitii animadverteris, & correxeris. De loco illo Johan.8. *Principium, qui & loquor vobis*, longè à te seorsum sentio. Nisi enim me fallit in Græco est *τὴν ἀρχὴν*, ut sensus sit: *Ego idem ipse sum, qui & principium*, sive à principio, *vobis locutus sum, nempe Deus*. Nam *Principium* in accusandi casu, pro *Ad principium* accipi debet: sicut *Principio* in sexto casu pro *A principio*, hoc est, quod ad principium attinet. Afranius apud Charisium eodem modo dixerat: *Principium hoc oro, in animo ut sic statuas tuo, officiis cogi, ut abs te seorsum sentiam*. Nimirum Græcorum more propositio *ἡ ἀρχὴ* per ellipsin supprimitur, quod imitantes Latini, *Primum* dicunt, ubi subaudiendum est *Initium*, pro, ad primum initium, sive quod ad primum initium

A

scu

seu principium attinet, quod aliter à *Primo*, & ἰν ἀρχῇ *Primo* effertur, ubi supplendum est *Initio*. In hoc genere Tullium nostrum & Varronem fœde allucinatos video. Ut enim Agellius lib. 10. cap. 1. narrat, ille decernere non audebat, utrum esset rectius *Pompejo tertium Consule*, an, *tertio Consule*, adeoque scripturæ compendio, si nempe scriberetur *TERT.* evadere conatus est, ne à peritioribus vapularet. Hic vero cornici oculum configere sibi commento suo visus est; cum *Tertium* à *Tertio* significatione sic discrevit, ut *Tertium* esset temporis, quasi tertia vice (*la terza volta*) *Tertio* autem esset ordinis seu loci, quasi in loco tertio, tanquam si dicatur *primo consul fuisse Pompejus, secundo Cicero, tertio Caesar*. Sed quantas in eo nugas egerit, exemplis planum fecero. Cato de consulatu suo: *Id ego primo minus animadverti, veniunt iterum atque tertium tumultuosius*. Hic apparet pro *Primo* potuisse *Primum* dici nulla differentia, cum sensus sit à primo initio, ab initio, ad initium, ad principium, τὴν ἀρχὴν, aut etiam primo adspectu, ut in hoc Cicer. 7. ad Attic. 3. *Ex literis tuis hanc primo adspectu voluptatem cepi, quod erant à te ipso scripta: deinde earum diligentia sum mirum in modum delectatus*. Virgil. *Obstupuit primo adspectu Sidonia Dido*. Ubi τὸ *Adspectu* omitti poterat. Plaut. Men. *Vbi rex Agathocles regnator fuit, & iterum Pythia, Tertium Liparo*. Hic *Iterum* valet secundo loco, *Tertium*, tertio loco. Livius lib. 23. 9. *Tibi ter prodita patria sustinendum est crimen, semel cum defectionem inisti à Romanis: iterum cum pacis cum Annibale fuisti auctor: tertio hodie, cum restituenda Romanis Capua impedimentum tu es*. Ubi *Tertio* valet tertia vice, sicut apud Cicer. pro Deiotaro: *Ille Ephesum pecuniam misit, ille iterum, ille tertio auctionibus factis pecuniam dedit*. etsi apud eundem in 2. de divinat. legimus: *Nemo est quin saepe talos jactans Venerium aliquando jactat, nonnumquam etiam iterum ac tertium*. Ut planum jam sit Ciceronem *Tertio* & *Tertium* pro tertia vice indifferenter dixisse: qui etiam in 3. de nat. Deorum: *Marius septimo consul, disertim scribere nihil dubitavit*. Terent. Eun. act. 3. sc. 3. *Non hercule veniam tertio*. Ubi quis dubitet, quin significet se jam bis venisse? Rursum Livius lib. 6. *Cum Carthaginensibus eodem anno fœdus tertio renovatum*. Similiter lib. 7. 8. *In-*
ferunt

ferunt pedem , & primum gradu moverunt hostem , deinde perpulerunt , postremo jam haud dubio avertunt. Ubi Primum non significat prima vice , sed ad primum , à primo : & postremum est postremo tempore , pro quo dicere poterat Postremum , sive ad Postremum , quomodo Ad extremum. Similiter lib. 9. 34. Id jus esse , quod postremo populus jussisset. Et mox : Lex quam postremum jusserat. Ubi Postremum & Postremo indifferenter dictum videmus pro eo , quod est in postremo tempore vel loco. Cornelius Nepos , cujus elegantiam judicii Ciceronem revertitum comperio , in Hamilcaris vita : Quibus malis adeo Pœni sunt perterriti , ut auxilia etiam à Romanis petiverint. Sed extremo cum prope jam ad desperationem venissent ; Hamilcarem imperatorem fecerunt. Hic Extremo , esse tempore extremo , ex compluribus aliis locis intelligi potest. In Datame : Hic tamen tam callidus vir extremo tempore captus est Mithridatis dolo. In Eumene : Sed extremo tempore cum consilio capi non posset , multitudine circumventus est. Hoc loco extremo tempore significat tandem , pro quo in Phocione dixit , Extremis temporibus. Hygin. fab. 136. Natum esse vitulum , qui ter in die colorem mutaret , primum album , secundo rubrum , deinde nigrum. Ubi Primum significat ad primum tempus , secundo est secundo tempore. Rursum Liv. 10. 41. Arma signaque per turbidam lucem in primo apparebant : post altior pulvis equitum speciem dabat. Hinc discimus Primo non esse Adverbium , sed nomen Adjectivum , cum quo necessario suum substantivum subauditur , quod est vel adpectu , vel tempore , vel initio , sicut & in hoc Tullii : Utinam à primo ita tibi visum esset. Et Plauti Mostel. Multum improbiores sunt postes , quam à primo credidi. Apud quem quoque Amph. act. 5. sc. 1. indifferenter , Omnium primo , & Primum omnium , dictum invenimus , ut omnino commentitium sit discrimen illud Varronis. Subaudiri etiam potest Loco , quod tamen pro tempore ponitur , adeoque Hoc loco pro Tum , eo tempore , Cicero dicit 15. ad Atticum 11. & Terentius Loco motum dicit , qui suam horam non obrinet , in Prologo Phorm. Ubi Donatum videre est operæ precium. Hyginus quidem fabula 273. perspicue Nono loco dicit , pro quo alii dicerent Nono. Ait enim : Nono locofacti sunt ludi in Nemea Archemoro , quos fecerunt septem duces ,

qui Thebas ibant oppugnatum. Potest etiam in Primo subaudi-
ri Pretio. Plaut. Pœn. a. 1. f. 2. *Primum prima salua sis, & se-
cunda tu secundo salve in pretio, tertia salve extra pretium.* Hic
per ellipsin dicere poterat *Secundo*, & pro *Primum* poterat
Ad primum pretium. Sedigitus Volcatius: *Cacilio palmam Sta-
tio do Comico. Plantus secundus facile exsuperat ceteros. Dein
Navius qui servet, pretio in tertio est, pro, tertio servat.*
In *Asinaria* principio vulgo legitur: *Tu primus sentis, nos ta-
men pranoscimus.* Ubi optimi codices habent: *nos tamen in
pretio sumus*, quod rectum est. Tu in primo pretio sentis, qua-
lis sit uxor tua, nos tamen & ipsi aliquo in pretio, sive nostro
loco, & tempore id sentimus. Similiter verò & *Numerum* ac
Numero subaudiamus licet: nam quod Plautus in *Pœnulo* di-
xit, *Salve secundo in pretio & salve extra pretium*, pro eo dici
potuisse, *salve secundo numero & extra numerum*, ex his ejus
verbis in *Menæchmis* discimus act. 1. sc. 3. *Anime mi Menachme
salve.* PEN. quid ego? ER. *extra numerum es mihi.* Nimirum i-
dem valent, *Numero, pretio, loco*, ut: *Esse aliquo vel nullo nume-
ro, loco aut pretio, Esse extra numerum aut pretium.* In hostium
numero locoque duci. *Esse alicui parentis loco aut numero.*
Hinc porrò factum, ut pro *Cito*, Latini promiscue dicerent
E numero vel *In numero*, & postea omiſſa præpositione *Nume-
ro*, & *E loco*, *In loco*, ex quo factum *In loco* & *Illico*, pro quo
Præpositione omiſſa videntur dixisse *Loco*, quod idiotismus
Hispanicus retinuit. *Luego* enim dicunt pro statim, cito, nu-
mero, quod postremum Plauto familiare est, apud quem *Lo-
co* pro *E loco*, *Illico* semel sine interpolatione legitur Aul.
act. 4. sc. 8. *Effodio aulam auri plenam, inde exeo. Loco video
recipere se senem, ille me non videt.* Hic *Loco* eodem prorsus
modo dixit, quo sæpe alias *Número*. Etiam *Pedatum*, aut
Pedatu in similibus exaudiri potest, quod significat congres-
sum, Italice *Voltam*, Hispanice *Vicem* (quod Horatiano illo
tuebimur: *plus vice simplici*, id est, più d'vna volta) Germani-
ce *Mallum*, id est, Convivium, quia publicos congressus convi-
viis notabant, ex quo sæpe *Malli* in Latinis Germanicorum
populorum legibus pro *Conventibus publicis* leguntur. Plaut.
Cist. *Nisi pedatu tertio omnes afflixero.* Cato: *Igitur tertio pe-
datu bellum nobis fecere*, hoc est, tertium, tertia vice. Idem: *In
his*

his duobus bellis alteras stipendio agrique parte multati, alteras oppidum vi captum. Hæc verba declarans Charisius, ait *Alteras* idem valere, quod primo, & secundo pedatus. Sed rationem dicti non expedivit, quæ est ista: *Alter* & *Alius* pro eodem accipiuntur. *Alteras* ergo & *Alias* etiam Festo auctore nihil differunt, in quibus subauditur præpositio *Ad*, & *Res temporis* vel *Loci*, hoc est, ad alium locum, vel ad aliud tempus, sive, alio tempore aut loco, quomodo Græcorum more Plautus *Rem voluptatum* dixit, pro voluptate, Phædrus fabulator *Rem cibi* pro cibo. Plautus Epid. a. 4. sc. 2. *Meus servus eam rem sobrie & frugaliter accuravit, ut alias res ille est impense improbus*. Ita est in omnibus libris, nisi quos Lambinus & Douza depravarunt. *Alias res τὴν ἀλλὰ*, cæterum, sive quod ad cæterum attinet, cætera, ad cætera, pro quo simpliciter dici poterat *Alias*, quod vulgo perperam pro Adverbio habetur. Sed illuc redeo, unde abii. Virgilii tui in tertio *Æneidos* verba sunt, quibus Scyllæ figura describitur: *Prima, hominis facies & pulcro petere Virgo Pubetenus; postrema, immani corpore Pistrix*. Ubi Servius: *Prima*, inquit, est Nominativus pluralis à Neutro, & est figura Græca, τὴν πρῶτην ἀνδρῶν &. *Postrema*, τὴν ἑσχατὴν. De figura recte ille, sed quod Nominativum dicit, in eo fugit eum ratio. Est enim accusativus dependens à præpositione κατὰ, non minus, quam superius illud Christi τὴν ἀρχὴν. Cornelius Nepos in vita Hannibalis: *Quem ipse primum apud Rhodanum, iterum apud Padum, tertio apud Trebiam fugaverat*. Ubi *Tertio* est illud ipsum, quod Varro vult dici *Tertium*, id est, vice tertia, tertio pedato: cujus imitatione, vel sui oblitus, vel sententia posterius mutata, idem ipse Varro in 1. rei rust. 18. dixit: *Ut fecerunt ii insariendo iterum & tertio* & 32. *Vineas veteres iterum occare, novellas etiam tertio*, pro eo, quod ipse dicendum censuerat *Tertium*. Plura horum similia afferri possent. Sed vereor, ne ista nimia jam putes, nisi tanti fuisse videbitur, erroris heroas nostros Tullium ac Varronem revincere. Vale, meque redamare perge. Neapoli a d. x v 1. Ianuar. anni M. D C. XXVII.

GUILHELMO SETONIO

Scoto Jurisconsulto.

I L.

NARRO tibi. Verba Gerunda & Supina, tamquam supinorum & oscitantium Grammaticorum commenta ac deliria, ex omni Grammatica explosi, extrusi, eliminavi, exterminavi, illuc denique unde malum pedem tulerunt, facessere jussi. Quid ego audio? inquires. quas igitur orationis partes posthac dicemus ea, quæ adhuc Gerundorum & Supinorum appellatione censerentur solita? An participia dices *Amandi*, *amando*: Nomina vero *Amatum*, *amatu*? quid ego ni dicam? cum personis & temporibus careant (sine quibus verbum nec intelligi potest) egoque in illis eandem prorsus, quam in alijs participiis Nominibus rationem Syntaxeos deprehendam. Non longe abiero. Participij Concordiæ regula est: *Omne participium cum Substantivo nomine suo expresso, siue suppresso numero & casu concordat.* Substantivum verò nomen etiam Verbum Infinitum censeo, cum potestatem habet Nominis, cujus rei causa Veteres Prisciano teste id *Verbi Nomen* perhibebant. Cum ergo legis, *Nunc est bibendum*, subaudis *Bibere*, quod est nomen Verbi, cum vim habeat Nominis substantivi in nominandi casu, cumque hoc Nomen participium *Bibendum* numero & casu consentit. In hoc vero, *Tempus est bibendi*, subauditur Nomen Verbi *Bibere* in patrio seu genitivo casu. Ita cum dicitur, *Aqua utilis bibendo*, idem *Bibere* in dandi casu subauditur, valetque idem quod *Potui*. *Utilis ad bibendum*, supple *Bibere* in accusandi casu, quasi sit *Potum*. *Bibendo fies ebrius*, subaudi *Bibere* sexti casus seu *Potu*. Esse autem *Bibendo* Participium, vel Præpositio arguit, quam subaudiri ex hoc Plauti loco discimus, Mercat. *Sed quid ego hic in lamentando pereor?* Et Stich. *Scio atque in cogitando mœrore augeor.* Et Terent. Andr. *In denegando queis est pudor paululum.* Hinc facile est intellectu, quæ sit dicti ratio in istis, *Petendum est pacem*, *Discendum est literas*. subauditur scilicet *Petere* & *Discere*, adeoque *Petendum* & *Discendum* ineptè Gerunda verba dicuntur, cum palam sint Participia,

cipia , non aliter quam *Pugnatum* in hoc veteri: *Hanc pugnam pugnatum est à mane usque ad vesperam*: subauditur enim *Pugnare*. Iam vel tacente me judicabis, supplendum esse *Disce-*re in isto: *Ardet desiderio discendi literas*, ut Accusativus *Literas* regatur à Verbo *Discere*, non à Participio *Discendi*. Similiter in hoc, *Legendo Virgilium fies poëta*, subaudis *Legere*, quod jam Nomen est, cumque Participio in numero & casu concordat. Rem autem ita se habere, hinc potest effici: Onine participium habet rationem nominis Adjectivi. Adjectivum porro & Substantivum sunt in eorum censu, quæ *αρεσ π* dicuntur, seu Relata, quorum uno posito alterum simul poni necesse sit. Cum ergo audis, *Tempus est legendi*, quoniam *Legendi* Participium est Adiectivi instar, non potes quin ejus Substantivum requiras, quod est *Legere*: quod ipsum subaudis in hoc, *Legendo fies doctus*: tamquam dictum foret: In *Legendo* lectu, sive in legenda lectione fies doctus. Tempus est legendi lectus seu legendæ lectionis. Nam *Legere*, cum Nomen Verbi est, & nomen Verbale *Lectio* non nisi genere discrepant, cum illud Neutrum sit, hoc Fœmininum. Eodem ergo sensu Jucundum est *Legere*, & jucunda est lectio. Huic porro consequens est, ut cum audis, *Tempus est legendi libros*, *Legendo libros fies doctus*, Accusativus *Libros* non à *Legendi* aut *Legendo*, sed à *Legere*, quod subaudis, regatur, adeoque duo illa Participia germana sint, non Gerunda Verba, quod Grammatici consomniarunt. Neque tamen Verbi *Legere*, quod pro Nominis substantivo ponitur, casum sibi ex Verbi natura debitum, Accusativum puta, perpetuo regit. Est enim cum ex toto Nominis substantivi naturam induit, & Genitivum sibi casum adsciscit, quem à solo nomine substantivo regi non semel ex me coram audiisti. Hinc illa: *Qua fuit causa collocandi siderum? Non est nunc tempus videndi Luna*. Nam genitivus *Siderum* non regitur à participio *collocandi*, sed à subaudito nomine Verbi *Collocare*, quod omnem vim & potestatem Nominis Substantivi possidet, ut si dictum foret: *Causa collocandi collocaminis*, seu collocamenti siderum, sive collocandæ collocationis siderum. Pari modo genitivus *Luna* non à Participio *Videndi* regitur, sed ab eo, quod subaudis, verbo *Videre*, quasi esset Tempus videndi visus Lunæ. Non

multum dissimiliter Participium actiuum, cum naturam Nominis induit, casum substantivo nomini debitum adsciscit. Quod enim per Participium audis, *Amans uxorem*, per Nomen participiale sic effertur, *Amans uxoris*. Atque hæc de Gerundis.

Supina verba Grammatici duum generum faciunt, ut alia in *um* alia in *u* terminentur. sed hæc posteriora in *u* non Verba, sed Nomina Substantiva quartæ declinationis Dativi vel Ablativi casus esse, jam olim Augustinus Saturnius, & Franciscus Sanctius odorati sunt. Cum enim neque tempus, neque personam habeant, neque casum ullum verbi regant, qui Verba esse possunt? Et cum eis Præpositio Nomenque adiectivum adjungi possit, quis Nomina substantiva esse dubitet? Præpositionis exemplum habes apud Varronem 2. rei rustic. 5. *Ad matres mane adigi oportet lactantes, & cum redierunt è pastu*. Et apud Fabium lib. 11. cap. 3. *Spiritus nec brevis, nec parum durabilis, nec in receptu difficilis*, id est, ad recipiendum, sicut *Anhelitum recipere* apud Plautum, & *Petitus imo latere spiritus* apud Horatium. Adiectivi apud eundem Fabium lib. 8. cap. 3. *Rebus atrocibus verba etiam ipso auditu aspera magis conveniunt*. Et apud Statium 9. Theb. — *Longo defessa redibat venatu* —. Præterea vero invenio, quod vulgo diceretur, *Acerbus Sensu*, non minus in plurali numero *Acerbus Sensibus* dici posse, quo quidem vel uno planissimum evadit, *Sensu*, non Verbum supinum, sed substantivum nomen esse. Politissimi hominis Cn. Matij versus sunt ab Agellio relati:

Quapropter edulcare convenit vitam,

Curasque acerbis sensibus gubernare.

Quo exemplo Lucretius lib. 2. prius scripserat:

Omnia postremo bona sensibus & mala tactu,

Dissimili inter se pugnant perfecta figura.

Id est, quæ sensibus jucunda, quæque iisdem molesta sunt & aspera, habent dissimilia principia, ex quibus constant. Ubi perspicuum est *Bonum sensu* vel *sensibus*, & *malum tactu* contrario nomine opponi. Est ergo *Tactu* dandi casus, sicut apud Virgil: *Mala tactu vipera*.

Hæc eadem porro omnia in illis locum habent, quæ in *um* exeunt, ut & Nomina substantiva sint Accusativi casus, & verba

verba nullo modo esse possint. De verbis res est expeditissima, quando nullum personæ aut temporis genus in eis invenitur. Nomina esse arguit adjecta præpositio, ut in hoc Varronis loco 3. rei rust. 16. *Non omnis tempestas apes ad pastum prodire longius patitur.* Et hoc Fabij lib. 2. cap. 3. *Tamquam mediocritas præceptoris ad intellectum atque imitationem sit facilior,* pro quo alij dicerent: *intellectu & imitatu facilior,* subaudita scilicet *Ab* præpositione: nam *Ab intellectu & Ad intellectum* nihil sensu differunt, sicut eandem rem duobus casibus sic effers: *Est illi faciem similis & facie similis,* illic *Ad*, hic *A* præpositiones per Ellipsin reticendo, pro, quod ad faciem attinet. Similiter vero in eo, quod dicitur, *Pastum se refert*, non verbum supinum esse *Pastum*, sed nomen, duo sunt, quæ arguant. Unum, quod ei Præpositio præponi possit, ut sit *Adpastum*, velut in Varronis verbis vidimus. Alterum, quod nullo discrimine in plurali *Pastus* pro eo dici potest, id quod in hoc Ciceronis versu factum patet: *Tum rursus tatos avida se adpastus refert.* Ubi non minus, *ad taturum pastum* dicere poterat, sicut, *Meam veni domum.* Nam & paulo prius dixerat: *Iovis satellites pastu dilaniat fero.* Varro 5. de lingua Lat. *Ad locutum mulieres ire ajunt, cum eunt, ad aliquam locutum consolandi causa.* Unde constat, *Locutum ire*, idem esse, quod *ad Locutum ire*, adeoque *Locutum* non verbum supinum est, sed accusativus nominis. Neque vero hoc eis status controversiam facere aut Nominum familia exigere potest, quod non regant casum Genitivum instar Nominum, sed Accusativum modo Verborum. Dicimus enim *Eo spectatum ludos*, non *ludorum*. Nam Verbalia nomina, sive originem suam verbis debentia, in regendo casu alias Nominis, alias Verbi, unde orta sunt, consuetudinem servant. Verbi gratia: *Tactio*, *Tactus* & *Tactura* sunt nomina Verbalia à *Tango* derivata. Itaque qua sunt Nomina, Genitivum regunt, ut dicatur *Tactio illius*, sed quæ sunt verba, Accusativum, ut sit: *Tactio illum*. Hoc nihil est apud Plautum frequentius, ut Curcul. *Quid tibi istum tactio est?* pro, *Quid tu istum tangis?* Et Asin. *Quid tibi meum virum ad te receptio est?* pro, quare virum ad te recipis? quo exemplo dici potest, *Quid tibi receptus est meum virum?* cum significationis, utro modo dicatur, nihil intersit. Ita quoniam verba *Obtemperare*, *Tradere*

*Tradere, Reddere cum Dativo junguntur, neque Nomina ab iis orta cum casum spernunt. Cicero: Iustitia est obtemperatio scriptis legibus. Ab alienatio est rei traditio alteri. Asconius: Poena damnati est redditio pecunia iis, ad quos pertinet. Similiter cum dicamus Eo & redeo domum, Nomina Itus, itio, reditus, & reditio non aliter collocari solent. Cicer. Rhodiorum classi propinquum reditum ac domum itionem dari. Is mens fuit domum è foro reditus. Cæsar: Ut domum reditionis spe sublata paratiores ad omnia pericula subeunda essent. Nomen Itus pro Itio est apud Lucretium lib. 3. Nec sentimus itum cuiusviscumque animantis. Et Titin. Setina: Itum, gestum, amictum qui videbant ejus. Eodem modo cum recte dicatur Interire ferro, Scire quid agatur, Meminisse quid dictum sit: Nomina ab illis verbis deducta non dissimiliter Tullius usurpavit. Ait enim: Exercitus nostri interitus ferro, fame, frigore. Scientiam quid agatur, memoriamque quid à quoque dictum, sit omnium puto esse oportere. Sed etiam Adiectiva nomina à Verbis orta, nec nisi terminationem cum participiis passivis communem habentia, cum Verborum suorum casu construi solent: de quo genere sunt, Populabundus agros, Vitabundus castra hostium. Itaque cum Spectatio & Spectatus æquè sint Nomina Verbalia, mirum jam videri non debet, si modo Genitivum ut Nomina, modo Accusativum ut Verbalia adsciscant, ut rectè scilicet utrovis modo dicatur: Quid tibi spectatio est ludorum, & Quid tibi spectatio est ludos. Similiterque Eo ad spectatum ludorum, & ead spectatum ludos, etsi consuetudo fert, ut Præpositio per Ellipsin reticeatur, sicut in his Plauti Pœnul. Malam crucem ibo potius. Et iterum eadem fabula: Utinam hinc abierit malam crucem. Et Catulli: Cur non exilium malasque in oras itis. Et Attij in Phœniss. Iussit proficisci exilium quovis gentium. Et Varronis 1. rei rusticæ 55. Olea dominum & balneas & gymnasia sequitur, pro, ad vel in balneas & gymnasia. Plaut. Merc. Iam redij exilio, pro ab exilio. Virgil. Devenere locos latos. Ibimus hinc Afros. Veniemus Britanos. Quascumque me abducite terras. Neque vero non eadem Syntaxis est, cum audis, Eo spectare ludos; Præpositio enim Ad subauditur, cum spectare sit Nomen verbi, si-
ve vim habeat substantivi nominis in Accusativo casu, quod est spectatum, vel spectationem. Lucretius quidem Præpositionem*

sic expressit: *Ad sedare sitim fluvios fontesque vocabant.* Latine ergo secundum artis regulas dicemus: *Veni ad sedare sitim, ad sedationem sitis vel sitim, ad sedatum sitis vel sitim.* sed pro consuetudine plus usitata: *Veni sedare sitim, & sedatum sitim.* Itaque quod est apud Julium Obsequentem, *Taurus cum ad immolationem duceretur*, non est dubium, quin aliter efferti potuerit, per regularem quidem Syntaxin, *Ad immolatum*, per Irregularem vero seu Figuratam, *Immolatum duceretur*. Atque hinc dilucet, quæ sit in istis dicti ratio: *Cur te is perditum, Venimus te admonitum, Cur non imus sessum.* Sunt nimium ista nomina substantiva accusandi casu, qui à præpositione *Ad* suppressa regitur, qua quidem Præpositionis ellipsi recte dicitur: *Cur te is perdere, Venimus te admonere, Cur non imus sedere.* Ita quod est in Plauti Cistell. *Eunt nos depressum*, valet ad depressum, seu depressionem nos, sive nostri. Antiqua enim Syntaxi ad superiorum morem recte dicitur: *Quia vobis nos depressio est, vel depressus est*: pariterque *Eunt ad deprimeri nos vel nostri*. Neque tamen dictorum rationem sic investigo, quin consuetudini eorum, quos optima ætate vixisse optimeque loqui & scribere solitos constat, priores debere agnoscam, tamquam ei, *Quam penes arbitrium est, & jus & norma loquendi*: quo nomine Fabius aliud esse judicat Grammatice scribere, aliud Latine, quoniam scilicet illud non nisi ratione ac regulis artis, hoc autem more sive usu dirigitur. Is tamen, quem fugit dicti ratio, non parum sæpe ea, quæ in usu sunt, non nisi per caliginem intelliget, ac manifeste barbara sibi pro Latinis obtrudi patietur. Exemplo sint Paulus Jovius & Henricus Stephanus, quos scribere non fuit pudicum; *Puto illos occisos iri*: & Josephus Burdosciliger cum deliciolo suo, quorum verba sunt: *Nos virtutem oppressam atque eversam imus*, quo quidem solœcismo fuere meriti, ut jactura natis culpam expiarent, coriumque ipsis non mutua ipsorum, quod solebat, sed valentis cujuscumque Virgatoris opera concideretur. Nec enim rationem modo, ipsis etiam Ciceroni, Varroni & Fabio fortassis ignoratam, sed etiam usum & consuetudinem locupletium auctorum, quam vel pueri habent cognitam, penitus sibi ignotam esse declarant. Huic consentaneum est, ut dicatur, *Puto illos occisos iri à latronibus*. Ejus autem dicti ratio sic explicatur:

Puto

Puto latrones ire itum (hoc est , iter vel viam) ad occisum illos , sive ad occidere illos , sive ad occisionem illorum. Ut enim planum fecit Sanctius , *Ire* activum est , in quo subauditur *via* , *iter* , vel *itus* , sive *itio*. Similiter rectum est : *Nos virtutem oppressum imus* , id est , nos viam imus ad oppressum virtutem , sive ad opprimere virtutem , sive ad oppressionem virtutis : quomodo Plaut. Aul. *Opulentus it pettum pauperioris gratiam*. Huic porro consequens est , ut in *Itur* subaudiatur *via* , *itus* , *itio* aut *iter*. Quodcunque enim Nomen Activi verbi accusandi casu appositum est , idem casu recto Passivi suppositum sit oportet. Dicimus autem *Ire viam* , ubi vox *viam* est verbi activi appositum. Itaque necesse est , ut in Passivo *Itur* suppositum ejus sit *Via*. Solœcisismus igitur erit , si dicas : *Virtus oppressum itur*. Nec enim *Virtus* est verbi *Itur* suppositum , quippe quod nec sit Activi appositum , cum Virtutem nemo eat , sed viam ad opprimere Virtutem. Rectè vero dices , *Virtutem oppressum itur* , pro via itur ad oppressum virtutem , seu virtutis. Hinc apud Hirtium de bello Alex. legimus : *Repentina latrocinia sublatum iri videbatur* , ubi subauditur *via*. Itaque verba Catonis ex oratione in C. Cassium sic legi debent : *Contumelia quam mihi per hujusmodi petulantiam factum itur* , ubi perperam alii legunt , *Qua*. Etiam in hoc Fabij loco , qui exstat extremo quasi capite secundo libri noni , *Reus parricidij damnatum iri videbatur* , *Reum* reponi debere ex prædictis apparet. Nimirum *Via* videtur iri ad damnatum reum , seu damnationem rei. Si enim dicam , *Judices reum damnatum eunt* , certum est Nomen *Reum* non esse appositum verbi *Eunt* , sed regi à nomine *Damnatum* ; ex coque perspicuum sit , idem nomen *Reum* in Fabij oratione à nomine *Damnatum* regi. Hinc porro de lectione deque sententia verbum illorum judicari potest , qui Plauti Rudente act. 4. sc. 7. leguntur :

Mihi istac videtur prada pradatum irier ,

Ut cum majore dote abeat , quam advenierit.

Nimirum *Istac* legi verum est , ut sit Ablativi casus , hoc sensu : Cum ista præda videtur major præda quæriri , quia , si quis rem hanc furtivam penes servum meum repererit , pariter & rem sibi furto sublatam , & furem sive servum illum vindicaret ,
coque

coque modo præda prædam duceret. Dicti ratio talis est: Videtur via iri (vel viam iri, quod est regulæ artis consentaneum, cum in illo altero sit Ellipsis, pro, Via videtur eam iri) cum ista præda, sive videtur via affectari ad prædatum seu prædationem.

Habes, Vir clarissime, meam de Gerundis & Supinis sententiam, cui si literarum istic columina, te, inquam, Ciam-polum, Quærengum, Aleandrum, Malacridam, Conzum, Leonidam, Laurum, Moricutium, Dolnium & Belmiserium accedere intellexero, non Grammaticos modo, quantum est, *omnes unius aestimabo flocci*, sed neque magnum illum Proctomantin vel Anispicem vestrum mihi adstipulatorem quicquam morabor, qui si, quod se dignum est, facere volet, de se non Comici poetæ versum, sed redditam ex oraculo sortem credet,

Vilis est restis, velet gulam sibi.

Vale, ac doctissimos illos viros salvere plurimum jube. Mantuâ a. d. 28. April. 1627.

HIERONYMO BOSSIO

Jurisperito & Philologo.

III.

Non me fugit, quam non modo novum & inopinatum, sed & falsum temeritatisque plenissimum plerisque omnibus accidat, cum Tullium ipsum, linguæ Latinæ parentem, causarum ejus linguæ imperitissimum perhiberi audiunt, qui eorum, quæ rectè scripsisset, rationes forte rogatus, non ferè nisi falsa ac flagitiosa ac vix in puero aut linguæ tirone ferenda respondere sciverit. Tu tamen pro eruditione tua minime vulgari id ex me auditum neuriquam aspernandum duxisti: eaque re faciendum mihi visum est, ut aliquid speciminis ad te mitterem, quo minore negotio aliis probares, neque mihi, meam judicij illius libertatem invidiæ esse oportere, neque te, ut mihi assentires, obsequio potius & amicitia, quam veritate inductum fuisse. Epistolarum ad Atticum lib. 6. epist. 9. scripserat Cicero: *In Piræa cum exissem pridie Idus Octob. accepi ab Acasto tuas litteras.* Horum verborum causa visum

visum fuit Attico violatæ Latinitatis dicam Ciceroni suo scribere, quod neque *Piræa* rectè dictum censeret, qui *Piræus* ex vero nomine vocaretur, & urbium oppidorumque propriis nominibus Præpositionem minimè adjungendam statueret. Audire est operæ pretium, quemadmodum Tullius causam pro se dixerit lib. 7. epist. 3. *Venio ad Piræa* (inquis) *in quo magis reprehendendus sum, quod homo Romanus Piræa scripserim, non Piræcum* (sic enim omnes nostri locuti sunt) *quam quod IN addiderim, non enim hoc ut oppido præposui, sed ut loco. Et tamen Dionysius noster, qui est nobiscum, & Nicias Cous non rebatur oppidum esse Piræa. Sed de re videro. nostrum quidem si est peccatum, in eo est, quod non ut de oppido locutus sum, sed ut de loco: secutusque sum, non dico Cacilius: Mane ut ex portu in Piræcum* (malus enim auctor latinitatis est) *sed Terentium, cuius fabella propter elegantiam sermonis putabantur à C. Lelio scribi: Heri aliquod adolescentuli coimus in Piræcum. Et idem: Mercator hoc addebat, captam è Sunio. quod si dñus oppida volumus esse, tam est oppidum Sunium, quam Piræus. Sed quoniam Grammaticus es, si hoc mihi ἔτιμνος persolveris, magna me molestia liberaris &c.* Hic enim vero mirari ac tantum non inter monstra numerare possis, quod optimus omnium patronus, quo defendente plerique vincere solerent, in causa pro se ipso dicenda tam turpiter se dederit. Primum peccasse se agnoscit, quod quartam urbis Athenarum partem, quæ *Piræus* ab omnibus Romanis dici soleret, ipse nullo auctore *Piræa* dixerit. Deinde flagitiosè *Opidum* à *Loco* distinguit, perinde ac si quis se non de Homine, sed de Animali locutum defenderet. Si enim quærenti *Quo vadis?* respondeatur *Romam aut Ithacam*, similiter *Vbi est?* *Roma aut Ithaca*, quis usque eo hebes est, ut de *Loco* quæri ac responderi non intelligat? *Quo* enim est priscus accusativus pro *Qua* vel *Quæ*, qui in *Quo* circa permansit, & subauditur propositio *Ad* vel *In*, ut *Quo* sit, *Ad quæ loca*: & *Vbi*, non est aliud, quam *in quo loco?* cui respondetur *In loco Rome aut Ithacæ*. quomodo apud Virgilium legimus: *Hic locus urbis erit.* Et Horatium: *Non est aptus equis Ithacæ locus.* Adhæc nonnullius ἀπειδυσίας vituperationem suscipit cum ipse, tum ad stipulatores ejus Nicias Grammaticus, & Ciceronum puerorum magister Dionysius,

sius , cum Piræum urbem aut opidum non esse putant. Quid
 enim ? non illi Attium poetam legerant , ab eoque , quod Fe-
 stus testatur, *Athenas Quadriurbem* dictam invenerant: Quar-
 ta igitur Athenatum urbs Piræus erat, ipso Astu ad dignitatem
 & speciem nullo genere inferior, si Ciceronis amico, simulque
 censori & laudatori Cornelio Nepoti credimus, cujus de The-
 mistocle verba sunt: *Cum Phalerao portu neque magno neq; bono*
Athenienses uterentur, huius consilio triplex Piræi portus consti-
tutus est, isque mœnibus circumdatus, ut ipsam Urbem digni-
tate equipararet, utilitate superaret. Præterea cum ipse se Te-
 rentius Plautum habere auctorem gloriatur, neque Cicero in
 gravissimis rebus Plautinos orationi versus inferere dubitet, in
 tertio verò de Oratore fateatur, eos, qui Plauti & æqualium
 sermone assuefacti sint, ne cupientes quidem posse, nisi La-
 tine, præclare & eleganter loqui: nulla fuit ratio, cur ex unius
 Terentij auctoritate præsidium sibi peteret, Plautum ve-
 rò sic penitus missum faceret, in cuius Bacchidibus legimus:
Ibo in Piræum, visam ecqua adveniret in portum ex Epheso
navis mercatoria. Et Mostel. *Ego ire in Piræum volo, in*
vesperum parare piscatum mihi. Ad extremum nimis ἀνα-
 πολόγηται est, nec excusationem habet, quod Grammati-
 corum auctoritate imponi sibi passus est, ut stolidæ eo-
 rum Regulæ subscriberet, quam Rhæmnus Palæmon a-
 pud Charisium lib. 2. priores scilicet artis doctores secu-
 tus, his verbis complexus est: *Nomina civitatum sine Præposi-*
tione sunt cum verbis eundi, manendi, redeundi: sed & Rus
sine Præpositione, ut Rus eo, ruri sum, rure venio, & Do-
mus sine præpositione, ut Domum eo, domi sum, domo venio,
sed & De domo dumtaxat: in tertia persona invenimus sapius
In domum. His verbis subijcit Sosipater: *Generaliter autem*
& Canonice (ut C. Julius Romanus disertissimus artis scriptor
refert) Præpositiones gentibus seu nationibus adduntur, civitati-
bz adimuntur & detrahuntur, licet contrà dixisse nonnullos
veteres reperiamus. In eandem sententiam Servius ad illud
Æneid. 1. Italiam fato profugus Lavinaque venit Litora, hoc
 modo commentatur: *Ars quidem hoc exigit, ut nominibus*
Provinciarum Præpositionem addamus, Civitatum numquam:
tamen hoc plerumq; per verso ordine legitur. Sciendum enim usur-
 patum

patum ab auctoribus, ut vel addant, vel detrahant præpositiones. Cum ergo nescire Cicero non posset, quod ipsi Grammatici ultro confitentur, inertis eorum artis Canonas ab auctorum linguæ latinæ consuetudine dissidere, non debuit certe ipse fui accusatorem agere, nec in eo, quod Præpositionem opido addisset, ullum suum peccatum agnoscere. Ut enim ipse tertio de Oratore docuerat, omnis latine loquendi ratio quatuor fundamentis nititur. Quorum primum est literæ doctrinaque puerilis, id est, artis Grammaticæ præcepta, quæ pueri imbuuntur: alterum subtilior cognitio ac ratio literarum, id est, investigatio causarum linguæ latinæ, quæ præcepta artis ad Logicæ normam & veritatem limantur: tertium usus, beneque loquentium & scribentium consuetudo: postremum auctoritas oratorum ac poetarum veterum. Ipsa ejus verba sunt hæc: *Prætereamus præcepta Latine loquendi, quæ puerilis doctrina tradit, & subtilior cognitio ac ratio literarum alit, aut consuetudo sermonis quotidiani ac domestici, libri confirmant, & lectio veterum oratorum & poetarum.* Et Artis quidem præcepta hoc discipulis præstant, ut ne quid vel in singulis vocibus, vel in earum compositione peccent, sive ut Barbarismi & Solæcismi crimen effugiant, quod cum consecuti erunt, Grammaticæ loqui censebuntur: meminisse tamen debent, non temere Quintilianum monuisse, *aliud esse Grammaticæ, aliud Latine loqui.* Fieri enim potest, ut verba sint Latina, ipsa nihilominus oratio minus pura sit, quod eam aures eorum, qui optima, hoc est, Ciceronis ætate vixerunt, vel repudient, vel non agnoscant. Quæ repudiant, sunt *prisca & obsoleta*: quæ non agnoscunt, aut *Nova* sunt, nondum scilicet illis temporibus usitata, aut *Peregrina* & ad aliarum linguarum consuetudinem conformata. Quibus tribus orationis impuræ generibus aurea illa latini sermonis ætate præter ceteros M. Cælium, Crispum Sallustium & M. Varronem orationem infuscare solitos videmus, & de Sallustio veterum non pauci apertissime tulerunt. Etiam in M. Antonio novandi licentiam Tullius agit, qui *Piissimus* dixerit; & *Dignus* pro eo, qui in dignitate sit constitutus, & *Contumeliam facere* pro pati sive accipere, sicut *Facere jacturam* aut *detrimentum*. Rationis literarum ac subtilioris cognitionis partim in Arte perficienda, partim in

diri-

dirigenda consuetudinis regula usus est. Et ad Artis quidem præcepta quod attinet, satis illa fidem Athenæi sententiæ firmaverint, *exceptis medicis nihil Grammaticis stultius existimantis*. Pueros scilicet dicto audientes habent, quibus quicquid dixerint, ex tripode responsum aut ab Ammonis fonte relatum videri sciunt. Eo illi feroces sunt, adeoque illud minui, in quo sibi cæterisque maximi videntur, ferunt indignissime. Docti proinde hominis est adversus ista Arcadiæ pecuaria Ratione obarnari, eorumque Regulas partim investiganda causa, quam linguæ conditores spectarunt, partim observandis locupletium auctorum exemplis, sive corrigere cum falsa præcipiunt, sive recidere & compescere cum redundant, sive numero augere, cum quæ desiderantur. Quatum quidem rerum omnium quam multiplex relictæ sit occasio, satis jam tibi multisque doctissimis viris nova Syntaxis nostra fidem fecisse debet. In ea enim, ut scis, duodecim Latinæ orationis fundamenta jecimus, majorem partem ex Academiæ sylvis & Lycæi spatii petita, quæ qui memoriæ mandavit, omnes postea Syntaxeos regulas quam veras nostras, tam Grammaticorum falsas cum veritatis falsitatisque causis nullo negotio percipienturus, nec temere in eorum oblivionem venturus videtur. Quis deinde Rationis in consuetudine corrigenda & expurganda usus sit, totidem verbis Cicero in Bruto declarat: *Solum & quasi fundamentum Oratoris vides locutionem emendatam & Latinam: cujus penes quos laus adhuc fuit, non fuit Rationis aut scientiæ, sed quasi bona consuetudinis. Mitto C. Lælium, P. Scipionem. Ætatis illius ista fuit laus tanquam innocentia, sic latine loquendi, nec omnium tamen: nam illorum æquales Cæcilius & Pacuvius male locutos videmus. Sed omnes tum fere, qui hæc extra urbem hanc vixerant, nec eos aliqua barbaries domestica infuscarerat, recte loquebantur. Sed hanc rem deteriore vetustas fecit & Roma & in Grecia. Confluxerunt enim & Athenas & in hanc urbem multi inquinatæ loquentes ex diversis locis. Quo magis expurgandus est sermo, & adhibenda tanquam obrussa Ratio, qua mutari non potest, nec utendum pravissima consuetudinis regula. Ex quibus verbis hoc amplius discimus, duo hominum fuisse genera, qui bonam latine loquendi consuetudinem inquinarent. Unum eorum, qui extra urbem Romam vixerant, in alia scilicet*

cet Italiz parte nati atque : alterum , qui Romæ quidem nati & educati , nec alioqui rationis literarum aut scientiæ expertes , sibi tamen ab exteris , qui in Urbem plurimi confluerant , nova & peregrina cum vocabula , tum loquendi genera affricari passi fuerant. Recte proinde Cicero Rationem etiam consuetudinis *obrussam* , sive lapidem Lydium facit , ad quam non illa minus , quam præcepta Artis , exigi probarique debeat : quod quidem Cæsarem Dictatorem feliciter præstitisse hoc modo prædicat : *Cæsar Rationem adhibens , consuetudinem vitiosam & corruptam pura & incorrupta consuetudine emendat.* Cottam rursus & Siseniam , pravam novandi & Græcissandi , sive exoticis utendi consuetudinem non Ratione , sed iudicio non minus pravo corrigere voluisse narrat. De priore in eodem Bruto verba sunt : *L. Cotta de industria cum verbis , tum etiam ipso sono quasi subrustico persequeretur atque imitabatur antiquitatem.* Et iterum : *Cotta quia se valde dilatandis literis à similitudine Græcæ locutionis abstraxerat , sonabatq; subagreste quiddam planeq; subrusticum , alia quadam quasi inculta & sylvestri via ad eandem laudem pervenerat , ut nimirum bene Latine loqui , nec invec̃ta ab exteris verborum aut pronunciationis barbarie orationem infuscaste diceretur.* Quorum verborum sententiam alius locus in tertio de Oratore pluribus exprimit ac declarat : *Vt Latine loquamur (inquit) non solum videndum est , ut & verba efferamus ea , quæ nemo iure reprehendat , & ea sic & casibus , & temporibus , & genere , & numero conservemus , ut ne quid perturbatum ac discrepans aut præposterum sit : sed etiam lingua & spiritus & vocis sonus est ipse moderandus. Rustica vox & agrestis quosdam delectat , quo magis antiquitatem , si ita sonet , eorum sermo retinere videatur , ut L. Cotta gaudere mihi videtur gravitate linguæ sonoque vocis agresti , & illud , quod loquitur , priscum visum iri putat , si plane fuerit rusticanum.* Et paulo infra : *Cotta noster , cuius tu illa lata nonnumquam imitaris , ut Iota literam tollas , & E , plenissimum dicas : non mihi oratores antiquos , sed messorum videtur imitari.* Rustici nimirum , ut ex Festo discimus , diphthongos vitantes , earum loco vocales latius efferebant , ut pro *Aurum* , dicerent *Oorum* , pro *Auriculas* , *Ooriculas* (unde natum *Oricilla* Catulli) pro *Capteirvei* , *Capteervee* . Eisdem Varro 1. rei rust. 2. *Vellam* pronun-

nunciare solitos testatur pro *Villam* seu *Veillam*, quasi *Vehillam*, ab eo dictam, quod in eam convehuntur fructus, & evehuntur cum vaneunt. Hos Cotta imitabatur, ut à Græcæ locutionis tamquam peregrinæ similitudine se abstraheret. Græci autem diphthongum EI, sic pronunciabant, ut posterior vocalis, velut longa, duo tempora consumeret, prior non nisi tertiam temporis partem, ita ut sonus ejus ad aures quodammodo petiret, quæ causâ est, cur Sextus Empiricus τῇ EI, simplicem sonum esse, Cicero etiam Græcum BINEI, & Latinum BINI, eodem sono efferri scripserint, qua de re in disputatione de *Orthoepeja* sive recta latinæ linguæ pronunciatione uberius à me actum nosti. De Sisenna porro hæc in eodem Bruto legimus: *L. Sisenna doctus vir & studiis optimis deditus, bene Latine loquens, quasi emendator sermonis usitati cum esse vellet, ne à C. Rufio quidem accusatore deterreri potuit, quo minus inusitatis verbis uteretur. Recte loqui, putabat esse inusitate loqui.* Ira discimus ætate Ciceronis hunc Rationis usum fuisse in emendanda vitiosa & corrupta loquendi consuetudine, ut neque abolita & obsoleta referri pateretur (quod quidem Fabius *frivola in parvis jactantia* esse rectè judicat) neque aut appellationem literarum seu pronunciationem peregrinam, aut verba loquendique genera à peregrinis hominibus ad vernaculi seu patrii sermonis usum conformata in Urbem admitteret. Atque hoc est, quod Cicero latinitatem non modo *quotidiani*, sed etiam *domestici* sermonis consuetudine ali confirmarique dixerat, ut omnem scilicet *Novitatem & Peregrinitatem* excluderet. Addit idem *librorum lectionem*, quod scilicet, qui ætate illa libros scribebant, majorem in scribendo, quam in loquendo cautionem ad effugienda pravæ consuetudinis vitia adhiberent. Atque hinc judicare possumus, quæ nobis hodie Latine scribentibus sequenda sit ratio, ut nimirum multo maxima utamur cautione in virandis primum obsoletis, tum peregrinis & linguarum hodie vigentium idiotismis, tandem novis & circa Ciceronis ætatem nondum usitatis, nisi cum iis meliorum penuria locum dederit, aut hominis eruditi multumque in Ciceronis & æqualium lectione versati judicium suffragabitur, ut illorum consuetudine haud quaquam aliena aut indigna videri possint. Postremo loco *poëtarum & oratorum veterum*, id est,

ætate sua antiquiorum *lectione Latinitatem confirmari* censes Cicero, propterea quod ut ipse tertio de Oratore disputat, *omnis loquendi elegantia, quamquam expolitur scientia literarum, tamen augetur legendis oratoribus & poetis. Sunt enim illi veteres, qui ornare nondum potuerant ea, quæ dicebant, omnes prope praeclarè locuti: quorum sermone assuesciti qui erunt, ne cupientes quidem poterunt loqui nisi Latine. Neque tamen erit utendum verbis iis, quibus jam consuetudo nostra non utitur, nisi quando ornandi causa parce, quod ostendam: sed usitatis ita poterit uti lectissimis, ut utatur is, qui in veteribus erit scriptis studiosè & multum volutatus.* Nuncium orationem verè Latinam, puram minimeque inquinatam præstabat, tum verborum lectorum minimeque plebeiiorum aut humilium copiam illa veterum lectio suppeditabat. Quanto igitur magis hodie nobis in legendis veteribus illis sumenda est opera, si diligenter latine loquendi, vel potius scribendi laudem expetimus?

His ita præmunitis age videamus, quam vincibilem Cicero causam habuerit, quamque parum se dignum fecerit, cum hoc Attico & Grammaticis concessit, Solæcismum ab eo fieri, qui opido præpositionem addat: nam & Ratio, & Consuetudo sermonis quotidiani ac domestici, & veterum denique Auctoritas ab omni eum culpa vindicare poterat. Et Ratio quidem hæc est, quoniam orationis partes aliæ principes sunt, ut *Nomen & Verbum*, sine quibus affirmatio & negatio ne cogitari quidem potest; aliæ secundariæ, nimirum *Particula*, ut Præpositiones, Adverbia & Coniunctiones: quarum ultimæ sunt velut Nervi, quibus nomen & verbum aliæque minores orationis partes colligatæ tenentur. Adverbia modum verbi præcipuè significant. Præpositiones verò nominum casus certis significationibus distinguunt, ut videlicet nomina Locum à quo, in quo, & ad quem, similiter & Tempus ante quod, circa quod, in quo & post quod; tum causam efficientem, impellentem, administram, inficientem seu permittentem, materiam & finem, adhæc Adiunctum, Subjectum, Objectum, Partem certam, Pretium, Mensuram aut aliud quid significantia, Præpositionibus certis tamquam notis impositis inter se discernantur. Sic *Ad*, & *In*, placuit nominibus quarti casus præponi, cum locus ad quem iretur, significandus esset, nullo proorsus nec domus, nec

ruris,

ruris , nec urbis, nec provinciæ aut regionis discrimine: similiterque *Ab* , *de* & *ex* , nominibus sexti casus, ad significandum Locum, unde iretur. *In* , verò ad Locum ubi maneretur. Qui quidem Præpositionum usus cum à primo stabilitus fuisset, factum est postea, quoniam compendio studebatur verborum, omnesque inter se quam paucissimis commutatis vocibus animi sensa exprimere cupiebant, ut sæpe cujuscumque usus Præpositiones reticere ac subaudiri mallerent: quod quidem sermonis compendium pro quodam ornamento habuerunt, idque Grammaticorum lingua *Ellipsis* dici cœpit. Utrovis ergo modo postea loqui fuit liberum: nam qui Præpositionem cuicumque nomini in Loco significando addebat, primigenia sermonis regula se tuebatur: qui verò eam lucrificiebat, ultro etiam ornatus commendationem vindicabat. Si ergo *Solæcismus* orationis vitium appellari debet, quo compositionis seu Syntaxeos leges migrantur, ille demum *σολαικίζεσθαι* censendus fuerit, qui Præpositionem nominibus locum significantibus addere supersedit. Et hujusmodi quidem Ratione se Tullius tutari poterat. De *Consuetudine* verò *quotidiani ac domestici sermonis*, quantum in ea Ciceroni ad defendendum Solæcismi crimen præsidij fuerit, vel hinc judicari potest, quod & ipsum, & Cæsarem, Virgilium, Livium aliosque ejusdem aetatis scriptores quibuscumque Locorum nominibus Præpositiones, alias ex vero Artis præscripto addidisse, alias compendij & elegantiae causa per Ellipsin detrahare solitos videmus. Cæsaris verba sunt: *Prius Cæsius ad Messanam navibus advolarvit, quam Pomponius de ejus adventu cognosceret.* Livij vero: *Ductus Vejos exercitus. Inde ad Vejos exercitus ductus. Valerium à Vejis abducere exercitum jubet. Abducere infectare à Vejis exercitum noluerunt. Cum exercitibus ad Vejos accessere. Qui à Vejis fugerant. Cum exercitu novo ab Roma advenit. Placuit ab Ardea Camillum acciri. Profectus ab Ardea. Æsculapium ab Epidauro Romam accersendum. Samnitibus ab Aquilonia clam egressis. Abesse ab domo non possum. Dum senes ab domo accersunt. Vbi vos dilapsi domos & in rura cœstra eritis. Cyprum classem misit. Ægyptum induxit exercitum.* Virgilius similiter: *At nos hinc alij suientes ibimus Afros, Pars Scythiam &*

rapidum Creta venimus Oaxem. Vnde iter Italiam. Tollite me Teucris, quas cumque abducite terras. Æoliam venit, loca fata furentibus Austris. Devenere locos, latos & amana vireta. Hac limina tendere adegit. Varronis etiam: Olea dominum & balneae & gymnasium sequitur, pro, ad balnea. Catulli autem: Quam talia Cretam funera portarentur. Cur non exsilium malaque in oras itis? Ipsius denique Ciceronis: Cum in Piræum Socrates venisset ad Cephalum. A Piræo ad Zosteram vento molesto venimus. Miles profectus sum ad Capuam, quintoque anno post ad Tarentum quaestor. Quinquaginta naves delatas in Vrieam. Ut ab Alexandria discederet. Nec me in Arpinum abdam. Is ad Messanam venturus dicebatur. Ne citius ad Brundisium, quam opus sit, accesserit. Tertio die abs te ad Ariciam accesseramus. Ab Dianio, quod in Hispania est, ad Sinopen, qua in Pontio est, navigaverunt. Ipse iter ad Mutinam dirigerem. Fugisse à Mutina viderentur. Ab Epheso profectum. A Bibone discessimus. De illius ab Alexandria discessu. Exclusus ab Antiochia. Quatridui iter à Laodicea abest. Sardiniam cum classe venit. Bosphorum confugit. Italia cedit. Cum in sua rura venerint. In domo Caesaris. Ad pratoris domum. In ipsius patris domum detulimus. Quasi in domum suam venerit. De Gyaro ad te dedi de Messala literas. De Pomptino scripsi.

Tandem veterum quoque auctoritate perfacile Ciceroni fuit illam Grammaticorum regulam convellere, seque Attico suo ἀμεμπτος probare. Plauti enim sunt ista: Is ex Anactorio huc commigravit in Calydonem. Quando iturus est hinc in Seleuciam. A patre ex Seleucia venit. Vbi ipse erat? In Seleucia. In Ephesum abij. Ex Epheso literas huc misi. Discrucior animi, quia ab domo abeundum est mihi. Iam per hortum amicam transibo meam. Malam crucem ibo potius. Vtinam hinc abierit malam crucem. Iam redij exsilio. Similiter Attij est in Phoenissis: Iussit proficisci exsiliū quovis gentium. Fannij vero laudante Charisio: villam venit, pro in villam: quo exemplo Rus ire & Ruri esse dixerunt, Præpositione per Ellipsin suppressa: nam Ruri sextus est casus, pro Rure, sicut Carthagini pro Carthagine. Plautus Most. Veniunt ruri rustici, pro à ruri, sicut Terentius, à villa. Idem Plautus Casin. Vxorē ubi rus abduxero, rure incubabo usque in præfectura mea, pro in rure.

Horat.

Horatius: *Quinque dies tibi pollicitus me rure futurum.* Cornelius Nepos: *Vt Roma consules, sic Carthagine quotannis vini reges creabantur.* Virgil. *Tyria Carthagine qui nunc expectat.* Hinc planum fit apud Livium lib. 29. legendum: *Præcipue Carthagini prope ut capta tumultus fuit.* Vbi male vulgo, *Capta:* nec enim ruri Carthagini Dativi sunt, velut oscitantes Grammatici tradiderunt. Asconius politissimus linguæ auctor in Miloniana Præpositionem sine dubio veterum exemplo sic expressit: *Qui forte ex rure in urbem revehebatur.* Quid nunc? Vtrum satis tibi Ciceroni Auctori adversus Ciceronem Grammaticum bene advocatus fuisse videor? Si bene te novi, promisso meo ac recepto egregie me satisfecisse agnosces, nec verbum amplius addendum putabis. Ego nihilominus hoc addam, minus esse mirum usque eo haustum ex puerili Grammaticorum doctrina errorem Tullio infedisse, ut eum neque ratio, neque veterum auctoritates, neque consuetudo loquendi & scribendi cum publica omnium, tum ipsius propria evellere ei potuerit: quando idem ipsum Fabio quoque Quintiliano, acerrimo literarum iudici, videmus usufenisse, ut cum nihil omnia, quæ jam attulimus, detererent, quin Solæcisinum esse statueret, si quis dicat, *Veni de Susis in Alexandriam.* Mecum igitur, opinor, ita decernes, neutrum Grammatica satis calluisse, ac propterea, si nunc in terris existerent, sicut ipsi nos, quomodo loquendum, docerent, item eos à nobis, cur ita loquendum, discere debere. VALE. Mediolani a. d. x i i i. Augusti anni M. DC. XXVII.

PAULO JOSEPHO MERONO Theologo & Philologo.

IV.

Legendis Scriptoribus Latinis, quorum ad nos libri pervenerunt, hoc mihi comperisse me videor, neque eos, qui boni auctores linguæ fuerunt, fuisse bonos Grammaticos, neque rursus, qui in Grammaticis præstare visi sunt, fuisse bonos linguæ auctores. Nam quod ad posteriores attinet, ut

missos faciam Priscianos, Diomedes, Charisios, Nonios, Donatos, Servios, eorumque similes, ipse certe Varro, togatorum cæteroqui doctissimus, Ciceronis, Cæsaris, Nepotis & Livij dissimillimus existit, eaque re deterioris notæ auctoribus annumerari meretur. Ut enim quo quidque propius ab eo abest, quod in quoque genere primas tenet, eo præstabilius judicandum est: sic è diverso tanto deterius videri oportet, quanto longius ab optimi similitudine se removerit. Neque vero id dubium cuiquam esse potest, qui vel eos ipsos libros, quos de lingua latina ad Ciceronem Varro misit, vel rei rusticæ commentarios, vel denique multa ejus fragmenta librorum cognoverit. Præterquam enim quod tota ejus compositio verborum aspera & salebrosa est, plerisque etiam locis perobscura, eorum iniri vix potest numerus, quæ vel ex priscorum ruderetis jam olim desita & abolita retulit, vel audacia minime ferenda ac plerumque ridicule novavit, vel ad Græcanici sermonis consuetudinem licenter effinxit. Quæ quidem orationis vitia quod cavere neglexissent Cæcilius, Pacuvius & Aquilius, eos malos linguæ auctores Cicero perhibet, quamvis ea ætate vixissent, qua omnes prope præclare loquebantur. Priorum veto, id est, eorum, quos optimos linguæ latinæ auctores, fateri oportet, vel unus ille, qui familiam inter eos ducit, Cicero satis exemplo suo fidem fecerit, notæ eos non optimæ Grammaticos fuisse. Jam alias coram in sermone tibi demonstravi, quam aqua Ciceroni hæserit, cum à Pompejo consultus fuisset, utro tandem modo, *Pompejus tertium Consul*, an *Tertio Consul*, rectius scriberetur, etsi ipse in libris suis nullo discrimine *Tertium* & *Tertio* scribere nihil dubitaret: quoniam videlicet utriusque dicti causam ignoraret, ac perinde ut quivis unus è medio, literarum nihil admodum peritus, consuetudinis impetu auferretur. Meministi etiam quam idem perdita sui defensione usus fuerit, cum ab Attico Solocersimi postulatus esset, eo quod scripserat, *Cum in Piretea exissem*. Nunc aliud ejusdem rei tibi affero specimen, ex quo perspicere licebit, quanta erroris vis fuerit, quo Tullium in primis pueritiæ annis puerilis doctrinæ magister imbuerat, ut postea neque illum ratio neq; propria etiam loquendi scribendiq; consuetudo eo errore liberare potuerit. Verba ejus sunt Tusculana-

lazarum tertio: *Invidia* verbum ductum est à nimis intiendo fortunam alterius, ut est in Menalippo: Florem quisnam liberum invidit meum? Male Latine videtur, sed praeclare Attius. Ut enim Videre, sic Invidere florem, rectius quam Flori dicitur. Nos consuetudine prohibemur. Poëta jus suum tenuit & dixit audacius. Hoc loco quid erraverit Cicero, & quæ erroris illi fuerit causa, operæ videtur pretium distinctius exponi. Erratum ejus duplex est, unum ad Syntax. n, alterum ad poëtæ sensum pertinens. Primum *Invidere* cum accusativo casu poni rationi quidem & juri consentaneum, mori tamen seu consuetudini contrarium sive insolens esse statuit: sed utrobique non parum allucinatur, non quo non ratio postulet, accusativum æque cum verbo *Invidere*, ac cum *Videre* jungi, sed quoniam in hac Syntaxi *Invidere flori*, accusativum deesse putat, quod tamen est aliter: necessario enim Accusativus quispiam subauditur, isque vel proprius seu cognatus, qui actionis formam significet, *Invidiam* puta, vel communis cum multis aliis verbis activis, ut *Honorem*, *Speciem*, *Fortunam*, quæ sunt Objectum actionis, sive materia circa quam invidentia seu malignus intuitus occupatur. Horatianum illud nosti: *Non semper idem floribus est honos*, cui simile hoc Virgilianum: *Frigidus aut sylvis Aquilo decussit honorem*. Apud Plautum Rudent. naufragio ejecti uvidique verba sunt: *O scirpe, scirpe laudo fortunas tuas, qui semper servas gloriam aritudinis*. Hunc scirpo fortunam & aritudinem invidere recte dixeris, cum laudationi non addat verbum *Præfiscini*, quod quidem veteres consuetudine fecisse nosti, ut sine invidia laudem se impertitos probarent. Apud Titinium in Setina, cum Paula mulier novam nuptam ut omnium, quæ Setiæ essent, puellarum pulcherrimam ita collaudasset: *Accede ad sponsum audaciter: virgo nulla est talis Setiæ*, ab alio nescio quo sic monetur: *Paula mea amabo pol tu ad laudem addito Præfiscini*. nempe, ut Charisius notat, *ne puella fascinetur*. Sed simplicius certiusque est cognatum accusativum subaudiri, ut dictum putetur *Invidere alicui invidiam*, sicut *Vovere alicui votum*, *Pugnare pugnam*, *Ludere ludum*, *Quærare quæstum*, *Furere furorem*, *Vomere vomitum*, *Basiare basia*, *Turbare turbas*, *Jurare jusjurandum*, *Currere cû-*

sum, Gaudere gaudium, Ridere risum, Somniare somnium, Vivere vitam, Nocere noxam, Servire servitutem. Sicut ergo, cum dicit Lucretius: *Tibi vident aquora ponti*, subaudimus *Risum*, & in hoc Tullii, *Gaudeo tibi*, *Gaudium*, in ista ejusdem Lucretii: *Sibi quisque valere & vivere doctus, Valetudinem & Vitam*, in pervulgato *Nocere alicui, Noxam*, in *Servire alicui, servitutem*: similiter in *Invidere alicui* suppressum audimus *Invidiam*, etsi *Invidere aliquem* non minus recte dicitur, quam *Nocere & Servire aliquem*, quæ Plautus frequentat. Eodem certe modo *Adulari aliquem* Ciceroni & æqualibus in usu fuit, non tamen ut *Adulari alicui* aspernarentur, quod perperam Quintilianus sibi persuaferat: nam apud Nepotem, cujus dictionem tamquam divinam ipse prædicabat Cicero, in Attici vita legimus: *Neque eo magis potenti adulatus est Antonio*. Sic apud Livium lib. 3. 69. *Consules per prodicionem dignitatis patrum plebi adulatos*, sed in eo *Adulationem* subauditur. Est ergo circa verborum Attianorum Syntaxin primus Ciceronis error, quod quomodo ea Rationi sit consentanea minime percepit, id est, Figuram, Accusativi puta ellipsin, non animadvertit. Non minus tamen Ratio cum fugit, cum *Invidere*, cum accusativo bene loquentium & scribentium Consuetudini repugnare censet: nam & ipse hoc ipso Tusculanarum loco duobus ante versibus ita scripserat: *Invidia tum est, cum invidetur*, quo exemplo idem alibi: *Invidetur commodus hominum ipsorum*, ubi supplendum est *Invidia* sive *Invidere* vim nominis habens. Cum enim ista sit affirmatio, nomen pariter & verbum in ea sit necesse est, cum scilicet oratio sit, in qua de altero alterum, id est, de nomine verbum affirmatur. Jam ratio dicat, ut Nomen, quod in recto casu est passivi suppositum, idem in accusandi casu sit verbi activi appositum. Itaque si *Invidia invidetur*, à loquendi consuetudine non abhorret, non minus *Invidere invidiam*, consuetudini consentaneum fateri oportet. Sed nihil multa argumentatione opus est, cum rursus eodem libro Cicerone in *Invidere* cum accusativo ex consuetudine posuisse videamus. Sic enim loquitur: *Ut nobis optimam naturam invidisse videantur, qui nihil melius populari gloria judicaverunt*. Cui simile hoc Virgilii: *Iam pridem nobis cali te regia, Caesar, Invidet*. Horatius:

ratiſ: *ego cur acquirere pauca, ſi poſſum, inuideor*, ubi *Ob*
ſeu Propter ſubaudiendum eſt, ut *Viſuperor hoc feciſſe*, pro, *ob*
feciſſe hoc, ſeu *ob hoc factum*: aut hoc modo interpungemus
 locum: *Ego cur, acquirere pauca ſi poſſum, inuideor*. Sed vero
 tandem modo dixerit, ſive *Inuideor ob acquirere*, ſive *Invi-*
deor, ſi poſſum acquirere, neceſſe eſt, ut recte dicatur, eſſe
 qui cum inuideant, quomodo Ovidius in Laodamiæ epiſtola:
Troadas invideo, qua ſic lacrimoſa ſuorum Funera conſpicient, nec
procul hoſtis erit. Atque hinc ſatis planum jam factum arbitror,
 quam Cicero cum aliorum, tum propriæ conſuetudinis oblitus
 fuerit, cum ſe, ne verbo *Invidere* accuſativum jungeret, *con-*
ſuetudine prohiberi dixit, nec poëtam Attium, quod Rationi ſer-
 viens à conſuetudine diſceſſerit, inſolentiæ & audaciæ inſimu-
 lare dubitavit. Jam quod ad verſiculi Attiani ſententiam attinet,
 fallitur non parum Cicero, cum ſenſus nihil intereſſe arbitra-
 tur, ſive *Flori*, ſive *Florem invidit*, in eo legas. Ut enim ipſe
 agnoſcit, *Invidere aliquid* eſt nimis videre in aliquid, obtu-
 tu uno defixum intueri aliquid, & velut idem Attius in Tereo
 loquitur, *conſpicere in aliquid*. Poſtea per Metonymian cau-
 ſæ duplex verbi orta eſt notio, cum duplex invidentiæ, id eſt,
 intuitus, adſpectus, & ut ita dicam, *inſpicientia* effectus ſit;
 unus internus ſubjecti, nempe dolor, alieni boni intuitu exci-
 tatus, ex quo *Dolere oculi*, ſive dolori eſſe, aut dolorem af-
 ferre iis dicuntur, qui animo minus æquo alienum, quod in-
 tuentur, bonum ferunt: & iſti *Invidere alicui* dicuntur: alter
 externus objecti, nempe faſcinatio ejus, cujus quis bonum
 maligno oculo intuetur, & tunc *Invidere aliquem* dici res
 poſtulat: quo pertinet illud Virgilii: *Nefcio quis teneros ocu-*
lus mihi faſcinat agnos, ubi pro *Faſcinat*, per Metonymian
 eodem ſenſu dicere poterat, *Invidet*, quo ipſo ſenſu Attius
 videri poteſt dixiſſe: *Quisnam oculus florem liberorum meo-*
rum mihi invidet ſeu faſcinat? Catullus quidem utroque ver-
 bo indifcriminatim utitur. Prius quidem hoc modo: *Contur-*
babimus baſia, ne ſciamus, Aut ne quis malus invidere poſſit.
 Poſtea autem ſic: *Quæ baſia nec pernumerare curioſi poſſint,*
nec mala faſcinare lingua. De hujusmodi maligno invidentis
 oculo etiam in ſacris habemus, Proverb. 23. *Ne comedas cum*
homine invido. Ubi Græce eſt: *μὴ συνδέειν μετ' ἀνδρὶ βαρζάνῳ*,
 id

id est, *ne convalescas homini fascinatori*, nempe *πονηροφθάλμου*, mali oculi viro. In Hebræo fuerat: *Ne comedas panem mali oculi*, id est, invidentis seu maligne intuentis, qualis est operarij illius Matth. 20. ad quem Dominus: *An oculus tuus nequam est, quia ego bonus sum?* id est, an tu aliis bonitatem seu liberalitatem meam invides? sive an oculi tibi dolent, dum meam in alios bonitatem intueris? Eodem pertinet Horatii versus: *Non istic obliquo oculo mea commoda quisquam Limat.* nam id est, nemo ruri mihi invidet, nemo maligno oculi obtutu mea commoda corrumpit seu fascinat. Fascinationem enim sive *βάσκανον* dicebant, *τὸν ὀφθαλμοῖς κτείνοντα καὶ φθείροντα τὸ ἐπ' αὐτοῦ ὄραδὲν*, qui oculi interimit & corrumpit, quod ab ipso cernitur, ut laudatus Lambini Theocriti Scholiastes interpretatur. Atque hoc ipsum sibi volunt Attii verba, fuisse scilicet, qui obliquo & maligno oculo liberorum florem limaverit seu corruerit aut interemerit: quod contra Cicero interpretatur, fuisse, quem conspectus liberorum flos invidiæ dolore affecerit, sive, cui ex felicitatis liberorum intuitu oculi doluerint.

Reliquum nunc est, ut quæ Ciceroni erroris causa fuerit, consideremus. Grammatices videlicet doctor ei primis pueritiæ annis persuaserat, verba quædam *Absoluta* sive *Neutra*, hoc est, nec activa, nec passiva esse, adeoque nec Accusativum ab illis regi. Eo factum est, ut *Invidere* neutrum esse crederet, eique accusativum adungere dubitaret: nisi si quando consuetudo & quotidiani sermonis usus regulæ illius memoriam ei excussit, etsi non minus consuetudinis cum aliorum, tum suæ, oblivisci fuit solitus, cum usus illi venit, ut de dicti scriptive ratione cogitationem aliquam susciperet, quod in examinando Attii versu jam vidimus contigisse. Ab ejusmodi errore nullum cuiquam posthac erit periculum, qui *Minervam* nostram *Sanctianam*, sive *de causis lingua Latina commentarium*, ex eaque formatas nostras *Grammatica latina institutiones* cognoverit. Sciens enim, omne Verbum, quod *ὀνομαστικὸν* seu Substantivum non sit, hoc est, præter *Sum* & *Ero*, aut activum, aut passivum, nihil neutrum esse, cum omnem motum aut actionem, aut passionem esse necesse sit. Sciens etiam omne verbum activum aut unum modò proprium, seu

seu cognatum & domesticum , aut alios etiam exteros , sive alienos pluribusque verbis communes Accusativos sibi adsciscere , idque hoc discrimine , ut accusativo proprio significetur *Forma actionis* , quæ ut in Scholis loquuntur , *dat Esse actioni* , sive, per quam actio est , quod est , ut in illis , quæ recensuimus, *Ridere risum, gaudere gaudium, furere furorem, vivere vitam, nocere noxam, servire servitutem*: similiterq; in *Sedere sessionem, ambulare ambulationem, stare statum, saltare saltationem* : communi vero & externo *Objectum* denotetur, seu *Materia circa quam* actio occupatur , sive etiam *Effectus* quipiam, ut *Amare virtutem, Discere literas, audire vocem, videre lucem, scribere epistolam*. Non etiam causam ignorabit, cur Accusativum proprium Latini plerumque suppressere maluerint, quippe quod cum ab omnibus sua sponte subauditum iri minime dubitarent. Quis enim non intelligat Gauderi gaudium, etsi quis non nisi *Gaudere se* dixerit? Ubi tamen actionis modus & formæ ejus quoddam velut genus significaretur, cognatus ille accusativus necessario exprimebatur, ut *Gaudeo gaudium tuum, ridet risum absurdum, servit servitutem publicam & durissimam, currit cursum percelereim, ambulat ambulationem solitam* : quoniam scilicet *Gaudii* species quædam sunt tuum & alterius: *Risus*, absurdus & decens: *servituis*, publica eademque dura, & privata justa ac clemens: *Cursum*, celer & remissior: *Ambulationis*, consueta & insolita: quæ ipsa in aliis omnibus est ratio. Neque tamen propterea quod sine accusativo plerumque posita inveniantur, ea ex Activorum censu exigere decet, cum etiam ex illis Activis, quæ diversos accusativos adsciscunt, plurima recitari possint, quæ absolute poni solent, eo scilicet, quoniam quis accusativorum à brevitate & compendii studio per Figuram reticeretur, quotidiani sermonis usus neminem paulo humaniorem dubitare patiebatur. Ex quo genere sunt, *Imponere alicui*, nempe sarcinam velut asino, *Pralucere alicui*, nempe faciem vel cereum, *Tendere vel Pergere aliquo*, nempe iter, *Detrahere alicui*, nempe laudem, *Cedere, Decedere, vel Succedere alicui*, nempe locum, *Carere sibi, Timere alicui, Metuere ab aliquo, de al quo*, pro aliquo, nempe malum, *Obire, Occumbere, Oppetere*, nempe mortem, *Solvit, conscendit, in portum appulit*, nempe navem, *Ignoscere*

scere alicui, nempe peccatum, *Ire, inire, ingredi*, nempe viam, *Consulere* vel *Prospicere alicui*, nempe utile vel commodum, *Incipere*, nempe principium. Pleraque denique verba agentia, quorum suppositum in se ipsum agit, suppressere accusativum consueverunt. Cum enim legimus, *Terra movit, nunculo precipitat, bene vertat, res bene habet, ira leniunt, venti tenent, venti posuere, anno vertente, volventibus annis; vestibulum pulverat, pallium maculat*: in his omnibus accusativus se subauditur, quod quidem alia idoneorum auctorum nos loca docent, in quibus ex Artis præscripto Accusativum expresserunt, id quod in *Minerva* non minus, quam superiora compluribus exemplis comprobatum vidiisti. Et quoniam te non minus limato in literis iudicio præditum; quam castissimæ dictionis Latinæ potentem esse comperi, neminemque eorum, qui hodie latinè scribunt, temere tibi antepono, minore me negotio, quod tibi jam visum est, cæteris probaturum confido, cum videlicet ipsi Tullio multis modis fraudi fuerit, erroresque tam deformes objecerit, puerilis doctrinæ præceptis perperam imbutum fuisse, multo idem magis nostræ ætatis hominibus usuvenire oportere, ut scilicet, quandiu errores, quos in Grammaticorum scholis combiberunt, missos non fecerint, nostræque *Minerva* monita in aures, animosque admiserint, veram Latinitatem non nisi per caliginem videant, inque scriptis auctorum interpretandis turpiter subinde allucinentur. Vale. Mediolan. a.d. 15. Augusti anni 1627.

JVLIO CÆSARI CAPACCIO Neapolitano.

V.

EOrum hominum, qui Latinis literis censentur, alios meliores scriptores, quam iudices ac censores, alios rursus meliores iudices, quam scriptores esse comperio: quod quo minus incredibile videatur, consimile quiddam in re architectonica usuvenire in tertio Politicorum Aristoteles monet, ut scilicet longe melius de domo jam facta iudicet, qui
cam

eam colit & possidet , quam artifex , qui eam architectatus est. Minime autem obscura est ratio, cur, qui explorato de Latinitate judicant , non fere eleganter Latine scribant. Deest enim illis scribendi exercitatio, sine qua ut bene scribatur, fieri prorsus non potest. Omnem quippe operam in iis occupant, quæ ad eruditionis copiam faciunt , Grammaticos veteres omnes diligenter excutiunt , cum eos , qui vel artem totam, vel de certa ejus parte commentati sunt , quos duobus voluminibus comprehensos Putschius postremum edidit ; tum illos , qui de verborum Latinorum origine , significatione aut usu literis aliquid consignarunt , quorum sunt Varro , Festus, Agellius , Macrobius , Nonius , Philoxenus , Placidus , Isidorus aliique Glossarum scriptores ; tum eos denique , qui veteres auctores explanandos susceperunt , tanquam Asconius Pedianus Ciceronem, Cornutus Persium , Donatus & Eugraphius Terentium, Servius & Junius Phylargyrius Virgilium , Acro Horatium, Luctatius Statium, quibus auctorem glossarum in Juvenalem & Persium à Petro Pithæo editum addamus licebit. Deinde autem ipsos linguæ auctores , eorumque ætates diligentissime inter se contendunt , ut non modo, quæ cuique auctorum sua ac propria sint , sed etiam quid quaque latini sermonis ætate sit dignius, discernere queant, cum jam tum ætate sua Fabius , aliquanto etiam ante Seneca linguam ab ævi Augustæi puritate degenerasse fateantur. Adhæc in meliorum temporum auctoribus non verborum modo loquendique generum elegantiam animadvertunt , sed hoc amplius origines ac nativas, & (velut Varro loquitur) primigenias vocabulorum significationes indagare curæ habent , cum certum habeant, unam tantum uniuscujusque vocis significationem esse, reliquas eis per Tropum aliquem accessisse. Præterea delectu utuntur in auctorum editionibus , nec una illa, quam eis casus obtulit, contenti sunt , sed operam dant , ut quam emendatissima accuratissimeque cum veteribus libris collata & typis expressa potiantur : nam his annis sexaginta proximis omnes bibliothecas publicas ac privatas summo studio excussas fuisse constat, eoquæ contigit, ut omnes fere scriptores veteres ab hominibus ingenio , doctrina & judicio præstantibus recensiti , notisque & animadversionibus , nonnulli

nulli etiam iustis explanationum commentariis auctiores prodirent, quorum operam refutare & aspernari beneficium non nisi ejus videtur, quem frugibus divino beneficio inventis adhuc glandibus victitare delectet. Qui vero auctores hodie ex Colonienſium præcipuè & Venetorum typographorum officinis exeunt, tot mendis ac prodigiſis erroribus obſiti deprehenduntur, ut neque ipſi cuiquam uſui eſſe poſſint, & id genus furtum, vel dicam ſacrilegium nefariis illis hominibus impune eſſe, nec ab iis, qui rerum potiuntur, *gladio ad vindictam malorum* ipſius commiſſo recidi ad perpetuam eorum ignominiam pertineat. Porro autem ne illa quidem cognoſcere eos piget, quæ recentiores Critici & politiores literas profeſſi velut ſymbolæ conferendæ cauſa multo ſtudio elucubrarunt, qualia ſunt, quæ compluribus Theſauri Critici Tomis Gruterus fuit complexus, tum varia Petri Viſtorii, Guilhelmi Budæi, Hadriani Turnebi, Barnabæ Briſſonii, Jacobi Cujacii, Petri & Nicolai Fabrorum, Andrææ Alciati, Caroli Sigonii, Antonii Auguſtini, Petri Ciacconii, Fulvii Urſini, Oberti Giſanii, Scipionis Gentilis, in primisque Juſti Lipſi opera. In illis enim etiam qui veteres omnes tranſlegerit, longe plerima inveniet, quæ ignoret, quæque ab eo, qui hoſpes in literis videri nolit, ſciri debere judicet. Ad extremum hoc etiam ad rem pertinere judicant, ut uſum habeant veterum monumentorum tamquam numiſmatorum, inſcriptionum & codicum multis abhinc ſæculis ſcriptorum, ut ne in antiquitate penitus hoſpites ſint, ſemperque aliis de ea referentibus credere neceſſe habeant. Atque iſta ferè ſunt, in quæ curas ſuas ii diſtrahunt, qui Critici perhiberi ac de literis literatiſque judices ſedere poſtulant: quæ quidem tam multa tamque varia ſunt, ut eos orationis cultui vacare pœne ſit inconceſſum. Nam nec illa res non totum ſibi hominem videtur vindicare, cum etſi perpauci, quos quis ſcribendo imitetur, multum tamen ei ac ſæpe lectitandi ſint, ne in vitium illud incidat, quod *κοιτισμός* Fabius vocat, quod eſt miſta quædam & conſuſa ex variis inter ſe diſſimillimis verborum generibus dicendi ratio: quo ferè vitio Tranſalpini homines laborant, id quod minus, quam Itali, judicio valeant. Hi enim quod exactiſſimi judicii eſſe Fabius recte cenſet, qui ſit in uno quoque genere opti-

mus, sumunt imitandum, tum ut quisque est optimo simillimus. Ita poëta Virgilium, Horatium, Lucretium, Catullum, Tibullum & Propertium, tamquam ætate conjunctiores & inter se similiores dignos demum censent, ad quorum exemplum in scribendo conformentur. Qui verò solutæ orationis laudem animo affectant, Ciceronem, Cæsarem, Cornelium Nepotem & Livium, quosque Cicero deterſo antiquitatis squalore imitandos ipse censuit, Plautum & Terentium exprimere conantur. Reliquos tamquam istorum dissimiliores, ex eoque deteriores (quod non ferè ne ipsi quidem inficiantur) aut prorsus missos faciunt, aut hæctenus tantum cognoscunt, ut ex iis ea excerpant, quæ ex multo superiorum usu ejus esse notæ judicant, ut ea ne Cicero quidem dedignaturus fuisse videatur. Hinc porro evenit, ut longe plures una Italia, quam cætera Europa, produxerit seu solutæ, seu pedibus illigatæ orationis laude insignes, quorum non paucos ne Ciceronis quidem & Virgilii ætas aspernetur. Rursum tamen contingere Italis fatendum est, ut fere quo quisque est scribendo cultior, si in congressu hominum doctorum (eorum dico, qui docti sunt, non qui tales se existimari satis habent) de re literaria mentio sit illata, aut turpiter obmutescat, aut ea in medium afferat, quæ nihil eum quovis flosore aut caprimulgo interesse arguant, adeoque ludum intelligentibus jocumque faciant. Neque tamen hoc eo fit, quod non longe judicio Itali cæteros Europæos præstent, sed quod nemo de illo, quod cognitum non habet, explorete liquideque judicare potest. Sed nec hoc non eis in loco usu venit, ut parum caveant, ne orationem cæterum purissimam & elegantissimam iis vel verbis, vel loquendi generibus inquinent quæ ipsis, seu malorum librorum lectio, siue hominum non satis doctorum usus, seu denique vernaculi sermonis idioma nec opinantibus affricuit: quod fortassis effugerent, si aut ipsi plura legisſent & observaſſent, aut se suaq; minus amarent, nec eos, quos plus eruditioni, quam eloquentiæ & ornatui operæ tribuisse norunt, consulere fastidirent. Exemplo sit vel civis tuus nobilissimus Sannazarius, qui quidem omnium nationum concessu Latine scribendi palmā ita sibi vindicavit, ut nullo genere vel Tibullo, vel Propertio inferior censeatur, unoque omnes ore hoc Bem-

bi Cardinalis elogium, quod cum apud vos essem Mausolæo ejus inscriptum mihi monstrabas, in eum consentiant:

Da sacro cineri flores: hic ille Maroni

Sincerus Musa proximus, ut tumulo.

Hic tamen præ se *Angelum Bassum*, à patria *Politiani* nomine notio-rem, non aliter quam si vix ultimæ notæ Grammatista foret, contemnere & versibus insectari ausus est, quod eum sermonis puritate minimè sibi parem esse rectè judicaret. Et si enim ille quoque versus scripsit Latinos, qui vetustati se possint inferere, nihil tamen ad Sannazarium. Habuit tamen alia, quorum causa non Sannazarius modo, sed quotquot ætas illa, doctorum hominum minime sterilis, habuit, quotque exinde ad hanc usque diem Europa tulit, eum & colere & admirari merito poterant. Mitto Jurisprudentiam, mitto Philosophiam, in qua *Marsilio Ficino Platónico*, & *Iohanne Argyropilo Peripatetico* doctoribus, Pico verò *Mirandulano* studiorum socio tantum profecerat, ut eam magno cum applausu publicè doceret. Græcos versus ea elegantia scripsit, ut Græcorum nemini priores relinquere judicaretur. Latina verò eius oratio etsi καλὸν καὶ ἰσχυρὸν, de quo dixi, effugere curæ non habuit, tantum tamen habet Veneris tantumque argutiæ, ut nemini, quamvis decies relecta, satietatem afferat, aut, ut *Plinius* loquitur, tædio veniat. Quem deniq; censeres eum fuisse, cui se homo *Italicis* ingeniis palam iniquus *Iosephus Burdosciliger* continere non potuit, quin hoc in castigationibus *Catullianis* præconium impertiretur? *Omnium maxime ridiculus Marullus*, qui cum nullum, aut admodum exiguum sensum harum literarum haberet, ridet *Politianum*, virum non solum se majorem, sed & cum nullo nostræ ætatis comparandum. Putares hoc eum pacto injuriam redimere conatum, quam *Iulius pater* eius *Politiani* manibus fecerat, cum non solum immaniter, sed & mendaciter in poematis hoc ei versu insultavit: *Obsceno moreris sed Politiane furore*. quod quidem à *Medicææ* domus æmulis confictum fuisse *Iohannes Pierius Valerianus* de literatorum infelicitate lib. 2. hoc modo testatum facit:

Angelus Politianus nullius ignarus eruditionis & disciplina cum in adversa Medicæorum procerum tempora incidisset, inclinantis jam Petri, quem ipse literis instituerat, rebus,

in

in eam incidit aegritudinem, ut in multis & varijs molestiis cogitationibusque consolationem nullam admittere voluerit, atque ita demum dolore maestitiaque confectus exspiravit; quodque illi longe fuit infelicius, confecta in eum turpitudinis fabula, maledicentissimis obtreccationibus proscissus calumniatusque est, utq; ea gens (Florentina) promptissima est ad insimulandum, in invidiam Petri ipsius ignominiosam aliam mortis voluntaria causam universo terrarum orbi magna cum ejus infamia propalarunt.

Nimirum hoc Politiani peccatum fuit maximum, quod disciplinæ ejus alumnus Petrus Laurentii literarum parentis filius ea corporis specie fuit, ut multi non sibi potius, quam Politiano, familiarem ejus usum contigisse, æquis animis concoquere vix possent. Hinc illud natum Bartholomæi Scalæ insulsi ac malevolentissimo genio nati hominis epigramma, quod Politianus innocentia suæ sibi conscius ultro in epistolis suis evulgavit, cui etiam quid pro se reposuerit, operæ pretium est cognoscere:

Sunt (inquit) quidam familiares tui, qui latere cavillum nescio quod in calce dicant istius epigrammatis, quod equidem nec agnosco, nec credo. nam & tu homo prudens non temere jeceris in alterum, quod in te facile rejiciatur: & me adeo morum non pœnitet, ut si turpicule aut nequiter quippiam dixeris, pertinere id ad me ideo credam.

Sed ad Sannazarium ex diverticulo revertor: qui si Politianum velut multis millibus se doctiorem consulere, quam propter invidiam & esurientis illius Græculi, Marulli amicitiam (quem idem Pierius inter horrendas diras dictaque in aternos aspera verba Deos in aquæ modicæ rivo suffocatum interisse auctor est) laudes ejus obtreccare & infestis eum versibus discerpere maluisset, cum alia non pauca ab eo discere, tum hoc etiam moneri poterat, ne poemata sua verbo non modo fordido, sed & barbaro contaminaret, quod est *Permingere*, nec enim quisquam Latinorum *Mingo*, umquam, sed *Mejo* dixisse reperitur. Eadem ipsa porro fiducia sui nimia hominumque litteratorum minus ornate scribere solitorum contemptus aliis quoque magni nominis hominibus fraudi fuit, ut eorum hodie opera cedro minime indigna fœdis quibusdam mendis

deformata habeamus. Hujus rei illustria exempla complura in eo libro, quem de stili Historici virtutibus decem ab hinc annis conscripsimus, lector inveniet. Hoc loco libet pauca ex *illustrium poetarum Italorum tomo primo* Lutetiæ an. 1576. edito (quoniam ejus libri copiam superioribus hebdomadis amici comitate nactus sum) in medium afferre, ut non id modo, quod dicere cœperam, lectori probem, sed alii etiam magnis ingeniis præditi modestè de se sentire discant, nec alienam censuram prorsus velut supervacuam aspernentur. Pagina ergo tertia in Johannis Cargæ tersissimis magnæque pietatis carminibus hunc invenio Senarium, *Vt te secutus clara super sidera*: ubi priorem syllabam in *Super* produci videmus, quam brevem esse nec puer sine flagitio ignoret. Pagina postea 37. averfa in politissimi prorsusque ad unguem facti hominis F. Marii Mollæ elegia pentametrum hunc lego: *Imperio dignus qui videretur erat*: ubi secunda in *Videretur* vitiose corripitur. Idem pagina 39. averfa: *Arctius at miserum vincierant oculi*, pro *Vinxerant*, quod rectum erat. Et pag. 47. *Me duce lata tua mittantur nuncia genti*. Mendoso scilicet aut adulterino Catulli versu inductus, *Nuncium* nomen substantivum esse credidit, cum auctorum usus & veterum Grammaticorum contestatio planum faciat, adjectivum esse, cum quo semper substantivum subaudiatur, ut *Nuncius* homo, vel rumor vel sermo, *Nuncia* fama vel res, *Nuncium* verbum. Et pag. 48. averfa: *In tibi vicino me velis esse loco*, posteriorem in *Velis* ex longa facit brevem. In Baltasaris Castilionis summi poëtæ eleg. p. 68. *Carcer* neutro genere dictum invenio. *Et validum nimis hæc lumina carcer habent*. Sed ille *Carcerem* fortasse scripserat. nec enim usque eo antiquarium fuisse credo, ut Claudium *Quadrigarium* imitari voluerit, cujus ex quarto *Annali* Priscianus recitat: *Ne ad carcer pervenerit*. Jam pag. 69. plorantibus, opinor, Musis *Rideo* prima correpta protulit hoc versu: *Hinc ego delicias facio, arrideoque jocoque*. Pag. 165. averfa in Petri Bembi elegia: *Et me si videat quis vestrum accedere ad illam, Avertat se, aliam dissimuletq; viam*. Dissimulare pro Assimulare nulla prorsus ratione dicitur, cum res contrario nomine oppositas significant. Sed ei fortasse mendosus Plauti versus imposuit *Epid. act. 2. sc. 2. Atque dissimulato quasi*
per

per totam urbem hominem quaesiveris. Ubi scriptorum codicum fide jam annis abhinc amplius triginta reponendum monui: *Itaque assimulato.* Ejusdem Bembi est pag. 174. averſa: *Ten' decuit toties ultima damna pati?* quomodo & Paulum Manutium, alioſq; claros viros *Dammum* vel *Detrimentum* pati dicere ſcio. Sed id haud dubie barbarum eſt, cum idioma Latini ſermonis poſtulet. *Facere, capere, accipere damnum*, aut *damno affici*, ſive ut Terentius ait, *augeri*. Vnus Seneca philoſophica licentia ſic ſibi loqui permittit lib. 1. de Ira cap. 2. *Totos populos capit- tis damna paſſos.* Cato apud Agellium lib. 11. cap. 2. videri queat nove dixiſſe *Detrimentum facere* pro efficere, afferre, ſive ut rure loquuntur cauſare: *Si nihil exerceas vitam, inertia atque torpedo plus detrimenti facit, quam exercitatio.* Sed etiam, qui afficitur damno, aliquid rei ſuæ demit ſeu deterit, ſimili- terque jacet aut projicit, unde *laſturam facere* dicimus. Pag. 209. averſa in Andreae Naugerii hymno eſt: *Tu dum ſers nova nuncia.* quod jam in Moſſa notavi. Pag. 235. in Antonii Marii verſu *Cupiditas* ſecundam habet productam in hoc Jambico dimetro: *Non me impii cupiditas.* Pag. 273. averſa Jani Etru- ſci verſus eſt: *Quod liquidi irrigant fontes per opaca viarum.* Ubi *Irrigo* media longa poni quis non ſtomachetur? Pag. 285. averſa in Annibalis Cruceii epigrammate: *Exoſusque mihi al- terius conſtringor amore.* Exoſus pro Inviſus ponitur, vel Of- ſenſus, quod Suetonius uſurpat in Galba cap. 16. *Per hæc pro- pe uniſverſis ordinibus offenſus vel præcipua invidia flagrav- it apud milites.* Sed multo locupletioſiorem ea vocis ſignificatio auctorem habet, Ciceronem puta Verrin. 3. *O miſerum atque invidioſum offenſumque paucorum culpa ordinem ſenatorum.* qui etiam pro eodem *Inſenſum* dicit Catil. 1. *Si me meis civibus ſuſpectum tam graviter atque inſenſum viderem.* Plautus eo- dem ſenſu *Inſeſtum* Turcul. act. 1. ſc. 1. *Quem inſeſtum ac odio- ſum ſibi eſſe memorabat.* Et Livius lib. 26. 39. Nico Tarentinus non publico modo, ſed privato etiam odio inviſus atq; inſeſtus Roma- nis. Exoſus non niſi ἐξῆνικῶς dicitur. Virgil. *Pugnas exoſa re- linquo.* Ubi Servius: *Exoſus & Perofus de eo tantum, qui odit, dicitur.* Plauti Amph. 2. 3. ſc. 2. verba Alcumenæ ſunt: *Inimicos ſemper oſa ſum obſuerier.* Agellius nequaquam idoneus Latini- tatis auctor primus eo παῖνικῶς uſus eſt. Iam in Ioh. Matthæi

Toscani venustissimis poematis pag.6. lego : *Hellepontiacam cedat, qui ratibus oram*. Vbi prima in *Ratibus* male produci-
tur. Ejusdem pag.11. averſa *Vibicem* media correpta habemus :
Vibicibus texit laevia membra flagrum. ubi etiam corpus vibici-
bustegere, pro notare, implere , minime Latine dici videtur.
Idem pag.14. *Petiturus* ſecunda brevi extulit : *Vel ſolidi petitu-
rus auri*. quomodo & pag.23. *Mentis eat petiturus arces*. Pag.
17. *Stagiram* Ariſtotelis patriam media brevi dixit , cum ſit
σάγιρα Pag. 32. averſa : *Difficili ſpatio diſſita terra vetat*,
pro Terra remota. *Diſſitus* ſic Latine non dicitur , etſi recen-
tiorum doctiſſimi quique eo uti non dubitant. Significat enim
diſperſus, diſſeminatus, diditus, à *Diſſero* quod eſt ſparſim ſe-
ro ſive ſemino. Ita Lucretius *vim anima per totum corpus diſſi-
tam* dicit. *Longe diſſitus* pro remotus Apuleii aſino, quem Tul-
lio aut Livio dignius eſt. Pag.36. averſa *Vitare* prima brevi ab
eodem Toſcano poſitum miror : *Hanc ergo ut maculam vite-
mus ipſa*. Idem pag.58. *Mellitam* media brevi profert in hoc
phaleuco : *Iſta mellitula ora ſuarviari*. Non ita Urbanus noſter
Pontifex Maximus in extemporali diſticho ſuo de aqua Mel-
lita Vaticani fontis , cum eam Scioppio probatam compe-
riſſet :

Parcite Romani Mellitam dicere. laus eſt

Maxima Germano me placuiſſe viro.

Vt autem aliud præterea ſpecimen exhibeam , ex quo cerni
poſſit, quam neceſſaria ſit vel eloquentiſſimis hominibus a-
mici non Humaniores modo , ſed etiam Interiores literas do-
cti admonitio, quotuſque eſt eorum , qui elegantiz La-
tinæ laude florent, cui religio ſit dicere, *Ego fabulis nullam fi-
dem adhibeo* , pro nihil credo. quos ſi quis eo nomine repre-
hendat, trium primæ claffis ſcriptorum auctoritate ſe tutari
volent. Primum enim Plaut. Rud. act. 4. ſc. 2. ita loquitur :

*Quamquam ad ignotum arbitrium me appellis , ſi adhibe-
bit fidem ,*

Et ſi eſt ignotus , notus eſt : ſi non notus ignotiſſimus eſt.

At enim hoc loco *Adhibere fidem* non eſt Credere , ſed affer-
re fidem , uti fide ad cauſam dijudicandam , ſicut adhibere
diligentiam , adhibere officiũ erga aliquem ; adhibere alicui
conſolationem , adhibere fidem in amicorum periculis, oratio
lumen

lumen rebus adhibere debet. Deinde ex Ciceronis 2. de div. afferunt: *Quod si insanorum visis fides non est adhibenda, quia falsa sunt, cur credatur somniantium visis, qua multo etiam perturbatiora sunt?* Vbi perspicuè contendunt, Adhibere fidem pro Credere usurpari. At enim si fecissent, quod eis, qui verè de literis judicare volunt, faciendum demonstravi, ut veteres scilicet codices, aut editos, veterum fide diligenter emendatos, consulerent, non *Adhibenda*, sed *Habenda* Ciceronem scripsisse scirent. Legant Petri Victorii notas, consulant Manutii & Gruteri editiones, invenient, scio, cur ipsos erroris tædeat. Tandem apud Cornelium Nepotem in Themistoclis vita sic legi defendunt: *Æquum esse illos viros bonos nobilesque mittere, quibus fides adhiberetur, qui rem explorarent.* Sed Lambinus edidit: *quibus fides haberetur.* monetque in notis: *Sic legendum, non ut habent vitiosi codices, Adhiberetur.* Verum mihi dubium non est, quin totum hoc, *Quibus fides haberetur*, ex glossa vel interpretatione ad oram libri posita, in contextum orationis irreplevit, eoque expungi debeat. Est enim palam otiosum. Si enim Lacedemonii ex civibus suis viros bonos nobilesque Athenas mitterent, qui rem explorarent, fieri aliter non poterat, quin maximam eis rerum omnium fidem haberent. Minus autem difficulter ei hoc probavero, qui assidua hujus scriptoris lectione non semel idem ei usuenisse deprehenderit, ut scilicet quæ quis verba interpretandi causa adscripsisset, ea posterius simul cum auctoris verbis librarii perscriberent, cujus rei unum alterumque specimen placet subjicere. In vita Miltiadis ita legimus:

Cum multi ejus demigrationis peterent societatem, ex his delecti Delphos deliberatum missi sunt [qui consulerent Apollinem] quo potissimum duce uterentur. His consulentibus nominatim Pythia praecepit, ut Miltiadem sibi imperatorem sumerent.

Ubi verba his signis [] à me inclusa sine dubio sunt adventitia, nec enim delecti illi hoc deliberarunt, quinam consulere Apollinem deberent, sed ipsi potius eam rem consuluerunt. Aliud quippe est, Missi sunt ut deliberarent, à quibus consuleretur Apollo; aliud, Missi sunt, ut deliberarent, quem sibi imperatorem sumerent. Sed nimirum verba inclusa adscripta fuerant

ab eo, qui declarare volebat vim vocis *Deliberatum*. Eam porro idem valere, quod *Consultere*, hic ejusdem Nepotis in Themistocle locus ostendit:

Miserunt Delphos consultum; quidnam facerent de rebus suis. Deliberantibus Pythia respondit, ut mœnibus ligneis se munirent.

Alter locus est in vita Timothei:

Huic in consilium dantur duo, usu & sapientia praestantes [quorum consilio uteretur] pater & socer.

Hic similiter verba inclusa sunt interpretatio ejus, quod dictum fuerat, *Dantur in consilium*, ut mirer Lambinum glossematam putidum ejicere non ausum. Magis tamen est, quod mirer, & Lambinum, & eos, qui post illum Nepoti manus ad-moverunt, cum omnia auctorum loca, in quibus Nepotis fit mentio, studiosè in unum congefissent, Ciceronis locum omisisse, qui unus trium millium instar esse poterat. Is est lib. 16. ad Attic. epist. 5.

Nepotis epistolam exspecto. Cupidus ille meorum? qui ea, quibus maxime γαυριῶ (glorior) legenda non putet. Et αὐτὸς μετ' ἀμύμονα (post irreprehensibilem) tu verò ἀμύμων (inculpabilis) ille quidem ἄμβροτος (immortalis seu divinus) Mearum epistolarum nulla est συναγωγή (Collectio) sed habet Tiro instar septuaginta, & quidem sunt à te quadam sumenda. Eas ego oportet perspiciam, corrigam, tum denique edentur.

Nimirum Attico scripserat Nepos, maximi se Ciceronis epistolas facere, vehementerque adeo cupere, ut earum epistolarum volumen edatur. Hujus rei Ciceronem Atticus certior faciens, ei gratulandum duxit, cum tanti à Nepote fieret, qui praesertim unus omnium elegantissime scriberet, & ab ipso Cicerone alter esset, velut ab Achille Ajax, qui Homero describi solet fortissimus.

Τῶν ἄλλων δαταῶν μετ' ἀμύμονα πηλειῶνα
Ex Gracorum aliis post inculpabilem Achillem.

Respondet ergo Cicero, permirum sibi videri suas epistolas à Nepote expecti, quem tam elegantis ac fastidiosi judicii esse comperisset, ut etiam illa, de quibus ipse maxime sibi placeret, spernaretur. Cæterum non se, sed Atticum esse illum, qui cum Achille

Achille comparari debeat, omnique reprehensione vacet. Ne-
potem verò prorsus in Latine scribendo divinum esse, eoque
incomparabilem. Quo vero nomine Ciceronis epistolas Ne-
pos tanti faceret, ipse in vita Attici totidem verbis promtum
habere voluit.

*Qui legat volumina epistolarum Ciceronis ad Atticum mis-
sarum, non multum desideret historiam contextam illorum
temporum. Sic enim omnia de studiis principum, vitis
ducum, mutationibus reipub. perscripta sunt, ut nihil in iis
non appareat, & facile existimari possit, prudentiam quo-
dammodo esse divinationem. Non enim Cicero ea solum,
qua viro se acciderunt, futura prädixit, sed etiam qua
nunc usu veniunt, cecinit ut vates.*

Hinc porro judicari potest, cujus notæ Critici sint, qui histo-
riam belli Trojani, quæ *Daretis Phrygii* nomen præfert, à
Cornelio Nepote Latine conversam censuere. *Elegantia stili
ductos* id fecisse Johannes Savaro, homo Gallus judicat. Haud
vidi magis: cum qui vel primoribus labris bonos Latinitatis
auctores attigit, historiam tam luculentam non nisi ab homine
indoctissimo, qui nec minimum Latini sermonis gustum um-
quam hauserit, scribi potuisse statim agnoscat. Ita in omni-
bus pagellis ea se offerunt, quæ τῶν κοινῶν claustra respiciant,
aut Actuatorum cancellos nuper admodum refregisse videan-
tur. Facilius multo intelligentibus fidem fecissent, si alteram
historiam, cujus *Diety Cretensis* auctor inscribitur, ad Nepo-
tem retulissent, quippe ad cujus stili similitudinem illa proximi-
me accedit, ut omnino Velleji, Valerii Maximi & Curtii æta-
te ab aliquo elegantis ingenii & judicii homine animi gratia &
exercitationis scripta videatur, etsi nonnullis locis aliquid mali
à mala ei objectum est manu, quod & belli Alexandrini scri-
ptori, & aliis præterea contigit. Josias Mercerus, vir sane ma-
gnæ eruditionis acrique judicio, perfrivolis ducitur argumen-
tis, ut eam post Constantini demum Magni ætatem scriptam
putet. Scilicet in præfatione *Consularis Creta* fit mentio, quæ
imperii appellatio est recentior. At enim Præfationem non ejus-
dem esse, cujus est historia, quivis non indoctissimus facile in-
telligat: quam haud dubie indoctus quispiam nugator subje-
cit. Tum in aliis scriptis codicibus, quos editi sunt secuti, non

Consularis, sed *Præses* legitur. nihil autem Mercerus affert, cum suo tantum codici credere alios postulet. qui quod quædam loquendi genera Latinæ linguæ puritate non satis digna in eadem historia legi censet, profectò se jam de pontanum factum probat, quem jam domi se continere, nec suffragii ferendi in literarum Comitium ire par fuerit. Lib. 2. in prius editis legebatur:

Namque nostros multorum dierum navigatione aliquantum exhaustos maxime præsentia Telephi exanimavero. Et infra: Cohortati suos quisque acie conflixerat. Tum verò aliquantulum tracto certamine plurimi utriusque partis cadunt.

Mercerus utrobique *In aliquantum* edidit, annotatque: *Ita libri, & sic sæpe noster, à cuius saculo non est exigenda Latini sermonis puritas.* Sed primum falsum est, sæpe sic apud hunc scriptorem legi. nec enim præterea est locus in omni ea historia, ubi vocis *Aliquantum* idem usus sit. Deinde negare Mercerus nequit, nec suos libros nusquam corruptæ lectionis esse. Quid ergo est, cur auctorem id potius, quod in Merceri, quam quod in aliorum libris est, scripsisse accedamus? Tandem parum Mercerus doctrina sua & bonorum auctorum usu dignum facit, cum id damnare animum inducit, quod & regulis artis congruit, & locupletissimis se auctoribus tutari potest. Ut enim in Grammaticis docui, *Quantum*, *Tantum*, *Multum*, *Paulum*, *Aliquantum*, *Immensum*, regulariter cum præpositione *Ad* vel *In*, figuratè verò sine præpositione dicuntur, ut: *Quantum pater filio, tantum poëta ingenii sui partu gaudet. Avarus multum est ambitioso deterior. Senex est paulum ad rem attentior. Adolescens aliquantum animo omissior. Mons immensum editus.* In his omnibus præpositionem desiderati, plurima optimorum auctorum exempla vincunt. Livius 22. 27. *In tantum suam virtutem enituisse.* Virgil. *Nec puer Iliaca quisquam de gente Latinos In tantum spe tollet avos.* Juvenal. *In quantum sitis atque fames & frigora poscunt.* Plinius 10. c. 36. *Solutus columbarum volatus est in multum velocior.* Livius 29. 25. *Ad immensum augere aliquid.* Et 42. 15. *Dextera pars terra labe in aliquantum altitudinis diruta erat.* Ubi genitivus *Altitudinis* non regitur ab *Aliquantum*, sed à suppresso nomine substantivo,

tivo, quod est *Negotium*, quod similiter in omnibus reliquis adjectivis jam enumeratis subauditur. Minus autem Syntaxin istam Mercerus mirabitur, si rationem ineat, eadem ista nomina in sexto casu nullo sententiæ discrimine usurpari solere: ut Terent. Heaut. *Paulo qui est homo tolerabilis. Pater aliquanto iniquior.* Et Phonn. *Ego isti nihilo aliter sum ac fui.* Sallust. Jugurt. *Cum vinea paulo processerant, igne aut lapidibus corrumpebantur.* Cicero: *Quanto superiores sumus, tanto nos submissius geramus.* Idem: *Arrogantia ingenii multo est molestissima.* Senec. epist. 94. *Adspice quanto aliter unusquisque populo vivat, aliter sibi.* Livius extremo lib. 9. *Flavium aliquanto antea desisse scriptum facere.* Justin. lib. 39. *Sed quanto Grypus abnuvit, tanto soror accenditur.* In quibus omnibus præpositio A, & nomen *Negotio* subauditur, ut eodem sensu dicatur *Quanto magis, & Quantum magis, Quanto melior & Quantum melior*: quo posteriore Livius utitur lib. 3. 15. *Quantum magis juniores patrum plebi se insinuabant, eo acrius contra Tribuni tendebant.* Et lib. 44. 7. *Quantum longius procederet, eo majorem rerum omnium inopiam sentiens.* Atque hinc opinor, Mercerus intelliget, quam imperite ista Grammatici Adverbiis annumerent, quæ Præpositio eis præmissa Nomina esse clamet.

Aliud ejus argumentum est, quia libro 5. in suis exemplaribus legerit:

Priamus re cognita ad aram Iovis ante adificiale confugit. annotatque: *Ædificiale pro edificio sive regia Priami. Elegancia hujus saculi.* Atqui nihil necesse est ita nos legere, ut libri ejus exhibent, sed potius ut alii rectè habebant: *Ad aram Iovis adificialis confugit.* Id enim est ad aram Iovis Hercai, quomodo alii Græcè dicere maluerunt, ut Ovid. in Ibin. *Cui nihil Hercai profuit ara Iovis.* Hygin. fab. 91. *Paris in aram Iovis Hercai insiluit.* Festus: *Herceus Iupiter intra conspectum domus cujusque colebatur, quem & Deum penetralem appellabant.* Servius in Æn. 2. *Singula domus sacrata sunt Diis, ut Culina diis penatibus, Maceries, quæ ambit domum, Hercæ Iovi.* Itaque nihil Mercerus egit, cum probatæ Latinitatis laudem huic historię sententia sua abrogavit, ultroque gratiam ejus emendatione meritam effudit. qui non minus in eo alucinatur, quod cum libro primo membrarum suarum fide sic edidisset:

Podæ-

Podalirius & Machaon, Æsculapio geniti, acciti ad id bellum ob solertiam medicina artis.

Annotavit, *Medicinam artem* dictam esse, ut *Terram Italiam, mulierem meretricem, Senectam atatem*. Perperam scilicet Medicinam, Senectam & Meretricem, perinde ut Italiam, nomina substantiva esse credidit. nam *Senectus* participium esse, idemque significare, quod *ἡγεῖνος*, Priscianus veterum auctoritate satis probavit. Dicebant nimirum *Senectus vir, Senecta famina, Senectum corpus*: adeoque quoties *Senectam* pro Senectute legimus, *Ætatem* subaudimus, quod quidem Mercerus Servio credere poterat in *Æn.* 11. sic monenti: *Si dicamus Senecta, aut addendum Ætas, aut intelligendum. Meretrix* non aliam rationem habet, quam Genetrix, Victrix, Altrix, quæ adjectivorum instar esse nemini potest dubium. *Medicinam* porro merum adjectivum esse, ut *Ars*, vel *Taberna* subaudiatur, quomodo tandem Mercerus tantus literator ignorare potuit? Legerat enim in Varrone lib. 4. de lingua latina: *Artificibus maxima causa ab arte, id est, ab arte medicina ut sit Medicus dictus, à Sutrina Sutor, non à medendo ac suendo*. Ex lib. 7. *Taberna, ubi vanit caro, Laniena, ubi pelles, pella suena, ubi calcei, Sutrina dicitur*. Donatus in *Adel.* act. 4. sc. 2. *Veteres absolute dicebant Pistrinam, ut Sutrinam & Medicinam, ad Tabernam referentes*. Charisius lib. 1. *Pistrinum neutro dicitur, sed Lucillius feminino extulit: Media à pistrina, ad Tabernam referens*. Ubi ridiculè Josephus Burcoscaliger postrema tria verba Lucilli esse credidit, quæ Charisij esse ex Donati verbis discere poterat. Hyginus fabula 274. *Ne quis servus artem medicinam disceret*. Plinius: *Hippocrates clarissimus medicina scientia*. Cæterum Varro in eo nil præter solitum nugatur, cum Medicum à medicina, & Sutorem à Sutrina derivatum affirmat, cum nec pueri jam ignorent, nomina in *Inus* exeuntia ab eo primigenii nominis casu, qui cadat in I, formata esse. Itaque cum à participio passivo *Sutus* factum fuisset *Sutor*, ab hujus postea tertio casu *Sutori* profectum est *Sutorinus*, & per synopen *Sutrinus*, similiterque a verbo *Pisno* (priscis *Pisa*, teste Diomede à Græco *πίσσω*) participio *Pistus*, factum fuit *Pistor*, & à *pistori* *pistorinus* & *pistrinus*, à *Textori* *textorinus* & *textrius*, à *Medicus*, *medici*, *medicinus*, à *Piscis*, *pisci*, *piscinus*, à *Rex*,
regi,

regi, reginus, à Sal, sali, salinus. In *Salinum* ergo subaudimus *Vas*, In *Salina* vel *Taberna*, vel *Fodina*, in *Piscina* aqua. nam & *Petimen piscinum* Nævius teste Festo dixit. In *Regina* subauditur *Famina, filia, uxor*. Charisius: *Regina nullo modo recipiendum, nisi reciperemus & Reginum.* Itaque Virgilius *Iliam* vocat *Reginam*, nec secus *Ariadnam*, quod filia essent regia. Et Servius in illo *Æn.* 1. *Quod regia Iuno monstrarat*, Regia interpretatur regina. nempe ut à *Lux* est *Lucius*, & *Lucinus*, unde *Iuno Lucina*, sic à *Rex regius & reginus*. Etiam à *Taurus* exiit *Taurus* & *Taurinus*. nam ut ait Plinius, referente Servio in *Æn.* 9. *derivationes non habent firmas regulas, sed exeunt prout auctoribus placet.* Sed quid ago? vereor ne liber exeat, quæ fieri epistola cœperat, nisi manum de tabula. Vale ergo, viro-
rum optime & doctissime, mihiq; merito tuo carissime, & præstantem spectatæque fidei Iurisconsultum Ludovicum, filium tuum, verbis meis salvere plurimum jube.

JOHANNI CIAMPOLO, Summo Pontifici à Brevibus epistolis.

VI

SCio te, vir Illustrissime, si quod tibi à munere tuo negotiosissimo tribuitur otium, non id philosophicis modo, & Mathematicis studiis consumere, sed & auctorum Græcorum ac Latinorum lectione oblectare consuevisse. Itaque minime ingratum tibi facturus videor, si te ad Senecæ lectionem vocavero, quem tibi in amoribus esse satis perspectum habeo. In ejus ludo de Claudii obitu ipsum vestibulum turpissimo mendo deformatum est, quod tot homines doctissimos, qui ei emendando operam dicarunt, non sustulisse, cum id nullo negotio videatur potuisse fieri, merito mireris. Totum locum hic subjiciam, ut facilius sit rei judicium.

*Iam Phabus brevior via contraxerat ortum
Lucis, & obscuri crescebant tempora somni,
Iamque suum victrix augebat Cynthia regnum,
Et deformis hyems gratos carpebat honores*

Divi-

*Dirivitis auctumni, visoque senescere Baccho,
Carpebat raras serus vindemitor uvas.*

Puto magis intelligi, si dixero, Mensis erat October, dies tertius Idus Octobris. Horam non possum tibi certam dicere. Facilius inter Philosophos, quam inter Horologia conveniet. Tamen inter sextam & septimam erat. Nimis rusticè acquiescunt omnes poëta non contenti ortus & occasus describere, ut etiam medium diem inquietent. Tu sic transibis horam tam bonam?

*Iam medium cursu Phœbus dirivserat orbem,
Et propior nocti fessas quatiebat habenas,
Obliquo flexam deducens tramite lucem.*

Claudius animam agere cœpit, nec invenire exitum poterat.

Non dubito, quin verba illa aliquid mostelli alere iudices, *Nimis rusticè acquiescunt omnes poëta.* Sic enim est in omnibus scriptis libris, non ut editur: *Acquiescunt oneri poëta.* Neque verò non subolere tibi arbitror, Senecam per occupationem id, quod sibi Lectorem ingerere posse intelligebat, verbis illis complecti voluisse. Vide ergo, num ductum literarum studiose persecutus ex *Acquies* rectè faciendum censuerim *Inquies*, ut totus locus ita legatur:

Inter sextam & septimam erat. Nimis rusticè, inquies: cum omnes poëta non contenti ortus & occasus describere, etiam medium diem inquietent, tu sic transibis horam tam bonam?

Sensus est, nimis rusticè de obitu Claudii dictum esse, cum inter horam sextam & septimam contigisse. Horam tam lætam & auspicatam mereri ut versibus describatur. Si enim poëtæ omnes ita negotiosi sint in ortu atque occasu solis, atque etiam in meridie describendo, nullam certè excusationem Senecæ debere contingere, qui horam tam bonam versibus indictam abire sinat. Quid nunc? an etiam dubium habes, cum aut Princeps Cæsius, aut Palavicinus Marchio, aut Abbas de Comitibus more suo visum ad te veniunt, tecumque de literis, quarum scientiam cum pari generis nobilitate conjunctam habent, sermones cedere incipiunt, quin vel ludibundus nec ulla Euclidis tui demonstratione subnixus hoc eis *πυγίδος* persuasua-

suadeas, me quamvis ingenio tardiozem aliquid tamen in literis perspexisse, quod tantorum virorum, qui priores Senecæ manus admoverunt, acumen præterierit? neque tamen plus mihi cordi est, ut ea de re, quam de meo erga eosdem studio atque observantia fidem eis facias: quos etiam ut verbis meis salute plurima impertiaris rogo, ac te quoque ipsum cum Achate tuo, amoribus nostris, Georgio Conæo ex seu sententia valere beneque rem gerere cupio. Mediolano postrid. Kal. Maji. M. DC. XXVIII.

OCTAVIO VALENTI

Mantuano.

VII.

NOn heri demum aut nudius tertius Virgilii versus corrumpi cœptos esse, auctoribus satis, opinor, luculentis didicimus. Ut enim alios mittam, Agellii noctium Atticarum scriptoris lib. I. cap. 21. verba sunt:

Versus istos ex Georgicis Virgilii plerique omnes sic legunt:

At sapor indicium faciet manifestus, & ora.

Tristitia tentatum sensu torquebit amaro.

Hyginus autem non hercle ignobilis Grammaticus in Commentariis, quæ in Virgilium fecit, confirmat & perseverat, non hoc à Virgilio relictum: sed quod ipse invenerit in libro, qui fuerit ex domo atque familia Virgilii, torquebit amaror.

Servius etiam de hoc versu Æn. 12. *Filia prima manu flavos Larvina crines*, ita commentatur:

Antiqua lectio Floros habuit, id est, florulentos, pulchros, & est Ennianus sermo. Probus vetus Grammaticus sic annotavit: Neotericum erat, Flavos. Ergo bene Floros. nam sequitur: Et roseas laniata genas.

Ejusdem Servii non multo post verba hæc legimus:

Vera & antiqua lectio hac est: Inter se coiisse viros, & cernere ferro. nam Ennium secutus est, qui ait: Olli cernebant

bant magnis de rebus agentes. *Posteritas caput legere* — & decernere ferro. *Secundum quam lectionem Synalæpha opus est, ut sit*, Inter se coisse vir' & decernere ferro.

Sed & prius eodem libro ad hunc poëtæ versum, *Velati lino & verbera tempora vincti*; sic idem Servius annotarat:

Caper & Hyginus hoc loco dicunt lectionem esse corruptam, & Virgilium ita reliquisse confirmant: Velati limo. Limus autem est vestis, qua ab umbilico usque ad pedes propæ (lego, Popæ) tegebantur. Hac autem vestis habet in extremo sui purpuram Limam, id est, flexuosam. unde & nomen accepit. nam Limum obliquum dicimus.

Et *Æn.* 4. ad hæc verba, — *siste Carthaginis arces Phanissam, Lybicaque adspæctus detinet urbis*, de lectionis varietate sic monet:

Sane quidam in novis & emendatis libris pro Detinet, De-meret, inventum asserunt. nam & Ciceronem Philip. 1. ita ajunt dixisse: Putasne eum immortalitatem mereri voluisse.

Similiter in hoc versu *Æn.* 2. *Præcipitare jubent, subjectisque urere flammis*, non eandem omnium codicum scripturam esse sic testatur Servius:

Antiqua exemplaria non QVE, sed VE, habere inveniuntur. VE, enim proprium significatum habet, ut interdum pro VEL accipiat.

Possẽ multo plura eandem in rem veterum testimonia afferre, sed etiam istis me facile tibi, homini ingenioso & erudito, id quod habeo propositum, probaturum confido, minime scilicet temerariam videri debere conjecturam meam de hoc Virgilio loco, qui principio divinæ *Æneidos* legitur:

*Musa mihi causas memora, quo numine laeso,
Quidve dolens regina Deum tot volvere casus
Insignem pietate virum, tot adire labores
Impulerit. tantum animis caelestibus ira?*

Hoc loco verè satageus est Servius, mirificèque se torquet in expedienda sententia verborum, *Quo numine laeso*. Primò arbitrat, *Quo* significare In quo, In qua causa, atque septimum esse casum, & communem elocutionem, cum dicimus *Quo te laeso*, in quo Grammaticorum solemnia delirat. Semper

per enim Ablativus à præpositione vel expressa , vel suppressa regatur necesse est , velut coram non semel tibi demonstravi. Deinde autem *Quo numine* , ut adjectiva & substantiva coniungenda putat , ut sensus sit , Quodnam numen Junonis ab Ænea læsum fuit , cum varia sint ejus numina ? Est enim Juno Lucina , est Curitis , est Regina. Tandem ex aliorum sententia separandum Junonis numen à cæterorum numinibus censeat , ut quærat poëta , quodnam aliud numen , præter Junonem , læsum fuerit , tanquam scilicet Juno injurias non suas , sed aliis alicui deorum factas persecuta sit , quod quam sit abhorrens ac ridiculum , qua es judicii acrimonia , sponte tua te intelligere certum habeo. Vide autem , quam plana & expedita res omnis futura sit , si poëtæ verba , ut sæpe alias , item hoc loco depravata fuisset , ac nulla pæne mutatione sic legenda esse concedamus : — *quo nomine læsa*. Nam *quo nomine* est qua causa , quare , seu qua de re. Suetonius Galba cap. 16. *Subinde jactavit , legere se militem , non emere consuevisse. Atque eo quidem nomine omnes qui ubique erant milites exacerbavit*. Illo scilicet nomine læsi , ea causa exacerbati fuere milites , quod ita Claudius jactasset. Servius Sulpicius apud Ciceronem 4. famil. epist. 5. *Quid est , quod tu aut filia tua cum fortuna hoc nomine queri possitis ? Ipse quoque Cicero 2. de Finibus cap. 7. Qui cum luxuriose viverent , à summo philosopho non reprehenderentur eo nomine*. Quærit ergo poëta , quo nomine exacerbata , quo Æneæ facto læsa , quidve graviter ferens Juno Æneæ tam addita infestaque fuerit , in quo periculum non est , ne per tautologiam aliter atque aliter rem eandem extulisse verbis judicetur : quod tamen si fecisset , non esset , cur cum copiarum suarum pœniteret. Sed profecto aliud lædi est , aliud dolere : nam & usvenire potest , ut doleat , qui læsus non sit ; & rursus , quem quis læserit , æquo sit animo , nec quicquam ea in re commoveatur. De hoc Paradoxo nostro quid tui sit judicii certior fieri à te studeo. Interea vale , Vir nobilissime officiique plenissime , meque tui ac tuorum omnium merito vestro amantissimum mutue amare perge. Mediolano postrid. Cal. Maj. anni M. DC. XXVIII.

BALDUINO DE MONTE

Simoncello.

VIII.

ET si scis, ferre non soleo eorum audaciam, qui præ corrigendi pruritu quicquid ipsis rectè habere in bonis auditoribus visum est, in medicinam abripere audent, ac vel invitis libris omnibus immutant: In Plauto tamen scripturam quamdam, quam omnes antiqui & novi codices præferunt, contra omnium doctorum hominum opinionem tam soluto liberoque animo mutare ausim, ut prorsus nihil verear, ne quis in eo mihi intercedere, aut iudicium meum reprehendere animum inducat. Amphitruonis act. 1. scena 2. legitur:

*Sed Alcumena huius honoris gratia
Pater curavit uno ut fatu fieret,
Uno ut labore absolvat arumnas duas,
Et ne in suspitione ponatur stupri,
Et clandestina ut caletur suspicio.*

Hujus loci postrema vox *Suspicio* non immerito multis mendæ suspensionem movit: nec enim expedire queas, quid sit clandestinam cælare suspensionem, cum suspicio semper sit clandestina, *in pectore quippe alieno sita*, ut idem in Trinum. habet Plautus. Sine dubio aliquid clam factum cælari debere Mercurius significare voluit: quid autem clam in Amphitruonis domo gestum fuerit, Plautus infra act. 5. sc. 1. ancillam sic eloquentem facit: *Jupiter se dixit clam cum Alcumena consuetum cubilibus*. Hoc ipsum ergo est, quod Jupiter cælatum voluit. Itaque Donatus in Terentii Adelph. act. 4. sc. 5. hunc Plauti versum laudans pro *Suspicio*, legit *Consuetudo*. Interpretans enim illa Comici sui verba: *Qui cum illa consuevit prius*, quo loco Consuescere *ἐναγκνύω* sive honestè ponitur pro *Rem habere*, addit pro exemplo: *Vt Plautus, Et clandestina ut caletur consuetudo*. Atqui versus non petit vocem *Consuetudo*, cum sit Iambicus Senarius. Itaque pro *Consuetudo*, repono *Consuetudo*, ne fraus fiat legi pedariz. Rectè id porrò à me fieri Festus, vel potius Verrius Flaccus præstiterit, cujus hæc

hæc verba sunt: *Consuetudinem Plautus pro consuetudine dixit.* Ecquem jam alium lectionis meæ fundum & auctorem à me requiras, aut quem codicem quis Verrii testimonio opponere audeat? nam quod ad Donatum attinet, etiam ille sine dubio *Consuetio* scripserat, sed quod vox insolens videretur, ab aliis postea fuit interpolata. Facessere ergo jam alii cum suo *Susceprio*, alii cum *Suscipio*, alii cum *Huc itio*, possunt, quæ nihil sunt nisi ægrorum somnia, quod te quoque, Vir illustrissime judicaturum, persuasum habeo: qui cum cæteros locupletes linguæ Latinæ auctores multum lectitasti feliciterque stilo imitaris, tum verò Plautum habes familiarissimum. Cæterum quoniam de *Consuescendi* verbo mentio incidit, considerare te hunc Cornelii Nepotis locum velim in Alcibiade:

Quem barbari missis telis interfecerunt. At mulier, quæ cum eo vivere consueverat, muliebri sua veste contentum adificii incendio mortuo cremavit.

Mihi quidem dubium non est, quin verbum *Vivere* hinc circumscribi tollique debeat, tamquam glossema ab aliquo scio-lo inductum atque inculcatum, qui non satis magnum bonorum auctorum usum haberet. Illi enim *Consuescere cum aliquo* per Ellipsin honestè dicebant, subticentes *Rem habere*. Hoc ex allatis Plauti & Terentii locis jam partit, quibus addere libet Cæcil. Plorio: *Vxor ait, me cum ancilla mea consuetum.* Et Ciceron. Verrin. 5. *Huc omnes mulieres, quibuscum iste consueverat, conveniebant.* Et iterum Terent. Hecyr. act. 4. sc. 1. *Si is posset ab ea sese repente arvellere, cum qua tot consuesset annos, non eum hominem ducerem.* Ubi Donatus: *Consuesset proprie dicitur in stupro, qui etiam in hoc loco Phorm. act. 1. sc. 3. Exspecto quam mox veniat, qui adimat hanc mihi consuetudinem.* Nota, inquit, proprietatem: nam Consuetudo specialiter de coitu dicitur. Plautus iterum Cistel. act. 1. sc. 1. *Sed tunc unquam cum quiquam viro consuevisti?* In qua ipsa scena consumiliter à meretrice de matribus familias dictum videmus: *Viris cum suis pradicant nos solere, suas pellices esse ajunt.* quo exemplo de meritoriis pueris Pseud. act. 3. sc. 1. *Neque ego illud possum, quod illi possunt, qui solent.* qui scilicet ex eo *Soliti* vocabantur. Eadem Pseud. act. 4. sc. 7. *Etiame facere solitus es puer.* S. l. scilicet solitum esse. Sed vereor, ne tibi merito pi-

είργης videar, qui hæc apud te prædicem, quæ tu alios non minus, quam illa, quæ magno cum supercilio de superiore loco Philosophi præcipiunt, docere possis. Itaque verbum non addo. Vale.

JOHANNI BAPTISTÆ DONIO Florentino.

I X.

Non dubito, quin legendis veteribus Grammaticis sæpè eos longe aliter auctorum verba recitare deprehenderis, quam in ipsis eorum libris leguntur. Ego quidem ex facili non unum ejus rei specimen edere queam, si necesse sit. Sed ea re apud te virum Græcè & Latinè doctissimum omnisque antiquitatis cum primis peritum merito supersedeo, justam *περιεργίαν* ac supervacuae operositatis notam veritus. De causa tantum, quæ id contigerit, quid mihi videatur, aperire libet. Sæpe ergo usuvenisse comperi, ut in illis auctorum exemplaribus, quæ compluribus post sæculis fuere descripta, sive sciorum audacia, sive librariorum imperitia aut oscitantia, ea, quæ Grammatici ex emendatæ scripturæ codicibus recitarent, depravarentur. Alias ipsorum quoque Grammaticorum libros vitiose descriptos fuisse comperi, ut eorum verba ultro ex auctoribus emendari debeant. Sed non parum sæpe memoriola vacillarunt & alucinati sunt Grammatici, ut non inspectis auctorum libris verba eorum referrent, non quomodo ea ibi legerant, sed quomodo sibi legisse videbantur. Hoc innumeris Donati, Servii, Nonii, aliorumque exemplis planum facere possem, sed duobus hoc tempore contentus ero. Priscianus cæterum minimè oscitator lib. 9. ut doceat veteres à Seneca participium præteritum *Senectus* formasse, quod significaret δ *πρεσβύτερος*, id est, is qui jam consenuit, hæc Catulli verba laudat; *Sed hac fuere non recondita senectæ quiete, πρὶν ἔμπροσθεν ἡμῶν*. En unquam quemquam plus luscitiosum aut stultivum vidisti! In Catullo enim legitur; *Sed hac prius fuere, nunc recondita Senet quiete*. nec verò aliter legi res finit,

cum

cum puri sint Jambî; quo majus Prisciani flagitium est, quod versus retentu tam faciles effluere sibi passus fuerit.

Nullo genere excusabilior est Junii Phylargirii, perveteris & eruditi Virgiliani interpretis alucinatio in laudando Plauti versu. Hæc enim poëtæ verba Georg. 2. explanans, quæ maiorum Medicorum usum docent: — *animas & olentia Medi Ora fervent illo & senibus medicantur anhelus*, ita commentatur:

Olentia, ad animas est referendum, & subaudiendum Male olentia. Sic Plautus in Milite: Tum in Apulis non sum natus, non sum animata.

Vult docere *Animatus* à Plauto dictum pro malè animatus, sive, qui malam aut foetidam habet animam, *plenior puta aliis ulpicique quam sint Romani remiges*, ut Plautus Pænulo loquitur, qualesque veteres Romanos omnes fuisse Varro Bimargo sic dixerat:

Avi & atavi nostri, cum allium ac cape eorum verba olerent, tamen optime animati erant.

Primum verò permira res videtur, non animadvertisse Grammaticum, se Solœcisismum in Plauti versu admittere. Si enim prius recte legit, *In Apulis non sum natus*, posterius certè non *Animata*, sed *Animatus* legere debuit. Deinde autem multo aliter in Plauto hodie legimus, hoc puta modo:

Post Ephesi sum natus, non in Apulis, non sum in Vmbria. qui ergo factum putabimus, ut Grammaticus pro *Non sum in Vmbria*, nobis repræsentaverit *Non sum animata*? Hoc est nimirum, quod docere à primo institeram, Grammaticum vel oculis minus sincerè usum, vel memoria falsum fuisse. Plautus enim ita scripserat: *Non sum Animula*, aut certè *Animula*, id est, non sum natus Animulæ, aut non sum ab Animula, sive Animulas, quomodo apud eundem Plautum est, *Hospes Zacyntho*, pro à Zacyntho, apud Terentium *Anus Corintho* pro à Corintho, apud Lucillium *Sargus Ægypto* pro ab Ægypto. Jam Philargyrius aut oculis alucinatus pro *Animula Animata* legerat, aut saltem cum diu locum non inspexisset, ita sibi legisse visus fuerat, quando occasione verbî *Olentia* Plautini versus ei in mentem venit. Sed hoc loco, nisi me fallit, scire avebis, quo tandem divinationis genere usus,

Plautum ita, ut dixi, scriptum reliquisse compererim, cum in omnibus ejus editionibus nec minimum ejuscemodi lectionis exstet vestigium. Accipe ergo quæ me vestigia ad indagandam eruendamque veram lectionem tulerint. In membranis nonnullis, *Non sum in imula*, scriptum compereram, quemadmodum & alii sibi in quibusdam libris inventum fatentur. quam lectionem cum illo Philargyriano *Animata* contendenti venit in mentem, quod apud Festum legere memineram: *Animula*, *urbs parvarum opum in Apulia*. His argumentis fretus adeo nihil de lectionis, quam posui, veritate dubito, ut nihil umquam Apollinem ex tripode verius certiusque respondisse persuasum habeam, idemque ipsum tibi quoque visum iri magnopere mihi pollicear. Vale

Viris Clarissimis & Præstantissimis
D. Antonio Quærengo, Hieronymo Aleandro, Augustino Mascardo, Fabio Leonidæ, Hieronymo Moricuccio, Julio Rospibioso, Ascanio Belmiffério, Paganino Gaudentio cæterisque Academicorum Romanorum.

X.

P Riscianus extremo libro decimo de Hadriano Imp. commemorat, cum per literas consuluisse Velleium Celerem, quomodo *Ambitus* cum est participium passivum à nomine distinguatur, eique responsum à Grammatico fuisse, alterum ab altero cum declinatione, tum tenore, id est, mediæ syllabæ quantitate discerni, quia scilicet *Ambitus* participium sit secundæ declinationis, mediamque habeat productam, nomen vero sit quartæ declinationis & media correpta. Atque
hoc

55

hoc Priscianus probat, & usu confirmari putat. Sed unus Ovidii
 versus, *Iussit & ambita circumdare litora terra*, non satis probat,
 ut id usu receptum credamus, cum præsertim ratio ei palam re-
 pugnet. Omnia enim reliqua participia verborum ex *Eo* & præ-
 positione compositorum habent breve, ut ipse Priscianus de
Aditus, Abitus, Exitus, Initus, Obitus, & Præteritus recitatis
 poetarum verbis demonstrat. Itaque frivola est ratio illa Pri-
 sciani differentię causa factum dicentis, ut *Ambitus* nomen
 esset media brevi, *Ambitus* verò participium eadem produ-
 cta. Cur enim magis in hoc, quam in cæteris nomen à parti-
 cipio discerni oportuerit, nulla profecto reddi causa potest.
 Itaque Scaurus vetustissimus Grammaticus non minus in parti-
 cipio *Ambitus*, quam in nomine mediam brevem esse statuit.
 Aut igitur omnia me fallunt, aut Hadrianus etiam ob istam
 Vellei sententiam satis habere causę sibi visus est, cur *Gram-
 maticos* more suo *velut doctior videret, contemneret, & obtere-
 ret*. Verum quicquid de illo sit, de Ovidio nobis minime ne-
 gligendum videtur, quemadmodum crimine eum liberemus,
 cujus quidem rei in libro de causis linguę latinę mihi eveniet
 occasio. Sed cum artıs poëticę non sim æque peritus, ve-
 strum velut augurum Collegium capiundum mihi visum est,
 quos honori summi & ingeniosissimi poëtę hoc daturus con-
 fido, ut hac de re capita conferatis, mihi que quid vobis vi-
 sum sit pro illo dici à me debere, significare ne gravemini.
 Valete sæculi lumina, mihi que favete nominis vestri studio-
 sissimo. Mediolano, a. d. 22. Martii 1628.

I I S D E M.

XI.

DE voce *Ambitus*, viri clarissimi, superiori mense ad vos
 retuli, quidque Hadriani Imperatoris quæsito respon-
 dendum censeretis, fieri certior à vobis studui. Sed inter mo-
 ram istam aliquid ipse commentus mihi videor, quod nisi me
 animi fallit, nullo negotio etiam ei, qui multis partibus sit Ha-
 driano captiosior, probare possim. *Ambitus* videlicet me-
 diam habet ancipitem: nam *I* per se & ex natura sua brevis

est, velut ex cæteris participiis *Aditus*, *Abitus*, *Exitus*, *Initus*, *Obitus* & *Præteritus*, itemque ex nomine *Itus* discimus, quo Lucretium usum videmus: *Nec sentimus itum cuiusvis cumq; animantis*. Hoc autem fortuitum est, & ab eventu, quod eadem I, in *Ambitus* produci potest, quoniam ei accidit, ut ex præpositione loquelari *Ambe*, postrema vocalis E, non elidatur per Synalœpham (id quod tum fit, quando *Ambitus* I correpta effertur) sed cum consequente vocali I, in unam diphthongum coalescat. Est enim *Ambe eo*, *Ambeo*, & inde natum *Ambio*, idem quod *Circum eo*. Festus *AM*, præpositio loquelarie significat *Circum*, unde *Servius ambactus*, id est, circumactus dicitur. Sumtum ex Græca præpositione, quæ est ἀμφὶ & significat *Circum*. Varro de lingua lat. lib. 6. *Ambages profectum est à verbo Ambe, quod est in Ambitu, Ambustum, quod circumvultum est. Ancilia dicta ab Ambecisu, quod ea arma ab utraque parte incisa*. Sicut ergo ex *Circumitus* factum est *Circuitus* I brevi, ut apud Senecam *Medea: Orbem circuitus cornibus alligat*. Similiter *Ambitus* I correpta dicere oportet, si quatuor syllabis proferatur. Sin quis tribus efferat, aut E per Synalœpham elidit, ut fit in *Ambadedere* & *Ambustus*, & tum I, corripi necesse est, velut natura breve: aut E, non exteritur, sed cum I sequente coit in diphthongum, quæ jam dichtonos est, ac velut longa duo aufert tempora, quod ipsum in *Circuitus* usavenire potest. Recte enim dixero, *Alcida immenso tellus circumta labore*, ubi I longum est ex eventu seu per accidens, quoniam cum V antecedente in diphthongum concrevit. Sed si quis V elidat, I brevis manet, velut in *Circitor* videre est, qui est *Circuator*, qua voce non Jurisconsultos modò & Vegetium usos videmus, sed & poetam in libero carmine: *Quid mecum tibi circitor moleste?* Ad idem porro exemplum *Ambitor* dicebatur I brevi, quod postrema præpositionis litera esset elisa. Servius in *Æn.* 4. *Ambitores dicuntur, qui, ut honores consequantur, discurrendo & rogando suffragia anquirunt*. Nihil autem refert, quod in *Ambitus*, cum metra producit, E scribi non solet, siquidem veteres in I longo semper diphthongum pronunciasse scimus, sic tamen ut I tempus integrum, E non nisi dimidium, vel potius tertiam temporis unius partem absolveret, ita ut Velio Longo teste,

sonus

57

sonus ejus ad aures fere periret. Quo pacto quod prius *Leiber*,
postea *Liber* scribi fuit solitum, nullo quamvis enunciationis
discrimine, quoniam scilicet I longa semper diphthongi so-
no efferebatur. Ita planum fit in *Ambitus*; cum media longa
est, E inesse, idque propterea contingere, quod præposi-
tio, ex qua vox conflata est, nullam postremæ suæ literæ eli-
sionem passa sit. Ac de hac quidem re sic ego censeo. Vos ta-
men, viri clarissimi, si meliorem tuleritis sententiam, vestra
rata esto, mea nulla esto. Valete Mediolano a. d. 26. April.
anni 1628.

P E T R O V I C T O R I O

Florentino.

XII.

Plures in Hetruria vestra aquas calidas earumque alias ad
alium usum idoneas jam tum sua ætate fuisse Varro lib. 8.
de lingua lat. literis prodidit. Eorum tamen celeberrimas fuis-
se Clusinas, opidulo Sancti Cassiani subjectas, Horatianus il-
le versiculus fidem facit. *Qui caput & stomachum supponere*
fontibus audent Clusinis——

Harum Tibullus lib. 3. eleg. 5. hoc modo commemorat:

Vos tenet, Hetruscis manat qua fontibus, unda.

Unda per æstivum non adeunda canem.

Nunc autem Sacris Bajarum Maxima lymphis,

Cum se purpureo vere remittit hiems.

Et infra.

At vobis Tusca celebrantur numina Nympha,

Et facilis lenta pellitur unda manu.

Significat nonnullos thermis innatare, quod ipse quoque ab-
hinc circiter triennium facientes vidi. Sed tertio versu tene-
bræ sunt, quas vir ingenio & eruditione præstans Achilles
Statius hac explanatione dissipare conatus est: *Hetrusca qui-*
dem aqua nullo modo per æstatem adeunda; at nunc, id est, vere
inveniente, etiam ipsis Bajarum aquis maxima atque optima vi-

dentur. Dandi enim casu, Sacris lymphis, posuit accipio. Quo sane modo difficultas omnis tollitur, qua multos exercuit, coque adigit adeo, ut veterem lectionem commoverent, multaque inepta & commentitia inculcarent. Sed mihi quadam die cum bene mane potum ad fontes illos equo veherer, meque loci hujus Tibulliani sententia exersitum haberet, in mentem venit minima literarum mutatione pro *Maxima Proxima* legendum videri. Ita sententia erit perspicua, proximam Puteolanis thermis laudem Clusinas vindicare. Non dissimiliter Virgil.—*Proxima Phœbi Versibus ille facit.*—Et Propert. lib. i. eleg. 13. *Nec mirum, cum sis Iovæ digna, & proxima Leda.* Et eleg. 20. *Est tibi non infra speciem, non nomine dispar, Thiodamanteo proximus ardor Hyla.* Ipse quoque Tibullus lib. 4. *Valgius æterno propior non alter Homero.* Hanc tamen conjecturam meam tui, vir optime, facio judicii, cujus ego & eruditionem suspicio & exosculor humanitatem, teque à magno illo proavo tuo, literarum quondam principe, minime degenerare gratulor. Vale, meque ut cœpisti, porro etiam redama. Mediolano proptid. Non Maj.

G U I L E L M O M O Ò N S I O I. C.
Sereniss. Principum Electorum Colo-
niensis & Bavari Consiliario.

XIII.

ITa est, vir clarissime, non semel tibi coram probavi. Valde Ipropitias & quarumvis fabularum capaces auriculas in Batavis tuis Josephus Burdosciliger invenerat. Ut enim alia multo plurima prætermittam, quorum familiam duxerit, quod eis se Scaligerum & ab illis Veronæ principibus oriundum persuasit, quem nos ex infima Veronensis plebis face, velut ex sterquilinio & Burdonio fimeto Scarabæum exstitisse, luculentissime demonstratum novimus: de Propertii quidem patria tam absurda, nec solum manifeste falsa, sed & indocta, ac neque in eo, qui sit in literis infimatum unus, ullo pacto toleranda popularibus illis tuis obtrusit, ut aurem Ba-
tavarum

tavam eis non immerito opprobriari te ipsum judicaturum certus sum. Propertii versus sunt lib. 4. eleg. 1.

*Vt nostris tumefacta superbiat Umbria libris,
Umbria Romani patria Callimachi.
Scandentes si quis cernet de vallibus arces,
Ingenio muros aestimet ille meo.*


Hic satis significat patriam suam in planitie esse positam, cujus arces sive turres de valle confurgentes longe sint conspicuæ, neque tamen æquè turres ejus, lateritio quamvis muro insignes, ac suum ingenium in ea eminere. De muro illo Plinius quoque sic meminit lib. 35. cap. 14. In *Italia quoque lateritius murus Arretii & Mevania est.* In eadem Elegia hæc Genethliaci ad ipsum Propertium verba sunt, ut quidem in melioris notæ codicibus Joh. Metellus Sequanus perscripta invenit:

*Umbria te notis antiqua penatibus edit.
Mentior, an patria tangitur ora tua?
Qua nebulosa cavo rorat Mevania campo,
Et sacer astivis intepet Imber aquis,
Scandentique altus confurgit vertice murus,
Murus ab ingenio notior ille tuo.*

Quis jam relictus est dubitandi locus, quin Mevania sit Propertii patria, illa, inquam, cujus celsa turris lateritio muro imposita etiam ex longinquo in magna campi planitie cerni possit? *Imber sacer* fuit fons aquæ calidæ muro inclusus, cujus etiamnum præclaræ visuntur reliquæ, quas sibi visas affirmat politissimi ingenii Theologus Josephus Paulus Meronus, ac thermarum illarum nomen nonnihil, ut fit, depravatum hodie quoque usurpari. *Inversato* enim vel *Imbersato* appellant. Fieri potest, ut aquæ illæ fistula imbris modo desuper expressæ nomen ei *Imbris sacri* pepererint. In vulgatis libris est: *Et lacus astivis intepet Imber aquis.* Sed certissimum est nullum in universo illo campo latissime patente lacum inveniri, & aquas Clitumni fontis in eodem campo *lato gremio* (ut Plinius minor ait) *patescentis* esse gelidissimas, ita ut eodem Plinio teste *rigor earum nivibus certet*, cujus quidem ipse priori anno magna cum voluptate experimentum cepi. Cum enim à meri-

die,

die in maximis caloribus æstivis ac simul quartanæ ignibus inflammatus ad fontis ejus gurgitem pervenissem equos & rhedam, in qua æger cubabam, bene diu consistere in eo jussi, haultamq; ex ipsis ejus venis aquam puram & vitream avidissime obduxi. Burdo tamen summa vi contendit, vitreum hunc & pellucidissimum Clitumni fontis gurgitem esse tætrum & sulphureum illum Vadimonis Lacum, nihil nisi fœdos serpentes ac testudines continentem & carbones subinde ex inferorum, credo, fornacibus subvectos ejectantem. Hoc amplius vero postulat, ut aquæ Clitumni non ex terra *pluribus venis exprimantur*, quod Plinius idem scribit, & omnes quotquot Spoletio Fulginium versus iter faciunt oculorum manuumque testimonio verum esse comperiunt, sed *ex Vadimone emittantur*. Tantumne est, inquires, an alia etiam monstra ac potentia loquitur? Ille verò loquitur, & nullo quidem genere jam expositis tolerabiliora. Dum enim Vadimonem à Propertio *Umbrium lacum* vocari contendit, ingenti prodigio agrum Stellatinum cum lacu illo Vadimonis ex Hetruria trans Tiberim in Umbriam transportat, & in loco quadraginta quasi passuum millibus remoto collocat. Adhæc Ameriam à campis Mevanatibus contingi, ex eaque Clituminum despectari confidentissime pronunciat, cum eam à Clitumni fonte non minus viginti passuum millia dissidere, multosque altissimos montes interjectos esse constet. Nec enim hæc de campis Gurgustidonis est controversia, aut de Thomæ Mori Utopia; sed de iis, quæ pæne in conspectu urbis Romæ cujusvis oculis, nisi qui sit iis captus, subjecta sunt. Qui Geographorum principis Clyverii Italiam antiquam consulere volent, de re tota exploratissimo judicium facient, & ad confutandos tam portentosos errores verbum amplius addendum non putabunt. Sed quibus ejus libri copia non est, ex subjecta figura nihilo deterius judicare poterunt.



- a a Tiberis fluvius.
- b Perusia in Hetrutia.
- c Mevania urbs in Umbria.
- d Fons Clitumni.
- e e e Montes inter Mevanix campos & Ameriam
- f Ameria in Umbria.
- g Castellum Amerinum in Hetrutia.
- h Lacus Vadimonis in Hetrutia.

Perusiæ mentionem non alia de re mihi facere hic visum est, nisi ut minore negotio intelligantur versus extremo libro primo, quibus patriam suam Propertius Perusiæ finitimam esse hoc modo significat:

*Proxima supposito contingens Umbria campo
Me genuit, terris fertilis uberibus.*

Sensus est: Ego in ea Umbriæ parte natus sum, quæ contingit loca proxima campo illi, qui Perusiæ est suppositus, quoniam inter campum illum & loca patriæ meæ contigua non nisi Tiberis interest. Passeratius veniam meretur, cum velut cæcus nihil inter Perusiam & Ameriam facit discriminis. Nec enim est hominis capti oculis alba signare linea. nihil se erraturum credidit, si ducem sequeretur Burdonem, tam *oculatum* vel deliciolo illius teste hominem: cujus etiam opera contigisse suspicio est, ut ex Clyverii libro circumscriberentur & inducerentur ea, quæ ab illo detegendæ multiplici Burdonis inscitix scripta fuisse veri est simillimum. Nec enim perinde ut exoleti illi & in Burdonio lectulo intercutiti, stupro doctus evaserat, ut suam in eo existimationem verti crederet, Harmonis fonte relatum aut Pithiæ redditam ex oraculo vocem credi, quidquid impurata illa & furiosa bellua temere evomisset. Cedo si vel ego, vel Italus quispiam tam flagitiosos errores literis consignassemus, quas non cinædorum istorum histo-

historias porrecto jugulo audire necesse haberemus? Jam verò talia Scaliger designavit, genus illud Deorum, vir per omnia Diis, quam hominibus similior, quem unum longe plura, quam quotquot fuerunt, sunt aut erunt Papistæ, scivisse prorsusque ἀνέξαπέντητον fuisse ab omnibus credi plurimum in omnem partem totius Calvinismi interest. Itaque vocem mittere nefas fuerit, quæ ad minuendam Herois hujus opinionem vel minimum momenti factura videatur. Nimirum hoc illud est, cur nihil in Clyverio pro patria Propertii adversus Burdonis furias disputatum legamus. Sed non ego hac causa minuero, quæ facio, ut ne quid scilicet auctoritas hominis ad generum Cereris jam olim amandati causæ Ecclesiæ Catholicæ fraudi esse, aut aliis errorem probare possit. Age ergo animum parumper attende, & ipsa Burdonis verba accipe, quibus de Propertii patria à se uno demum inventa gloriatur. *Procul dubio* (inquit) *hactenus ignorata fuit patria Propertii: nam quod Mevania, quæ hodie Bevagna dicitur, putant, falluntur.* Et infra: *Quare & cujas esset Propertius, & quis sit lacus UMBER, & quæ hic accipienda sit Mevania, primi indicavimus. Denique meo periculo Amerinum fuisse Propertium, omnes mihi concedant necesse est.* Quid pote confidentius? Necesse est, inquit, omnes mihi concedant, Propertium non Mevaniensem, sed Amerinum fuisse. Nunc quæ argumenta eam in rem dicat, porro percipe.

Propertii patria, ait, est in monte sita.

Mevania non est in monte sita.

Mevania igitur non est Propertii patria.

Assumptio nullius probationis indiget. Propositionem jam factis scio ex iis, quæ supra recitavi, falsitatis condemnas. Dixerat quippe Propertius, arces patriæ suæ non in clivo esse, sed *de vallibus scandere*, sive in editum extolli. At Burdo ad ravim usque oggannit, eam in colle aut edito clivo sitam à poëta prædicari. *Cum poëta* (inquit) *manifeste dicat, patriam suam in colle sitam, quomodo Mevania, quod opidum in planitie situm est, erit ejus patria?* Et iterum: *Patria Propertii in clivo fuit.* Et tertium: *In montanis patriam suam ipsemet constituit.* Et quartum: *Suam patriam in colle ponit.* Jam si quæras, ubinam hoc Propertius dixerit, cum ejus rei in versibus supra reci-
tis

tis ne minimum quidem vestigium, sed contrarium potius appareat: duo tibi poëta loca afferet, quibus sibi, quod ipse confoinniavit, planissime expressum persuasit. Primum enim scribit poëta: *Scandentes si quis cernat de collibus arces*. quis ergo jam dubitet, quin ipse patriam suam in colle ponat? Ain verò Burdo, in colle poëta patriam ponit? non tu ipse in editione tua posuisti, *de vallibus*, quomodo in omnibus manu formaque descriptis libris legitur, non *de collibus*? Jamne igitur te stultivdum, vel potius amentem fuisse sentis, qui cum tibi novum quid & à nemine umquam dictum invenisse videreris, voluptatis vi præceps auctus ne oculis quidem dehinc sincere uti potueris, & in poëta *Collibus* pro *Vallibus* legeris? Adeo verum est, quod Tertullianus ait, *cacitatis duas species facile concurrere, ut qui non vident, quæ sunt, videre videantur ea, quæ non sunt*. Hoc tuum *παράλογον*, & vœfani hominis alucinatio- nem qui non riserit, eum non nisi sinapi victitare & flebile cæpe comedere consentaneum fuerit. Alter poëta locus est, *Scandentisque axis consurgit vertice murus*. Sic enim ipse Burdo edidit, & *Axis* voce editum collem significari Juvenalis, Statii & Siliii locis docere conatur. Sed omnem in istis quoque ludit operam, 'velut ipse ejus subscriptor & astipulator Passer- ratus fatetur. Primum enim non ea vocabuli *Axis* est significatio apud tres illos poëtas. Deinde si omnino id significaret, aliter catuli longe olent, aliter sues: id est, longe ab aurea Propertii ætate trium illorum Latinitas degeneravit, quod non uno loco aperte fert æqualis eorum Quintilianus. Tertio, non est in veteribus Propertii libris *Axis*: nam in suo Passer- ratus legi ait *Arcis*, idque probat. Sed in aliis Metellus inven- nerat, ut nos supra posuimus. Sed siue *Arcis* siue *Altus* legas, non aliud dicere poëta voluit, nisi quod ipsum prius dixerat, Turrim scilicet siue arcem lateritio muro impositam valde edi- tam & eminens conspicuam fuisse. *De vallibus*, inquam, non *de Collibus* arces illæ consurgebant, adeoq; tota ista Burdonis dis- putatio huc denique evadit, ut Hircum mulgere videatur, cui exoletus sus, si libeat, cribrum subjicere poterit. Nunc porro audi, quo pacto idem Ameriam Propertii patriam fuisse vincat:

*Propertii patria (ait) est in clivo posita, est antiqua, est
contigua Mervania campo, & adspicit lacum Vadimonis.*

Ame-

*Ameria est in cliuo posita , est antiqua , est contigua Me-
vania campo , & despectat lacum Vadimonis.*

Ergo Ameria est Propertii patria.

Propositio est quadrimembris. Primum membrum jam falsimoniz revicimus , patriamque Propertii in planitie positam demonstravimus. Secundum ex poetæ verbis cogi non potest: non enim ille opidum , in quo natus erat , sed *Vmbriam anti-
quam* vocat. Tertium ita esse assentio , cum opidum Mevania non sit in medio illius campi , sed propius ad oram sive extremitatem sita. Quartum esse falsissimum ex supra dictis patuit. Vadimon enim est in Hetruria plus quam triginta passuum millia à Mevaniz campo remotus interjectis altissimis montibus. Assertionis pars consequens itidem quadrimembris est. Primum membrum verum esse fateor , non magis tamen de Ameria , quam de Tudertum opido. Alteri nihil moveo controversiæ. Tertium vero est falsissimum , nihiloque verius , quod appingit Burdo , Amerinos esse quidem Mevanates , etsi non Mevanientes. Nihil enim est Ameriæ cum Mevaniz sive opido , sive campo.

Interjecta etenim terrarum millia multa,

Qua varii retinent montes & sacra ferarum.

Falsum etiam discrimen est inter Mevanates & Mevanientes , ut Mevanientis scilicet sit natus in opido , Mevanas vero natus in planitie. Nam tria omnino campus ille habet opida , Mevaniam , Hispellum & Fulginium , quorum cives ab auctoribus Mevanates , Hispellates & Fulginates appellantur: cui consequens est , ut quoniam qui Hispellum & Fulginium sortiti sunt patriam , & in medio Mevaniz campo nati sunt , Mevanates tamen dici non possunt , absurdissimum sit Amerinos Mevanatibus contribuere , quorum patriam in alto monte circiter viginti passuum millia distante positam esse constat. neque tamen Mevanates negaverim eosdem recte Mevanientes dici: nam locus Plinii , quo Mevanates à Mevanientibus distinguuntur , mendose legitur. In omnibus enim antiquioribus Plinii exemplaribus non *Mevanientes* , sed *Mevanionenses* , idque perperam legi doctissimus Clyverius monuit , qui & *Mevanionenses* legendum docet , cæterum Propertium recte Mevanatem dici , tamquam in opido Mevaniz natum , ul-

tro confitetur. Tandem quartum membrum similiter falsum esse, ex eodem Clyverio quivis discat licet. Burdonis verba sunt: *Præterea & illud mire convenit, quod ait patriam suam despectare lacum Vmbrum, qui lacus non alius est, quam ille Vadimonis lacus veteribus celebratus. Hoc plane cognoscitur epistola Plinii ad Gallum libro octavo: Exegerat (inquit) profocer meus, ut Amerina prædia sua inspicerem. hac perambulanti mihi ostenditur subjacens lacus Vadimonis &c. Iunius Philargyrius: Clitumnus & Deus & lacus in finibus Spoletinorum, ex quo bibentia pecora alba sunt. Lacum Vadimonis Clitumnus vocat, quod ab eo lacu Clitumnus emittitur. Vides Ameria lacum esse Vadimonem?* Hic enim vero nihil denuo demonstrare attinet, quanta incertitia sit Vadimonem vel in Umbria ponere, vel Clitumnus dicere. Satis enim jam ostendi, nihil ab eo, qui vel primoribus labris literas desibarit, dici potuisse stolidius & indoctius. Hoc tantum addere libet, Philargyrium minus proprie Clitumni fontem appellasse lacum, cum eum non nisi late patentem fontis gurgitem esse præter Plinii auctoritatem ipsa ἀντιψία omnibus præbet. Fieri tamen potest, ut Philargyrius Virgilianè loqui voluerit. nam Æn. 8. hæc Æneæ ad Tybrin verba sunt: *Quo tecumque lacus miserantem incommoda nostra Fonte tenet.* Ubi Servius: *Lacus est quodam latentis adhuc aqua receptaculum, & dictus lacus quasi Lacuna, ex qua erumpens aqua efficit fontem, qui cum fluere incipit, alveum facit.* Similiter autem & Valerius Maximus lib. 1. cap. 8. *Inturna lacum & fontem* indiscriminatim dicit. Quod vero ad Plinii locum attinet de lacu Vadimonis Amerinis prædiis subiecto, id Clyverius recte de *Castello Amerino*, non de *Ameria* accipiendum docet. nam Castellum illud est in Herruria, cum Ameria trans Tiberim sit in Umbria. Hoc autem loco merito quis obstupescat, cum eodem octavo libro duæ sint Plinii epistolæ, quarum octava fontem Clitumni, vigesima vero lacum Vadimonis curiosissima narratione exsequitur, quomodo adhuc Burdo sibi persuadere potuerit, lacum eundem esse & Clitumni fontem. quis dehinc ullius rei fidem belluæ habendam putet? quis eum quoties maxime paratragediat & intolerantissime de novis & à se primum inventis opinionibus gloriatur, non ad idem exemplum magno conatu maximas nugas agere exploratum ha-

beat? quæ tandem deliciolis ejus causificatio est, quin simul quid Catholicis ex Burdonis libris objicitur, illi cum propter tantum inscitæ & stoliditatis, quantum jam modo deteximus, ne responso quidem ullo dignum arbitrentur, sed pastoritia fistula mentionem ejus exhibilare satis habeant? quod quidem qui magis faciant, aliud est Festo ejus paris inscitæ & audaciæ specimen lectorum oculis subicere hoc loco placet. Scripserat summus vir Antonius Augustinus, versus, quos Festus in voce *Topper* ex *Odyssæa* veteri recitat, senarios magis, quam Heroicos, ex eoque suspectos esse. Burdo ut in hoc quoque Augustinum præ se sanum esse oportere declaret, imperite ac velut in omni antiquitate hospitem censuisse insinuat, dum Livium Andronicum veteris *Odyssææ* scriptorem, Nævio antiquiorem, Hexametros versus scripsisse sensit. Verba ejus sunt: *Ita legenda verba Livii, quæ neque Senariis sunt, neque Livius aliis versibus Odyssæam vertit, quam Saturnio: tantum abest, ut debeant esse Hexametri, quod tamen videntur sentire doctissimi viri. nam ante Nævium nemo adhuc Hexametros latine scripserat, ne ipse Nævius quidem.* Hæc postrema nos obtusioris homines ingenii percipere non possumus, quomodo scilicet ne ipse quidem Nævius ante Nævium Hexametros scripserit. Verum aliquis ex pusionibus ejus, quibus ille in Batavis olim simul cum Lucilliana omnem Burdoniæ doctrinæ vim immulsit, facile nobis istud tam sæptuosum delicaverit. Nos interea tria in paucis verbis illis mendacia notabimus, quæ hominem antiquitatis turpiter imperitum arguant. Primo, Nævium Hexametros scripsisse negat. In hoc eum mentiri nullo negotio demonstrari potest. Priscianus enim lib. 10. huc ejus Hexametrum ex *Ilid.* 2. laudat *foecundo penetrat penitus thalamoque potitur.* Hunc verò Festus in voce *Sola* ex tertio ejus belli Punici: *Tarquinio dedit imperium, simul & sola regni.* Nonius in *Locos* istum ex sexto Punico: *Convenit regnum simul atque locos ut haberent.* Hunc autem ex Punicis Festus non expresso libri numero: *Summe deorum regnator quianam genus isti.* Ubi legendum suspicor, *Genuisti?* Partem verò Hexametri Isidorus: — *pulchramque ex auro vestemque citrosam.* Itaque quod Festus in voce *Saturnus* Bellum Punicum à Nævio Saturniis versibus scriptum ait,

de majore operis parte intelligi oportere vel ex istis planum fit: nam alicubi & Senarios Jambicos intexuit, qualis est, quem libro sexto Priscianus refert, ut *Decorem media Syllaba correpta positum prober*: *Magnamque domum decoremque ditem vexerant*. Deinde nec Livium Andronicum ullos Hexametros Epicos scripsisse Burdo contendit. At enim certa res est, libros ejus XVIII. quos *Romanidem*, vel *Annales Romanos* inscripserat, magna saltem ex parte Epos sive Heroicum poema fuisse. Hæc enim Diomedis libro tertio verba sunt: *Epos Latinum primus digne scripsit Livius, is qui res Romanas decem & octo complexus est libris, qui & Annales (quod singulorum fere annorum actus contineant, sicut publici Annales, quos Pontifices scribaque conficiunt) vel Romanis, quod Romanorum res gestas declarat &c.* Ex horum primo & secundo libro versus Feitus in *Quamde* recitat, quos ita legendos arbitror: *Iuppiter ut muro fretus mage, quamde manum vi. Et in secundo: Quamde tuas omnes legiones ac popularis.* Sed & Victorinus ac Terentianus Heroum versum cum subjectis Hexametris in ejus ex Livii Jone sic recitant:

*Et jam purpureo suras include cothurno,
Baltheus & revocet volucres in pectore sinus:
Pressaque jam gravida crepitent tibi terga pharetra.
Dirige odorisequos ad cæca cubilia canes.*

Josephus Burdo in Auson. lect. persuasum aliis cupit, non *Livium Andronicum*, sed *Levium* auctorem esse *Ionis*. Sed mentiri eum ex Terentiano discimus. Is enim perspicue ait poema esse *Livii veteris Græco cognomine*, hoc est, *Andronici*. Sic igitur secundum Burdonis mendacium satis luculente revictum arbitror. Tertium ejus mendacium est, *Odysseam Livii* nullo alio versuum genere, quam *Saturnio*, fuisse conscriptum. Priscianus enim hos indidem Hexametros laudat:

*At celer hasta volans perrumpit pectora ferro.
Inferus, an superus tibi fert Deus funera Vlysses.
Non etenim te sum oblitus Laërtie noster.
Cum socios nostros mandisset impiis cyclops.*

Ubi ne quis miretur in *Mandisset*, T produci, idem hoc versu Ennius fecit.

Omnia cura viris, uter esset induperator.

Sed quid verbis opus est, cum ipse se Burdo de hoc mentitum fateatur? Ait enim etiam Jambicos Senarios in Livii Odyssæa inveniri, qualis est, quem in *Nesfrendes* affert Festus: *Quem ego nesfrendem alui, lacteam immulgens opem.* Verumtamen non hac sine stant Burdonia flagitia. Aliud enim est reliquum, idque multo etiam deformius. Qui enim Grammaticorum principem omnisque antiquitatis condum & promum se proficitur, is adhuc ignorat, quod genus carminis fuerit Saturnium, quotque pedes habuerit. Nam hoc ipso loco tres hos versus ex ejusdem Livii Odyssæa petitos & Saturnios esse contendit:

*Namque neilum pejus mæcerat humanum,
Quamde mare sævum. Vires quoi sunt magna,
Topper confringent importuna unda.*

At enim vel puer non quidem ex doctis illis, quos muto Burdonius in Pimplæum montem enitens, Musarum choro una cum Crepundiis suis intulit, sed qui pervulgata modò Grammaticorum de versibus præcepta non ignoret, versus istos statim agnoscat esse Jambicos Senarios Catalecticos, quibus scilicet una in fine desit syllaba, cujus generis est Horatianus ille, *Trahuntque siccas machina carinas*, dum tamen in primo versu *Namque* per diæresin sit trium syllabarum, & in postremo diphthongus non elidatur. quid ergo? hos Saturnios esse Burdo persuasum habet? quid hunc hominem in bonis auctoribus legisse credas, qui Saturnium versum nesciat esse Jambicum Senarium Hypercatalectum, id est, in cujus extremo una syllaba redundet? qualis est iste Plauti: *Ut demonstrata sunt, hæc ades esse oportet.* Audiatur Asconius Pedianus, cujus in Cicer. Vertin. 2. verba sunt: *Antiquum Nævii est:* Fato Metelli Romæ fiunt consules. *Cui tunc Metellus consul iratus versus responderat Senario hypercatalecto, qui & Saturnius:* Dabunt malum Metelli Nævio poetæ. Hæc Asconius: quibus consentanea sunt, quæ lib. 3. Diomedes scribit. *Saturnium* (inquit) *in honorem Dei Nævius invenit addita una syllaba ad lambicum versum, sic:* Summas opes qui regum regias refregit. *Huic si demas ultimam syllabam, erit lambicus.* Eadem Victorinus, Terentianus, Plotius cæteri que Grammaticorum consensu tradiderunt, quanti ergo flagitii merito putabimus, hoc eum, qui perpetuus literarum dictator audiat, ignorasse, prorsusque domi suæ hospi-

hospitem fuisse? Nimirum insanivit, cum ista sic scriberet, sed nempe solemnia. quod ei non minus in Varrone suo usu venit, cum Gingivam nihil dentibus interesse, nihilque ab albo vel candido rufum colorem differre censuit, quod tu si minus credis, hem tibi ipsa cerriti hominis verba:

Apud Catullum ex Apulejo legi debet: Dentem atque rufam defricare gingivam. Rufam gingivam, id est, dentes, dicit habere Egnatium: quia eum colorem contraxerat ex lotii defricatione. Lotii verò color rursus est, maxime ὄρε παλαμωμίνε, ut vocat Strabo. Itaque quo plus rufam gingivam haberet, eo plus urina ebibisse videretur.

V des ejus opinione Egnatii gingivam, id est, dentes esse rufos, idque ex urinæ usu in dentibus defricandis. At enim gingiva illi perinde ut cæteris mortalibus à suffuso sanguine rubebat, cum dentes ab usu lotii albicarent. Sic enim ait: *Egnatius, quod candidos habet dentes, Renidet usque.* Quid jam? ecquid causæ est. quin me, quod his epistolis facturum me receperam, optima fide præstitisse, hoc est, Paradoxa nihilo Stoicis illis credibilia attulisse prædicer? Habes quippe, si numerum capere velis, sexdecim à Burdone:

1. Propertium fuisse Amerinum, non Mevaniensem.
2. Valles idem esse quod Colles.
3. Ameriam Mevania campis esse affinem seu contiguam.
4. Amerinos rectè dici Mevanates.
5. Alios esse Mevanates, alios Mevanienfes.
6. Clitumni fontem è lacu Vadimonis emitte.
7. Lacum Vadimonis esse in Umbria.
8. Aquam Vadimonis esse tepidam.
9. Navium nullos scripsisse versus Hexametros.
10. Livium Andronicum nullos scripsisse Hexametros.
11. Livii Odysseam nullo alio versuum genere, quam Saturnio, conscriptam fuisse.
12. Saturnium versum esse Iambicum Senarium catalecticum.
13. Gingivas nihil à dentibus differre.
14. Rufum colorem candido nihil interesse.
15. Dentes urina defricatos non albos, sed rufos fieri, quoniam ipsa urina ruffa sit, suorumque dentes colore tingat.

16. *Vrinam veterem esse, quod quisque minxit mane. De hac quippe Catullus loquitur, cum ea rursam Iberorum gingivam defricari ait.*

His duo à Batavis tuis accedunt :

1. *Qui hoc genus monstra ac portenta scribat esse principem literarum, esse per omnia diis, quam hominibus similiorem, esse Deum, esse ter maximum.*
2. *Quibus Burdonem virum officio atatis demereri, defunctum vero defensionis & prädicationis beneficio prosequi verecundia non fuit, viros bonos & honestos esse.*

A me tandem hoc addas licet :

*Cum Bauaria Scaligeri à Verona principibus oriundi, vulgo perhibiti fuerint esse Tricolei, ex eoque vernis passeribus falaciores : nullum Burdonis exoleto relinqui argumentum, quo eum verum Scaligerum & Principum eorumdem stirpem fuisse doceat, quam si & ipsum Tricleum fuisse fateatur. De hoc enim cum aliis, tum mihi ac lectoribus meis minimo negotio fidem fecerit. Aliis quidem, tamquam testis oculatus, qui ut plurimum crederet, utraque manu officiosissima Hellepontiaci numinis beneficia cum plausu & admiratione timidissima saepe tractaverit. Nobis autem, praesertimque in Italia viventibus, quoniam tanti stuporis sunt, de quibus velut acutissime exco-
gitatis usque eo sibi Burdonem placere demonstravimus, ut jam praeter illo, non Veronenses modo Scaligeri, sed ipsi etiam Bergomates Colei nullo pane numero esse videantur.*

Sed Paradoxon satis est. Tu vir praestantissime ride, & vale.

ALEXANDRO TASSONIO
Philosopho praclarissimo.

XIV.

Narro tibi, amicorum carissime. Magna cum voluptate tuorum Problematum librum subinde manibus verso, deque ingenio tuo sic variarum disciplinarum scientia exculto, atque polito & limato iudicio aetati nostrae gratulor. In primis autem me extrema libri illius tui pars oblectat, qua nostrorum temporum ingenia cum Graecorum & Romano-
rum

rum præstantissimo quoque contendis, quaque laude alteri alteros superent, distinctè disputas. De Grammaticis tamen dissimulare nequeo, minus me, quam ab illa ingenii tui festiuitate expectabam, inuenisse. Tibi scilicet satis fuit recentiores ejus artis professores antiquis illis pares facere, & scientiæ palmam non his magis, quam illis, adjudicare. At enim non sola eruditione & literarum notitia, sed & stoliditate Grammaticos censeretur solere nosti. Legisse enim te illud Athenæi oportet: *Exceptis medicis nihil Grammaticis esse stultius.* nec minus hoc alterum Sexti Empirici: *Maxime de artificio suo sibi placent seque magnifice jactant Grammatici: eos autem semper insectantur, qui sunt aliis ornati disciplinis, quasi illi ne communem quidem Græcorum morem & consuetudinem novissent: atque adeo, si quando in disputatione premantur, sæpe non inveniunt aliam evadendi rationem ad abstrahendos eos, cum quibus disputant, quam quod barbara sit ac solæxa eorum oratio. Videmus etiam Grammaticos, qui fere ne duo quidem verba dextre possunt contexere, velle unumquemque, ex antiquis, qui dicendi facultate & Græci sermonis proprietate plurimum valuerunt; ut Thucydidem, Platonem, Demosthenem, tanquam Barbaros reprehendere.* Hujus rei specimen passim in Servio invenias. Cum enim regulas Grammaticorum ratione nixas videri postulet, quæque loquendi genera cum regulis illis non satis consentiunt, ea usurpari, sive usurpatione, aut usurpative, hoc est, *usupotius, quam ratione* dici contendat, non ratò Virgilium, Horatium aliosque linguæ latinæ auctores locupletissimos quasi die dicta in crimen raptare non dubitat, velut ex iis, quæ subjiciam, apparebit. Virgilius *Æn. 5.* Cloanthum *utrasque palmas tendere* ait. Hoc Servius cum Carminio nota dignum censet. *Per naturam enim vitiosam esse hanc elocutionem, & si ve utramque palmam, si ve utrasque palmas dixerimus, esse in aliquo usurpationem.* Similiter quod *Æn. 2.* poëta dixit, *Ingens ara fuit, juxtaque veterissima laurus*, nulla ratione dictum, sed *usurpatum* censet, ubi & *Vetus*, seu *Veter* comparativum habere negat, cum tamen Priscianus in extrema Bacchidum Scena apud Plautum legat: *Senem illum tibi dedo veteriorem.* Et *Æn. 3.* *Terra hospita, usurpative* dictum censet, *qua enim in ES*

exeunt, Communia esse possunt: nam fœminina in *A*, non mittunt. Lucanus: *Hospes in externis auditur curia tectis*. Itaque nec Terentius satis Latine in Andria dixerit: *Propter hujusce hospita consuetudinem*. Ibidem & Plauto velut diem dicit, quod *usurpativè Pauperam* dicere ausus fuerit. Et Æn. 6. *Stabulant* à Virgilio *usurpativè posittum* ait, cum *latinum sit stabulor*, cui consequens est, ut nec Varro Latine sciverit, *cujus* 1. rei rust. 21. verba sunt: *Vt alienum pecus in suo fundo pascat ac stabulet*. Et Æneid. 3. adhæc poëtæ verba: *Lenis crepitans vocat Auster in altum*, censoriam notionem sic exercet: *Duo epitheta posuit vitiose*. Fecit autem hoc *improprie in decem versibus*. Ita nec Cicero non habebit, cur à Grammatici scutica metuat, quando cum persæpe bina aut plura adeo ejusdem rei epitheta posuisse scimus. Eodem libro ad illud, *Erigit eructans*, Horatio dicam impingit, qui *usurpativè* dixerit: *Hic dum sublimes versus ructatur*. Eundem solœcismi postulat in Æn. 2. quod *Pulchras clunes*, non *pulchros* dixerit. Et iterum in Æn. 3. quod contra regulam *Stirpes raptas*, non *raptos* protulerit. Ad hos etiam Virgilii versus Æn. 4. *Mepuer Ascanius, capitisque injuria cani, Quem regno Hesperia fraudo & fatalibus arvis*, hanc notam apponit: *Longe repetiit Quem, & non ad caput, sed ad Ascanium retulit. Et licet excusetur, tamen solœcophanes est*. Ejusdem in 1. Georg. verba sunt: *Suppelleæ usurpatum est, nam artis est hac suppellectilis*. Genitivus enim aut par debet esse nominativo, aut una syllaba major, ut *Musa, musa, Doctor, doctoris*. Si duabus majorem invenerimus, contra artem id esse manifestum est, ut *Anceps, princeps, & pauca alia*. Et in Georgic. 3. *Lea* dicit esse *usurpatum*. nam *Leana* esse *Gracum*. Latine autem dici *Hic & hac Leo*. Ergo Grammatici hujus judicio ipse Lucretius, quo nihil in omni Latio fuit Latinus, non satis Latine scripsit lib. 5. *Irritata lea jaciebant corpora saltu*. nec Ovidius *Metamor. 4. Vt lea sæva sitim multa compefcuit unda*. Tandem in principio Æneidos, ubi de hoc versu commentatur, *Italiam fato profugus Lavinæque venit Littora*, hoc modo suam reliquorumque Grammaticorum stoliditatem testatam facit: *Ars quidem hoc exigit, ut nominibus provinciarum præpositionem adjuvamus, civitatum nunquam*. Tamen hoc plerumque perverso ordine legitur, ut est hic, *Italiam venit, pro ad Italiam*. Tullius in Ver-

Verrinis : Ea die Verres ad Messanam venit , pro Messanam venit, *Sane sciendum est usurpari ab auctoribus, ut vel addant, vel detrahant prapositiones.* Usurpari est usurpative , & sine ratione contraque artis regulas dici. Fatetur ergo plerosque auctorum aliter loqui , ac regulæ Grammaticorum loquendum esse doceant. quod quidem nihil est aliud, quam aperte ferre, Regulas esse mendosas & fallaces, quique ex præscripto earum loquuntur aut scribunt , optimi cujusque auctoris, linguæ latinæ fore dissimillimos. Et has tamen regulas linguam latinam discere aventibus obtrudere non dubitarunt veteres Grammatici , ut quin stolidi ac dementes judicentur , neminem intercessurum putem. At enim recentiores hoc eis præstant , quod easdem regulas , quas illi stolidè commenti fuerant , ipsi approbant , & a linguæ tironibus memoriæ insigi postulant. Ut enim ipse in *Problematum tuorum παιγνίσια* lib. 6. cap. 17. luculenter evicisti, haud dubie major ejus est stultitia, qui quod alteri stulte in mentem venit, comprobât, quam qui ipse stulte quid comminiscitur. Est tamen & aliud quiddam , cujus nomine stultitiæ palma recentioribus debetur , quod pueros Grammaticæ præcepta prius discere postulant , quam illi linguam latinam , qua præcepta traduntur , intelligant. quo quidem haud scio quid magis absurdum & abhorrens excogitari possit. Veteres quidem certè artis magistri non nisi eos , qui jam Latine loquerentur , in disciplinam recipiebant. neque dubium habeo , si quis hodie Germanum hominem Hetruscum sermonem ex Pergamini vestri Grammatica , quæ tota Hetruscis verbis constat , discere jubeat , quin omnes ei sinciput minime sanum esse judicent , ejusque notæ magistrum ad agnatos & gentiles deducendum censeant. Bono itaque meo periculo Grammaticos nostros antiquis nec scientia artis inferiores , & stoliditate multis partibus priores pronunciare poteris. Hoc autem multo minore negotio aliis probaveris , si tibi concedatur , quod vel propter Aristotelis auctoritatem negari non debet , cujus generis maximum maximo alterius generis præstet , etiam illud genus alteri generi præstare: ut, si maximus vir maxima muliere major sit , omnino viri mulieribus majores censeantur. Jam Grammaticorum veterum quin multo maximus fuerit *M. Varro*, nemini paulum

modo humaniori dubium esse potest. Hunc enim ipse Cicero hominem omnium facile acutissimum & sine ulla dubitatione doctissimum, virum ingenio omnique doctrina præstantem & diligentissimum antiquitatis investigatorem prædicat, qui poëtis Romanis, omninoque Latinis & literis & verbis plurimum luminis attulerit. Hunc Quintilianus Romanorum eruditissimum, linguaque latina, & omnis antiquitatis peritissimum facetur. Recentiorum palmam omnium concessu Iosephus Burdosciliger sibi vindicat, genus Deorum, per omnia diis, quam hominibus similior, literarum Dictator perpetuus, aquila in nubibus, imo Deus, & quidem ter maximus, ad cuius aram supplices se literati abjiciunt; cuius numen si placatum habeant, iratas Musas nequaquam pertimescant. Sic videlicet Lipsius, Casaubonus, Acidalius, aliique literatores homini vanissimo acclamabant. Jam de togatorum illius doctissimi stoliditate voluminis res sit omnia, quæ ex libris ejus afferri possent, complecti, sed satis erit unius ea de re Burdosciligeri testimonium referre. Ejus in libro de re nummaria pag. 67. verba sunt: Illud mirum, veteres illos, cum dicerent *Mille nummum*, putasse tamen *nummum* esse casus quarti, hoc est, accusativi singularis. Nam ut omittam Nonium, qui in illis exemplis, quæ non pauca adducit, accusativum pro genitivo positum ait in *mille passum*, *mille nummum*, audiamus Varronem VIII. de lingua latina: Numeri, inquit, qui *as* non significant usque à quatuor ad centum, triplices habent formas quod dicuntur hi quatuor, *ha* quatuor, *hec* quatuor. Quum perventum est ad mille, quartum adsumit singulare neutrum, quod dicitur hoc mille denarium: à quo multitudinis fit millia denarium. Item infra: Si esset denarii in recto casu, atque infinitam multitudinem significaret, tunc in patrio denariorum dici oportebat: & non solum in denariis, victoriatis, drachmis, nummis, sed etiam in viris idem servari oportet, quum dicimus, *judicium fuisse triumvirum, decemvirum, non trium virorum, decem virorum*. Quis tam futilem sententiam in doctissimo togatorum non miretur? Vult enim, ut ex ejus verbis clarè colligitur, *mille drachmum* ita dictum, ut *drachmum* sit quartus casus singularis. Adeo hæc stulta opinio mentibus illorum veterum inoleverat, ut putarent *amphorarum, drachmarum* non posse dici conjunctim, *decem*

decem millia amphorarum, sed *decem millia amphorum*, in qua sententia fuit C. Julius Romanus vetustissimus & doctissimus magister, ut à Charisio vocatur. Quis hoc ferat in tanto Critico? quasi Lucilius non dixerit *scalprorum forcipiumque Millia viginti* — Et Plautus Trinum. act. 2. sc. 4. *Mille drachmarum Olympicum*. Hæc Josephus, qui addere poterat hoc Terentii Heaut *Huic drachmarum argenti hac mille dederat mutuum*: Josephi ergo judicio jocularis ista est Varronis stultitia, quod *Drachmum* & *Denarium* in *Mille drachmum*, & *Mille denarium*, quæ genitivi pluralis sunt, pro accusativis singularibus neutri generis habuit. At enim valde vereor, ne Varro ea in re fiat injuria: nam in Ingolstadtensi ejus editione fide optimarum membranarum, quibus Faernus usus fuerat, ita scriptum habemus: *Cum perventum est ad millenarium, adsumit singulare neutrum, quod dicitur Hoc mille, à quo multitudinis fit Millia*. Veruntamen sic quoque tenebrosus est Varronis locus, neq; facile quis, quid verba ejus sibi velint, expidiverit. Illud quidem satis planum est, in triplici eum errore fuisse, quorum nullus vel puero non sit pudendus. *Mille* scilicet nomen substantivum, & genere neutrum, & numero singulare esse credidit, idque propterea, quod id cum genitivo constructui videret. Legerat scilicet apud Plautum Milite: *Mille annorum vivunt. Habet mille modiorum auri*. Et Stich. *Velim mihi esse mille Modium argenti*. Hinc porro satis intelligebat *Modium* non esse accusativum singularem neutri generis, sed *Modium* pro *Modiorum* esse dictum, quod nihil dubito, quin etiam in *Denarium* & *Drachmarum* usu venire probe perspexerit. Sed tamen quoniam genitivum à nomine substantivo regi oportet, hos genitivos à nomine *Mille* regi existimans, *Mille* substantivum esse statuit. In quo quam turpiter ratio eum fugerit, hinc judicari poterit. Latine recte quæritur, *Quantum nummorum est in arca?* Sic scilicet passim legimus. Sed unum Catulli exemplum satis ei fidem fecerit: *Lugere ô Veneres Cupidinesque, Et quantum est hominum venustiorum*. Et hoc Juvenalis: *Quantum quisque sua nummorum possidet arca*. Jam in *Quantum* subauditur *Negotium*, quod idem significat ac *Res*, velut apud Græcos *χρημα* vel *πρᾶγμα*. Cum enim adjectivum & substantivum sint ex eo-

rum

rum censu, quæ *res* π, seu *Relata* dicuntur, ubicumque nomen Adjectivum est, inibi substantivum, cui adjiciatur, vel expressum, vel suppressum ac subaudiendum sit necesse est. Similiter igitur recte respondebitur: *Negotium* seu *Res mille nummorum* seu *nummum est in arca*. Atque hæc est plena & regulis artis consentanea oratio. Sed quoniam Romani compendia sermonis consuetudine confectabantur, sic factum est ut per Ellipsin figuratè dicerent *mille nummorum est in arca*, voce *Res* aut *Negotium* suppressa, quod ipsum in multis aliis usuveniebat. Verbi gratia: *Moris est*, *Hoc laboris magni est*, *Satis est auxilii*, *Parum est vini*; *Non nostra opis est*, *Non mihi opera est*. In quibus omnibus *Res* vel *Negotium* subauditur. Cum enim Genitivus omnis velut possessorem significet, cujus scilicet res est, ad substantivum nomen velut ad rem possessam referatur necesse est. Id enim Relatorum natura postulat. Est autem *Res moris* idem quod *Mos*, *Res laboris* quod labor, *Res auxilii*, quod auxilium, eodemque modo in cæteris, quod loquendi genus Latinos à Græcis mutuatos discretissimus Muretus in Variis lectionibus olim demonstravit. Ita Plauto Amphit. *Parva res voluptatum in vita*, est parva voluptas, pro quo & *Parum voluptatum*, seu *Parvum negotium voluptatum* dicere poterat. Similiter apud Phædrum cultissimum fabularum scriptorem legimus lib. 4. fab. 65. *Cum tentaret, si qua res esset cibi*, id est, si quis esset cibus, pro quo si dixisset, *si quid esset cibi*, *Negotium* suppressum esse intelligeremus. Non minus autem recte dixero, *Decem nummorum est in arca*, ut eodem modo *Res* vel *Negotium* subauditur. atque ita Paulum primi nominis Jurisconsultum loqui videmus, cujus verba sunt L. servum testamento Dig. de manumiss. testam. *Servum testamento ita manumisi: si juraverit se filio meo decem operarum daturum, liber esto*. Similiterque L. si peculium §. quædam. Dig. de Statu lib. *Cum decem operarum jussus est dare*, hoc est decem operas. Hac ratione & auctoritate satis defensum fuero, si mihi cognatum testamento decem talentorum reliquisse dicam. Rem porro in eo subaudiri, ex Terentio discamus licet, in cujus Phorm. act. 2. sc. 3. legimus: *Si cognatus talentum rem reliquisset decem, Progeniem vestram usque ab avo atq; aavo esset proferens*. Jam nemo tam

tam hebes futurus videretur, ut in hoc, *Reliquit mihi decem talentum*, *Decem* Substantivum nomen singularis numeri esse, & genitivum *Talentum* ab eo tamquam substantivo regi existimet. Satis quippe jam constat *Decem talentum* esse Syntaxin adjectivi nominis cum substantivo, Rectiorem verò genitivi non esse regularem, sed figuratam, id quod per Ellipsin nomen *Rem* aut *Negotium* suppressum sit, à quo genitivus regitur. Flagitiosus igitur Varronis error est, quod in *Mille hominum* vel *nummum* Syntaxin genitivi cum substantivo esse credidit, adeoque *mille* adjectivum plurale patrii casus esse non intellexit. *En cor Zenodoti, en jecur Cratesis!* Neque tamen non multo majoris sunt flagitii, quæ cum alias passim, tum in hac ipsa adversus Varronem disputatione illustrissimus ille & incomparabilis Burdo noster designavit. Primum enim quod Varroni prius stulte in mentem venerat, avidissime arripuit, ut ne scilicet stultitiæ priores alteri relinqueret. *Mille*, ait, *purum putum substantivum est ut χιλιάς Græcis*. Quod etsi ab Agellio quoque affirmatum, quam falsum absurdumque sit, satis jam demonstravi. nec quicquam in Lucillii versu momenti est: *Tis mihi nummum potes uno quærere centum*. Scimus enim quæ literarum E, & I, fuerit affinitas, quamque nulla poëtis, ut ne versum morarentur, alteram pro altera ponere religio. Non magis ergo aut novum aut inium videri debet, Lucillium *Milli* pro *Mille* posuisse, quam *Corpore* pro *Corpori*: *Sic facies facie præstat, sic corpore corpus*. Cujus exemplo Ovidius Fast. 6. *In qua par facies nobilitate fuit*. Mitto jam, quod Lucillium satis constat plus æquo sibi sumere & à publica consuetudine discedere fuisse solitum, quo nomine à Varrone & Quintiliano reprehenditur, ut qui *Meille*, *Mesilia*, *Meiles*, *Illei*, *puerei*, scribendum sibi duxerit. Deinde vero summa vi pugnat Burdo omninoque persuasum cupit omnibus, uti cum *Sesterium* in genitivo legimus, nos *Sestertia* legamus, dicamusque verbi gratia, *decem millia sestertia*, non *Sestertium*. quasi esset, *decem chiliades sestertia assium*, non *decem millia assium* seu *nummorum sestertiorum*. At enim Priscianus sibi Verrinas Ciceronis in antiquissima scriptura emendatis codicibus lectas fuisse, seque *Sestertium* pro *sestertiorum*, *Modium* pro *Modiorum* & *Medimnum* pro *Medimnorum* per Syn-

Syncopam scripta invenisse testatur. Hoc Priscianum dicere ipse quoque Burdo confitetur, sed quoniam, quæ in istis loquendi generibus sit syntaxeos ratio, non intelligit, ingenio utitur, & omnia auctorum loca interpolare ac depravare postulat. Verbi gratia Ciceronis in Verrina 3. de Frumento numero 58. verba sunt: *Facta est sponsio sestertium quinque millium*. quo loco Burdo extremam vocem *millium* inducit, quod in voce *Sestertium* ea subaudiatur, ut idem sit *Quinque sestertia*, & *quinque millia sestertia*, quo tamen modo nemo veterum locutus est. Etsi enim *Sestertia*, in plurali Adjectivum est, natura sua, usu tamen factum est Substantivum, sicut *Patria*, cum adjectivum sit, in quo *Terra* subauditur, usus tamen Substantivum fecit, ut alii adjectivo subjici vel substare possit, quod fit, cum dicitur, *Neapolis mihi materna patria est*. Similiter *Sestertia quinque* substantive usurpantur, ad significanda totidem minæ sestertiæ pondera, quæ conficiunt 125. aureos sive scutatos, cum unumquodque Minæ pondus valeat decem aureis seu centum denariis, aut Juliis Romanis, vel Regalibus Hispanicis: ex quo *Sestertium mina pondus* (quod per ellipsin *Sestertium* dicitur) 25. aureos, seu 250. denarios, hoc est, mille nummos, sive asses, sestertios valere omnes intelligunt. Non ergo Cicero *quinque millia sestertia* dixit, sed *Sestertium* sive *Sestertiorum nummorum*, hoc est, *Assum semitertiorum*, qui duos scilicet asses & semissem valent, qui Romanis hodie *dimidii grossi*, Germanis *Drit halb creuzer* vocantur, Denario scilicet pro denis crucigeris accepto. Itā mox Cicero numero 60. de eadem summa verba faciens: *Cogit Scandilium quinque illa millia nummum dare*. Et iterum: *Cogit Scandilium Apronio Sestertium quinque millia mercedis dare*. Ejusdem 2. Ver. de Jurisdictione num. 19. verba sunt: *Sestertium ducenta quinquaginta millia jussu pratoris data*. Et mox: *Numerantur illa sestertia ducenta quinquaginta Syracusanis*. Simili modo 5. famil. epist. 20. *centum millia sestertium*, & *centum sestertia* indiscriminatim dicit. Unde planum fit, idem esse *Quinque sestertia*, & *quinque millia sestertium*, sive *nummorum sestertiorum*. Neque quicquam negotii nobis exhibere debet, quod est apud Horatium: *Accipit & bis dena super sestertia nummum*: nam ibi *Sestertia* non adjective positum est, nec

nec in eo *Millia* subauditur, sed velut de *Patria* dixi, naturam Substantivi induit, adeoque genitivum regit, quomodo *Culmen tecti* recte dixeris, etsi *Tectum* natura sit adjectivum, in quo *Culmen* subauditur, quæ ipsa in multis aliis est ratio, ut *Iusta funeris*, *Nemo homo* vel *hominum*, *Liber tertius Annalium*, *Altum maris*, *Locum æstivorum*, in quibus omnibus ejusdem nominis substantivi genitivus regitur ab adjectivo, in quo subaudiebatur. Sed nec Charisii quicquam nos movere debet sententia, negantis recte dici *Quinquaginta sestertium*, vel *Centies nummum*, cum tamen *quinquaginta sestertia*, & *centies sestertiū*, recte dici agnoscat. Primum enim in aliis quoque alucinatum eum videmus, quale est, quod *ostrea* neutri plurale esse negat, cum Lucillius perspicue dixerit, *Luna alit ostrea & implet echinos*. Ita *Pervigiliam* dicendum contendit, cum *Pervigilium* in Catulliani trochaici inscriptione & apud Livium, Suetonium, Tacitum & Petronium habeamus. *Favitor* quoque pro *Fautor* nec auctoritate nec ratione dici affirmat, cum eo Plautus *Amphit.* & Lucillius apud Nonium utantur. Horum similia multo plura afferri possent, sed vel ista satis sunt, ut ne quid ei temere credamus. Deinde habemus Livii locum lib. 40. *Sestertium nummum quater & vices ab iis est exactum*. Ubi ridicule Burdo ꝛ Nummum tolli jubet, quia Charisius neget recte dici *Vices nummum*: nam causæ nihil est cur Charisio potius, quam Livio credatur, & ad Syntaxin nihil prorsus refert, sive *Vices nummum*, sive *Vices sestertium* dicas, cum uterque genitivus pluralis sit, & alter cum altero semper intelligatur; pendeatque à Substantivo, quod per ellipsin subicitur. Integra enim oratio secundum regulas est: *Quater & vices centena millia nummorum sestertium sunt ab iis exacta*, & per Syllepsin numeri, *est ab iis exactum*. Rem ita se habere docet Cicero, qui Dionem modò *decies sestertium*, modo *decies centena millia sestertium* *Verrinumerasse* ait, ut in *Decies*, *Vices*, *Centies*, semper *Centena millia* subaudienda intelligamus, adeoque nihil in hoc Capitolini loco mutari debet: *Omne convivium æstimatum dicitur sexagies centenis millibus sestertium*; quod quivis non indoctus 150. millia aureorum seu Philippeorum esse intelligit, cum *decies* Plutarcho teste sit 25. myriades drachmarum, sive 227. millia denariorum. Sic neque in Vel-

leji loco de Curione quicquam mutandum est : *Simulatione contra Pompeium & Casarem, sed animo pro Casare stetit. Id gratis, an accepto centies sestertium fecerit, ut accepimus, in medio relinquemus.* Nam eodem modo Cicero dixerat : *Multorum tabulis satisfactum vobis est, Sestertium decies numeratum esse.* Et si ibi legi quoque potest, quomodo in nonnullis libris scriptis exstat, *numerata esse.* Utrovis enim modo integra oratio erit siue dicas, *Negotium decies centenorum millium sestertiorum esse numeratum* : siue, *Decies centena millia sestertiorum esse numerata.* Hanc Syntaxeos rationem quod non intellexeret Burdo, ista loquendi genera *barbara* esse pronunciare, & viginti quatuor auctorum loca interpolare ausus est, ut quintultitiæ ptiores ferat, nihil te intercessurum arbitret. quem in eo quoque fugit ratio, quod hunc Livii locum lib. 38. corrigendum censuit : *De pecunia summa, quam penderent Romanis Ætoli, nihil ex eo, quod cum Consule convenerat, mutatum: pro argento si aurum dare mallerent, convenit, dum pro argenteis decem aureus unus valeret.* Contendit enim barbarismum esse *Aureus valet pro decem argenteis*, ac propterea præpositionem inducendam. Ratio ejus est, quia *Plinius soleat præpositionem omittere.* Itaque si huic Grammaticorum principi dicto audientes simus, quicquid Cicero, Cæsar, Livius, alii aliter quam Plinius dixerunt, barbarum judicare nos oportebit. Atqui ephebus quivis, qui nostra Grammatices præcepta cognoverit, omnem ablativum ab aliqua præpositionum siue expressa, siue suppleta regi intelligit, adeoque æque Livium ac Plinium Latine locutum defendet: Plinium quidem Syntaxi irregulari, seu figurata, ut qui præpositionem constructioni necessariam per ellipsin subticuerit, Livium vero regulari, ut qui eam expresserit, quemadmodum & Seneca fecit lib. 7. de beneficiis cap. 15. *Non semper numero numerus æquandus est. aliquando una res pro duabus valet.* Sed ad Mille Sestertium & Decies Sestertium redeo, quæ ut per Genitivum pluralem efferri fiat manifestius, notat Priscianus à Tullio in Frumentaria Verrina dictum : *Sed tritici septies medimnum ex Nymphonis arationibus tollit.* aitque *Medimnum* esse Medimnorum. Burdo fatetur subaudiri *centena millia*, & nihilominus *Medimnum* esse adjectivum pugnat, quæ jam ejus notæ est non stultitia, sed insania,

ut ellebori jugere, vel dicam omni Anticyra perfanari nequeat, quid homini putas esse reliquum, nisi ut *Talentum* quoque dicat esse Adjectivum? quippeni? cum prorsum ad exemplum Sestertii dicatur *Mille Talentum*, *Decies centum millia talentum*. Valerius Maximus lib. 6. cap. 4. *Dario filiam in matrimonium cum decies centum millibus talentum pollicente*. Nec tamen hætenus tantum Burdonis delirat acumen. Monet enim nos, ut observemus, Latine quoque dici solitum *Ducentum millia* & *Sexcentum millia*, pro ducenta & sexcenta. Quomodo si denum annorum puer locutus fuisset, certo, non arbitrario vapulasset. Et tamen Lucillii versibus, ut nobis persuadeat, utitur. Sed eos minime bona fide, nec ut à Nonio laudati sunt, recitat. Verba enim Nonii sunt: *Sexcentum pro sexcentorum. Lucillius: Maximus si argenti sexcentum ac mille reliquit. Idem: Quid vero est, centum ac ducentum possideas si Millium?* Hic videmus prioris versus sententiam esse: Maximus si rem mille ac sexcentorum numorum argenti reliquit. Posterioris autem: *Quid magni est, si rem centum ac ducentorum millium nummorum possideas?* Ubi ergo sunt *ducentum millia*, & *sexcentum millia*, quæ Burdo nobis obtrudit? Tertius Lucillii versus est iste: *Millia ducentum frumenti tolle modicum, Vini mille cadum*. Sed in eo legendum *Millia tu centum*, nemini non obesæ naris statim suboleat, ut sensus sit: Tu tolle negotium mille cadorum vini, & centum millium modicorum frumenti. Sed neque non secunda intelligentium voluntate in superiore versu scriptum quis fuisse censeat: *Centum atque ducentum possideas si*. Eadem scilicet opera & legi pedariæ satisfiet, nec solæcismi poëta insimulari poterit. Et dubitamus adhuc, quin ex facili lectoribus libri tui probaturus sis, quæcumque in veterum Grammaticorum stultitiam dici possunt, ea longe recentiorum fatuitatem exsuperare? Vale Italix lumen, meque mutue amare perge. Mediolano Calend. Majis anni M. DC. XXVIII.

ALBERICO ET CAROLO SEPTALIIS

Mediolanensibus.

XV.

Nihil mirum est, idem ipsum vobis, nobilissimi juvenes, quod aliis plurimis in legendis linguæ latinæ auctoribus usufruere, ut permolesta vobis accidat rei nummariz, qua Romani & Græci utebantur, ratio. Sed ea molestia non magno negotio liberabimini, si hominum doctorum ea de re Syntagma, quæ postremum exierunt, consulere volueritis, præcipueque *Petri Ciacconii Tolletani*, summi in omni disciplinarum genere viri, edita Romæ opuscula, & *Andrea Schotti* rei nummariz tabulas Antuerpianis typis descriptas, quos libros non dubito, quin ornatissima patris vestri bibliotheca contineat. Is enim cum Peripateticorum philosophorum & Medicorum ætatis nostræ familiam ducat, nec humanitatis studia fastidit, quod alii solent, sed quoties à graviorum curarum severitate laxare animum cupit, ad amœnitates istas divertere consuevit, eaque re vix ullo librorum carere animum inducit, quem ad veterum scriptorum intelligentiam momentum aliquod facere intellexerit. Sed quoniam Schottus *Manutios* & *Ciacconium* sequendos sibi putavit, egoque *Fulvium Ursinum* & *Iustum Lipsium*, rectius Sestertia & Talenta ad hodiernum Romanæ monetæ usum revocasse arbitror, rem minimè vobis ingratam facturus mihi visus sum, si novas vobis tabulas conficerem, quarum inspectione dubium omne, si quod vobis inter legendum auctores objiciatur, discutere possitis. Eas ergo vobis nunc mitto, ut me officiorum, quibus me sibi ac vobis pater vester devinxit, memoriam conservare intelligatis. Verum hoc vos præmonitos velim, non eadem semper significatione Nummi vocem in auctoribus usurpari. Alias enim *Denarium* significat argenti, qui est decem assium, cui par est pretium Julii Romani & Regalis Castellæ. Sic Terent. Heaut. act. 3. sc. 3. *Mille drachmarum* & *Mille nummum* indifferenter pro mille denariis dixit,

dixit, qui & *Nummi argenti* dicuntur, ut Plaut. Pseud. *Nummum nusquam reperire argenti queo*. Et Mostel. *Locare argenti nemini nummum queo*. Alias *Nummus* significat *Drachmam auri*, seu decem denarios argenteos, qui Romæ hodie *Scutatus moneta* vocatur, decem puta Juliorum, quem vos Mediolani Ducatonem dicitis, Germani Talerum Philippeum. Livius lib.38. *Dum pro argenteis decem aureus unus vleret*, subaudi Nummis. Plaut. Rud. *Nummi octingenti aurei in marsupio infuerunt*. Idem Persa: *Sexcenti nummi quid agunt?* aurei puta, quos aliter ibidem vocat *Sexaginta minas*, id est, sexcentæ drachmæ auri, sive 600. scutati vel ducatonem aut philippi. Et hic est *Nummus auri*. Absolute tamen cum *Aureus* dicitur, nummus auri sestertius intelligitur, qui valet. 25. denarios argenti sive Julios. Alius *Nummus* pro *didrachmo* accipitur seu duobus denariis argenti, ut Ciacconius notat in hoc Plauti loco Trucul. act.2. sc.7.

Nam jam de hoc obsonio de mina deminui modo quinque Nummos: mihi detraxi partem Herculanæam

Josephus Burdo, qui turpe sibi putaret aliquid à Ciacconio discere, quem tamen multo se doctiorem esse facile intelligebat, quinque nummos interpretatur totidem drachmas auri, sive 50. denarios, quod ea sit Herculanæa seu decima pars de quinque minis seu 500. drachmis. At enim servus non de quinque minis, quas meretrici ferre jussus erat, sed de una illa mina, qua obsonaverat, quinque se nummos ait detraxisse: quoniam decima Minæ pars sunt, decem denarii sint oportet, ex quo nummum duobus denariis hic valere apparet. Alias *Nummus* significat *Assen*, qui est nummus æreus penditque libram æris, ex quo & *Assipondius*, & *Assarius* dicebatur, voce *Nummus* per ellipsin suppressa. Aliter & *Libella* dicitur, Romanis hodie *Bajoccus*, Germanis *Ein creuzer* seu cruciger aut cruciatus, si philippeus centum cruciatis æstimetur. Hinc *Dupondius* est *As* vel *Assis* duorum ponderum, seu duarum librarum, hoc est, duo asses, pro quo *Bini aris* dicebant, ut subaudiretur *Nummi*. Sic *Tressis*, id est, tres asses, terni æris: *Quartussis*, *quinquessis*, *sextussis*, *septussis*, *octussis*, *nonussis*, *decussis*, *viceissis*, *triceissis*, *centussis*, sive quatuor æris, quini æris, seni æris, septeni æris, noveni æris, deni æris, vicieni æris, triceni

æris, centeni æris, pro quatuor, quinque &c. centum asses. *Mille aris, mille assium, mille assariorum, & centum millia assium*, vel *centum millia aris*, subaudi nummum aut nummorum. Est autem *res mille aris* idem quod mille scutari, vel ducatonem, vel philippi. Tandem *Nummus* plerumque significat *Sestertium*, id est, quartam denarii partem, qui Romæ *dimidius grossus* vocatur, qui valet duos asses & semissem, adeoque hac nota insignitur II S. quod est Asses duo & semis seu dimidius, aut L L S. id est, duæ libellæ æris & semis. Dicitur *Sestertius nummus* quasi as semitertius. Sæpe autem tam *Sestertius*, quam *Nummus*, in proferenda pecuniæ summa subicitur, adeoque indiscriminatim dicitur: Debet mihi quinque millia nummum sestertium, & Debet mihi quinque millia nummum, & Debet mihi quinque millia. Sed *Sestertium* neutro genere significat summam mille nummorum sestertiorum, quæ facit 25. scutatos, philippeos aut ducatonem. Est autem nomen adjectivum, in quo substantivum aliquod necessario subauditur. Et quoniam Charisii monitum est: *In adjectivis absolutè positis subaudiendum, quod quisque voluerit*, modo scilicet sensui exprimendo ineptum non sit: propterea mihi, dum alii melius quid inveniant, *Pondus mina* subintelligere placet. Cum enim Minæ pondus pendat decem scutatos, sive centum denarios, vel regales, vel Julios: duo minæ pondera conficiunt ducentos denarios, seu 20. scutatos. Ita minæ pondera duo & semis, sive pondus minæ sestertium summam 250. denariorum sive scutatorum 25. conficiet. Cæterum de nodo illo, quem ex Plauti Rudente Burdo affert, ubi Talentum magnum mille ducentis nummis seu scutatis valet, aliud quod dicam non habeo, nisi videndum esse, alia ne Cyrenis, ubi ea fabula agi fingitur, rei nummarie ratio fuerit, ut scilicet nummus auri non nisi dimidium ejus, quod alibi valebat, Cyrenis valuerit. Nunc, si vobis libet, nostras porro Tabulas inspicite ac valete.

TABULA I.

Sestertii Nummi.

Sestertius

1	Valer asses seu bajoccos	2	$\frac{1}{2}$	
2		5		
3		7	$\frac{1}{2}$	
4	—————	10		id est Denarium, seu Iulium, seu Regalem.
5		12	$\frac{1}{2}$	
6		15		
7		17	$\frac{1}{2}$	
8	—————	20		id est duos denarios, seu Iulios, seu regales.
9		22	$\frac{1}{2}$	
10		25		
20		50		
30		75		
40	—————	100		id est, decem denarios, sive unum scutatum aut Ducatonem, aut Philippeum.
50		125		
60		150		
70		175		
80	—————	200		id est, 20. denarios seu duos scutatos. (Romanum.
90		225		
100		250		id est, 25. denarios, sive Aurei
200		500		sive 5. scut. ducat. philippeos.
300		750		sive scutatos 7. & dimidium.
400	—————	1000		id est decem scutatos.
500		1250		id est scut. 12. & dimidium.
600		1500		id est scutatos 15.
700		1750		id est scut. 17. & dimidium.
800	—————	2000		id est scutatos 20.
900		2250		id est, scut. 20. & dimidium.
1000		2500		id est scutatos 25.

TABULA II.

SESTERTIA.

Sestertia duo, vel duo sestertia num-
mum, vel duo millia nummum,
vel duo millia sestertium

2	valent scutatos	50	
3		75	
4		100	
5		125	
6		150	
7		175	
8	—————	200	
9		225	
10		250	
20		500	
30		750	
40	—————	1000	
50		1250	
60		1500	
70		1750	
80	—————	2000	
90		2250	
100		2500	— Hoc sic effertur, Debet mihi centum, debet centum sestertia, debet centum millia sestertium.
200		5000	
300		7500	
400	—————	10000	— Debet quadringenta, debet quadringenta nummum, de- bet quadringenta millia se- stertium.
500		12500	
600		15000	
700		17500	
800	—————	20000	
900		22500	
1000		25000	

T A B U L A III.

Decies Sestertium &c.

Cum Adverbiis semper subauditur Centena millia, & in Sestertium subauditur Nummum seu Nummorum.

Decies, vel Decies sestertium, vel decies centena millia HS, vel mille sestertia valet scut. millia 25.

Undecies valet scut. seu ducatonum millia 27 & 500.

Duodecies *millia* 30

Tredecies 32 & 500

Quaterdecies 35

Quindecies 37 & 500

Sedecies 40

Decies septies 42 & 500

Decies octies 45

Decies novies 47 & 500

Vicies, vel Vicies HS. 50

Tricies 75

Quadrages 100 *Germanis dicitur Tonna.*

Quinquages 125

Sexages 150

Septuages 175

Octoges 200 *Germanis dua Tonna.*

Nonages 225

CENTIES, vel Centies HS. 250

Ducenties 500 *Quinq; Tonna. Dimidius Mil-*

Trecenties 750 *lio Italis.*

Quadragesies 1000 *Italis Millio. Germ. Decem*

Quingies 1250 *Tonna.*

Sexcenties 1500 *Millio unus & semis.*

Septingies 1750

Octingies 2000 *Milliones duo, viginti Tonna.*

Nongies 2250

MILLIES HS. 2500 *Milliones 2 $\frac{1}{2}$ Tonna 25.*

Millies decies 2525 *Million. duo, & millia 525.*

Millies centies 2750 *Milliones duo & millia 750.*

Bis millies *Milliones quinque.*

Bis millies centies *Milliones quinque & millia 250.*

Tres millies *Milliones septem & dimidius.*

Quater millies HS. *Milliones decem.*

T A B U L A I V.

Drachmæ seu Denarii.

*Drachma una sive Denarius unus valet decem assibus seu bajocis, seu cruciatis, qui sunt quatuor nummi sestertii.**Drachma seu Denarii*

10. valent aureum, seu scutum, seu ducatonem aut talerum philippeum

10	1
20	2
30	3
40	4
50	5
60	6
70	7
80	8
90	9

100 Et hi valent Minam.

T A B U L A V.

Mina.

*Mina valet centum drachmas seu denarios, sive decem scutatos, ducatonem, philippeos.**Mina*

2	valent scutatos, seu ducato-	20
3	nes aut philippeos	30
4		40
5		50
6		60
7		70
8		80
9		90
10		100
20		200
30		300
40		400
50		500
60		600

Et ha valent Talentum.

T A.

T A B U L A VI.

Talentum.

*Talentum valet Sexaginta minas, sive 600. scutatos,
philippeos, ducatonos.*

Talenta

2 valent scutatos, philippeos, ducatonos	1200
3	1800
4	2400
5	3000
6	3600
7	4200
8	4800
9	5400
10	6000
20	12000
30	18000
40	24000
50	30000
60	36000
70	42000
80	48000
90	54000
100	60000
200	120000
300	180000
400	240000
500	300000
600	360000
700	420000
800	480000
900	540000
1000	600000

*Syllabus Auctorum lingua Latina
Ætatis Auræ.*

M Arc. Tullius Cicero, editus à Petro Victorio, Paulo Manutio, Dionysio Lambino, Jano Grutero, Alexandro Scoto. Ejus editiones Venetæ recentiores flammis aboleri debebant, cruce vero figi Typographis, ut documento sint aliis, ne tam improbo furto emtores argento emungere & depeculari audeant. Senatui certe Veneto curæ esse oportebat, ne istæ Typographorum fraudes tam deformem Veneto nomini maculam impune imprimant.

Plauti Comædiæ editæ à Plantino & Raphelengio & postremum à Friderico Taubmanno cum magni ponderis & oneris commentario.

Terentii Comædiæ editæ à Gabriële Faerno & M. Ant. Mureto. In eas commentarii Donati & Eugraphii veterum Grammaticorum editi sunt Lutetiæ Parisiorum.

In Terentium Index Augustini Gambarelli editus est Bergomi.

Ennii fragmenta omnia cum commentario Hieron. Columnæ edita sunt Neapoli: Annales cum Pauli Merulæ Comment. Lugduni Batavorum.

Lucillii fragmenta edidit Franciscus Dusa Lugduni Batav.

Fragmenta veterum poëtarum Latinorum edidit Henricus Stephanus.

Fragmenta Historicorum Latinorum collecta ab Antonio Augustino una cum Fulvii Ursini notis edidit Plantinus.

Catonis opera à se collecta & restituta edidit Ausonius Pompa Lugduni Batavor.

Lucretii poëmata cum Lambini comment. edita Paris. & Francofurti.

Lucretium cum Oberti Gifanii Indice edidit Plantin. & Rapheleng.

Cæsaris opera cum variorum notis edita Francofurti.

Cornelius Nepos (male vulgo Æmilius Probus) cum Savaronis notis editus Lutetiæ, & cum Lambini, Schotti, aliorumque comment. Francofurti.

Catul-

Catullus, Tibullus, Propertius editi à Plantino & Rapheleng. & cum variorum comment. Francofurti.

In Propertium commentarius Johannis Passeratii, quo numquam quicquam visum fuit perfectius, editus Parisiis.

Varronis opera omnia cum suis notis edidit Aufonius Pompa Lugduni Batavor. Eadem cum Antonii Augustini, Jos. Scalig. & Pet. Victorii notis Lutetiæ.

Varronis libros de lingua latina infinitis locis emendatos edidit Gaspar Scioppius Ingolstadtij anno 1605.

Virgilij opera cum commentario Servij ex bibliotheca Petri Danielis & Gasp. Scioppij edita Parisiis anno 1600.

In Virgilium vastæ molis commentarios ediderunt Iacobus Pontanus & Ludovicus Cerda Jesuitæ.

Horatium edidit Muretus, Xelander, Cruquius, Heinsius, & cum commentar. Lambinus & Marcius, cum Paraphrasi Frideric. Cerutus.

Sallustii opera cum variorum notis & comment. edidit Gruterus Francofurti, & Raphelengius Lugd. Batavor.

Livii opera cum variorum notis Franciscus Modius Francofurti edidit, sine notis Gruterus ibidem, sed ea editio parum respondit Gruteri voto, neque est ex lectorum usu, cum typographus typis obsoletis & evanescentibus usus fuerit, operæ verò frequentius oscitaverint.

Catalecta Virgilii & poetarum edidit Parisiis Petrus Pirthæus anno 1590. & cum Josephi Scaligeri suisque notis Frideric. Lindebrugijs Lugduni Batavor. 1595.

Vitruvium de Architectura cum comment. edidit Daniel Barbarus Venetiis anno 1567. ubi & anno 1557. editæ sunt annotationes in eundem Guilielmi Philandri.

Bernardinus Baldus Urbinas de Vitruvianorum verborum significatione eruditissimum Commentarium edidit Augustæ Vindel. 1612.

Ætatis Argentea.

Ovidii opera cum commentariis variorum Francofurti. In ejus Metamorphosin, Tristia, & de Ponto comment. edidit Pontanus Jesuita.

Vellejus Paterculus editus à Lipsio, Acidalio, aliis.

Vale-

Valerius Maximus editus à Pighio , Lipsio , Colero.

Curtii historiam edidit Modius , & Acidalius , cumque commentario suo Matthæus Raderus Jesuita.

Dicys Cretensis de bello Trojano cum Merceri notis Lutetia.

Cornelius Celsus de re medica.

Phædri Augutti liberti fabulas Æsopicas edidit Rigaltius Parisiis.

C. Julii Hygini Mythologica & Astronomica edidit Comelinus.

Asconius Pedianus in orationes Ciceronis editus à Manut. & Hotoman.

Senecæ Rhetoris & Senecæ Philosophi opera cum variorum notis edita Parisiis & Lugduni Bat.

Senecæ Tragœdias cum comment. edidit Delrius Jesuita.

Persius cum Vineti , Pithœi , Marcilii notis editus Parisiis, cum paraphrasi Friderici Ceruti Veronæ , cum comment. Casauboni Paris.

Lucanus cum comment. Basileæ.

Columella cum Catone , Varrone & Palladio de re rustica cum Fulvii Ursini notis editus à Comelino 1593.

Pomponius Mela & Julius Solinus à Schotto Jesuita editus Antverp.

Manilii Astronomica edita cum comment. Jos. Scalig. Paris. & Lugduni Bat.

Quintiliani Patris Declamationes editæ à Pithœo apud Comelin.

Ætatis Æneæ.

Quintiliani Oratoriæ Institutiones editæ Paris. & Lugdun.

Plinii majoris Historiam edidit Jacobus Dalecampius.

Plinii minoris epistolas & Panegyricum edidit Casaubonus.

Suetonium edidit Beroaldus , Torrentius , Casaubonus.

Tacitum cum variorum notis edidit Gruterus.

Flori historiam cum variorum notis edidit Comelinus.

Frontinum de Aquæductibus & Colonis edidit Onuphrius Panuinius. Ejusdem Stratagemata edita sunt cum Vegetio.

Statii poemata cum veterum & recentiorum notis edita sunt Parisiis.

Valc-

Valerium Flaccum edidit Ludovic. Carrio.

Silium Italicum doctissimus puer Daniel Heinſius una cum crepundiis ſuis edidit Lugduni Batavor.

Solinus una cum Mela editus eſt à Schotto.

Martialem cum Indice & comment. editum habemus Pariſiis , in eumque commentaria & notæ exſtant Raderi, Ramiſſii, Gruſteri, Sriverii, aliorum.

Juvenalis cum Comment. & notis variorum editus eſt Pariſiis , & cum paraphraſi Friderici Ceruti Auguſtæ Vindel.

Ætatis Ferrea.

Agellii (vulgo Auli Gellii) noctes Atticæ editæ ab H. Stephano Lutetiæ Pariſiorum.

Juſtini Hiſtoria ex Trogo Pompejo , edita à Jac. Bongarſio.

Apulejus à Vulcanio editus Lugduni Batavor. cum comment. Beroaldi & notis Stevechii Baſileæ cum Petri Colvii notis Lugd. Bat. in eum Symbola Critica Gaſp. Scioppii Auguſtæ Vindel.

Vegetius de re militari cum comment. Stevechii.

Ejuſdem de re veterinaria ſeu Mulomedicina edita à Sambuco.

Aurelii Viſtoris hiſtoria edita ab And. Schotto Jeſuita. Rhetores antiqui Latini editi à Petro Pirhæo , quorum Rutilius eſt Quinctiliano antiquior.

Hiſtoriæ auguſtæ ſcriptores Spartianus , Lampridius , Trebellius Pollio, Capitolinus, Vulcatius & Vopifcus cum doctiſſimis Caſauboni & Claudii Salmaſii comment.

Panegyrici duodecim à Gruſtero , Acidalio & Ritthershuſio recogniti.

Cenſorinus de die natali editus ab Aldo Manutio.

Apicius de re culinaria cum notis Tigruri.

Auſonius cum Eliæ Vineti comment. & notis Joſ. Scaligeri.

Claudianus cum notis Delrii.

Gratii & Nemeſiani poëmata cum notis edidit Robertus Titius.

Ammianus Marcellinus editus à Lindebrugio Hamburgi.

Julii Obſequentis de Prodigiiis Lugduni.

Mar:

Martianus Capella cum Hugonis Grotii notis.

Q. Sereni Sammonici carmen , Rutilii Itinerarium & Symposii Ænigmata exstant inter Poëmata vetera edita Parisiis 1590.

Auctores finium regundorum à Nic. Rigaltio editi Paris. qui de singulorum ætate in præfatione monet.

Inscriptionum antiquarum volumen ingens edidit Janus Gruterus.

F I N I S.

